



UAN


IDAD AUTÓNOMA DE NUEV  
CCIÓN GENERAL DE BIBLIOTEC





1080020687

ALERE FLAMMAM  
VERITATIS



UANL

UNIVERSIDAD AUTÓNOMA DE NUEVO LEÓN

®

DIRECCIÓN GENERAL DE BIBLIOTECAS



EPISTOLÆ  
DIVI  
HIERONYMI.

UNIVERSIDAD AUTÓNOMA DE NUEVO LEÓN®  
DIRECCIÓN GENERAL DE BIBLIOTECAS



# DIVI HIERONYMI STRIDONENSIS

EPISTOLÆ ALIQUOT SELECTÆ,  
in adolescentium usum litteras Latinas  
audientium.

NUNC MENDIS, NONNULISQUE  
vocibus sermoni Latino suspectis expurgatae  
à D. Enrico Cruz Herrera qui olim Philosophiae,  
ac Sacre Theologie in Oveti Universitate  
operam navavit, & nunc humaniorum  
litterarum Professore.

UNIVERSIDAD DE NUEVO LEÓN  
Biblioteca General y Científica

SUPERIORUM PERMISSU:

MATRITI: MDCCXCII.

EX TYPOGRAPHIA BLASII ROMAN.

Sumptibus Regiae Typographorum & Biblio-  
polarum societatis.

44628

UNIVERSIDAD AUTÓNOMA DE NUEVO LEÓN

DIRECCION GENERAL DE BIBLIOTECAS Y DOCUMENTACION  
Centro Universitario

250

BR1720

5

# HIERONYMI

Singula argumenta singulis epistolis brevissimè cujuslibet sensum explicantia sunt apposita. Additæ sunt Epistolæ Hieronymi ad Assellam, ad Theodoram, & ad Paulam. Selectæ sunt etiam utilissimæ quædam sententiae ex Epistolis ipsius D. Hieronymi excerptæ.



FONDO E. M. VALVERDE Y TELLEZ

858

## VITA DIVI HIERONYMI.

Hieronymus Constantino Imperatore, anno ab Orbe redempto trecentesimo trigesimo primo, in oppido Stridione (quod est in Pannoniæ, Dalmatiæque confinio) Christianis parentibus ortus, puer admodum Romanum missus est liberalibus studiis eruditus, ubi Donato in Grammaticis præceptore, & (ut quidam volunt) Victorino in Rhetoricis usus, Græcas, ac Latinas litteras felicissimè didicit.

Cum autem ætate processisset, Aristotelicam, Platonicam, Stoicam, ac cæterorum omnium Philosophiam attigit. Galliam deinde discendi gratia perlustravit, unde Romanum reversus est, atque inde in Syriam profectus. Qua iidem magna ex parte, descendiendo peragrat, in vastam eremum, quæ Syros ab Agarenis disternat, secessit. Ubi quatuor annos ab hominum frequentia semotus, cum solo Deo, librisque suis commercium habens, adolescentia lapsus lacrymarum imbre diluebat. Et contractas per annos incuriam sordes laborum asperitate

A 3

607937

detergebat. Inedia denique, ac vigiliis, & incredibili austeritate rebellantem carnem, & subinde repullulanten ætatis lasciviam coercens, corpus spiritui servire docebat. Visebatur tamen in ea solitudine nonnumquam ab amicis, & vicinos monachos ipse invisebat. Hebraici sermonis difficultatem indefesso labore pervicit. Cujus non solum intelligentiam, sed & peculiarem sonum, ac vernaculum stridorem est assecutus. Usus ad eam rem doctissimis Hebræorum, quos ingenti mercede conducebat; marsupium exhauriens, ut peccatus eruditione locupletaret. Nec his contentus, Caldaicam item lingüam est aggressus, quā tamen hactenus modo secutus est, ut intelligere posset verius, quam sonare. Gregorium Nazianzenum Præceptorem suum ipse appellat, & hoc interpretante se sacras didicisse litteras testatur. Cum igitur ingenti jam doctrina, & sanctitate clarus haberetur, Romam revocatus, Presbyter factus est, iterumque profectus, Syriam repetiit, Bethlehem juxta Præsepe, quod infantem Christum, exceperat, venturæ senectuti sedem delegit. Ubi cum piis, doctisque viris in Monasterio, quod Paula matrona sancta considerat, sanctissimam vitam multis annis. Libros com-

plures scripsit. Vetus Testamentum ad veritatem Hebraicam transtulit. Novum autem reddidit Græcæ fidei. Multa præterea Græcorum opera Latinitate donavit. Tandem vitæ cursu sanctissimè peracto multis miraculis clarus, in eodem oppido Bethlehem migravit ad Dominum pridie Kalendas Octobris, anno Christi nati quadrigentesimo vigesimo secundo, suæ verò ætatis nonagesimo primo. Hunc omnis sexus, omnis ætas discat, evolvat, imbibat: nullum doctrinæ genus est, quod hinc non queat adjuvari, nullum vitæ institutum, quod hujus præceptis non formetur: soli Hæretici Hieronymum horreant & oderint, quos ille solos accerrimos hostes habuit.

**FR. HIERONYMUS GOMEZ**  
Instituti B. Marie de Mercede, Ordinis  
Redemptorum, candido Lectori,  
**S. C. F. P.**

CUM non nobis nati simus, sed alter alterius simul membra, aliquid me efficerem existimavi, si publicæ Tyronum utilitati, & commodo, qua potuerim vigilantia, deservirem. Hæc igitur causa fuit (candide Lector) cur rei hanc fuerim aggressus, condolens hunc epistolarum Divi Hieronymi librum Tyronibus studiosis perutilissimum, infinitis penè mendis, & erroribus variis, incuria aliquorum scattere. Quem vigilantissimè purgavi, singulis epistolis singula argumenta ad illarum cognitionem necessariò conducentia, totum quod in epistola agitur brevissima quadam summa perstringentia apponens, selectas etiam Divi Hieronymi sententias, & dicta sapientissima, eruditissima, nec non tres alias ejusdem authoris epistolas typis mandari elaboravi. Accipe igitur lucubrationes has, candide Lector, in quibus non munus, sed offerentis animum velim inspicias. Vale.

PAG. 9

## EPISTOLÆ DIVI HIERONYMI

IN GYMNASIORUM USUM, UBI LATINÆ  
Litteræ audiuntur; ut adolescentes, unde eloquentiam simul & pietatem hauriant, habeant.

### AD HELIODORUM

### DE LAUDE VITÆ SOLITARIAE.

#### ARGUMENTUM EPISTOLÆ.

Cum D. Hieronymus eremum adiisset, Heliodorum sodalem charissimum, qui ipsum officii causa fuerat prosequutus (ut alibi testatur) conatus est apud se retinere; quod cum non posset efficere, litteris ad illum datis,hortatur ad solitarie vitæ societatem; refellens singula, quæ cum, vel ab eremo deterre, vel in Urbibus remorari possent, ostendensque, quam non sit rutam Episcopi munus suscipere, & quam non facile tueri susceptum. Deinde velut in peroratione, eremitice vitæ felicitatem decantat; ac supremè judicat terrorem ob oculos ponit.

Quanto amore, & studio contenderim, ut pariter in eremo moraremur, conscientia mutuæ charitatis pectus agnoscit: quibus lamentis,

**FR. HIERONYMUS GOMEZ**  
Instituti B. Marie de Mercede, Ordinis  
Redemptorum, candido Lectori,  
**S. C. F. P.**

CUM non nobis nati simus, sed alter alterius simul membra, aliquid me efficerem existimavi, si publicæ Tyronum utilitati, & commodo, qua potuerim vigilantia, deservirem. Hæc igitur causa fuit (candide Lector) cur rei hanc fuerim aggressus, condolens hunc epistolarum Divi Hieronymi librum Tyronibus studiosis perutilissimum, infinitis penè mendis, & erroribus variis, incuria aliquorum scattere. Quem vigilantissimè purgavi, singulis epistolis singula argumenta ad illarum cognitionem necessariò conducentia, totum quod in epistola agitur brevissima quadam summa perstringentia apponens, selectas etiam Divi Hieronymi sententias, & dicta sapientissima, eruditissima, nec non tres alias ejusdem authoris epistolas typis mandari elaboravi. Accipe igitur lucubrationes has, candide Lector, in quibus non munus, sed offerentis animum velim inspicias. Vale.

PAG. 9

## EPISTOLÆ DIVI HIERONYMI

IN GYMNASIORUM USUM, UBI LATINÆ  
Litteræ audiuntur; ut adolescentes, unde eloquentiam simul & pietatem hauriant, habeant.

### AD HELIODORUM

### DE LAUDE VITÆ SOLITARIAE.

#### ARGUMENTUM EPISTOLÆ.

Cum D. Hieronymus eremum adiisset, Heliodorum solidalem charissimum, qui ipsum officii causa fuerat prosequutus (ut alibi testatur) conatus est apud se retinere; quod cum non posset efficere, litteris ad illum datis,hortatur ad solitarie vitæ societatem; refellens singula, quæ cum, vel ab eremo deterre, vel in Urbibus remorari possent, ostendensque, quam non sit rutam Episcopi munus suscipere, & quam non facile tueri susceptum. Deinde velut in peroratione, eremitice vitæ felicitatem decantat; ac supremè judicat terrorem ob oculos ponit.

Quanto amore, & studio contenderim, ut pariter in eremo moraremur, conscientia mutuæ charitatis pectus agnoscit: quibus lamentis,

## EPISTOLA

quo dolore, quo gemitu te abeuntem prosequutus sim, istæ quoque litteræ testes sunt, quas lacrymis cernis interlitas. Verum tu, quasi parvulus delicatus, contemptum rogantis per blandimenta fovisti: & ego incautus, quid tunc agerem, nesciebam. Tacerem? Sed quod ardenter volebam, moderatè dissimulare non poteram. Impensis obsecrarem? Sed audire nolebas, quæ similiter non amabas. Quod unum potuit, spreta charitas fecit. Quem præsentem retinere non valuit, quaerit absentem. Quoniam igitur & tu ipse abiens, postularas, ut postea quam ad deserta migrasse, invitatoria ad te scripta transmitterem, & ego me facturum promiseram. Invito: jam propera. Nolo pristinarum necessitudinum recorderis. Nudos amat eremus. Nolo te longinquæ peregrinationis terreat difficultas. Qui in Christum credis, & ejus crede sermonibus. Quærите primum regnum Dei, & hæc omnia apponentur vobis. Non pera tibi sumenda, non virga est. Affatim dives est, qui cum Christo pauper est. Sed quid ago? Rursus improvidus obsecro? Abeant preces, blandimenta discedant. Debet amor Iesus irasci. Qui rogam entem contempseras, forsitan audies objurantem. Quid facis in paterna domo, delicate miles? Ubi vallum? ubi fossa? ubi hyems acta sub pellibus? Ecce de cœlo tuba canit, ecce cum urbibus debelaturus orbem Imperator armatus egreditur: Ecce acutus gladius ex Regis ore procedens, obvia quæque metit, & tu mihi de cubiculo ad aciem, tu de umbra egrederis ad solem? Corpus assuetum tunicis loricæ onus non fert. Caput opertum linteo galeam recusat. Molem otio manum, durus exasperat capulus. Audi edictum Regis tui. Qui non est mecum, contra me est; & qui mecum non colligit, spargit.

## AD HELIODORUM.

Recordare tyrocinii tui diem, quo Christo in Baptismate consepultus in Sacramenti verba jurasti, pro nomine ejus non te patri parciturum esse, non matrem. Ecce adversarius in pectore tuo, Christum conatur occidere. Ecce donativum, quod militaturus acceperas, hostilia castra suspirant. Licet parvulus ex collo pendeat nepos, licet sparso crine, & scisis vestibus, ubera, quibus te nutrierat, mater ostendat; licet in limine pater jaceat, percalcatum perge patrem, siccis oculis ad vexillum Crucis evola. Solum pietati genus est in hac re esse crudelis. Veniet, veniet postea dies, quo victor revertatis in patriam, quo per Hierosolymam colestem vir fortis coronatus incedas. Tunc municipatum cum Paulo capies, tunc & parentibus tuis ejusdem civitatis jus petes: tunc & pro me rogabis, qui te, ut vinceres, incitavi. Neque verò nescio qua te dicas nunc compede praepediri. Non est nobis ferreum pectus, nec dura præcordia. Non ex silice natos Hyrcanæ nutrire Tigres. Et nos per ista transivimus. Nunc tibi blandis vidua soror hæret lacertis, nunc illi, cum quibus adolevisti, vernula ajunt: Cui nos servituros reliquis? Nunc & gerula quandam, jam anus, & nutritius, secundus post naturalem pietatem pater clamat: morituros expecta paulisper, & sepeli. Forsitan & laxis uberum pellibus mater, arata rugis fronte antiquum referens mammæ lallare \* congreginet. Dicant, si volunt & Grammatici: in te omnis domus inclinata recumbit. Facile rumpit hæc vincula amor Dei, & gehennæ timor. At contra Scriptura præci-

\* Allusio est ad illud Persii, Satyr. 3. Et iratus mammæ lallare recusas. Id est, dormire ad lallum nutritis occidentis nærias. Hisp. Arrullarse el niño.

pir parentibus obsequendum, sed quicumque eos supra Christum amat, perdit animam suam. Gladium tener hostis ut me perimat: & ego de matris lacrymis cogitabo? Propter patrem militiam Christi deseram, cui sepulturam Christi causa præstare non debo, quam etiam omnibus ejus causa debo? Domino passuro timide Petrus consulens scandalum fuit. Paulus retinentibus se fratribus, ne Hierosolymam pergeret, respondit: Quid facitis plorantes, & conturbantes cor meum? Ego enim non solum ligari, sed & mori in Jerusalem paratus sum pro nomine Domini Jesu Christi. Aries iste pietatis quo fides quatitur, Evangelii retendens est muro: Mater mea, & fratres moi hi sunt, qui est. Si credunt in Christum, salvant mihi pro ejus nomine pugnatio. Si non credunt, mortui sepeliant mortuos suos. Sed hoc ait in martyrio. Erras frater, erras, si putas unquam Christianum persecutionem nescis. Adversarius noster tamquam leo rugiens, aliquem devorare querens, circumvit, & tu pacem putatas? Seder in insidiis cum divitibus, ut in occultis interficiat innocentem: occuli ejus in pauperem resplendent, insidiatur in occulto, sicut leo in spelunca sua, insidiatur ut rapiat pauperem: & tu, frondosæ arboris tecus umbraculo moles somnos futurus præda carpis? Inde me persequitur luxuria, inde avaritia conatur irrumpere; inde venter meus vult mihi Deus esse pro Christo; compellit libido, ut habitarem in me Spiritum Sanctum fugem, ut templum ejus viojem. Persequitur (inquam) me hostis, cui nomina mille, mille nocendi artes; & ego infelix victorem me putabo, dum capior? Nolo, frater charissime, exami-

nato pondere delictorum, minora credas idolatriæ crimina esse, quæ diximus. Imo Apostoli disce sententiam, qui ait: hoc enim scitote, intelligentes, quia omnis fornicator, aut immundus, aut avarus, aut fraudator, quod est idolorum servitus, non habet hereditatem in regno Christi, & Dei. Et quamquam generaliter adversum Deum sapiat, quidquid diaboli est, & quod diaboli est, idolatria sit, cui omnia idola mancipantur; tamen & in alio loco speciatim, nominatimque determinat dicens: mortificate membra vestra, quæ sunt super terram, deponentes fornicationem, immunditiam, & concupiscentiam malam, & avaritiam, quæ sunt idolorum servitus, propter quæ venit ira Dei in filios dissidentiæ. Non est tantum in eo servitus idioli, si quis duobus digitulis, thura in bustum aera jaciat, aut haustum patere poculo fundat merum. Neget avaritiam esce idolatriam, qui potest triginta argenteis Dominum venditum appellare justitiam. Neget sacrilegium in libidine: sed is qui membra Christi, & hostiam vivam placentem Deo, cum publicarum libidinum victimis, nefaria colluvione violavit. Non fateatur fraudem idolatriam esse, sed similis eorum, qui in Actibus Apostolorum ex patrimonio suo partem pretii servantes, praesenti periire vindicta. Animadverte frater: non tibi licet de tuis quidquam habere rebus. Omnis (inquit Dominus) qui non renunciaverit cunctis quæ possidet, non potest meus esse discipulus. Cur timido animo Christianus est? Respice Petro relictum rete. Respice surgenzem de Telonio Publicanum, statim Apostolum. Filius hominis non habet ubi caput reclinet, & tu amplas porticus, & ingentia tectorum spatia metiris? Hæreditatem expectans sæculi, cohæres Christi esse non

## EPISTOLA

poteris. Interpretare vocabulum Monachi : hoc est nomen tuum. Qui facis in turba , qui solus est ? Et hoc ego non integris rate , vel mercibus , nec quasi ignarus fluctuum præmoneo, sed quasi nuper naufragio ejectus in littus doctus nauta timida navigaturis voce denuncio. In illo æstu Charybdis luxuriæ , salutem vorat; ibi ore virgineo, ad pudicitiae perpetrandæ naufragia, Scyllacæum renidens, libido blanditur. Hic barbarum littus, hic diabolus pirata , cum sociis portat vincula capiendis. Nolite cedere , nolite esse securi. Licet in modum stagni fusum æquor arrideat, licet vix summa jacentis elementi spiritu terga crispentur; magnos hic campus montes habet ; intus inclusum est periculum , intus est hostis. Expedite ruidentes, vela suspendite. Crux antennæ figatur in frontibus. Tranquilitas ista , tempestas est. Sed forsitan dicturus est : Quid ergo ? quicumque in civitate sunt , Christiani non sunt? Non est tibi eadem causa, quæ cæteris. Dominum ausculta dicentem : Si vis perfectus esse , vade , vende omnia tua , & da pauperibus, & veni, sequere me. Tu autem perfectum te fore pollicitus es: Nam cum derelicta militia te castasti propter Regna Cœlorum, quid aliud quam perfectam secutus es vitam ? Perfectus autem servus Christi, nihil præter Christum habet, aut si quid præter Christum haber, perfectus non est. Et si perfectus non est, cum se perfectum fore Deo pollicitus sit, ante Deum mentitus est. Os autem quod mentitur, occidit animam. Igitur ut concludam, si perfectus est, cur bona paterna desideras? Dominum fefellisti , si perfectus non es. Divinis Evangelium vocibus consonat; Non potestis duobus dominis servire , & audet quisquam mendacem Christum facere , mammonæ & Do-

## AD HELIODORUM.

mino serviendo? Vociferatur ille sæpè : si quis vult post me venire, abneget semetipsum, & tollat crucem suam, & sequatur me: & ego onustus auro arbitror me Christum sequi? Qui dicit se in Christum credere, debet quomodo ille ambulavit , & ipse ambulare. Quod si nihil habes (ut te responsurum scio) cur tam benè paratus ad bella , non militas? Nisi forte in patria tua te arbitraris hoc facere, cum in sua Dominus signa non fecerit. Et cur id? cum autoritate sumerationem. Nemo Propheta in patria sua honorem habet. Non quæro (inquieris) honorem, sufficit mihi conscientia mea. Neque Dominus quærebat , quippè qui ne à turbis Rex constitueretur, aufugit. Sed ubi honor non est , ibi contemptus est. Ubi contemptus, ibi frequens injuria. Ubi autem injuria , ibi & indignatio. Ubi indignatio, ibi quies nulla. Ubi quies non est , ibi mens à proposito sæpè deducitur. Ubi autem per inquietudinem aliquid aufertur ex studio, minus fit ab eo , quod tollitur. Et ubi minus est, perfectum non potest dici. Ex hac supputatione illa summa nascitur, Monachum perfectum in patria sua esse non posse, perfectum autem esse nolle, delinquere est. Sed de hoc gradu pulsus , provocabis ad Clericos. An de his aliquid audeam dicere, qui certè in suis urbibus commorantur? Absit, ut de his quidquam sinistrum loquar , qui Apostolico gradui succedentes , Christi corpus sacro ore conficiunt, per quos & nos Cristiani sumus. Qui claves Regni Cœlorum habentes, quodammodo ante judicii diem judicant , qui Sponsorum Domini sobria castitate conservant. Sed alia (ut ante prestrinxii) Monachorum est causa , alia Clericorum, Clerici pascunt oves, ego pascor ; illi de altari vivunt, mihi, quasi infructuosæ arborei, securis ponitur

## EPISTOLA

ad radicem , si minus ad altare non defero. Nec possum obtendere paupertatem, cum in Evangelio anum viduam duo (quæ sola sibi supererant) æra mittentem in gazophylacium laudaverit Dominus: Mihi ante Presbyterum sedere non licet ; illi , si peccavero, licet tradere me Sathanæ interitum carnis, ut spiritus salvus sit in die Domini Jesu. Et in veteri quidem lege quicumque Sacerdotibus non obtemperasset, aut extra castra positus lapidabatur a populo , aut gladio cervice subjecta, contemptum expiabat cruento. Nunc verò inobediens spirituali mucrone truncatur , aut ejectus de Ecclesia, rabido dæmonum ore discripitur. Quod si te quoque ad eundem ordinem fratrum blandimenta solicitant ; gaudebo de ascensu, timebo de lapsu. Qui Episcopatum desiderat, bonum opus desiderat. Scimus ista, sed junge quod sequitur: Oportet autem hujusmodi irreprehensibilem esse , unius uxoris virum, sobrium, pudicum, prudentem, ornatum, hospitalem, docibilem, non vinolentum, non percussorem, sed modestum, & ceteris quæ de eo sequuntur explicitis, non minorem in tertio gradu adhibuit diligentiam dicens: Diaconos similiter pudicos, non bilingues , non multo vino deditos, non turpiluceros, habentes mysterium Fidei in conscientia pura. Et hi autem probentur primum, & sic ministrent nullum crimen habentes. Væ illi homini, qui vestem non habens nuptialem, ingreditur ad coenam. Nihil superest, nisi ut statim audiat: Amice, quomodo hoc intrasti? Et illo obtumescente, dicitur ministris: Tollite illum ligatis manibus, & pedibus, & mittite eum in tenebras exteriores, ubi erit fletus, & stridor dentium. Væ illi , qui acceptum talentum in sudario ligans, ceteris lucra facientibus, id tantum , quod

## AD HELIODORUM.

aceperat, reservabit. Illicò indignantis Domini responsione , ac clamore ferietur: Serve nequam, quare non dedisti pecuniam meam ad mensam , & ergo veniens cum usuris exegisset eam? Id est, deposuisses ad altare, quod ferre non poteras. Dum enim tu ignarus negotiator denarium tenes, alterius locum , qui pecuniam duplicare poterat, occupasti. Quamobrem sicuti qui benè ministrat, bonum gradum sibi acquirit: ita, qui indignè ad calicem Domini accedit, reus erit Domini corporis, & sanguinis. Non omnes Episcopi, Episcopi sunt. Attendis Petrum, sed & Judam considera. Stephanum auspicis, sed & Nicolatum respice; quem Dominus in Apocalysi sua damnat sententia. Qui tam turpida & nefanda comētus est, ut Nicolitarum hæresis ex illa radice nascatur. Probet se unusquisque , & sic accedat. Non facit Ecclesiastica dignitas Christianum. Cornelius Centurio adhuc ethnicus, dono Sancti Spiritus mundatur. Presbyteros Daniel puer judicat. Amos ruborum mora distringens repente Propheta effectus est. David pastor eligitur in Regem. Minimum Discipulum Jesus amat plurimum. Inferius frater accumbe, & minore adveniente, sursum jubearis ascendere. Super quem Dominus requiescit, nisi super humilem & quietum, & trementem verba sua? Cui plus creditur, plus ab eo exigitur. Potentes potenter tormenta patientur. Nec sibi quisquam de corporis tantum mundi castitate applaudat , cum omne verbum otiosum, quibdumque loquuti fuerint homines, reddituri sint de eo rationem in die judicii; cum etiam convictum in fratrem, homicidii sit reatus. Non est facile stare loco Pauli, tenere gradum Petri , jam cum Christo regnantium, ne forte veniat Angelus , qui scindat velum templi

tui, qui candelabrum tuum de loco moveat. Aedificaturus turrim, futuri operis sumptus suppedita. Infatuum sal ad nihil est utile, nisi ut projiciatur foras, & à porcis conculceretur. Monachus, si ceciderit, rogarbit pro eo Sacerdos: pro Sacerdotis lapsu quis rogaturus est? Sed quoniam è scopulosis locis enavigavit oratio, & inter canas spumeis fluctibus cauteis, fragilis in altum cymba processit; expandenda vela sunt ventis, & quæstionum scopulis transvadatis, lætanarium more nautarum, epilogi celeuma cantandum est. O desertum Christi floribus vernans! O solitudo, in qua illi nascuntur lapides, de quibus in Apocalysi Civitas magni Regis extruitur! O eremus familiarius Deo gaudens! Quid agis frater in sæculo, qui major est mundo? Quandiu te tectorum umbræ præmunt? Quandiu fumosarum urbium carcer includit? Crede mihi, nescio quid plus lucis aspicio. Libet sarcina corporis abjecta, ad purum ætheris evolare fulgorem, Paupertatem times? Sed beatos Christus pauperes appellat. Labore terroris? At nemo athleta sine sudore coronatur. De cibo cogitas? Sed fides famen non timet. Super nudam metuis humum exesa jejuniis membra collidere? Sed Dominus tecum jacet. Squalidi capitum horret inculta cæsaries? Sed caput tuum Christus est. Infinita eremi vastitas te terret? Sed tu Paradisum mente deambula. Quotiescumque illuc cogitatione condescenderis, toties in eremo non eris. Scabra sine balneis attrahitur cutis, sed qui in Christo semel lotus est, non ille necesse est iterum lavare. Et ut breviter ad cuncta audias Apostolum respondentem: non sunt, inquit, condignæ passiones hujus seculi ad superventuram gloriam, quæ revelabitur in nobis. Delicatus es frater, si & hic vis gaudere cum

sæculo, & postea regnare cum Christo. Veniet, veniet illa dies, qua corruptivum hoc & mortale incorruptionem induat, & immortalitatem. Tunc Beatus servus, quem Dominus invenierit vigilante. Tunc ad vocem tubæ pavebit terra cum populis, & tu gaudabis. Judicatuero Domino, lugubre mundus imminugiet, & tristum tristia, & tribus ad tribum pectora ferient. Potentissimi quondam Reges nudo latere palpitabunt. Exhibebitur eum prole sua verè tunc ignitus Jupiter: adducetur & cum suis stultum Plato discipulis. Aristotelis argumenta non proderunt. Tunc tu fustianus & pauper exaltabis, & ridebis, & dices: ecce Crucifixus Deus meus: ecce judex, qui obolutus pannis in præsepio vagiit. Hic est ille operari, & quæstuarie filius: hic, qui matris gestatus sinu, hominem Deus fugit in Ægyptum: hic vestitus coccino; hic sentibus coronatus: hic Magnus, dæmonium habens, & Samarites. Cerne manus Judæe, quas fixeras; cerne latus Romanæ, quod foderas. Videte corpus an idem sit, quod dicebaris clam nocte sustulisse Discipulus. Dilectio tua me compulit, ut hæc tibi frater dicerem, ut his tunc interesse contingat, pro quibus nunc labor durus est.

**HIERONYMUS AD NEPOTIANUM, DE VITA  
Clericorum, & Sacerdotum.**

**Argumentum Epistolæ.**

Nepotianus, qui fuit Heliodori, ex sorore nepos, prescribit vivendi formam, quam Clerici, & Episcopi sequi debeant, saluberrima quedam præcepta tradens de spernendis divitiis, & fugienda familiaritate sacerdotalium, & præcipue feminarum. De doctina pietatis, & de aliis multis, que legenti facile patet.

**P**eritis a me, Nepotiane charissime, litteris transmarinis, & crebro petis, ut tibi brevi volumine geram præcepta vivehdi, & qua ratione qui sæculi militia derelicta, vel Monachus cœperit esse, vel Clericus, rectum Christi tramitem teneant, ne ad diversa vitiorum diverticula rapiatur. Dum essem adolescentis, immo penè puer, & primos impetus lascivientis aetas eremis duritia refrenarem, scripsi ad avunculum tuum sanctum Hellendorum exhortatoriam epistolam plenam lachrymis, querimoniisque, & quæ deserti sodalis monstraret affectum.

Sed in illo opere pro ætate tunc lusimus: & calentibus adhuc Rhetorum studiis, atque doctrinis, quædam scholastico flore depinximus. Nunc, jam cano capite, & arata rugis fronte, & instar boum pendentibus à mento palearibus, Frigidus obsistit circum præcordia sanguis. Unde & in alio loco idem Poeta canit: *Omnia fert atas, animum quoque.* Et post modicum: *Non obligata mihi tot carmina vox quoque Mærin jam fugit ipsa.* Quod ne de gentili tantum litteratura proferre videamus, diuinorum voluminum sacramenta cognosce. Da-

vid annos natus septuaginta, bellicosus quodam vir, senectute frigescente, non poterat calefieri. Queritur itaque puerilla de universis finibus Israel, Abisag Sunamitis, quæ cum rege dormiret, & senile corpus caleficeret. Nonne tibi videtur, si occidentem sequareis littoram, vel figmentum esse de mimo, vel Atellanarum \* ludrico? Frigidus senex obvolvit vestimentis, & nisi complexu adolescentulæ non tepescit. Vivebat adhuc Bethsabee supererat Abigail, & reliquæ uxores ejus, & concubinæ, quas Scriptura commemorat. Omnes quasi frigidæ repudiantur, & in unius tantum adolescentulæ grandævus calescit amplexibus. Abraham multo David senior fuit; & tamen vivente Sara, aliam non quæsivit uxorem. Isaac duplices David annos habuit, & cum Rebecca jam vetula numquam frigit. Taceo de prioribus ante dilitivum viris, qui post annos nongentos, non dieo senilibus, sed penè jam cariosis artibus, nequaquam puellares quæsiere amplexus. Certè Moyses dux Israëlitici Populi, centum & viginti annos habebat, & Sephoram non mutavit. Quæ est igitur ista Sunamitis uxor, & virgo: tam fervens, ut frigidum calefaceret: tam sancta, ut calentem ad libidinem non provocaret? Exponat sapientissimus Salomon patris sui delicias, & pacificus bellatoris virtu narrat amplexus. Posside sapientiam, posside intelligentiam: ne obliiscaris, ne declinaveris à verbis oris mei: neque derelinquas illam, & apprehendette: ama illam, & servabit te. Principium sapientiae, posside sapientiam, & in omni possessione tua, posside intelligentiam, circunda illam, & exaltabit te: honora illam, & amplexabitur te, ut det capiti tuo coronam gratiarum: corona quoque delitiarum protegat orationem tuam. B 3

\* *Atellana*, genus est comedie obscenum, ab Atella Voscorum oppido, quod *Aversam* nunc vocant.

te. Omnes penè virtutes corporis mutantur in senibus, & crescente sola sapientia, decrescent cæteræ virtutes, jejunia, vigiliae, & eleemosynæ, chameuniæ: \* huc, illucque discursus, peregrinorum susceptio, defensio pauperum, instantia orationum, perseverantia, visitatio languentium, labor manuum, unde præbeantur eleemosynæ. Et (ne sermonem longius protraham) cuncta quæ per corpus exercentur fracto corpore minora fiunt. Nec hoc dico, quod in juvenibus, & adhuc solidioris ætatis, his dumtaxat, qui labore, & ardētissimo studio, vitæ quoque sanctimonia, & orationis ad Dominum Jesum frequentia, scientiam consequuti sunt. Frigeat sapientia, quæ in plerisque senibus ætate marcescit, sed quod adolescentia multa corporis bella sustineat, & inter incentiva vitiorum, & carnis titillationes, quasi ignis in lignis viridibus suffocetur, ut suum non possit explicare fulgorem. Senectus verò rursus eorum, qui adolescentiam suam honestis artibus instruxerunt, & in lege Domini meditati sunt die ac nocte, ætate fit doctor, usutritior, processu temporis sapientior, & veterum studiorum dulcissimos fructus metit. Unde & sapiens ille vir Græciæ Themistocles, cum expletis centum & septem annis, se mori cerneret, dixisse fertur, se dolere, quod tunc egredie eum è vita, quando sapere coepisset. Plato octogessimo primo anno scribens mortuus est. Isocrates nonaginta & novem annos in docendi, scribendi que labore complevit. Taceo cæteros Philosophos, Pythagoram, Democritem, Xenocratem, Zenonem, Cleanthem, qui jam ætate longæva in sapientiæ studiis floruerunt. Ad Poetas venio, Homerum, Hesiodum, Simondem, Stesicorum, qui grandes natu, cygneum nescio

\* Id est: Super solum dormitiones.

quid, & solito dulcius, vicina morte cecinerunt. Sophocles cum propter nimiam senectutem, & rei familiari negligentiam, à filiis accusaretur amentiæ, Ædipi fabulam, quam nuper scriperat, recitavit judicibus: & tantum sapientiæ in ætate jam fracta specimen dedit, ut severitatem tribunalum in theatri favorem verteret. Nec mirum cum etiam Cato Censorius, Romani generis disertissimus, jam & senex, Græcas litteras discere nec erubuerit, nec desperaverit. Certè Homerus refert, quod de lingua Nestoris, jam vetuli & penè decrepiti, dulcior melle oratio fluxerit. Sed & ipsius nominis Abisag sacramentum, sapientiam secum indicat ampliorem. Interpretatur enim Pater meus superfluius, vel Patris mei rugitus: Verbum superflui ambiguum est: sed in præsenti loco virtutem sonat, quod amplior sit in sensibus, & redundans, ac larga sapientia. In alio autem loco superfluius quasi non necessarius ponitur. Abisag autem, id est, rugitus propriè nuncupatur, quod ut maris fluctus resonat, & ut ita dicam, de pelago veniens fremitus auditur. Ex quo ostenditur abundantissimum, & ultra humanam vocem divini sermonis in senibus tonitruum commorari. Porro Sunamitis in lingua nostra, coccinea dicitur, ut significet calere sapientiam, & divina lectione servare; quod licet Dominicæ sanguinis indicet sacramentum, tamen & fervorem ostendit sapientiæ. Unde & obstetrix illa in Genesi coccinum ligat in manu Phares, qui ab eo, quod parietem divisorat, duos ante populos separantem, divisoris, id est Phares, sortitus est nomen. Et Rahab meretrix in typo Ecclesiæ, resticulam mysterium sanguinis continentem, ut Jericò pereunte, domus ejus salvaretur, appendit in fenestra. Unde & in alio loco de viris Sanctis Scrip-

tura commemorat: hi sunt qui venerunt de calore domus patris Rechab. Et dominus noster in Evangelio: ignem, inquit, veni mittere in terram, & quām vocogebat eos dicere: nonne cor nostrum ardens erat in nobis, dum loqueretur in via, & aperiret nobis scripturas? Quorsum hæc tam longo repetita principio? Ne à me quāras pueriles declamationes, sententiarum flosculos, verborum lenocina, & per fines capitulorum singulorum, acuta quādam, breviterque conclusa, quæ plausus, & clamores excitent audientium. Amplexetur me modo sapientia, & Abisag nostra, quæ numquam senescit, in meo requiescat sinu. Impolluta enim est, virginitatisque perpetua, & quæ parturiat, incorrupta est. Hinc reor dixisse Apostolum: Spiritu ferventes. Et in Evangelio Dominum tam Zachariam, stultus pastor esse cœpit, sapientia decrescente, refrigerescet charitas multorum. Audit. Audi fratrem collegio, patrem senio, qui te ab & per singulos gradus vivendi præcepta constituens, in te cæteros erudit. Scio quidem ab avunculo tuo beato Heliodoro, qui nunc Pontifex Christi est, cere, normamque vitæ ejus exemplum habere virtutum. Sed & nostra qualiacunque sunt, suscipe, & Monachum hunc libello illius copulato, ut cum ille te perfectum. Igitur Clericus, qui Christi servit Ecclesie, interpretetur primo vocabulum suum, & nominis de-

finitione prolata, nascatur esse quod dicitur. Si enim Cleros Græcè, sors Latinè appellatur, propterea vocantur Clerici, vel quia de sorte sunt Domini, vel quia ipse Dominus sors, id est pars Clericorum est. Qui autem vel ipse pars Domini est, vel Dominum partem habet, talem se exhibere debet, ut & ipse possideat Dominum, & possideatur à Domino. Qui Dominum possidet, & cum Propheta dicit, Pars mea Dominus; nihil extra Dominum habere potest. Quod si quidpiam aliud habuerit præter Dominum, pars ejus non erit Dominus: verbi gratia, si aurum, si argentum, si possessiones, si variam suppellestilem cum istis partibus, Dominus pars ejus fieri non dignabitur. Si autem ego pars Domini sum, & funiculus hæreditatis ejus, nec accipio partem inter cæteras tribus, sed quasi Levita, & Sacerdos vivo de decimis, & altari serviens altaris oblatione sustentor; habens victum, & vestitum, his contentus ero, & nudam crucem nudus sequar. Obsecro itaque te, & repetens iterum, iterumque monebo, ne officio Clericatus genus antiquæ militiae putas, id est, ne lucra sœculi in Christi quāras militia, ne plus habeas quam quando Clericus esse cœpisti, & dicatur tibi: Clericorum opes non proderunt eis. Nonnulli enim sunt ditiones Monachi, quæ fuerant sœulares, & Clerici qui possideant opes sub Christo paupere, quas sub locuplete, & fallace diabolo non habuerant, ut suspireret eos Ecclesia divites, quos mundus tenuit ante mendicos. Mensulam tuam pauperes, & peregrini, & cum illis Christus conviva noverit. Negotiatorum Clericum, & ex inope divitem, & ignobili gloriosum quasi quamdam pestem fuge. Corrumptunt mores bonos confabulationes pessimæ. Tu aurum contemnis,

## EPISTOLA

alius diligit, tu calcas opes, ille sectatur, tibi cordi silentium, mansuetudo, secretum, illi verbositas, attrita frons, cui nundinæ, fora placent, & plateæ, ac medicorum tabernæ. In tanta morum discordia, quæ potest esse concordia? Hospitiolum tuum, aut raro, aut nunquam mulierum pedes terant. Omnes aut æqualiter dilige, ne sub eodem tecto mansites, nec nec Sansone fortior, nec Salomone potes esse sapientior. Memento semper quod Paradisi colonum de possessione sua mulier ejecerit. Ægrotanti tibi quilibet sanctus frater assistat, & germana, vel mater, aut probatæ quælibet apud omnes fidei. Quod si hujusmodi non fuerint consanguinitatis, castimoniæque personæ, multas amis nutrit Ecclesia, quæ & officium prebeant, & beneficium accipient ministrando; ut infirmitas quoque tua fructum habeat eleemosynæ. Scio quosdam convalescere corpore, & animo ægrotare cœter attendis. Si propter officium Clericatus, aut vidua a eas. Tales habeto socios, quorum contubernio non infameris. Si lector, si acolitus, si psaltes te, sequitur non ornetur veste, sed moribus; nec calamistro crissilus cum sola secreto, & absque arbitro, vel teste non seseas. Si familiarius est aliquid loquendum, habet nutricem majorem domus, virginem, viduam, vel maritatem: non est tam inhumana, ut nullum præter te habeat, cui se audeat credere. Caveto omnes suspitiones, & quidquid probabiliter fingi potest ne fingatur, ante de vita. Crebra munuscula, & sudariola,

## AD NEPOTIANUM.

& fasciolas, & vestes ori applicatas, & oblatas, ac degustatos cibos, blandasque, & dulces literulas, sanctus amor non habet. Mel meum, lumen meum, meum desiderium, omnes delicias, & lepores, & risu dignas urbanitates, & cæteras ineptias amatrum, in comedii erubescimus, in sæculi hominibus detestamur, quanto magis in Monachis, & in Clericis, quorum & Sacerdotium proposito, & propositum ornatur Sacerdotio? Nec hoc dico, quod aut in te, aut in sanctis viris ista formidem, sed quod in omni proposito, in omni gradu & sexu, & boni & mali reperiuntur; malorumque condemnatio laus bonorum sit. Pudet dicere, Sacerdotes idolorum, mimi, & aurigæ, & scorta hæreditates capiunt; solis Clericis, & Monachis hoc lege prohibetur, & prohibetur non à persecutoribus, sed à Principibus Christianis. Nec de lege conqueror, sed doleo, cur meruerimus hanc legem. Cauterium bonum est, sed quò mihi vulnus ut indigeam cauterio? Provida, severaque legis cautio, & tamen nec sic refranatur avaritia. Per fideicomissa legibus illudimus, & quasi majora sint Imperatorum scita, quam Christi, leges timemus, Evangelia contemnimus. Sit hæres, sed mater filiorum, id est gregis suis, Ecclesia, quæ illos genuit, nutrit, & pavit. Quid nos inserimus inter matrem, & liberos? Gloria Episcopi est pauperum inopiae providere. Ignominia Sacerdotis est, propriis studere divitiis. Natus in paupere domo, & in tugurio rusticano, qui vix milio, & cibario pane rugientem saturare ventrem poteram, nunc similam, & mela fastidio. Novi & genera, & nomina piscium, in quo littore conchalecta sit, calleo; saporibus avium discerno; Provincias, & ciborum me raritas, ac novissimè damna

EPISTOLA

ipsa delectant. Audio præterea in senes, & annis abs-  
que liberis, quorumdam turpe servitum. Ipsi appo-  
nunt matulam, obsident lectum, purulentiam stomac-  
hi, & phlegmata pulmonis manu propria suscipiunt.  
Pavent ad introirum medici, trementibusque labiis,  
an commodius habeat, scititantur: & si paululum  
senex vegetior fuerit, periclitantur, simulataque læ-  
titia mens intrinsecus avara torquetur. Timent enim  
ne perdant ministerium, & vivacem senem Mathusa-  
lem annis comparant. O quanta apud Deum merces,  
si in præsenti pretium non sperarent! Quantis sudo-  
ribus hæreditas cassa expetitur? Minorī labore mar-  
garitum Christi emi poterat. Divinas Scripturas se-  
pius lege, imò numquam de manibus tuis sacra lectio  
deponatur. Disce quod doceas, obtine eum, qui se-  
cundūm doctrinam est, fidem sermonem, ut pos-  
sis exhortari in doctrina sana, & contradicentes re-  
vincere. Permane in his, quæ didicisti, & credita  
sunt tibi, sciens à quo didiceris: paratus semper ad  
satisfactionem omni poscenti te rationem de ea, quæ  
in te est spe. Non confundant opera tua sermonem  
tuum, ne cum in Ecclesia loqueris, tacitus quilibet  
respondeat, cur ergo hæc quæ dicis, ipse non fa-  
cis? Delicatus Magister est, qui pleno ventre de je-  
junitis disputat. Accusare avaritiam & latro potest,  
Sacerdotis Christi os, mens, manusque concordent.  
Esto subjectus Pontifici tuo, & quasi animæ paren-  
tem suscipe. Amare filiorum, timere, servorum est.  
Si pater sum (inquit) Ubi est timor meus? Pluta tibi  
in eodem viro observanda sunt nomina, Monachus,  
Pontifex, avunculus tuus, quite jam in omnibus quæ  
sancta sunt, docuit. Illud etiam dico, quod Episco-  
pi Sacerdotes se esse noverint, non dominos; hono-

tent Clericos quasi Cleros , ut & ipsis à Clericis  
quasi Episcopis honor deferatur. Scitum illud est  
oratoris Domicii: Cur ergo te (inquit) habeam ut  
Principem , cum te me non habeas ut Senatorem? Quod Aron , & filios ejus , hoc Episcopum , & Pres-  
byteros esse noverimus. Unus Dominus , unum tem-  
plum , unum sit etiam ministerium. Recordemur sem-  
per quid Apostolus Petrus præcipiat Sacerdotibus.  
Pascite eum , qui in vobis est gregem Domini , pro-  
videntes non coacte , sed spontanè secundum Deum ,  
neque turpis lucri gratia , sed voluntariè , neque ut  
dominantes in Clerum , sed forma facti gregis ex ani-  
mo , ut cum apparuerit Princeps Pastorum , percipia-  
tis immarcescibilem gloriae coronam. Pessimæ con-  
suetudinis est , in quibusdam Ecclesiis , tacere Pres-  
byteros , & præsentibus Episcopis non loqui , quasi  
aut invideant , aut non dignentur audire. Et si alii  
(inquit Apostolus Paulus) fuerit revelatum sedenti ,  
prior taceat. Potestis enim per singulos prophetare , ut  
omnes discant , & omnes consolentur : & spiritus Pro-  
phetarum Prophetis subjectus est: non enim est dissen-  
sionis Deus , sed pacis. Glòria patris est filius sapiens.  
Gaudeat Episcopus judicio suo , cum tales Christo ele-  
gerit Sacerdotes. Docente te in Ecclesia , non clা-  
mor Populi , sed gemitus suscitetur. Lacrymæ audi-  
torum laudes tuæ sint; sermo Presbyteri scripturarum  
lectione conditus sit. Nolo te declamatorem esse , &  
rabulum , garrulumque sine ratione , sed mysterio-  
rum peritum , & Sacramentorum Dei tui eruditissi-  
mum. Verba volvere , & celeritate dicendi apud im-  
peritum vulgus admirationem sui facere , indocto-  
rum hominum est. Atria frons , interpretatur sæpè  
quod nescit: & cum aliis persuaserit , sibi quoque

usurpat scientiam. Præceptor quondam meus Gregorius Nacianzenus, rogatus à me ut exponeret, quid sibi vellet in Luca, Sabbathum deus ero proton,\* eleganter lusit: Docebo te, inquiens, super hac re in Ecclesia, in qua mihi omni Populo acclamante cogeris invitus scire, quod nescis, aut certe si solus tacueris, solus ab omnibus stultitia condemnaberis. Nihil tam facile, quam vilem plebeculam, & indoctam concionem linguae volubilitate decipere, quæ quidquid non intelligit, plus miratur. Marcus Tullius, in quem pulcherrimum illud elogium est? Demosthenes tibi præcipuit, ne essem primus orator: tu illi, ne solus. In oratione pro Quinto Gallo, quid de favore vulgi, & de imperitis concionatoribus loquatur, attende, ne his fraudibus ludaris. Loquor enim, quæ sunt ipse nuper expertus: unus quidam Poeta nominatus homo peritteratus, cuius sunt illa colloquia Poetarum, ac Philosophorum, cum facit Euripidem, & Menandrum inter se, & alio loco Socratem, atque Epicurum disserentes, quorum ætates non annis, sed sæculis scimus esse disjunctas, quantos is plausus, & clamores movet? Multos enim condiscipulos habet in theatro, qui simul litteras non didicerant. Vests pullas æquè debita, ut candidas. Ornatus ut sordes pari modo fugiendi sunt, quia alterum delicias, alterum gloriam redolet. Non absque amictu lineo incendere, sed preium vestium linearum non habere, laudabile est, alioquin ridiculum, & plenum dedecoris est, referto marsupio, quod sudarium, orarium quæ non habetas gloriari. Sunt qui pauperibus paulum tribuunt, ut amplius accipiānt & sub prætextu eleemosynæ querunt divitias, quæ magis venatio ap-

\* Id est: Secundo primo. Luc. cap. 6. v. 1.

pellanda est, quam eleemosynæ genus. Sic bestiæ, sic aves, sic capiuntur & pisces; modica in hamo esca ponitur, ut matronarum in eo sacculi protrahantur. Sciat Episcopus, cui comissa est Ecclesia, quem dispensationi pauperum, curæque præficiat. Melius est non habere quod tribuam, quam impudenter petere quod recondam. Sed & genus arrogantiæ est clementiorem te velle videri, quam Pontifex Christi est. Non omnia possumus omnes. Alius in Ecclesia oculus est, alius lingua, alius manus, alius pes, auris, venter, & cætera. Lege Pauli Epistolam ad Corinthios, quomodo diversa membra unum corpus efficiunt. Nec rusticus tamen, & simplex frater ideò se sanctum putet, si nihil noverit; nec peritus, & eloquens, lingua æstimet sanctitatem. Multoque melius est è duobus imperfectis rusticitatem sanctam habere, quam eloquentiam peccatricem. Multi ædificant paries, & columnas Ecclesiæ substruunt, marmora nitent, auro splendent laquearia, gemmis altare distinguitur, & Ministrorum Christi nulla electio est. Neque vero mihi aliquis opponat dives in Iudea templum, mensam, lucernas, thuribula, patellas, scyphos, mortariola, & cætera ex auro fabrefacta: Tunc hæc probabantur à Domino, quando Sacerdotes hostias immolabant, & sanguis pecudum erat redemptio peccatorum. Quamquam hæc omnia præcesserint in figura, scripta sunt autem propter nos, in quos fines sæculorum devenerunt. Nunc vero cum paupertatem domus suæ pauper Dominus dedicavit, cogitemus Crucem ejus, & divitias lutum putabimus. Quid miramur, quod Christus vocat iniquum mammona? Quid suspicimur, & amamus, quod Petrus se non habere gloriose tes-

tatur? Alioquin si tantum litteram sequimur, & in auro, atque divitiis simplex nos delectat historia, cum auro observemus & cætera. Ducant Pontifices Christi uxores virgines: quamvis bonæ mentis sit qui cicatricem habuerit, & deformis est, privetur Sacerdotio; lepra corporis animæ vitiis præferatur: Crescamus, & multiplicemur, & repleamus terram, nec immolemus Agnum, nec mysticum Pascha celebremus, quia hæc absque templo fieri lege prohibentur. Figamus septimo mense tabernaculum, & solemne jejunium buccina concrepemus. Quod si hæc omnia spiritualibus spiritualia comparantes, scientesque cum Paulo, quod lex spiritualis est, & David verba cantantes: revela oculos meos, & considerabo mirabilia de lege tua; sic intelligimus, ut Dominus quoque noster intellexit, & interpretatus est Sabbatum, aut aurum repudiemus cum cæteris superstitionibus Iudæorum, aut si aurum placet, placeat & Judæi, quos cum auro, aut probare nobis necesse est, aut damnare. Convivia tibi vitanda sunt sæcularium, & maximè eorum, qui honoribus tument. Turpe est ante fores Sacerdotis Christi crucifixi, & pauperes, & qui cibo quoque vescebatur alieno, lictores consulum, & milites excubare, judicemque provinciae melius apud te prandere, quam in palatio. Quod si ob tenderis te facere hæc, ut roges pro miseris, atque subjectis, judex sæculi plus deferet Clerico continenti, quam diviti, & magis sanctitatem tuam venerabitur, quam opes. Aut si talis est, qui non audiat Clericos pro quibuslibet tribulatis, nisi inter phalias, libenter carebo hujuscemodi beneficio & Christum rogarbo pro justice, qui magis, & citius subvenire potest, quam judex. Melius enim est confidere in Domino.

quam confidere in homine: melius est sperare in Dominino, quam sperare in Principibus. Numquam vinum redolescas, ne audias illud Philosophi: hoc non est osculum prorrigeret; sed vinum propinare. Vino lentos Sacerdotes & Apostolus damnat, & vetus lex prohibet. Qui altari deserviunt, vinum, & siceram non bibant. Sicera Hebræo sermone omnis potio nun cupatur, quæ inebriare potest, sive illa quæ frumento conficitur, sive pomorum succo, aut cum favi decoquuntur in dulcem, & barbaram potionem, aut palmarum fructus exprimuntur in liquorem, coctisque frugibus aqua pinguior coloratur. Quidquid inebriat, & statum mentis evertit, fuge similiter, ut vinum. Nec hoc dico, quod Dei à nobis creatura damnetur (si quidem & Dominus vini potator est appellatus, & Timotheo dolenti stomachum modica vini sorbitio relaxata est) sed modum pro ætatis, & valetudinis, & corporum qualitate exigimus in potando. Quod si absque vino ardeo adolescentia, & inflammor calore sanguinis, & succimento, validoque sum corpore, libenter carebo poculo, in quo suspicio veneni est. Pulchre dicitur apud Græcos, & nescio an apud nos æquè resonet: pinguis venter non gignit mentem tenuem: tantum tibi jejuniorum modum impone, quantum ferre potest: sint tibi pura, casta, simplicia, moderata, & non superstitionis jejunia. Quid prodest oleo non vescit, & molestias quasdam, difficultatesque ciborum querere, caricas, piper, nunces, palmarum fructus, similam, mel, pistacia? \* Tota hortorum cultura vexatur, ut cibario non vescamur pane, & dum delicias seztamui, à Regno Celorum retrahimur. Audio præterea quosdam contra rerum, homi-

C

\* Nucum genera, avellanis similia, & Syria ad nos delata. Hisp. Alhocigos.

numque naturam aquam non bibere, nec vesci pane, sed sorbitiunculas delicatas, & contrita olera, baccharumque succum, non calice sorbere, sed concha. Proh pudor! Non erubescimus istiusmodi ineptis? nec tædet superstitionis? Insuper etiam famam abstinentiae in deliciis queremus. Fortissimum jejunium est aqua, & panis. Sed quia gloriam non habet, & omnes pane, & aqua vivimus, quasi publicum, & commune jejunio non putatur. Cave ne hominum ruminusculus anciperis, ne offensam Dei populorum laude commutes. Si adhuc (inquit Apostolus) hominibus placarem, Christi servus non essem; desit placere hominibus, & servus factus est Christi. Per bonam famam, & malam à dextris, & à sinistris Christi miles graditur, nec laude extollitur, nec vittuperatione frangitur. Non divitiis tument, non contrahitur paupertate, & læta contemnit, & tristia. Per diem Sol non urit eum, neque Luna per noctem. Nolo te orare in angulis platearum, ne rectum iter precum tuarum frangat aura popularis. Nolo te dilatare fimbrias, & ostentui habere philacteria, & conscientia repugnante, Pharisaica ambitione circumdari. Quanto melius erat hæc non in corpore, sed in corde gestare, & Deum habere fautorem, non aspectus hominum? Inde pendet Evangelium, inde lex & Prophetæ, sive sacra & Apostolica doctrina. Melius est enim hæc omnia in mente portare, quam in corpore. Fidelis mecum lector intelligis, quid taceam, & quid magis tacendo loquar. Tot te regulæ, quot species gloriarum percurrant. Vis scire quales Dominus querat ornatus? Habeto prudentiam, justitiam, temperantiam, fortitudinem. His Cœpi plagiæ includere, hæc te quadriga velut au-

rigam Christi, ad metam concita ferat. Nihil hoc monili pretiosius, nihil hac gemmarum varietate distinctius. Ex omni parte decoraris, clingeris, atque protegeris, & ornamento tibi sunt, & tutamini, gemmæ vertuntur in seuta. Cave quoque ne aut lingam, aut aures habeas prurientes, id est ne aut ipse aliis detrahias, aut alios audias detrahentes. Seden, inquit, adversus fratrem tuum loquebaris, & adversus filium matris tuæ ponebas scandalum; hæc fecisti, & tacui. Existimasti iniquè quod ero tui similis, arguam te, & statuam contra faciem tuam. Parce à detractione linguae, custodi sermones tuos, & scito quia per cuncta, quæ de aliis loqueris tua conscientia judicaris, & in his ipse deprehenderis, quæ in aliis arguebas. Neque verò illa justa est excusatio: referentibus aliis injuriam facere non possum. Nemo invito auditore libenter refert, sagitta in lapidem nunquam figitur, interdum resiliens percutit dirigentem. Discat detractor, dum te videt non libenter audire, non facile detrahere. Cum detractoribus, ait Salomon, ne miscearis, quoniam repente veniet perditio eorum, & ruinam utriusque quis novit? tam videlicet ejus qui detrahit, quæ illius, qui accommodat aurem detrahenti. Officium tui est visitare languentes, nosse domos matronarum, ac liberos earum, & nobilem virorum custodire secreta. Officium tui est non solum oculos castos servare, sed & lingam. Nunquam de formis mulierum disputes, nec quid agatur in alia, domus alia per te noverit. Hippocrates adjurat discipulos suos antequam doceat, & in verba sua jurare compellit, extorquet sacramento silentium, sermonem, incensum, habitum, mōrēsque præscribit. Quanto magis nos qui-

## EPISTOLA

bus animarum cura commissa est, omnium Christianorum domos debemus amare, quasi proprias? Consolatores potius nos in mœroribus suis, quam con vivas in prosperis noverint. Facile contemnitur Clericus, qui sæpè vocatus ad prandium ire non recusat. Numquam petentes, raro accipiamus rogati. Beatus enim est magis dare, quam accipere. Nescio enim quomodo etiam ipse, qui deprecatur, ut tribuat, cum acceperis, viliorem te judicat; & mirum in modum, si eum roganter contempseris, plus te posterius veneratur. Prædicator continentiae, nuptias ne conciliet. Qui Apostolum legit dicentem: superest ut qui habent uxores, sic sint, quasi non habeant; cur virginem cogit, ut nubat? Qui de monogamia Sacerdos est, quare viduam hortatur, ut digama sit? Procuratores & dispensatores domorum alienarum, atque villarum quomodo possunt esse Clerici, qui proprias jubentur contemnere facultates? Amico quippian rapere, furtum est: Ecclesiam fraudare, sacrilegium est: accepisse quod pauperibus erogandum sit, & esurientibus plurimis, vel cautum esse velle, vel timidum; aut, quod apertissimi sceleris est, aliquid inde subtrahere, omnium prædonum credulitatem superat. Ego fame torqueor, & tu judicas quantum ventri meo satis sit, aut divide statim quod acceperis, aut si timidus dispensator es, dimitte largitorem, ut sua ipse distribuat. Nolo sub occasione mea sacculus tuus plenus sit: nemo mea melius me servare potest. Optimus dispensator est, qui sibi nihil reservat. Coegisti me, Nepotiane charissime, lapidato jam virginitatis libello, quem Sanctæ Eustochiæ Romæ scripseram post annos decem, rursus Bethlehem ora rese rare, & confodiendum me linguis omnium prodere.

## AD NEPOTIANUM.

Aut enim nihil scribendum fuit, ne hominum iudicium subiremus, quod tu facere prohibuisti; aut scribentes, nosse cunctorum adversum nos maledicorum tella esse torquenda. Quos obsecro, ut quiescant, & desinant maledicere. Non enim ut adversariis, sed ut amicis scripsimus, nec investi sumus in eos, qui peccant, sed ne peccent monuimus. Neque in illos tantum, sed & in nos ipsos severi judices fuimus. Volentesque festucam de oculo alterius tollere, nostram primum trabem ejecimus. Nullum laesi, nullius nomen mea scriptura designatum est. Neminem specialiter meus sermo pulsavit. Generalis de vitiis disputatio est. Qui mihi irasci voluerit, prius ipse de se quod talis sic, confitebitur.

HIERONIMUS RUSTICO MONACHO VIVENDI  
formam p̄aeschribit.

Argum. Epistolæ.

Rusticum Gallum Monachum docet, quemadmodum oporteat instituere vitam, eo dignam cognomine. Admonet in primis ad vitandam suspectarum mulierum consuetudinem, tutius esse juvenem in Cenobio, quam in solitudine vitam agere, & sero ad docendum, & scribendum libros esse veniendum. Tandem invehitur in illos, qui sub praetextu, & titulo Monachi, suis indulgent vitiis.

**N**ihil Christiano felicius, cui promittitur Regnum Cœlorum: nihil laboriosius, qui quotidie de vita periclitatur: nihil fortius, qui vincit diabolum: nihil imbecillus, qui à carne superatur; utriusque rei exempla sunt plurima. Latro credit in Cruce,

## EPISTOLA

bus animarum cura commissa est, omnium Christianorum domos debemus amare, quasi proprias? Consolatores potius nos in mœroribus suis, quam con vivas in prosperis noverint. Facile contemnitur Clericus, qui sæpè vocatus ad prandium ire non recusat. Numquam petentes, raro accipiamus rogati. Beatus enim est magis dare, quam accipere. Nescio enim quomodo etiam ipse, qui deprecatur, ut tribuat, cum acceperis, viliorem te judicat; & mirum in modum, si eum roganter contempseris, plus te posterius veneratur. Prædicator continentiae, nuptias ne conciliet. Qui Apostolum legit dicentem: superest ut qui habent uxores, sic sint, quasi non habeant; cur virginem cogit, ut nubat? Qui de monogamia Sacerdos est, quare viduam hortatur, ut digama sit? Procuratores & dispensatores domorum alienarum, atque villarum quomodo possunt esse Clerici, qui proprias jubentur contemnere facultates? Amico quippian rapere, furtum est: Ecclesiam fraudare, sacrilegium est: accepisse quod pauperibus erogandum sit, & esurientibus plurimis, vel cautum esse velle, vel timidum; aut, quod apertissimi sceleris est, aliquid inde subtrahere, omnium prædonum credulitatem superat. Ego fame torqueor, & tu judicas quantum ventri meo satis sit, aut divide statim quod acceperis, aut si timidus dispensator es, dimitte largitorem, ut sua ipse distribuat. Nolo sub occasione mea sacculus tuus plenus sit: nemo mea melius me servare potest. Optimus dispensator est, qui sibi nihil reservat. Coegisti me, Nepotiane charissime, lapidato jam virginitatis libello, quem Sanctæ Eustochiæ Romæ scripseram post annos decem, rursus Bethlehem ora rese rare, & confodiendum me linguis omnium prodere.

## AD NEPOTIANUM.

Aut enim nihil scribendum fuit, ne hominum iudicium subiremus, quod tu facere prohibuisti; aut scribentes, nosse cunctorum adversum nos maledicorum tella esse torquenda. Quos obsecro, ut quiescant, & desinant maledicere. Non enim ut adversariis, sed ut amicis scripsimus, nec investi sumus in eos, qui peccant, sed ne peccent monuimus. Neque in illos tantum, sed & in nos ipsos severi judices fuimus. Volentesque festucam de oculo alterius tollere, nostram primum trabem ejecimus. Nullum læsi, nullius nomen mea scriptura designatum est. Neminem specialiter meus sermo pulsavit. Generalis de vitiis disputatio est. Qui mihi irasci voluerit, prius ipse de se quod talis sic, confitebitur.

HIERONIMUS RUSTICO MONACHO VIVENDI  
formam p̄aeschribit.

Argum. Epistolæ.

Rusticum Gallum Monachum docet, quemadmodum oporteat instituere vitam, eo dignam cognomine. Admonet in primis ad vitandam suspectarum mulierum consuetudinem, tutius esse juvenem in Cenobio, quam in solitudine vitam agere, & sero ad docendum, & scribendum libros esse veniendum. Tandem invehitur in illos, qui sub praetextu, & titulo Monachi, suis indulgent vitiis.

**N**ihil Christiano felicius, cui promittitur Regnum Cœlorum: nihil laboriosius, qui quotidie de vita periclitatur: nihil fortius, qui vincit diabolum: nihil imbecillus, qui à carne superatur; utriusque rei exempla sunt plurima. Latro credit in Cruce,

## EPISTOLA

& statim meretur audire: Amen dico tibi, hodie mecum eris in Paradiso. Judas de Apostolatus fastigio, in prodigionis tartarum labitur, & nec familiaritate convivii, nec intinctione buccellæ, nec osculi gratia frangitur, ne quasi hominem tradat, quem Filium Dei noverat. Quid Samaritana vilius? Non solum ipsa creditit, & post sex viros unum invenit Dominum, Messiamque cognovit ad fontem, quem in templo Iudeorum Populus ignorabat; sed & author sit salutis multorum, & Apostolis ementibus cibos, esurientem reficit, lassumque sustentat. Quid Salomone sapientius? Attamen infatuatur amo-ribus mulierum. Bonum est sal, nullumque sacrificium absque hujus aspersione suscipitur. Unde & Apostolus præcipit: Sermo vester semper in gratia sale sit conditus. Quod si infatuatur, foras projicitur, in tantumque perdit nominis dignitatem, ut ne in sterquilinium quidem utile sit, quo solent creden- tium arva condiri, & sterile animalium solum pinguescere. Hæc dicimus, ut prima te, fili Rustice, fronte doceamus, magna cœpisse, & excelsa secta- ri; & adolescentiæ, imo pubertatis incentiva calcan- tem, perfectæ quidem ætatis gradum scandere, sed lubricum iter esse, per quod ingrederis, nec tantum sequi gloriæ post victoriam, quantum ignominiae post ruinam. Non mihi nunc per virtutum præta ducen- dus est rivulus, nec laborandum, ut ostendam tibi variorum pulchritudinem florum: quid in se lilia habeant puritatis, quid rosa verecundiaæ possideat, quid violæ purpura promittat in Regno, quid rut- lantium spondeat pictura gemmarum. Jam enim pro- pitio Deo, stivam tenes. Jam tectum, atque sola- riū cum Petro Apostolo descendisti, qui esuriens

## ADRUSTICUM.

in Jūdæis Cornelii saturatur Fide, & famem incre- dulitatis eorum gentium conversione restinguunt; at- que in vase Evangeliorum quadrangulo, quod de Cœlo descendit ad terram, docetur, & discit omnes homines posse salvari. Rursumque quod viderat in specie candidissimi linteaminis in superna transfor- tur, & credentium turbam de terris ad Cœlum ra- pit, ut pollicitatio Domini compleatur: Beati mun- do corde, quoniam ipsi Deum videbunt. Totum, quod apprehensa manu insinuare tibi cupio, quod quasi doctus nauta, post multa naufragia, rudem pudicitia pirata sit, noveris; ubi Charybdis, & radix omnium malorum avaritia, ubi Scyllæi obtrectato- rum canes, de quibus Apostolus loquitur: ne mor- dentes invicem mutuo consumamini: quo modo, in media tranquilitate securi, Lybicis interdum vitio- rum Syrtibus obruamur: quid venenatorum animan- tium desertum hujus sæculi nutriat. Navigantes ru- brum mare, in quo optandum nobis est, ut verus Pharao cum suo mergatur exercitu, multis difficul- tibus ac periculis ad urbem maximam perveniunt. Utroque in littore gentes vagæ, imo belluæ habitant ferocissimæ. Semper solicii, semper armati totius anni vehunt cibaria. Latentibus saxis, vadisque du- fissimis plena sunt omnia, ita ut speculator doctus in summa mali arbore sedeat, & inde regendæ, & circumflectendæ navis dictata prædictet. Felix cursus est, si post sex menses supradictæ urbis portum te- neat, à quo se incipit aperire Oceanus: per quem vix anno perpetuo ad Indiam pervenitur, & ad Gan- gem fluvium (quem Phison sancta Scriptura com- memorat) qui circumit totam terram Evilath, &

multa genera pigmentorum de Paradisi dicitur fonte devehere. Ubi nascitur carbunculus, & smaragdus, & margarita carentia, & uniones, quibus nobilium foeminarum ardet ambitio, montesque aurei, quos adire propter Gryphas, & Dracones, & immensorum corporum monstra, hominibus impossibile est, ut ostendatur nobis, quales custodes habeat avaritia. Quorsum ista? Perspicuum est, si negotiatores sæculi tanta sustinent ut ad incertas, periturasque diuitias perveniant, & servent cum animæ discrimine, quæ multis periculis quæsierunt: quid Christi negotiatori faciendum est, qui venditis omnibus quærerit preiosissimum margaritum? qui totis substantiæ suæ opibus emit agrum, in quo reperiat thesaurum, quem nec fur effodere, nec latro possit auferre?

Scio me offensurum esse quamplurimos, qui generalem de vitiis disputationem in suam referunt conuiciam. Et dum mihi irascuntur, suam indicant conscientiam, multoque pejus de se, quam de me judicant. Ego enim neminem nominabo, nec veteris comoedie licentia, certas personas eligam, atque perstringam. Prudentis viri est, ac prudentium foeminarum dissimulare, imò emendare, quod in se intelligunt, & indignari sibi magis, quam mihi, nec in monitorem maledicta congerere: qui etsi iisdem tenetur criminibus, certè in eo melior est, quod sua ei mala non placent. Audio religiosam te habere matrem, multorum annorum viduam, quæ aluit, quæ erudit infans, ac post studia Galliarum, quæ vel florentissima sunt, misit Romanam, non parcens sumptibus, & absentiam filii spe sustinens futurorum, ut ubertatem Gallici, nitorumque sermonis, gravitas Romana condiret, nec calcaribus in te, sed frænis utere-

tur: quod & in dissertissimis viris Græciæ legimus, qui Asianum tumorem Attico siccabant sale, & luxuriantes flagellis vineas falcibus reprimebant, ut eloquentiæ torcularia, non verborum pampinis, sed sensum quasi uivarum expensionibus redundarent. Hanc tu suspice ut parentem, ama ut nutricem, venerare ut sanctam. Nec aliorum imiteris exemplum, qui relinquunt suas, & alienas appetunt: quorum decus in propatulo est, sub nominibus pietatis, quærentium suspecta consortia. Novi ego quasdam jam maturioris ætatis, libertini generis adolescentibus delectari, & filios quærere spirituales, paulatimque pudore superato, facta matrum nomina erumpere in licentiam maritalem. Aliæ sorores virgines deserunt, & externis viduis copulantur. Sunt quæ oderunt suos, & non suorum palpantur affectu: quarum impatientia, judex animi, nullam recipit excusationem; & cassa pudicitiæ velamenta quasi aranearum fila disrumpit. Videas nonnullos accintis renibus pulla tunica, barba prolixa, à mulieribus non posse discedere, sub eodem manere tecto, simul inire convivia, ancillas juvenes habere in ministerio, & præter vocabulum nuptiarum, omnia esse matrimonii. Nec hæc culpa est Christiani nominis, si simulator religionis in vito sit; quinimo confusio Gentilium, cum ea vident Ecclesiis displicere, quæ omnibus bonis non placent. Tu vero si Monachus esse vis, non videri, habeto curam, non rei familiaris, cui renunciando, hoc esse cœpisti, sed animæ tuae. Sordidae vestes, candidæ mentis indicia sint: vilis tunica contemptum sæculi probet; Ita dumtaxat, ne animus tumeat, ne habitus, sermo que dissentiant. Balnearum fomenta non querat, qui calorem corporis, jejuniorum cupit frigore extin-

## EPISTOLA

guere : quæ & ipsa moderata sint, ne nimia debilitas stomachum, & majorem refectionem poscentia. Erumpant in crudelitatem, quæ parens libidinum est. Modicus, ac temperatus cibus, & carni, & animæ utilis est. Matrem ita vide, ne per illam alias videtur cogaris, quarum vultus cordi tuo hæreant, & tacitum vivat sub pectore vulnus. Ancillas, quæ illi in obsequio sunt, tibi scias esse in insidiis. Quia quanto Joannes Baptista sanctam matrem habuit, Pontificisque filius erat, & tamen nec matris affectu, nec patris opibus vincebatur, ut in domo parentum cum periculo viveret castitatis. Vivebat in eremo, & oculis desiderantibus Christum, nihil aliud dignabatur aspicere. Vestis aspera, zona pellicea, cibus locupletata, melque sylvestre, omnia virtuti, & continentiae preparata. Filii prophetarum (quos Monachos, in veteri Testamento legimus) adficabant sibi casulas propriae fluenta Jordanis, & turbis urbium derelictis, pollenta & herbis agrestibus vicitabant. Quandivit in patria tua es, habeto cellulam pro Paradiso, harum fruere complexu. Si scandalizat te oculus, pes, manus, projice ea. Nulli parcas, ut soli parcas animæ : Qui viderit, inquit Dominus, mulierem ad concupiscendum eam, jam moechatus est eam in corde suo. Quis gloriabitur castum se habere cor? Astra non sunt munda in conspectu Domini, quanto magis homines, quorum vita tentatio est? Væ nobis, qui quoties concupiscimus, totes fornicamur. Inebriatus est, inquit, gladius meus in celo; multo amplius in terra, quæ spinas, & tribulos generat. Vas electionis, in cuius ore Christus resonabat, ma-

## AD RUSTICUM.

cerat corpus suum, & subjicit servituti, & tamen cernit naturalem carnis ardorem suæ repugnare sentientiam, ut quod non vult, hoc agere compellatur, & quasi vim patiens, vociferatur, & dicit: miser ego homo, quis me liberabit de corpore mortis hujus? Et tu te arbitraris absque lapsu, & vulnere posse transire, nisi omni custodia servaveris cor tuum, & cum Salvatore dixeris: mater mea, & fratres mei hi sunt, qui faciunt voluntatem Patris mei? Crudelitas ista pietas est. Imò quid tam pium, quam sanctæ Matri sanctum filium custodire? Optat & illa te vivere, & non videre ad tempus, ut semper cum Christo videat. Anna Samuele, non sibi, sed tabernaculo genuit Filii Jonadab, qui vinum, & siceram non bibebant, qui habitabant in tentoriis, & quas nox compulerat, sedes habebant, scribuuntur in Psalmo, quod primi captivitatem sustinuerint, qui ab exercitu Chaldæorum vastante Judæam, urbes introire compulsi sunt. Viderint, quid alii sentiant. Unusquisque enim suo sensu ducitur: mihi oppidum carcer, & solitudo Paradisus est. Quid desideremus urbium frequentiam, qui de singularitate censemur? Moyses, ut præcesset populo Judæorum, quadraginta annis eruditur in eremo. Pastor ovium, hominum factus est Pastor. Apostoli de piscatione lacus Genezareth ad piscationem hominum transierunt. Qui tunc habentes patrem, rete, naviculam, sequuntur Dominum, protinus omnia reliquerunt, portantes quotidie crux suam, & ne virgam quidem in manu habentes. Hæc dico, ut etiam si Clericatus testitatis desiderium, discas quod possis docere, & rationabilem hostiam offeras Christo, ne miles, antequam tiro; ne prius magister sis, quam discipulus.

## EPISTOLA

Non est humilitatis meæ, neque mensuræ judicare de Clericis, & de Ministris Ecclesiarum sinistrum quipiam dicere. Habeant illi ordinem, & gradum suum; quem si tenueris, quomodo tibi in eo vivendum sit, editus ad Nepotianum liber docere te poterit. Nunc Monachi incunabula, moresque discutimus, & ejus Monachi, qui liberalibus studiis eruditus, in adolescentia jugum Christi collo suo imposuit. Primumque tractandum est, utrum solus, an cum aliis in Monasterio vivere debeas? Mihi quidem placet, ut habeas Sanctorum conturbernium, nec ipse te doceas, & absque Doctore ingrediaris viam, quam numquam ingressus est, statimque tibi in partem alteram declinandum sit, & errori pateas, plusque, ut minus ambules, quam necesse est, ne aut currens lasseris, aut moram faciens obdormias. In solitudine citò subrepit superbia: & si parumque jejunaverit, hominemque non viderit, putat se alicuius esse momenti, oblitusque sui, unde, & quo venerit, intus corde, lingua foris vagatur. Judicat contra Apostoli voluntatem, alienos servos: quo gula voluerit, porrigit manum: dormit, quantum voluerit: nullum veretur: facit, quod voluerit: omnes inferiores se putat: crebriusque in urbibus, quam in cellula est; & inter fratres simulat verecundiam qui platearum turbis colliditur. Quid igitur? Solitariam vitam reprehendimus? Minime, quippe quam sàpè laudavimus: sed de ludo Monasteriorum, hujuscemodi volumus egredi milites, quos eremi dura rudimenta non treuant: qui specimen conversionis suæ multo tempore dederit; qui omnium fuerit minimi, ut primi omnium fierent; quos nec esurie aliquando, nec saturitas superavit: qui paupertate lætantur: quorum habitus, sermo, vultus, incessus,

## AD RUSTICUM.

doctrina virtutum est: qui nesciunt secundum quosdam ineptos homines, dæmonum pugnantum contra se portenta configere, ut apud imperitos, & vulgi hominis, miraculum sui faciant, & exinde lucra seftentur. Vidimus nuper, & planximus, Crœsi opes unius morte deprehensas, urbisque stipes, quasi in usus pauperum congregatas, stirpe & posteris derelictas. Tunc ferrum, quòd latebat in profundo, supernavit aquæ, & inter palmarum arbores, myrræ amaritudo monstrata est. Nec mirum; talem & socium, & magistrum habuit, qui ægentium famen, suas facit esse dixitias; & miseris derelicta, in suam reservavit miseriam. Quorum clamor tandem pervenit ad Cœlum, & patientissimas Dei vicit aures, ut missus Angelus pessimo Nabal Carmelo diceret: stulte, hac nocte auferent animam tuam à te: quæ autem præparasti, cuius erunt? Volo ergo te, & propter causas, quas supra exposui, non habitare cum matre, & præcipue, ne aut offerentem delicasios cibos, renuendo contristes: aut si acceperis, oleum igni adjicias, & inter frequentiam puellarum per diem videoas, quod nocte cogites. Numquam de manu, & oculis tuis recedat liber: discatur Paslerium ad verbum: oratio sine intermissione, vigil sensus sit, nec vanis cogitationibus patens. Corpus pariter, & animus tendatur ad Dominum. Iram vince patientia: ama scientiam scripturatum, & carnis vitia non amabis. Nec vacet mens tua variis perturbationibus. Quæ si pectori insiderint, dominabuntur tui, & te deducent ad dilectum maximum. Facito aliquid operis, ut te semper diabolus inveniat occupatum. Si Apostoli habentes potestatem de Evangelio vivere, lababant manibus suis, ne quem gravarent, & aliis tri-

## EPISTOLA

buebant refrigeria, quorum pro spiritualibus debebant metere carnalia: cur tu in usus tuos cesura non præpares? Vel fiscellam texe junco, vel canistrum lentis plecte viminibus: sarriatur humus, areolæ æquæ limite dividatur. In quibus cum oleorum jacta fuerint semina, vel plantæ per ordinem positæ, aquæ ducantur irriguæ, ut pulcherrimorum versuum spectator assistas.\*

*Ecce superciliosi clivosi tramitis undam  
Elicit: illa cadens raucum per levia murmur  
Saxa ciet, scatbrisque arenitia temperat arva.*

Inserunt fructuose arbores, vel gemmis, vel surculis, ut parvo post tempore, laboris tui dulcia poma-decerpas. Apum fabricare alvearia, ad quas te mittunt Salomonis Proverbia, & Monasterium ordinem, ac regiam disciplinam in parys disce corporibus. Texantur & lina capiendis piscibus, scribantur libri: ut & manus operetur cibum, & animus lectione saturetur. In desideriis est omnis otiosus. Ægyptiorum monasteria hunc morem tenent, ut nullum absque operis labore suscipiant, non tam propter victus necessitatem, quam propter animæ salutem; ne vagetur perniciosis cogitationibus mens, & instar fornicanis Jerusalem, omni transeunti divaricet pedes suos. Dum essem juvenis, & solitudinis me deserta vallarent, incentiva vitiorum, ardoremque naturæ ferre non poteram, quem cum crebris jejuniis frangerem, mens tamen cogitationibus æstuabat; ad quam edomandam, cuidam fratri, qui ex Hebreis crediderat, me in disciplinam dedi, ut post Quintiliani acumina, Ciceronis fluvios, gravitatemque Frontonis, & lenitatem Plinii, alphabetum

\* Virg. Georgic. lib. 2.

## AD RUSTICUM.

discerem, & stridentia, anhelantiaque verba mediterer. Quid ibi laboris insumpserim, quid sustinuerim difficultatis, quoties desperaverim, quotiesque cessererim, & contentione discendi rursus incepferim; testis est conscientia tam mea qui passus sum; quam eorum, qui mecum duxerunt vitam; & gratias ago Domino quod de amaro semine litterarum, dulces fructus cargo. Dicam & aliud, quod in Ægypto viderim. Græcus adolescens erat in Coenobio, qui nulla abstinentia, nulla operis magnitudine flammarum poterat carnis extinguere: hunc periclitantem pater Monasterii hac arte servavit. Imperat cuidam viro gravi, ut iugulis atque convitiis insectaretur hominem, & post irrogatam injuriam primus veniret ad querimoniam. Vocati testes, pro eo loquebantur, qui contumeliam fecerat: fieret ille contra mendacium: nullus alius credere veritati: solus pater defensionem suam callide opponere, ne abundatori tristitia absorberetur frater. Quid multa? Ita annus ductus est; quo expleto, interrogatus adolescens, super cogitationibus pristinis, an adhuc molestiae aliquid sustinet; Papæ! inquit, vivere mihi non licet, & fornicari libeat? Hic si solus fuisset, quo adjutore superasset? Philosophi sæculi solent amorem veterem, amore novo quasi clavo clavum expellere. Quod & Assuero Regi septem Principes facere Persarum, ut Vasthi Reginæ desiderium, aliarum puellarum amore compescerent. Illi vitium vitio, peccatumque peccato medicantur: nos amore virtutum via superamus. Declina, ait, à malo, & fac bonum, quærere pacem, & perseguere eam: nisi oderimus malum, bonum amare non possumus: quin potius faciendum est bonum, ut declinemus à malo. Pax quærenda, ut bel-

la fugiamus. Nec sufficit eam quætere, nisi intuentem, fugientemque omni studio persequamur: quæ exuperat omnem sensum, in qua habitatio Dei est, dicente Propheta: & factus est in pace locus ejus. Pulchreque persequitio pacis dicitur, juxta illud Apostoli: hospitalitatem persequentes, ut non levi, usitatoque sermone, &, ut ita loquar, summis labiis hospites invitemus, sed toto mentis ardore teneamus, quasi offerentes se cum lucro nostro, atque compendio. Nulla ars absque Magistro discitur. Etiam multo animalia, & ferarum greges ductores sequuntur suos. In apibus principes sunt: grues unum sequuntur ordinem litterato, imperator unus, judex unus in Provincia. Roma, ut condita est, duos fratres simul habere Reges non potuit, & parricidio dedicatur. In Rebeccæ utero Esau, & Jacob bella gesserunt. Singuli Ecclesiarum Episcopi, singuli Archipresbyteri, singuli Archidiaconi, & omnis ordo Ecclesiasticus suis Rectoribus nititur. In navi unus gubernator: in domo unus dominus: in quovis grandi exercitu unius signum expectatur. Et ne plura replicando fastidium legenti faciam, per hæc omnia ad illud tendit oratio, ut doceam te, non tuo arbitrio dimittendum, sed vivere debere in Monasterio sub unius disciplina patris, consortioque multorum, ut ab alio discas humilitatem, ab alio patientiam: hic te silentium, ille doceat mansuetudinem: non facias quod vis: comedas quod juberis, vestiare quod acceperis: operis tui pensum persolvas, subjiciaris cui non vis, lassus ad stratum venias, ambulansque dormites, & needum expleto somno, surgere compellaris. Discas Psalmum in ordine tuo, in quo non dulcedo vocis sed mentis affectus quæritur, dicente Apostolo: Psallam spiritu: Psal-

& mente: cantantes in cordibus vestris Domino. Legerat enim esse præceptum: Psallite sapienter. Servias fratribus: hospitum laves pedes: passus injuriam taceas: Præpositum Monasterii timeas ut dominum, diligas ut parentem. Credas tibi salutare, quicquid ille præceperit, nec de majorum sententia judices, cuius officii est obedire, & implere quæ jussa sunt, dicente Moyse: audi Israel, & taœ. Tantis negotiis occupatus, nullis vacabis cogitationibus, & dum ab alio transis ad aliud, opusque succedit operi; illud solùm mente tenebis, quod agere compelleris. Vidi ego quosdam, qui postquam renuntiavere sacerculo, vestimentis dumtaxat, & vocis professione, non rebus, nihil de pristina conversatione mutarunt. Res familiaris magis aucta, quam imminuta, eadem ministeria servulorum, idem apparatus convivii. In vitro, & patella fictili aurum comeditur, \* & inter turbas, & examina Ministrorum, nomen sibi vendicant solitarii. Qui verò pauperes sunt, & tenui substantiola, videnturque sibi scoli, pomparum ferculis similes procedunt in publicum, ut caninam exerceant facundiam. Alii sublatis in altum humeris, & intra se nescio quid cornicantes, \* stupentibusque in terram oculis, tumentia verba trutinantur; ut si præconem addideris, putes incedere præfecturam. Sunt qui humore cellarum, immoderatisque jejuniis, tædio solitudinis, ac nimia lectione, dum diebus, ac noctibus auribus suis personant, vertuntur in melancholiam, & Hypocratis magis fomentis, quam nostris monitis indigent. Pleri-

D

\* Vocat aurum, res auro, aut magno pretio emptas.

\* Id est: cornicum more obmurmurantes Allusio ad illud Persianum. Sat. 5. Nec clausum murmure raucus: nescio quid tecum grave cornicaris inepit.

## EPISTOLA

que artibus & negotiationibus pristinis carere non possunt, mutatisque nominibus institutorum, eadem exercent commercia, non victum & vestitum, quod Apostolus præcipit, sed majora, quam saeculi homines emolumenta sectantes. Et prius quidem ab ædili- bus, quos *agoronaomous* Græci appellant, vendentium coercebatur rabies, nec erat impune peccatum. Nunc autem sub religionis titulo exercentur injusta compendia, & honor nominis Christiani fraudem magis facit, quam patitur: quodque pudet dicere, sed necesse est, ut saltem sic ad nostrum erubescamus decus, publicè extendentes manus, pannis aurum tegimus; & contra omnium opinionem, plenis sacculis, morimur divites, qui quasi pauperes viximus. Tibi, cum in Monasterio fueris, haec facere non licebit, & inolescente paulatim consuetudine, quod primum co-gebaris, velle incipies, & delactabit te labor tuus, oblitusque præteriorum, semper priora sectaberis, nequaquam considerans, quid alii mali faciant, sed quid boni tu facere debeas. Neque verò peccantium ducaris multitudine, & te pereuntium turba solicitet, ut tacitus cogites: Quid? ergo omnes peribunt, qui in urbibus habitant? Ecce illi fruuntur suis rebus, ministrant Ecclesiis, adeunt balneas, unguenta non spernunt, & tamen in omnium ore versantur. Ad quod & ante respondi, nunc breviter respondeo, me in præsenti opusculo non de Clericis disputare, sed Monacum instituere. Sancti sunt Clerici, & omnium vita laudabilis. Ita ergo age, & vive in Monasterio, ut Clericus esse merearis, ut adolescentiam tuam nulla sorde commacules, ut ad altare Christi, quasi de thalamo virgo procedas, & habeas deforis bonum testimonium, fæminæque nomen tuum noverint, & vul-

## AD RUSTICUM.

tum tuum nesciant. Cum ad perfectam ætatem vene- ris, si tamen vita comes fuerit, & te vel Populus, vel Pontifex Civitatis, in Clerum elegerit, agito quæ Clerici sunt, & inter ipsos sectare meliores; quia in omni conditione, & gradu, optimis mixta sunt pessima. Ne ad scribendum cito prosilias, & levi ducaris insania. Multo tempore disce, quod doceas. Ne credas laudatoribus tuis, imò irrisoribus aurem ne libenter accomodes: qui cum te adulatioibus foverint, & quodammodo impotem mentis effecerit, si subito respexeris, aut ciconiarum deprehendes post te colla curvari, aut manu auriculas agitari asini, aut æstuan- tem canis protendi linguam. Nulli detrahas, nec in eo te sanctum putas, si cæteros laceres. Accusamus sæpè quod facimus, & contra nosmetipsos diserti, in nostra vitia invehimur, muti de eloquentibus judi- cantes. Testudineo Grunius incedebat ad loquendum gradu, & per intervalla quædam vix pauca verba carpebat, ut eum putares singultire, non proloqui. Et tamen cum mensa posita librorum exposuisset struem, adducto supercilio, contractisque naribus, ac fronte rugata, duobus digitulus concrepabat, hoc signo ad audiendum discipulos provocans. Tum nugas meras fundere, & adversum singulos declamare. Criticum dices esse Longinum, Censoremque Romanæ facundiæ, notare quem vellet, & de Senatu Doctorum excludere. Hic bene nummatus, plus placebat in prandiis. Nec mirum si, qui multos inescare solitus erat, facto cuneo circumstrepentium garrulorum, procedebat in publicum, intus Nero, foris Cato, totus ambi- gius, ut ex contrariis diversisque naturis unum monstraum, novamque bestiam dices esse compac- tam, juxta illud Pœticum: *Prima leo, postrema dra-*

## EPISTOLA

*co*, media ipsa Chimæra. Numquam ergo tales videoas, nec hujusmodi hominibus appliceris, ne declines cor tuum in verba malitiæ, & audias: sedens aduersus fratrem tuum loquebaris, & aduersus filium matris tuæ ponebas scandalum. Et iterum: filii hominum dentes eorum arma, & sagittæ. Et alibi: molliti sunt sermones ejus super oleum, & ipsi sunt jacula. Et apertiūs in Ecclesiaste: sicut mordet serpens in silentio, sic qui fratri suo oculte detrahit. Sed dices: ipse non detraho, aliis loquentibus, quid facere possum? Ad excusandas excusationes in peccatis, ista prætendimus, Christus arte non illuditur. Nequaquam mea, sed Apostoli sententia est. Nolite errare, Deus non irridetur: ille in corde, nos videmus in facie. Salomon loquitur in Proverbiis: ventus Aquilo dissipat nubes, & vultus tristis linguis detrahentium. Sicut enim sagitta, si mittatur contra duram materiam, nonnumquam in mittentem revertitur, & vulnerat vulnerantem, illudque completer: *Facti sunt mibi in arcum pravum*; & alibi: Qui mittit in altum lapidem, recidit in caput ejus: ita detractor, cum tristem faciem viderit audientis, imò ne audientis quidem, sed obturantis aures suas, ne audiat judicium sanguinis, illico conticescit, pallet vultus, hærent labia, saliva siccatur. Unde idem vir sapiens: Cum detractoribus, inquit, ne miscearis; quoniam repente veniet perditio eorum, & ruinam utrisque quis novit? tam scilicet ejus qui loquitur, quam illius qui audit loquenter. Veritas angulos non amat, nec querit surrones. Timotheo dicitur, adversum Presbyterum accusationem citò ne receperis: Peccantem autem coram omnibus argue, ut & cæteri metum habeant. Non est facile de proiecta ætate credendum, quam & vi-

## AD RUSTICUM.

ta præterita defendit, & honorat vocabulum dignitatis. Verùm qui homines sumus, & interdum contra annorum maturitatem, puerorum vitiis labimur, si me vis corrigere delinquentem, apertè increpa, tantum ne oculte mordeas: corripit me justus in mise ricordia, & increpabit; oleum autem peccatoris non impinguet caput meum. Quem enim diligit Dominus, corripit, castigat autem omnem filium quem recipit. Et per Isaiam clamat Dominus: populus meus, qui beatos vos dicunt, seducunt vos, & semitas pedum vestrorum supplantant. Quid enim mihi prodest, si aliis mala referas mea? Si me nesciente, peccatis meis, imò detractionibus tuis, alium vulneres, & cum certatim omnibus narres, sic singulis loquaris, quasi nulli dixeris alteri? Hoc est non me emendare, sed vitio tuo satisfacere, præcipit Dominus peccantes in nos argui debere secreto, vel adhibito teste, & si audire noluerit, referri ad Ecclesiam; habendosque in malo pertinaces sicut Ethnicos & publicanos. Hæc expressiū loquor, ut adolescentem meum & linguæ, & aurum prurigine liberem, ut renatum in Christo sine ruga & macula, quasi pudicam virginem exhibeam, castam tamen mente, quam corpore; ne solo nomine glorietur, & absque oleo bonorum operum extincta lampade, excludatur à sposo. Habes istuc sanctum, doctissimumque Pontificem Procolum, qui viva, & præsenti voce nostras schedulas supereret, quotidianisque tractatibus iter tuum dirigat, ne patiatur te in partem alteram declinando, viam relinqueret regiam, per quam Israel ad terram re promissionis properans, se transiitrum esse promittit. Atque utinam exaudiatur vox Ecclesiæ implorantis: Domine, pacem tuam da nobis. Omnia enim dedisti no-

bis. Utinam quod renuntiamus sæculo, voluntas sit, non necessitas: & paupertas habeat expedita gloriam non illata cruciatum. Cæterum juxta miseras hujus temporis, & ubique gladios sœvientes, satis dives est, qui pane non indiget. Nimium potens est, qui servire non cogitur. Sanctus Exuperius Tolosæ Episcopus viduæ Sareptensis imitator, esuriens pascit alios; & ore pellente jejuniis, fame torquetur aliena, omnemque substantiam Christi visceribus erogavit. Nihil illo ditius, qui corpus Domini canistro vimeo, sanguinem portat in vitro: qui avaritiam ejecit è templo: qui absque funiculo, & increpatione Cathedras vendentium columbas, id est, dona sancti Spiritus, mensaque subvertit mammonæ, & nummularium æra dispersit, ut domus Dei domus vocetur orationis, & non latronum spelunca. Hujus tu è vicino sectare vestigia, & cæterorum, qui virtutum illius similes sunt, quos Sacerdotium & humiliores facis & pauperes. Aut si perfecta desideras, exi cum Abraham de patria, & cognatione tua, & perge quod nescis. Si habéas substantiam, vende, & da pauperibus. Si non habes, grandi onore liberatus es. Nudum Christum nudus sequere. Durum, grande, difficile, sed magna sunt præmia.

DIRECCIÓN GENERAL DE BIBLIOTECAS

## HIERONYMUS AD FLORENTIUM.

## Argumentum Epistolæ.

*Familiaris epistola est, nec eget aliquo argomento: in qua ipsum Florentium omnium dilectione dignum ob virtutem charitatis D. Hieronymus commendat.*

Quantis beatitudinis tuæ rumor diversa populi ora compleverit, hic poteris aestimare, quæ nosse. Ut enim ait Apostolus, quorundam hominum peccata manifesta sunt, præcedentia ad judicium; ita è contrario, tuæ dilectionis fama dispergitur, ut non tam laudandus sit ille qui te amat, quæ scelus putetur facere ille qui non amat. Prætermitto innumerabiles, in quibus Christum sustentasti, pavisti, vestisti, visitasti. Heliodoris fratris à te adjuncta necessitas multorum etiam potest ora laxare, quibus gratis, quo ille præconio peregrinationis incommoda à te fota referebat? Ita ut ego ille tardissimus quem intolerabilis languor vexat, pennatis, ut ajunt, pedibus, certè charitate & voto te salutaverim, & etiam complexus sim. Gratulor itaque tibi, & nascentem amicitiam, ut Dominus confederare dignetur, precor. Et quia frater Ruffinus, qui cum sancta Melania ab Ægypto Jerosolymam venisse narratur, individua mihi germanitatis charitate connexus est: quæso ut epistolam meam huic epistolæ tuæ copulatam ei reddere non graveris. Noli nos ejus aestimare virtutibus. In illo conspicies expressa sanctitatis vestigia; & ego cinis, & vilissima pars lutis, & jam favilla, dum ver-

tor, satis habeo, si splendorem morum illius imbecillitas oculorum meorum ferre sustineat. Ille modo se lavit, & mundus est, & tamquam nix dealbatus: ego cunctis peccatorum, sordibus inquinatus, diebus aë noctibus opperior cum tremore reddere novissimum quadrantem. Sed tamen quia Dominus solvit compeditos, & super humilem & trementem verba sua requiescit, forsitan & mihi in sepulcro scelerum jacenti dicat: Hieronyme, veni foras, Sanctus Presbyter Evarinus plurimum te salutat, & Martidianam fratrem juncto salutamus obsequio, quem ego videre desiderans, catena languoris innector.

## HIERONYMUS AD FLORENTIUM.

## Argumentum Epistolæ.

*Epistola hec familiaris, nec eget argumento. In qua Florentium sibi charissimum adhortatur, ut nascentes amicitias, que Christi glutino cohæserunt, reciprocis epistolis ambo pariter utrinque fæderent.*


TNA ea mihi parte eremi commoranti, quæ juxta Syriam Sarracenis jungitur, dilectionis tuæ scripta, perlata sunt. Quibus lectis ita redaccensus est animus Jerosolymam proficisciendi, ut penè nocuerit proposito, quod profuerat charitati. Nunc igitur quomodo valeo, pro me tibi litteras repræsento: etsi corpore absens, amore tamen & spiritu venio, impendio exposcens, ne nascentes amicitias, quæ Christi glutino cohæserunt, aut temporis, aut locorum magnitudo divellat, quin potius foederemus eas reciprocis epistolis. Illæ inter nos currant, illæ sibi obvient, illæ

## AD FLORENTIUM.

nobiscum loquantur. Non multum perditura erit charitas, si tali secum sermone fabuletur. Ruffinus autem frater, ut scribis, neicum venit, & si venerit, non multum proderit desiderio meo, cum eum jam visurus non sim. Ita enim & ille longo intervallo separatus est, ut hue non possit excurrere: & ego arrepta solitudinis terminis arceor, ut cœperit jam mihi non licere quod voluit. Ob hoc, & ego obsecro, & tu ut petas plurimum, quæso, ut tibi beati Rethicci Augustodunensis Episcopi commentarios ad scribendum largiatur, in quibus Canticum Canticorum sublimiore sensu ille dixerat. Scripsit mihi & cuidam de patria supradicti fratri Rufini, Paulus senex, Tertulliani suum codicem apud eum esse, quem vehementer reposcit. Et ex hoc, quæso, ut eos libros, quos me non habere brevis subditus edocebit, librarii manu in charta scribi jubeas. Interpretationem quoque Psalmorum Davidicorum, & prolixum valde de Synodis librum S. Hilarii, quem ei apud Treviros manu mea ipse descripseram, æquè ut mihi transferas, peto. Nosti hoc esse christianaæ animæ pabulum, si in lege Domini mediteretur die ac nocte. Cæteros hospitio recipis, solatio foves, sumptibus juvas: mihi, si rogata præstiteris, cuncta largitus es. Et quoniam largiente Domino, multis sacrae Bibliothecæ codicibus abundamus, impera vicissim, &, quocumque vis, mittam. Nec putes mihi graveesse, si jubeas. Habeo alumnos, qui antiquariae arti serviunt. Neque vero beneficium pro eo quod pollicor, postulo. Heliodorus frater mihi indicavit, te multa de scripturis quærere, nec invenire. Aut si omnia habes, incipit sibi plus charitas vindicare, plus petere. Magistrum autem pueri tui (de

## EPISTOLA

quo dignatus est scribere, quem plagiatorem ejus esse non dubium est) sæpè Evagrius Presbyter dum adhuc Antiochiae essem, me præsente corripuit. Cui ille respondit: Ego nihil timeo. Dicit se à Domino suo fuisse dimissum, & si vobis placet, ecce hic est, transmittite quo vultis. In hoc arbitror me non peccare, si hominem vagum non sinam longius fugere. Quapropter, quia ego in hac solitudine constitutus, non possum agere quod jussisti, rogavi charissimum mihi Evagrium, ut tam tui, quam mei causa, instanter negotium prosequatur.



UNIVERSIDAD AUTÓNOMA DE LEÓN

DIRECCIÓN GENERAL DE DOCUMENTACIÓN

## AD LÆTAM.

HIERONTMUS AD LÆTAM  
de institutione filie.


Argumentum Epistolæ.

Lætam hortatur, ut filiam ab ipsis incunabulis ad piетatem Christi instituat, & statim, antequam ullis inficiatur vitiis, sanctas imbibat cantiones, ut & inter blanditias nutricum, & lusus puellares Christi gustum hauriat. Deinde de cultu, de viütu, & quomodo jam adolescens sit à sæcularium arcenda contagio, de studio divinæ scripturæ, & fugiendis apocryphis saluberrima tradit præcepta. Hortatur tandem mature ut mittatur in Bethlehem, antequam ulla macula contaminetur: ubi se & magistrum, & nutritum fore pollicetur.

**A** Postolus Paulus, scribens ad Corinthios, & rudem Christi Ecclesiam sacris instruens disciplinis, inter cætera mandata, hoc quoque proposuit dicens: Si qua mulier habet virum infidelem, & hic consentit habitare cum ea, non dimittat virum: sanctificatus est enim vir infidelis per mulierem fidelem, & sanctificata est mulier infidelis per virum fidelem: Alioqui filii vestri immundi essent, nunc autem mundi sunt. Si cui forte hactenus videbantur nimium disciplinæ vincula laxata, & præcepis indulgentia præceptoris, consideret domum patris tui, clarissimi quidem, & eruditissimi viri, sed adhuc ambulantis in tenebris, & intelliget consilium Apostoli illuc profecisse ut radicis amaritudinem dulcedo fructuum compensaret, & viles

## EPISTOLA

quo dignatus est scribere, quem plagiatorem ejus esse non dubium est) sæpè Evagrius Presbyter dum adhuc Antiochiae essem, me præsente corripuit. Cui ille respondit: Ego nihil timeo. Dicit se à Domino suo fuisse dimissum, & si vobis placet, ecce hic est, transmittite quo vultis. In hoc arbitror me non peccare, si hominem vagum non sinam longius fugere. Quapropter, quia ego in hac solitudine constitutus, non possum agere quod jussisti, rogavi charissimum mihi Evagrium, ut tam tui, quam mei causa, instanter negotium prosequatur.



UNIVERSIDAD AUTÓNOMA DE LEÓN

DIRECCIÓN GENERAL DE DOCUMENTACIÓN

## AD LÆTAM.

HIERONTMUS AD LÆTAM  
de institutione filie.

Argumentum Epistolæ.

Lætam hortatur, ut filiam ab ipsis incunabulis ad piетatem Christi instituat, & statim, antequam ullis inficiatur vitiis, sanctas imbibat cantiones, ut & inter blanditias nutricum, & lusus puellares Christi gustum hauriat. Deinde de cultu, de viütu, & quomodo jam adolescens sit à sæcularium arcenda contagio, de studio divinæ scripturæ, & fugiendis apocryphis saluberrima tradit præcepta. Hortatur tandem mature ut mittatur in Bethlehem, antequam ulla macula contaminetur: ubi se & magistrum, & nutritum fore pollicetur.

**A** Postolus Paulus, scribens ad Corinthios, & rudem Christi Ecclesiam sacris instruens disciplinis, inter cætera mandata, hoc quoque proposuit dicens: Si qua mulier habet virum infidelem, & hic consentit habitare cum ea, non dimittat virum: sanctificatus est enim vir infidelis per mulierem fidelem, & sanctificata est mulier infidelis per virum fidelem: Alioqui filii vestri immundi essent, nunc autem mundi sunt. Si cui forte hactenus videbantur nimium disciplinæ vincula laxata, & præcepis indulgentia præceptoris, consideret domum patris tui, clarissimi quidem, & eruditissimi viri, sed adhuc ambulantis in tenebris, & intelliget consilium Apostoli illuc profecisse ut radicis amaritudinem dulcedo fructuum compensaret, & viles

## EPISTOLA.

virgulæ balsama pretiosa sudarent. Tu es nata de impari matrimonio, & de te & Toxotio meo Paula generata est. Quis hoc crederet, ut Albini Pontificis neptis de reprobatione martyris nasceretur, ut praesente, & gaudente avo parvula adhuc lingua balbutiens, Christi alleluia resonaret? ut virginem Christi in suo gremio nutriri senex? Et bene, feliciterque expectavimus: Sancta & fidelis domus virum sanctificat infidelem. Jam candidatus est fidei, quem filiorum, & nepotum credens turba circumdat. Ego puto etiam ipsum Jovem, si habuisset talem cognitionem potuisse in Christum credere. Despuat licet, & irrideat Epistolam meam, & me vel stultum, vel incanum clamitet: hoc & gener ejus faciebat antequam crederet. Fiunt, non nascuntur Christiani, auratum squalent Capiolium: fuligine, & aranearum telis omnia Romæ tempora cooperta sunt; moverunt Urbs sedibus suis, & innundans Populus ante delubra semiruta, currit ad Martyrum tumultos. Si non extorquet fidem prudentia, extorqueat saltem verecundia. Hoc, Læta, religiosissima in Christo filia, dictum sit, ut non despères parentis salutem, & eadem fide, qua meruisti filiam, & patrem recipias, totiusque domus beatitudine perfruaris, sciens illud à Domino reprobissimum; quæ apud homines impossibilia, apud Deum possibilia sunt. Numquam est sera conversio. Latro de Cruce transit in Paradisum. Nabucodonosor Rex Babylonis post efferationem corporis, & cordis, & belluarum in cremo convictum, mentem recepit humanam. Et ut omittam vetera, ne apud incredulos nimis fabulosa videantur, ante paucos annos propinquus vester Gracchus nobilitatem Patriciam so-

## AD LÆTAM.

nans nominé, cum Praefecturam generet urbanam, nonne specum Mithræ,\* omnia portentosa simulacula, quibus Corax, Niphus, Miles, Leo, Perses, Helios, Bromius pater initiatur, subvertit, fregit, excusit, & his quasi obsidibus ante præmissis impetravit Baptismum Christi? Solitudinem patitur & in urbe gentilias. Dii quondam nationum cum bubonibus & noctuis in solis culminibus remanserunt Vexilla militum, Crucis insignia sunt: Regum purpuræ, & ardentes diadematum gemmas patibuli salutaris pictura condecorat. Jam & Ægyptius Serapis Christianus factus est: Marnas Gazæ luget inclusus, & eversionem templi jugiter pertremiscit. De India, Perside, Ætiopia, monachorum quotidie turmas suscipimus. Depositus pharetras Armenius, Hunni discunt Psalterium: Scythiæ frigora fervent calore fidei. Getarum rutilus & flavus exercitus Ecclesiarum circumfert tentoria, & ideo forsitan contra nos æqua pugnant acie, quia pari religione confidunt. Penè lapsus sum ad aliam materiam, & currente rota, dum urecum facere cogito, amphoram finxit manus. Propositum enim mihi erat sanctæ Marcellæ, & tuis precibus invitatum, ad matrem, id est, ad te sermonem dirigere, & docere quo modo instituere Paulam nostram debeas, quæ prius Christo consecrata est, quam genita: quam ante votis, quam utero conceperisti. Vidimus aliiquid temporibus nostris de Prophetibus libris. Anna sterilitatem alvi fecunditatem mutavit. Tu luctuosam fecunditatem vitalibus liberis commutasti. Fidens loquer, acceptaram te filios, quæ primum foetum Domino reddidisti. Ista sunt primogenita, quæ offeruntur in lege. Sic natus est Samuel, sic ortus Sanson est, sic Jo-

\* Persæ Mitrham Solem vocant.

nes Baptista ad introitum Mariæ exultavit, & luxit. Audiebat enim verba Domini per os Virginis pertonantis, & de utero matris in occursum ejus gestiebat erumpere. Igitur quæ de repromissione nata est, dignam habeat ortu suo institutionem parentum. Samuel nutritur in Templo, Joannes in solitudine præparatur. Ille sacro crine venerabilis est, vinum & siceram non bibit: adhuc parvulus cum Domino sermocinatur. Hic fugit urbes, zona pellicea cingitur, locustis alitur, ac melle sylvestri, & ad typum pœnitentiæ prædicandæ, tortuosissimi animalis vestitur exuvii. Sic erudienda est anima, quæ futura est Templum Dei. Nihil aliud discat audire, nihil loqui, nisi quod ad timorem Dei pertinet. Turpia verba non intelligat, cantica mundi ignoret, adhuc tenera lingua Psalmis dulcibus imbuatur. Procul sit ætas lasciva puerorum, ipsæ puellæ, & pedissequæ à sæcularibus consortiis arceantur, ne quod male didicerint, pejus doceant. Fiant ei litteræ, vel buxeæ, vel eburnæ, & suis nominibus appellantur. Ludat in eis, ut & lusus ipse eruditio sit. Et non solum ordinem teneat litterarum, ut memoria nominum in canticum transeat, sed & ipse inter se crebro ordo turbetur, & mediis ultima, primis media misceantur, ut eas non sono tantum, sed & visu noverit. Cum vero cœperit trementi manu stylum in cera ducere, vel alterius superposita manu tenerit regantur articuli, vel in tabella sculpantur elementa, ut per eosdem sulcos inclusa marginibus trahuntur vestigia, ut foras non queant evagari. Syllabus jungat ad præmium, & quibus illa ætas deliniri potest, munusculis invitetur. Habeat & indiscendo socias quibus invideat, quarum laudibus mordeatur. Non objurganda est, si

tardior sit, sed laudibus excitandum est ingenium, ut & viciisse gaudeat, & victa doleat. Cavendum in primis, ne oderit studia: ne amaritudo eorum, præcepta in infantia, ultra rudes annos transeat. Ipsa nomina, per quæ consuescit paulatim verba contexeret, non sint fortuita, sed certa, & coacervata de industria, Prophetarum videlicet, atque Apostolorum, & omnis ab Adam Patriarcharum series de Matthæo, Lucaque descendat, ut dum aliud agit, futurae memoriae præparetur: Magister probæ ætatis, & vitæ, atque eruditionis est eligendus: nec puto erubescere vir doctus id facere impropinqua, vel nobili virgine, quod Aristoteles fecit in Philippi filio, ut ipse librariorum utilitate initia traderet literarum. Non sunt contemnenda, quasi parva, sine quibus magna constare non possunt. Ipse elementorum sonus, & prima institutio præceptorum, aliter de erudito, aliter de rustico ore profertur. Unde & tibi est providendum, ne ineptis blanditiis fœminarum, dimidiata dicere verba filia consuescat & in auro, atque purpura ludere, quorum alterum linguæ, alterum moribus officit, ne discat in tenero, quod ei postea dediscendum est. Gracchorum eloquentiæ multum ab infantia sermo matris contulisse scribitur. Hostensii oratio inter paternos sinus coaluit. Difficulter eradicatur, quod rudes animi perbiberunt: lanarum conchyliæ quis in pristinum candorem revocet? Recens testa diu & saporem retinet, & odorem, quo primum imbuta est. Græca narrat historia Alexandrum potentissimum Regem, orbisque dominorem, & in moribus, & in incessu, Leonidis paedagogi sui non potuisse carere vitiis, quibus adhuc parvulus fuerat infectus. Proclivis est enim

## EPISTOLA

malorum æmulatio , & quorum virtutes assequi nequeas , citò imitaris vitia. Nutrix ipsa non sit temulenta , non lasciva , non garrula , habeat modestam gerulam , nutritum gravem. Cum avum viderit in pectus ejus transiliat , de collo pendeat , nolenti alleluia decanter. Rapiat eam avia , patrem risibus agnoscat , sit omnibus amabilis , & universa propinquitas rosam ex se natam gaudeat. Discat statim quam habeat , & alteram aviam , quam amatam , cui Imperatori , cui exercitui tyruncula nutriatur. Illas desideret , ad illas tibi minitetur abscessum. Ipse habitus , & vestitus doceat eam cui promissasit. Cave ne aures ejus perforeas , ne cerussa , & purpuriso consecrata Christo ora depingas , nec collum auro , & margaritis premas , nec caput gemmis oneres , nec capillum irufes , & ei aliquid de gehennæ ignibus auspiceris. Habeat alias margaritas , quibus postea venditis , emptura est pretiosissimum marginatum. Prætextata nobilissima quondam foemina , jubente viro Hymetio , qui patruus Eustochii virginis fuit , habitum ejus , cultumque mutavit , & neglectum crinem mundano more texuit sibi , vincere cupiens & virginis propositum , & matris desiderium : & ecce tibi eadem nocte cernit in somnis venisse ad se Angelum terribili voce minitantem pœnas , & hæc verba frangentem : tu ne ausa es viri imperium præferre Christo ? tu caput virginis Dei tuis sacrilegis attractare manibus ? quæ jam nunc arescent , ut sentias , excruciatæ quid feceris , & finito mense quinto , ad inferna duceris. Sin autem perseveraveris in scelere ; & marito simul orhaberis , & filiis. Omnia per ordinem expleta sunt , & seram miseræ pœnitentiam velox signavit interitus. Sic ul-

## AD LÆTAM.

ciscitur Christus violatores templi sui , sic gemmas & præciosissima ornamenta defendit. Et hoc retuli , non quod insultare velim calamitatibus infelicium ; sed ut moneam , cum quanto metu , & cautione servare debeas , quod Deo spopondisti. Heli Sacerdos offendit Deum ob vitia liberorum. Episcopus fieri non potest , qui filios habuerit luxuriosos , non subditos. At è contrario de muliere scribitur , quod salva fiet per filiorum generationem , si permanserint in fide , & charitate , & sanctificatione cum pudicitia. Si perfecta ætas , & sui juris , imputatur parentibus , quanto magis lactens & fragilis , quæ juxta sententiam Domini ignorat dexteram & sinistram ; id est , boni & mali differentiam ? Si sollicita provides , ne filia percutiatur à vipera ; cur non eadē cura provideas , ne feriatur à malo universæ terræ ? ne bibat de aureo calice Babylonis ? ne egrediatur cum Diana , & velit videre filias religionis alienæ ? ne ludat pedibus ? ne trahat tunicas ? Venena non daptur , nisi melle circumilita ; & vitia non decipiunt , nisi sub specie , umbraque virtutum. Et quomodo , inquies , peccata patrum filii non redduntur , nec filiorum parentibus , sed anima quæ peccaverit , ipsa morietur ? Hoc de his dicitur , qui possunt sapere , de quibus in Evangelio scriptum est : atatem habet , loquatur pro se. Qui autem parvulus est , & sapit ut parvulus , donec ad annos sapientiae veniat , & Pythagoræ littera Y , eum perducat ad bivium , tam bona ejus , quæ mala parentibus imputantur. Nisi forte existimas Christianorum filios , si Baptisma non reperiret , ipsos tantum reos esse peccati , & non etiam scelus referri ad eos , qui dare noluerint : maximè eo tempore , quo contradicere non poterant , qui accep-

## EPISTOLA

turi erant ; sicut è religione salus infantium, majorum lucrum est. Offerre necne filiam , potestatis tuae fuit (quanquam alia sit tua conditio quæ prius eam vovisti , quam conciperes ) ut autem oblatam non negligas, ad periculum tuum pertinet. Qui claudam , & mutilam , & qualibet sorde maculatam obtulerit hostiam , sacrilegii reus est ; quanto magis , qui partem corporis sui , & illibatae animæ puritatem Regis amplexibus parat , si negligens fuerit , punietur? Postquam grandiuscula esse coperit , & in exemplum sponsi sui crescere sapientia , ætate , & gratia apud Deum & homines , pergit ad templum veri Patris cum parentibus suis, sed cum illis non egrediatur è templo. Quærant eam in itinere sæculi inter turbas , & frequentiam propinquorum , & nusquam alibi reperiant, nisi in adito Scripturarum , Prophetas , & Apostolos de spiritualibus nuptiis sciscitantem. Imitetur Mariam, quam Gabriel solam in cubiculo suo reperit ; & ideo forsitan timore perterrita est , quia virum , quem non solebat , aspexit. Aëmuletur eam , de qua dicitur: Omnis gloria ejus filiæ Regis ab intus. Loquatur & ipsa , electo charitatis jaculo vulnerata : Introduxit me Rex in cubiculum suum. Numquam exeat foras , ne inveniant eam , qui circumneant civitatem , ne percussiant , & vulnerent , & auferant theristram pudicitiae , & nudam in sanguine derelinquant , quin potius cum aliquis ostium ejus pulsaverit , dicat : ego murus , & ubera mea turris , lavi pedes meos , non possum inquinare eos. Non vescatur in publico , id est , in parentum convivio ; ne videat cibos quos desideret. Et licet quidam putent majoris esse virtutis , præsentem contemnere voluptatem ; tamen ego arbitror securioris continentiae esse nescire quod quæras. Legi quon-

## AD LÆTAM.

dam in scholis puer : ægrè reprehendas , quod sinis consuescere. Discat jam nunc & vinum non bibere , in quo est luxuria. Ante annos robustæ ætatis periculosa est teneris gravis abstinentia : usque ad id tempus , si necessitas postulaverit , & balneas adeat , & vino utatur modico propter stomachum , & carnium edulio sustentetur , ne prius deficiant pedes , quam currere incipient. Et hoc dico juxta indulgentiam , non juxta imperium , timens debilitatem , non docens luxuriam. Alioqui quod Judaica superstitione ex parte facit in refectione quorundam animalium , atque escarum , quod & Indorum Bracmani , & Egyptiorum Gymnosophysæ in polentæ , & orizæ , & pomorum solo observant cibo ; cur virgo Christi non faciat in toto? Si tanti vitrum , quare non majoris sit pretii margaritum ? Quæ nata est ex promissione , sic vivat , ut illi vixerunt , qui de repromissione generati sunt. Æqua gratia æquum habeat & laborem. Surda sit ad organa. Tibia , lyra , cytara , cur facta sint nesciat. Reddat tibi pensum quotidie de Scripturarum floribus carptum. Ediscat Græcorum versuum numerum. Sequatur statim & Latina eruditio , quæ si non ab initio os tenetrum composuerit , in peregrinorum sonum lingua corrumpitur , & externis vitiis sermo patrius sordidatur. Te habeat magistrum , te rudis mitetur infans. Nihil in te , & in patre suo videat , quod si fecerit , peccet. Mementote vos parentes virginis , magis eam exemplis doceri posse , quam voce. Citò flores perenni : citò violas , & lilium , & crocum pestilens aura corrumpit. Nusquam absque te procedat in publicum. Basilicas Martyrum , & Ecclesias sine matre non aeat. Nullus ei juvenis , nullus cincinnatus arrideat. Vigiliarum dies , & solemnes pernoctationes sic vix-

guncula nostra celebret, ut ne transversum quidem unguem à matre discedat. Nolo de ancillulis suis aliquam plus diligat, cuius crebro auribus insusurret. Quidquid uni loquitur, hoc omnes sciant. Placeat ei comes non compta, neque formosa, atque lasciva, quæ liquido gutture carmen dulce moduleretur; sed gravis, pallens, sordidata, subtristis. Præponatur ei probæ fidei, ac morum, & pudicitiae virgo veterana, quæ illam doceat, & assuescat exemplo ad orationes & Psalmos nocte consurgere, mane Hymnos canere, Tertia, Sexta, Nona hora stare in acie quasi bellarium Christi; accensaque lucerna reddere sacrificium vespertinum. Sic dies transeat, sic nos inveniat laborantem. Orationi lectio, lectioni succedat oratio. Breve videbitur tempus, quod tantis operum varietibus occupatur. Discat & lanam facere, tenere colum, ponere in gremio calathum, rotare fusum, stamina pollice ducere. Spernat bombycum telas, serum vellera, & aurum in filia lentescens. Talia vestimenta paret, quibus pellatur frigus, non quibus vestita corpora nudentur. Cibus ejus olusculum sit, & simila, raroque pisciculi. Et ne gulæ præcepta longius traham, de quibus in alio loco plenius sum loquiatus; sic comedat, ut semper esuriat, ut statim post cibum possit legere, & psallere. Displicant mihi in teneris maximè ætatibus longa, & immoderata jejunia, in quibus junguntur hebdomades, oleum in cibo, ac poma vetantur. Experimento didici asselum in via cum lassus fuerit, diverticula querere. Faciant hoc cultores Isidis, & Cybeles, qui gulosa abstinentia phasides, aves, ac fumantes iurtures vorant, ne scilicet Cerialia dona contaminent. Hoc in perpetuo jejuno sit præceptum, ut longo itineri vires perperes superent, ne

in prima mansione currentes in mediis corruiamus. Cæterum, ut ante scripsi, in quadragesima continetiae vela pandenda sunt, & tota aurigæ retinacula equis laxanda properantibus. Quamquam alia sit conditio sæcularium, alia virginum, & Monachorum. Sæcularis homo in quadragesima ventris ingluviem decoquit, & in cochlearum morem succo victitans suo, futuris dapibus ac saginæ aqualiculum parat. Virgo, & Monachus sic in quadragesima suos dimittant equos, ut sibi meminerint semper esse currendum. Finitus labor major, infinitus moderatior est. Ibi enim respiramus, hic perpetuò incedimus. Si quando ad suburbana pergis, domi filiam non relinquas, nesciat sine te, nec possit vivere, & cum sola fuerit pertimescat. Non habeat colloquia sæcularium, & non malarum virginum contubernia. Non intersit nuptiis servulorum, neque familiæ perstrependit lusibus misceatur. Scio præcepisse quosdam, ne virgo Christi cum Eunuchis lavet, nec cum maritatis scemini; quia alii non deponant animos virorum, aliae tumentibus uteris præferant fecunditatem. Mihi omnino in adulta virgine lavaca displicant, quæ seipsam debet erubescere, & nudam videre non posse. Si enim vigiliis, & jejunis macerat corpus suum, & in servitutem redigit; si flammam libidinis, & incentiva fervoris ætatis extinguiere cupit continentiae frigore: si appetitis sordibus turpare festinat naturalem pulchritudinem: cur è contrario balnearum fomentis sopitos ignes suscitare? Pro gemmis, & serico divinos codices amet, in quibus non auri, & pellis Babylonicae vermiculata pictura, sed ad fidem placeat emendata, & erudita distinctio. Discat primo Psalterium, his se canticis avocet, & in Proverbiis Salomonis erudiatur ad vitam.

In Ecclesiaste consuescat , quæ mundi sunt , calcare. In Job , virtutes , & patientiæ exempla sectetur : ad Evangelia transeat nunquam ea positura de manibus : Apostolorum Acta , & Epistolas tota cordis imbibat voluntate. Cumque pectoris sui cellarium his opibus locupletaverit , mandet memoriae Prophetas , Pentateucum , & Regum , & Paralipomenon libros ; Esdræ quoque , & Esther volumina. Ad ultimum , si ne periculo discat Canticum Canticorum , ne si in exordio legerit sub carnalibus verbis spiritualium nuptiarum epithalamium non intelligens , vulneretur. Caveat omnia apocrypha. Et si quando ea , non ad dogmatum veritatem , sed ad signorum reverentiam legere voluerit , sciat non eorum esse , quorum titulis prænotantur : multaque his admixta vitiosa , & grandis esse prudentiæ aurum in luto querere. Cypriani opuscula semper in manu teneat: Athanasii Epistolas , & Hilarii libros inoffenso decurrat pede. Illorum tractatibus , illorum delectetur ingenij , in quorum libris pietas fidei non vacillet. Cæteros sic legat , ut magis judicet , quam sequatur. Respondebis: quomodo hæc omnia mulier sacerularis in tanta frequentia hominum Romæ custodire potero? Noli ergo subire onus quod ferre non potes , sed postquam ablactaveris eam , cum Isaac , & vestieris cum Samuele , mitte avia , & amitæ. Redce præiosissimam gemmam cubiculo Mariæ , & cunis Jesu vagientis impone. Nutriatur in Monasterio : sit inter Virginum choros: jurare non discat , mentiri sacrilegium putet , nesciat sacerulum , vivat angelicè , sit in carne sine carne , omne hominum genus sui simile putet. Et ut cætera taceam , certè te liberet servandi difficultate , & custodiæ periculo. Melius tibi est desiderare absentem ,

quam pavere ad singula , quid loquatur , cum quo loquatur , cui annuat , quem libenter aspiciat. Trade Eustochio parvulam , cuius nunc & ipse vagitus prote oratio est. Trade comitem sanctitatis , futuram hæredem. Illam videat , illam amet , illam primis miretur ab annis; cuius & sermo , & incessus , & habitus doctrina virtutum est. Sit in gremio avia , quæ repeatat in nepte , quidquid præmisit in filia; quæ longo usu didicit nutrire , servare , docere virgines: in cuius coronam centenarii quotidie numeri castitas texitur. Felix virgo , felix Paula Toxotii , quæ per avia , amitæque virtutes nobilior est sanctitate , quam genere. O si tibi continget videre socrum , & cognatam tuam , & in parvis corpusculis ingentes animos intueri , pro insita tibi pudicitia non ambigerem , quin præcederes filiam , & primam Dei sententiam secunda Evangelii lege mutares : nec tu parvipenderes aliorum desideria liberorum , sed te ipsa magis offerres Deo. Sed quia tempus est amplexandi , & tempus longè fieri à complexibus , & uxor non habet potestatem corporis sui , & unusquisque in qua vocatione vocatus est , in ea permaneat in Domino ; & qui sub iugo est , ita debet currere , ne in luto comitem derelinquat : totum reddet in sobole , quod in te interim distulisti. Anna filium , quem Deo uoyerat , postquam obtulit in Tabernaculo , nunquam recepit : indecens arbitrata , ut futurus Propheta in ejus domo cresceret , quæ adhuc alias filios habere cupiebat. Denique postquam concepit , & peperit non est ausa ad Tempulum accedere , & vacua apparere coram Domino , nisi prius redderet , quod debebat : talique immola to sacrificio reversa dojnum , quinque liberos sibi genuit , quia primogenitum Deo pepererat. Miraris fe-

licitatem sanctæ mulieris? imitare fidem. Ipse, si Paulam miseris, & Magistrum me, & nutritium spondeo. Gestabo humeris, balbutientia senex verba formabo, multo gloriosior mundi Philosopho, qui non Regem Macedonium Babylonio peritum veneno, sed ancilam, & sponsam Christi erudiam, Regnis cœlestibus offerendam.

**HIERONYMUS AD GAUDENTIUM**  
de Pacatulae infantulæ educatione.

Argumentum Epistolæ.

Ad preces amici Gaudentii docet, quibus rudimentis imbuenda sit ruditas atas puelle, virginitati destinata, antequam boni & mali discrimen noverit.

**C**ausa difficultis parvulæ scribere, quæ non intelligit quid loquaris, cuius animum nescias, de cuius voluntate periculosè promittas, ut secundum præclaris Oratoris \* exordium spes in ea magis laudanda sit, quam res. Quid enim horteris ad continentiam, quæ placentas desiderat; quæ in sinu matris garrula voce balbutit, cui dulciora sunt mella, quam verba? Audiat profunda Apostoli, quæ anilibus magis fabulis delectatur? Prophetarum ænigmata sentiat, quam tristior gerulæ vulnus exagit? Evangelii intelligat majestatem, ad cuius fulgura orunis mortalium sensus hebetatur? Ut parenti subjiciatur horter, quæ manu tenera ridentem verberat matrem? Itaque Pacatula

\* Cic. in Dial. de Repub. *Causa difficultis laudare puerum; non enim res laudanda, sed spes est.* Exordium autem, celebrem sententiam vocat, à cantu, qui Græcis est *Ode*, compositio nomine.

nosta hoc Epistolium post lectura suscipiat. Interim modò litterarum elementa cognoscat, jungat syllabas, discat nomina, verba consociet, atque, ut voce tinnula ista meditetur; proponantur ei crustula, mulsa præmia, & quidquid gustui suave est, quod vernat in floribus, quod rutilat in gemmis, quod blanditur in pupis, acceptura festinet. Interim, & tenero tentet police fia ducere, rumpat sæpè stamina, ut aliquando non rumpat: post laborem lusibus gestiat, de matris pendeat collo, rapiat oscula propinquorum, Psalmos mercede decantet. Amet quod cogitur discere, ut non opus sit, sed delectatio, non necessitas, sed voluntas. Solent quædam cum futuram virginem spoderint, pulla tunica eam induere, & furvo operire pallio, auferre linteamina, nihil in collo, nihil in capite auri sinere: re vera bono consilio, ne habere discat in tenero, quod posteà ponere compellatur. Aliis vero è contra videtur. Quid enim, ajunt, si ipsa non habuerit, habentes alias non videbit? *Philocosmon* \* genus foemineum est; multisque etiam insignis pudicitiae, quamvis nulli virorum, tamén sibi scimus libenter ornari. Quin potius habendo satietur, & cernat laudati alias, quæ ista non habeant? Meliusque est, ut satiata contemnat, quam non habendo, habere desideret. Tale vero quid & Israelitico fecisse vides populo Dominum ut cupientibus Ægyptias carnes, usque ad nauseam & vomitum præberet examina coturnicum, multosque sæculi reperies homines facilius carere experta corporis voluptate, quam eos, qui à pueritia libidinem nesciant. Ab aliis enim nota calcarci, ab aliis ignota appeti. Illos vitare poenitendo suavitatis insidias, quas fugerunt; hos carnis illece-

\* Quasi conatus avidus ac studiosus.

bras , dulci titillatione corporis blandientes , dum mella putant , venena noxio reperire. Mel enim distillare labia meretricis , & quod ad tempus impinguat vescientium fauces , & postea felle amarus invenitur. Unde & in Domini sacrificiis mei non offerunt , ceraque contempta , quæ mellis hospitium est , oleum accenditur in Templo Dei , quod de amaritudine exprimitur olivarum. Pascha quoque cum amaritudinibus co-medi in azymis sinceritatis & veritatis jubetur , quas qui habuerit in sœculo persecutionem sustinebit. Unde & Propheta mystice cantat : sedebam solus , quia amaritudine repletus sum. Quid igitur? Luxuriandum est in adolescentia , ut postea luxuria fortius contemnatur ? Adsit vero , inquiunt. Unusquisque enim , in qua vocatione vocatus est , in ea permaneat. Circumcisus quis , id est virgo vocatus est ; non adducat præputium , hoc est non querat pelliceas tunicas nuptiarum , quibus Adam ejectus de Paradiso virginitatis induitus est. In præputio quis vocatus est , hoc est , habens uxorem , & matrimonii pelle circundatus , non querat virginitatis , & æternæ pudicitiae nuditatem , quam semel habere desivit , sed utatur vase suo in sanctificatione , & pudicitia , bibatque de fontibus suis , & non querat cisternas luparum dissipatas , quæ purissimas aquas pudicitiae continere non possunt. Unde & idem Paulus in eodem capitulo , de virginitate , & nuptiis disputans , servos carnis vocat in matrimonio constitutos : liberos eos , qui absque iugo nuptiarum tota Domino serviunt libertate. Quod loquimur , non in universum loquimur , sed in parte tractamus , nec de omnibus , sed de quibusdam dicimus. Ad utrumque enim sexum , non solum ad vas infirmum , noster sermo dirigitur. Virgo es : quid te mulieres delectat

societas? Quid fragilem , & subtilem ratem magnis commitis fluctibus , & grande periculum navigationis incertæ securus ascendit? Nescis quid desideres , & tamen sic eis jungeris , quasi aut ante desideraveris , aut (ut levissime dicam) postea desideraturus sis. Sed ad ministerium iste sexus est aptior. Elige ergo anum deformen ; elige probatae in Domino continentiae. Quid te adolescentula , quid pulchra , qui luxuriosa delectat? Uteris balneis , cute nitida , rubicundis genis incedis , carnis vesceris , affluis divitiis , pretiosa veste circundaris , & juxta serpentem mortiferum securè dormire te credis ? At non habitas in eodem hospitio. In nocte dumtaxat , cæterum totos dies in hujus confabulatione consumis. Quare solus cum sola , & non cum arbitris sedes , ut cum ipse non pecces , alii speccare videaris , ut exemplo sis miseris , qui nominis tui autoritate delinquant ? Tu quoque virgo , vel vidua , cur tam longo sermone viri retineris? Cur cum solo relicta non metuis? Saltem alvi te , & vesicæ cogat necessitas , ut ex eas foras ; ut deseras in hac re eum , cum quo licentius , quam cum germano , multo inverecundius , quam cum marito , egisti. Sed de Scripturis Sanctis aliquid interrogas. Interroga publicè , audiant pedissequæ , audiant comites tuæ. Omne quod manifestatur , lux est. Bonus sermo secreta non querit ; quin potius delectatur laudibus suis , & testimonio plurimorum. Magister egregius contemnit viros , despiciat fratres , & in unius mulierculæ secreta eruditione desudat. Declinavi parumper de mea disputatione , aliorum occasione , & dum infantem Pacatulam instituo , imò & nutrio , multarum subito mihi malè Pacatarum bella suscepi. Revertar ad propositum. Sexus fœmineus suo jungatur sexui : nesciat

imò, timeat cum pueris ludere. Nullum impudicum verbum noverit, & si forte intumultu familiæ disseruentis aliquid audiat, non intelligat. Matris nutum pro verbis, ac monitis, & pro imperio habeat. Amet ut parentem, subjiciatur ut dominæ, timeat ut magistrum. Cum autem virgunculam rudem, & edentulam, septimus ætatis annus exceperit, & cœperit erubescere, scire quid taceat, dubitare quid dicat, discat memoriter Psalterium, & usque ad annos pubertatis libros Salomonis, Evangelia, Apostolos, & Prophetas sui cordis thesaurum faciat. Nec liberius procedat ad publicum, nec semper Ecclesiarum quærat celebritatem. In cubiculo suo totas delicias habeat. Nunquam juvenculos, nunquam cincinnatos videat: vocis dulcedines per autem animam vulnerantes, puellarumque lascivia repellatur. Quæ quanto licentius adeunt, tanto difficilis evitantur; & quod didicerunt, secreto docent, inclusamque Danaem vulgi sermonibus violant. Sit ei magistra comes, paedagoga custos; non multo vino dedita, non juxta Apostolum otiosa, atque verbosa, sed sobria, gravis lanifica, & eantum loquens, quæ animum puellarem ad virtutem instituant. Ut enim aqua in areola digitum sequitur precedentem, ita ætas mollis & tenera in utramque partem flexibilis est, & quocumque duxeris, trahitur. Solent lascivi, & compuli juvenes blandimentis, affabilitate, munusculis, aditum sibi per nutrices, aut alumnas querere. Et cum clementer intraverint, de scintillis incendia concitare, paulatimque proficere ad impudentiam, & nequaquam posse prohiberi, illo in se versiculo comprobato: ægrè reprehendas, quod sinis consuescere. Pudet, dicere, & tamen dicendum est: nobiles foeminae quæ nobiliores habuere

neglectui procos, vilissimæ conditionis hominibus, & servulis copulantur, ac sub nomine religionis, & umbra continentiae, interdum deserunt viros Helenæ, sequuntur Alexandros, Menelaos pertimescant. Videntur hæc, planguntur, & non vindicantur, quia multitudo peccantium peccandi licentiam subministrat. Proh nefas! Orbis terrarum ruit, in nobis peccata non ruunt! Urbs inclita, & Romani Imperii caput, uno hausta est incendio. Nulla est regio, quæ non exiles Romanos habeat. In cineres ad fabillas sacrae quondam Ecclesiæ conciderunt, & tamen studeamus avaritiæ. Vivimus, quasi altera die morituri, & ædificamus, quasi semper in hoc sæculo victuri. Auro parietes, auro laquearia, auro fulgent capita columnarum, & nudus atque esuriens ante fores nostras Christus in paupere moritur. Legimus Aarom Pontificemisse obviam furentibus flammis, & accenso thuribulo Dei iram cohibusse: Stetit inter mortem & vitam Sacerdos magnus, nec ultra vestigia ejus ignis procedere ausus est. Moysi loquitur Deus: Dimitte me & delebo Populum istud. Quando dicit, dimitte me, ostendit se teneri posse, ne faciat quod minatus est. Dei enim potentiam, servi preces impediabant. Quis putas ille sub Cælo est, qui nunc iræ Dei possit occurrere? qui obviare flammis, & cum Apostolo dicere: Optabam ego anathema esse pro fratribus meis? Perirent cum Pastoribus greges; quia sicut Populus, sic Sacerdos. Moses compassionis loquebatur affectu: Si dimittis populo huic, dimitte: sin autem, dele me de libro tuo. Vult perire cum pereuntibus, nec propria salute contentus est. Gloria quippe Regis multitudine populi. His Pacatula nostra nata est temporibus. Inter hac crepundia primam carpit ætatem, ante lacrymas

scitura , quām risum : prius fletum sensurā , quam gaudium Necdum introitus , jam exitus . Talem semper putet fuisse mundum . Nesciat præterita , fugiat præsentia , futura desideret . Hæc ut tumultatio sermone dictarem , & post neces amicorum , luctumque perpetuum , infantī sénex longo postliminio scriberem , tua , Gaudenti frater , impulit charitas , maluīque parum , quām nihil omnino poscenti dare ; quia in altero voluntas oppresa luctu , in altero amiciæ dissimulatio est .

**HIERONYMUS AD PAULINUM,**  
de Institutione Monachi.

Argum. Epistolæ.

*Paulinus juvenis eloquens , & Monachus , ut tunc erant Monachi , Hieronymum litteris commendarat , in eo præcipue , quod senex sanctis ageret locis . Misericordia unum librum , quem in defensione Theodosii Imperatoris scripserat : rogans ut sibi scriberet quām vita formam potissimum sequi deberet . Hunc igitur collaudatum ob insignem eloquentiam , bortatur , ut arcana litterarum scientiam adjungat .*

**B**onis homo de bono cordis thesauro profert ea quæ bona sunt , & ex fructibus arbor cognoscitur . Metiris nos virtutibus tuis , & parvos magnus extolis , ultimamque partem convivii occupas , ut patris familias judicio proveharis . Quid enim in nobis aliquantulum est , ut doctæ vocis mereamur præconium , ut illo ore , quo religiosissimus princeps defenditur humiles nos , modicique laudemur ? Noli igitur , frater charissime , annorum nos æstimare numero ; nec sa-

pientiam canos reputes , sed canos sapientiam , Salomonem testante ; Cani hominis prudentia ejus . Nam & Moyses septuaginta Presbyteros jubetur eligere , quos ipse sciret esse Presbyteros : utique non ævo , sed prudentia judicandos . Et Daniel adhuc puer longævus iudicat ; atque impudicos senes ætas lasciva condemnat . Noli , inquam , fidem pensare temporibus : nec me id circò meliorem putas , quod prior in Christi exercitu cœperim militare . Paulus Apostolus & vas electionis , de persecutore mutatus , novissimus in ordine , primus in meritis est , quia extremus licet , plus omnibus laborabit . Judas qui quondam audierat : Tu autem homo , qui simul tecum dulces capiebas cibos : Dux meus , & notus meus , in domo Dei ambulavimus cum consensu , proditor amici , & Magistri ; Salvatoris arguitur voce , & Nodus informis lethi trabe necit ab alia . \* E contrario , Latro Crucem mutat Paradiso , & facit homicidii pœnam , martyrium . Quanti hodie diu vivendo portant funera sua , & quasi sepulchra dealbata plena sunt ossibus mortuorum ? Subiugat calor longum teponem . Denique & tu audita sententia Salvatoris : Si vis perfectus esse , vade & vende omnia quæ habes , & da pauperibus , & veni sequere me , verba vertis in opera , & nudam crucem nudus sequens expeditior & levior , scandis scalam Jacob . Tunica mutas cum animo , nec pleno marsupio , gloriose sordes appetis , sed puris manibus , & candido pectore ; pauperem te & spiritu & operibus gloriaris . Nihil est enim grande , tristi & lurida facie vel simulare , vel ostentare jejunia , possessionum redditibus abundare , & vile jaçtere palliolum . Crates ille Thebanus , homo quondam ditissimus cum ad philoso-

\* Virg. lib. 12. Æneid.

phandum Athénas pergeret , magnum auri pondus ab-  
jecit , nec putavit si simul posse & virtutes & dvitias  
possidere . Nos suffarcinati auro Christum pauperem  
sequimur , & sub pretextu eleemosynæ pristinis opib-  
us incubantes , quomodo possumus aliena fideliter  
distribuere , qui nostra timide reservamus ? Plenus  
venter facile de jejuniis disputat . Non Jerosolymis  
fuisse , sed Jerosolymis bene vixisse laudandum est.  
Illa expetenda est Civitas , non quæ occidit Prophe-  
tas , & Christi sanguinem fudit , sed quam fluminis  
impetus lætitificat ; quæ in monte sita celari non po-  
test : quam matrem sanctorum Apostolus clamitat ,  
in qua se municipatum cum justis lætatur habere.  
Neque vero hoc dicens , memetipsum inconstantiae  
redarguo , damnoque quod facio , ut frustra videat  
ad exemplum Abraham , & meos , & patriam reliquis-  
se , sed non audeo Dei omnipotentiam augusto fi-  
ne concludere , & coarctare parvo terræ loco , quem  
non capit Cœlum singuli quique credentium non  
locorum diversitatibus , sed fidei merito ponderan-  
tur . Et veri adoratores ; neque Jerosolymis , neque  
in monte Garizim adorant Patrem : quia Deus spiri-  
tus est , & adoratores ejus , in spiritu & veritate  
adorare oportet . Spiritus autem spirat ubi vult : Do-  
mini est terra , & plenitudo ejus . Postquam siccato  
Judeæ vellere , universus orbis cœlesti rore perfusus  
est , & multi de Oriente , & Occidente , venien-  
tes , recubuerunt in sinu Abrahæ , desit notus esse  
tantum in Judæa Deus , & in Israel magnum no-  
men ejus ; sed in omnem terram exivit sonus Aposto-  
lorum , & in fines orbis terræ verba eorum . Salvator  
ad Discipulos loquens cum esset in Templo : Surgite ,  
inquit , abeamus hinc . Et ad Judæos ; relinquetur

vobis domus vestra deserta. Si cœlum & terra transibunt, utique transibunt omnia quæ terrena sunt. Et crucis igitur, & resurrectionis loca prosunt his qui portant crucem suam, & cum Christo resurgunt quotidie, qui dignos se tanto exhibent habitaculo. Cæterum qui dicunt: Templum Domini, Templum Domini, audiant ab Apostolo: Vos estis templum Domini, & Spiritus Sanctus habitat in vobis. Et de Jerosolymis, & de Britania æqualiter patet aula cælestis. Regnum enim Dei intra vos est. Antonius, & cuncta Ægypti, & Mesopotamiæ, Ponti, Cappadociæ, & Armeniæ examina Monachorum, non videre Jerosolymam, & patet illi absque hac Urbe Paradiſi janua. Beatus Hilarion, cum Palæstinus esset, & in Palæstina viveret, uno tantum die vidit Jerosolymam, ut nec contempnere loca sancta propter vicinam, nec rursus Deum loco claudere videretur. Ab Adriani temporibus, usque ad Imperium Constantini, per annos circiter centum octoginta, in loco resurrectionis simulacrum Jovis in crucis rupe statua ex marmore Veneris à gentibus posita colebatur, existimantibus persecutionis authoribus, quod tollerent nobis fidem resurrectionis & crucis, si loca Sancta per idola polluissent. Bethlehem nunc nostram, & angustissimum Orbis locum, de quo Psalmista canit: Veritas de terra orta est, lucus inumbrabat. Thamus, id est Adonidis, & in specu, ubi quondam Christus parvulus vagiit, Veneris amasius plangebatur. Quorsum, inquiens, hæc tam longo repetita principio? Videlicet ne quidquam fidei tuæ deesse putes, quia Jerosolymam non vidisti: nec nos idcirco meliores existimes, quod hujus loci habitacula fruimur, sed sive hic, sive alibi, æqualem te pro

operibus tuis apud Dominum habere mercedem. Revera, ut simpliciter motus mentis meæ fatear, considerans, & propositum tuum, & ardorem, quo sæculo renunciasti, differentias in locis arbitror, si urbibus, & frequētia urbium derelicta in agello habites, & Christum queras in solitudine, & ores solus in monte cum Jesu, Sanctorumque tantum locorum vicinitatibus perfruaris, id est, ut & urbe carreas, & propositum monachi non amittas. Quod loquor non de Episcopis, non de Presbyteris, non de Clericis loquor, quorum aliud officium est: sed de monacho, & monacho quodam apud sæculum nobili; qui idcirco pretium possessionum suarum ad pedes Apostolorum posuit, docens pecuniam esse calcandam, ut humilietur, & secreto vicitans, semper contemnat, quod semel contempsit. Si crucis & resurrectionis loca non essent in urbe celeberrima, in qua curia, in qua aula militum, in qua scorta, mimi, scurræ, & omnia sunt, quæ solent in ceteris urbibus, vel si monachorum turbis solummodo frequenteretur, expetendum revera hujuscemodi cunctis monachis esset habitaculum. Nunc vero summe stultitia est renunciare sæculo, dimittere patriam, urbes deserere, monachum profiteri, & inter maiores populos periculosis vivere, quam eras viciurus in patria. De toto hoc orbe concurritur, plena est civitas universi generis nominum, & tanta utriusque sexus constipatio, ut quod alibi ex parte fugiebas, hic totum sustinere cogaris. Quia igitur fraternè interrogas, per quam viam incidere debeas, revelata tecum facie loquar. Si officium vis exercere Presbiteri, si Episcopatus te vel opus, vel honor forte delectat, vive in urbibus, & castellis, & alio-

rum salutem fac Iucrum animæ tuae. Sin autem cupis esse quod diceris, monachus, id est, solus: quid facis in urbibus, quæ utique non sunt solorum habitacula, sed multorum? Habet unumquodque propositum principes suos Romani Duces imitentur Camilos, Fabricios, Reguios, Scipiones. Philosophi proponant sibi Pythagoram, Socratem, Platonem, Aristotelem. Poetæ æmulentur Homerum, Virgilium, Menandrum, Terentium, Historici Thucydidem, Salustum, Herodotum, Livium. Oratores Lysiam, Gracchos, Demosthenem, Tullium. Et ut ad nostra veniamus, Episcopi, & Presbyteri habeant in exemplum Apostolos, & Apostolicos viros, quorum honorem possidentes, habere nitantur & meritum. Nos autem habeamus propositi nostri principes, Paulus, Antonius, Julianos, Hilariones, Macarios. Et ut ad Scripturarum autoritatem redeam, noster Princeps Elias, noster Eliæsus, nostri Duces filii Prophetarum, qui habitabant in agris & solitudinibus, & faciebant sibi tabernacula prope fluenta Jordanis. De his sunt & illi filii Rechab, qui vinum, & siceram non bibebant, qui morabantur in tentoriis, qui Dei per Jeremiam vocœ laudanir, & promittitur eis, quod non deficiat de stirpe eorum vir stans coram Domino. Hoc reor, & septuagesimi Psalmi titulum significare filiorum Jonadab, & eorum, qui primi in captivitatem duci sunt. Iste est Jonadab filius Rechab, qui in Régnum libro scribitur currum ascendisse cum Hieu. Et hujus filii sunt, qui in tabernaculis semper habitantes, ad extrémum propter irruptionem Caldaici exercitus, Jerosolymam intrare compulsi, hanc primi captivitatem, sustinuisse dicuntur, quod post solitudinis

libertatem urbe quasi carcere sunt reclusi. Obsecro itaque te: ut quoniam sanctæ sororis tuæ ligatus es vinculo, & non penitus expedito pergis gradu sive hic, si-  
ve ibi multitudines hominum & officia, & salutatio-  
nes, & convivia, veluti quasdam catenas fugias volun-  
tatum. Sit vilis, & vespertinus cibus, oleta, & legumi-  
na, interdumque pisciculos, pro summis ducas deliciis.  
Qui Christum desiderat, & illo pane vescitur, non  
quærit magnopere de quam pretiosis cibis stercus con-  
ficiat. Quidquid post gulam non sentitur, idem tibi sit,  
quod panis, & legumina. Habes adversus Jovinianum  
libros de contemptu ventris & gutturis plenius disse-  
rentes. Semper in manu tua sacra sit lectio. Frequen-  
ter orandum & flexo corpore, mens erigenda ad  
Dominum. Crebræ vigiliæ, & ventre vacuo sèpius  
dormiendum. Rumusculos, & gloriolas, & pal-  
pantes adulatores, quasi hostes fuge. Pauperibus,  
& fratribus refrigeria, sumptum manu propria dis-  
tribue. Rara est in hominibus fides. Non credis ve-  
rum esse quod dico? Cogita Judæ loculos. Humili-  
tatem vestium tumenti animo non appetas. Sæcula-  
rium, & maximè potentium consortium devita.  
Quid tibi necesse est in ea videre crebrius, quorum  
contemptu Monachus esse cœpisti? Soror præcipue tua  
matronarum declinet consortia. Nec inter sericas  
vestes, & gemmas circumsedentium fœminarum se-  
sordidatam, aut doleat, aut miretur, quia alterum  
propositi pœnitentia, alterum jactantia seminarium  
est. Cave ne quasi fidelis & famosus tuorum quon-  
dam dispensator, alienam pecuniām distribuendam  
accipias. Intelligis quid loquar? dedit enim tibi Do-  
minus in omnibus intellectum. Habeto simplici-  
tatem columbae, ne cuiquam machineris dolos, &

serpentis astutiam, ne aliorum supplanteris insidiis.  
Non multum discat in vitio, vel decipere posse, vel  
decipi Christianum. Quem senseris tibi aut semper,  
aut crebrò de nummis loquentem, excepta ele-  
mosyna, quæ indifferenter omnibus patet, institu-  
rem potius habeto, quam monachum. Præter victum,  
& vestitum, & manifestas necessitates, nihil cui-  
quam tribuas, ne filiorum panem canes comedant. Ve-  
rum Christi templum anima creditis est, illam exor-  
na, illam vesti, illi offer donaria, in illa Christum  
suscite. Quæ utilitas est parietes fulgere gemmis, &  
Christum in paupere fame periclitari? Jam non sunt  
tua, quæ possides, sed dispensatio tibi credita est.  
Memento Ananiae, & Saphiræ. Illi sua timidè serva-  
verunt; tu considera, ne Christi substantiam impru-  
denter effundas: id est, ne immoderato judicio rem  
pauperum tribuas non pauperibus, & secundum dictum  
prudentissimi viri, liberalitate liberalitas pe-  
reat. Noli respicere ad phaleras, & nomina vana Cat-  
tonum: ego te, inquit, intus, & in cutे novi. Esse  
Christianum grande est, non videri. Et nescio quo-  
modo plus placent mundo, qui Christo displicant.  
Hæc non, sicut ajunt, Sus Minervam; sed ingredien-  
tem pelagus amicus amicum monui, malens à te fa-  
cultatem meam requiri, quam voluntatem, ut in  
quo ego lapsus sum, tu firmo pergeres gradu. Li-  
brum tuum, quem pro Theodosio Principe pruden-  
ter, ornateque compositum transmisisti, libenter le-  
gi, & præcipue mihi in eo subdivisio placuit. Cum-  
que in primis partibus vincas alios, in penultimis te  
ipsum superas. Sed & ipsum genus eloquii pressum est,  
& nitidum, & cum Tulliana luceat puritate, cre-  
brum est in sententiis. Jaecit enim (ut ait qui-

dam) oratio, in qua tantum verba laudantur. Præterea magna est rerum consequentia, & alterum pendet ex altero. Quidquid assumpseris, vel finis superiorum, vel initium sequentium est. Felix Theodosius, qui à tali Christi oratore defenditur. Illustrasti purpas ejus, & utilitatem legum futuris sæculis consecrasti. Macte virtute, qui talia habes rudimenta; qualis exercitatus miles eris? O si mihi liceret istiusmodi ingenium non per Aonios montes, & Hellenicon vertices, ut Poeta canunt, sed per Sion, & Iabyrium, & Sinæ excelsa ducere. Si continget docere, quæ didici, & quasi per manus mysteria tradere Scripturatum, nasceretur nobis aliquid, quod docta Græcia non haberet. Audi ergo mi conserve, amice, germane, ausculta paulisper, quo in Scripturis sanctis calle gradiaris. Totum, quod legimus in divinis libris, nitet quidem, & fulget etiam in cortice; sed dulcius in medulla est. Qui edere vult nucleus, frangat nucem. Revela, inquit David, oculos meos, & considerabo mirabilia de lege tua. Si tantus Propheta tenebras ignorantiae confiteretur? qua nos putas pàrvulos, & penè lactentes inscitiae nocte circundari? Hoc autem velamen non solum in facie Moysi, sed & in Evangelistis, & Apostolis positum est. Turbis Salvator in parabolis loquebatur, & contestas mysticum esse quod dicehatur, ajebat: Qui habet aures audiendi, audiat. Nisi aperta fuerint universa, quæ scripta sunt ab eo, qui habet clavem David, qui aperit, & nemo claudit, claudit, & nemo aperit; nullo alio rescrante pandentur. Si haberetis hoc fundamentum, imò si quasi extrema manus operi tuo induceretur, nihil pulchrius, nihil doctius, nihil dulcius, nihilque latinius tuis habere-

mus voluminibus. Tertullianus creber est in sententiis, sed difficilis in loquendo. Beatus Cyprianus instar fontis purissimi dulcis incedit, & placidus, & cum totus sit in exercitatione virtutum occupatus, persecutionum angustiis de Scripturis divinis nequam disservit. Inclito Victorinus Martyrio coronatus, quod intelligit eloqui non potest. Lactantius, quasi quidam fluvius eloquentiæ Tullianæ, utinam tam nostra confirmare potuisse, quam facile aliena deserrit. Arnobius inæqualis, & nimius est, & absque operis sui partitione confusus. Sanctus Hilarius Gallicano nocturno attollitur, & cum Græciæ floribus adorhetur, longis in pendulum periodis involvitur, & à lectione simpliciorum stratum præcat est. Taceo de ceteris, vel defunctis, vel etiam adhuc viventibus, super quibus in utraque partem postmodum judicabunt. Ad te ipsorum veniam. Symystem sodalem meum & amicum, amicum, inquam, meum antequam notum, & precatore ne assentationem in necessitudine suspiceris: quin potius vel errore me existimat, vel amore labi, quam amicum adulatio decepere. Magnum habes ingenium, & infinitam sermonis suppellectilem, & facilè loqueris, & purè, facilitasque ipsa & puritas mixta prudenter est; capite quippe sano omnes sensus vigenti. Huic prudenter, & eloquentiæ si accederer vel studium, vel intelligentia Scripturarum, viderem te brevi arcem tenere nostrorum, & ascendentem cum Jacob tecta Sion, canere in domatibus, quod in cubilibus cognovisses. Accingere, inquit te, accingere. Nihil sine magno labore vita dedit mortalibus. Nobilem te Ecclesia habeat, ut prius Senatus habuit. Præpara tibi divitias, quas quotidie eroges, & numquam de-

fiant, dum viget ætas, dum nondum canis spar-gitur caput, antequam subeant morbi, tristisque senectus, & labor, & diræ rapiat inclemens mortis. Nihil in te mediocre esse contentus sum, to-tum sumnum, totum perfectum desidero. Sanctum Vigilantium Presbyterum, qua aviditate suscepimus, melius est ut ipsis verbis, quam meis discas litteris, qui cur tam cito a nobis profectus sit, & nos relinquerit, non possum dicere, ne lädere quempiam videar. Tamen quasi prætereuntem, & festinan tem paululum retinui, & gustum ei nostræ amicitiae dedi, ut per eum discas, quid in nobis non desideres. Sanctam conservam tuam, & tecum Domino militantem, per te salutari volo.

**HIERONYMUS AD MARCELLAM,**  
de laudibus Assellæ.

Argumentum Epistolæ.

Pater Assellæ somniarat se in vitro phiala videre puelam virgunculam. Eam natum, & ante annos pubertatis, Virginitati consecravit, flameo virginali testam, qua post duodecimum annum, Monache vitam arripuit, ac Romæ, perinde ac in eremo vixit. Hujus laudes ad Marcellam ejus familiarem scribi, ne videretur asentari, quod viventem adhuc tan-topere laudaret.

**N**emo reprehendat, quod in epistolis aliquos aut laudamus, aut carpimus: cum & in arguen-dis malis sic correctio cæterorum, & in optimis prædicandis, bonorum ad virtutem studia conciten-

tur. Nudiustertius de beatæ memorie Lea aliqua di-xeramus. Illico pupigit animum, & mihi venit in mentem, non debere nos tacere de virgine, qui de secundo ordine castitatis loquuti sumus. Igitur Assellæ nostræ vita breviter explicanda est, cui quæso: ne hanc epistolam legas, gravatur quippè laudibus suis, sed his potius, quæ adolescentulæ sunt, legere dignare, ut ad exemplum ejus se instituentes conversationem illius, perfectæ vitæ normam arbitrentur. Prætermitto, quod in matris utero benedicitur ei, antequam nascatur, quod in phialam nitentis vitri, & omni speculo purioris patris virgo traditur per quietem: quod adhuc infantiae involuta pannis, & vix annum decimum ætatis excedens, honore futuræ beatitudinis consecratur. Sit gratiæ omne, quod ante labo- rum fuit, licet Deus præciosus futurorum, & Jeremiah sanctificet in utero, & Joannem in alvo ma-tris faciat exultare, & Paulum ante constitutionem mundi separat in Evangelium filii sui. Ad ea venio, quæ post duodecimum annum sudore proprio elegit, arripuit, tenuit, coepit, implevit. Unius cellulae clau-sa angustiis latitudine Paradiso fruebatur. Idem terre solum, & orationis locum extitit, & quietis. Jeju-nium pro ludo habuit, inediā pro refectione. Et cum eam non vescendi desiderium, sed humana con-fectio ad cibum traheret, pane, sale, & aqua frigi-da concitabat magis esuriem, quam restinguebat. Et quia penè oblitus sum, quod in principio debui dicere, cum primum hoc propositum arripuit, aurum colli sui quod quidem murenulam vulgus vocat, quod scilicet metallo in virgulas lentescente, quadam ordinis flexuosi catena contexitur, absque paren-tibus vendidit, & tunicam fusciorē, quam à ma-

fiant, dum viget ætas, dum nondum canis spar-gitur caput, antequam subeant morbi, tristisque senectus, & labor, & diræ rapiat inclemens mortis. Nihil in te mediocre esse contentus sum, to-tum sumnum, totum perfectum desidero. Sanctum Vigilantium Presbyterum, qua aviditate suscepimus, melius est ut ipsis verbis, quam meis discas litteris, qui cur tam cito a nobis profectus sit, & nos relinquerit, non possum dicere, ne lädere quempiam videar. Tamen quasi prætereuntem, & festinan tem paululum retinui, & gustum ei nostræ amicitiae dedi, ut per eum discas, quid in nobis non desideres. Sanctam conservam tuam, & tecum Domino militantem, per te salutari volo.

**HIERONYMUS AD MARCELLAM,**  
de laudibus Assellæ.

Argumentum Epistolæ.

Pater Assellæ somniarat se in vitro phiala videre puelam virgunculam. Eam natum, & ante annos pubertatis, Virginitati consecravit, flameo virginali testam, qua post duodecimum annum, Monache vitam arripuit, ac Romæ, perinde ac in eremo vixit. Hujus laudes ad Marcellam ejus familiarem scribi, ne videretur asentari, quod viventem adhuc tan-topere laudaret.

**N**emo reprehendat, quod in epistolis aliquos aut laudamus, aut carpimus: cum & in arguen-dis malis sic correctio cæterorum, & in optimis prædicandis, bonorum ad virtutem studia conciten-

tur. Nudiustertius de beatæ memorie Lea aliqua di-xeramus. Illico pupigit animum, & mihi venit in mentem, non debere nos tacere de virgine, qui de secundo ordine castitatis loquuti sumus. Igitur Assellæ nostræ vita breviter explicanda est, cui quæso: ne hanc epistolam legas, gravatur quippè laudibus suis, sed his potius, quæ adolescentulæ sunt, legere dignare, ut ad exemplum ejus se instituentes conversationem illius, perfectæ vitæ normam arbitrentur. Prætermitto, quod in matris utero benedicitur ei, antequam nascatur, quod in phialam nitentis vitri, & omni speculo purioris patris virgo traditur per quietem: quod adhuc infantiae involuta pannis, & vix annum decimum ætatis excedens, honore futuræ beatitudinis consecratur. Sit gratiæ omne, quod ante labo- rum fuit, licet Deus præciosus futurorum, & Jeremiah sanctificet in utero, & Joannem in alvo ma-tris faciat exultare, & Paulum ante constitutionem mundi separat in Evangelium filii sui. Ad ea venio, quæ post duodecimum annum sudore proprio elegit, arripuit, tenuit, coepit, implevit. Unius cellulae clau-sa angustiis latitudine Paradiso fruebatur. Idem terre solum, & orationis locum extitit, & quietis. Jeju-nium pro ludo habuit, inediā pro refectione. Et cum eam non vescendi desiderium, sed humana con-fectio ad cibum traheret, pane, sale, & aqua frigi-da concitabat magis esuriem, quam restinguebat. Et quia penè oblitus sum, quod in principio debui dicere, cum primum hoc propositum arripuit, aurum colli sui quod quidem murenulam vulgus vocat, quod scilicet metallo in virgulas lentescente, quadam ordinis flexuosi catena contexitur, absque paren-tibus vendidit, & tunicam fusciorē, quam à ma-

tre impetrare non poterat, induita, pio negotiatio-  
nis auspicio se repente Domino consecravit, ut in-  
telligeret universa cognatio, non posse aliud ei extor-  
queri, quæ jam sæculum damnasset in vestibus.  
Sed (ut dicere cooperamus) ita se semper moderatè  
habuit, & intra cubiculi sui secreta custodivit, ut  
nunquam pedem proferret in publicum, nunquam  
viri nosset alloquium. Et quod magis sit admirandu-  
m, sororem virginem amaret potius, quam vide-  
ret. Operabatur manibus suis, sciens scriptum es-  
se: qui non operatur, non manducet. Sponso aut  
orans loquebatur, aut psallens. Ad Martyrum limina  
penè invisa properabat. Et cum gauderet proposi-  
to suo, in eo vehementius exultabat, quod se nul-  
lus cognosceret, cumque per omnem annum iugi  
jejunio pasceretur, biduo, triduoque sic permanens,  
tum vero in Quadragesima navigii sui vela tende-  
bat; omnes penè hebdomadas vultu letante conjun-  
gens. Et quod impossibile forsitan est hominibus ad  
creendum, Deo autem prestante possibile est, ita  
ad quinquagenariam pervenit ætatem, ut non dole-  
ret stomachus, non viscerum cruciaretur injuria, non  
sicca humus jacentia membra confringet, non sac-  
co asperata cutis foetorem aliquem, situmque con-  
traheret, sed sana corpore, animo sanior solitudi-  
nem putaret esse delicias, & in urbe turbida inveni-  
ret eremum monachorum. Et haec quidem tu me-  
lius nosti à qua pauca didicimus, & cuius oculis du-  
rities de genibus camelorum in illo sancto corpus-  
culo præ orandi frequentia obcelluisse perspecta es.  
Nos quod scire possumus, explicamus: nihil illius  
severitate jucundius, nihil jucunditate severius, ni-  
hil suavitate tristius, nihil tristitia suavius. Ita pal-

Ior in facie est, ut cum continentiam indicet, non  
redoleat ostentationem. Sermo silens, & silentium  
loquens. Nec citius, nec tardus incessus. Idem sem-  
per habitus. Neglecta mundities, & inculta vestis,  
cultus ipse sine cultu. Sola vitæ sua æqualitate pro-  
meruit, ut in urbe pompa, lasciviæ deliciarum, in  
& mali detrahere non audeant. Viduæ eam imiten-  
tur, & virgines maritatae colant, noxiæ timeant, sus-  
piciant Sacerdotes.

## HIERONYMUS A SCELLÆ.

## Argumentum Epistolæ.

*Ingens apud Romanos odium sibi contraxerat Hierony-  
mus, quod Paulam, & Eustochium primarias fæminas  
traxisset ad Monachorum institutum: neque caruit  
suspitione quod Paulam adamaret. Hujusmodi obtrec-  
tatorum obloquiis respondet, ac deplorat hominum  
malevolentiam.*

**S**i tibi putem gratias à me referri possè, non  
sapiam. Potens est Deus super persona mea  
sanctæ animæ tuae restituere quod moretur. Ego  
enim indignus, nec æstimare unquam potui, nec  
optare, ut mihi tantum in Christo largireris affec-  
tum. Et licet me sceleratum quidem putent, & omnibus  
flagitiis obrutum, & pro peccatis meis etiam haec parva-  
sit: tamen tu bene facis, quod ex tua mente etiam ma-  
los, bonos putas. Periculosem quippè est de servo alterius  
judicare; & non facilis venia prava dixisse de rec-  
atis. Veniet, veniet illa dies, in qua & mecum dolebis ar-

dere non paucos , ego probrosus , ego versigellis , & lubricus , ego mendax & Sathanæ arte decipiens ; quid enim est tutius , hæc vel credidisse , vel fixisse de insolentibus ; an etiam de noxiis credere noluisse ? Osculabantur mihi manus quidam , & ore vpero detrahebant , & dolebant labiis , corde gaudebant . Videbat Dominus , & subsanabat illos ; & miserum me servum suum futuro cum eis judicio reservabat . Alius incessum meum calumniabatur , & risum ; & ille vultui detrahebat , hic in simplicitate aliud suspicabatur . Penè certe trienium cùm eis vixi . Multa me virginum crebrò turba circumdedit , Divinos libros , ut potui , nonnullis sàpè disserui . Lectio assiduitatem , assiduitas familiaritatem , familiaritas fiduciā ficerat . Dicant , quid unquam in me aliter senserint , quam Christianum decebat ? Pecuniam cujusquam accepi ? Munera vel parva , vel magna non sprevi ? In manu mea æsalicujus insonuit ? Obliquus sermo ? oculus petulans fuit ? Nihil mihi aliud objicitur , nisi sexus meus , & hoc nunquam objicitur , nisi cum Jerosolymam Paula , & Melania proficiscuntur . Esto : crediderunt mentienti , cur non credunt neganti ? Idem est homo ipse , qui fuerat : fatetur in insolente qui dudum noxiū loquebatur . Et certè veritatem magis exprimit tortuosa , quam risus ; nisi quod facilius creditur , quod aut fictum libenter auditur , aut non fictum , ut fingatur impellitur . Antequam domum sanctæ Paulæ nossem , totius in me urbis studia consonabant . Omnium penè iudicio dignus summo Sacerdotio decernebar , beata memoria Damasus meus sermo erat , dicebar sanctus , dicebat humilis , & dissertus . Nunquid domum alicujus lascivioris ingressum sum ? Nunquid me vestes serice nitentes garamæ , picta sacies , auri rapuit ambitio ? Nulla fuit

alia Roinæ matronarum , quæ meam posset edomare mentem , nisi lugens , atque jejunans , squalens sordibus , fletibus penè cæcata , quam continua noctibus misericordiam Domini deprecantem sol sàpè deprehendit , cuius Canticum Psalmi , sermo Evangelium , deliciae continentia , vitæ jejunium . Nulla me potuit alia delectare , nisi illa , quam manducantem nunquam vidi ? Sed postquam eam pro suæ merito castitatis venerari , colere , suscipere cœpi , omnes me illic desernere virtutes . O invidia primum mordax tui ! O Sathanæ calliditas , semper sancta persequens ! Nullæ aliæ Romanæ urbi fabulam præbuerunt , nisi Paula , & Melania , quæ contemptis facultatibus , pignoribusque desertis , Crucem Domini , quasi quoddam pietatis levavere vexillum . Si balneas paterent , unguenta eligerent , divitias , & viduitatem haberent materiam luxuriae & libertatis ; dominæ vocarentur & sanctæ . Nunc in sacco & cinere formose volunt videri , & in gehennam ignis cum jejunis & pudore descendere , videlicet non licet eis applaudente populo perire cum turbis . Si Gentiles hanc vitam carperent , si Judæi ; haberent solatium non placendi eis , quibus displiceret Christus . Nunc verò , proh nefas ! homines Christiani , prætermisa domorum suarum cura , & proprii oculi trabe neglecta in alieno oculo festucam querunt . Lacerant sanctum propositum , & remedium pœnae sua arbitrantur , si nemo sit sanctus ; si omnibus detrahatur ; si turba sit pereuntium , si multitudo peccantium . Tibi placet lavare quotidæ , alias has mundities sordes putas . Tu attagenem ructas , & de cōmeso acipessere gloriaris : ego faba ventrem dimpleo . Té delectant chachimantium greges : me Paula , Melaniaque plangentes . Tu aliena desideras ; illæ

contemnunt sua. Te delibuta melle vina delectant; illæ potant aquam frigidam suaviorem. Tu te perdere existimas, quidquid in præsenti non habueris, comedaris, devoraveris: illæ futura desiderant, & credunt vera esse, quæ scripta sunt. Esto ineptè, & inaniter, quibus resurrectio corporum persuasit; quid ad te? Nobis è contrario tua vita displicet, bono tuo crassus sis; me macies delectat, & pallor. Tu tales miseros arbitraris; nos te miserabiliorum putamus. Par pari refertur, & invicem nobis videmur insanire. Hæc, mi domina Assella, cum jam navem concenderem, raptim fiens diuinsque conscripsi; & gratias ago Deo meo: quod dicens sim, quem mundus oderit. Ora autem, ut de Babylone Jerosolymam regrediar, ne mihi dominetur Nabucodonosor, sed Jesus filius Josedech: veniat Esdras qui interpretatur adjutor, & reducat me in patriam meam. Stultus ego, qui volebam cantare canticum Domini in terra aliena; & deserto Monte Sina, Ægypti auxilium flagitabam. Non recordabar Evangelii, quia qui de Jerusalem egreditur, statim incidit in latrones, spoliatur, vulneratur, occiditur. Sed licet Sacerdos despiciat, atque Levites; Samaritanus ille misericors est, cui cum diceretur: Samaritanus es, & dæmonium habes, dæmonium renuens, Samaritanum se non negavit, quia quem nos custodem, Hebræi Samaritem vocant. Meleficum quidam me garriunt: titulum fidei servus agnosco, Magum vocant & Judæi Dominum meum, seductor & Apostolus dictus est. Tentatio me non apprehendat, nisi humana. Quotam partem angustiarum perpessus sum, qui Cruci milito? Infamiam falsi criminis imputarunt. Sed scio per bonam, & malam famam perveniri ad regna Cœlorum. Saluta Paulam,

& Eustochium, velit nolit mundus, in Christo meas. Saluta matrem Albinam, sotoremque Marcelam, Marcellinam quoque, & sanctam Felicitatem, & dic eis: Ante Tribunal Christi simul stabimus; ibi apparebit, qua mente quis vixerit. Memento mei, exemplum pudicitiae & virginitatis insigne, fluctusque maris tuis precibus mitiga.

**AD PRINCIPIAM VIRGINEM: MARCELLÆ**  
vidua Epitaphium.

Argumentum Epistolæ.

Marcella prima nobilitatis puella, septimo à nuptiis mente fuerat orbata marito. Postea Cerealem Consulē illius nuptias ambientem pertinaciter rejecit, decreta deinceps vidua castimonia. Monache vitam primâ nobilium seminariorum ausa est Romæ proficeri, ac multas ad idem institutum pertraxit. A D. Hieronymo divinas litteras diligentissime didicit, cum esset Rome; absenti sapè scripsit, & cum opibus suis adjuvit. Hujus opera mulieris, Origenistarum jerosolynis orta factio extinta est. Directa a Gotis Rona feciliter obiit. Scribit ad Principiam Marcellæ quondam contubernalem, ac discipulam.

**S**æpè & multum flagitas, virgo Christi Principia, ut memoriam sanctæ feminæ Marcellæ litteris recolam, & bonum quo diu fruiti sumus, etiam cæteris noscendum, imitandumque describam. Satis doleo, quod hortaris sponte currentem, & me arbitraris indigere precibus, qui ne tibi

quidem in ejus dilectione concedam , multoque plus accipiam , quām tribuam beneficii , tantarum recordatione virtutum . Nam , ut hucusque reticerem , & biennium præterirem silentio , non fuit dissimulatio nis , ut malè existimas , sed tristitiae incredibilis , quæ ita meum oppressit animum , ut melius judicarem tacere in presentiarum , quam nihil dignum illius laudibus dicere . Neque verò Marcellam tuam , imo meam ; & ut verius loquar , nostram , omniumque Sanctorum , & propriæ Romanæ Urbis inclytum decus institutis rhetorum prædicabo , ut exponam illustrem familiam , alti sanguinis decus , & stemmata per Proconsules , & Praefectos Prætorio decurrentia . Nihil in illa laudabo , nisi quod proprium est , & eo nobilius , quod opibus , & nobilitate contempta , facta est paupertate & humilitate nobilior . Orbata patris morte , viro quoque post nuptias septimo mense privata est . Cumque eam Cerealis (cujus clarum inter Consules nomen est ) propter ætatem , & antiquitatem Familiæ , & insignem (quod maximè viris placere consuevit ) de cōrem corporis , ac morum temperantiam ambitionis peteret , suasque longævus polliceretur divitias , & non quasi in uxorem , sed quasi in filiam vellet donationem transfundere . Albinaque mater tam clarum præsidium viduatæ domus ultrò appeteret ; illa respondit : si vellem nubere , & non æternæ me cūperem pudicitiæ dedicare , utique maritum quærerem non hæreditatem , illoque mandante , posse & senes diu vivere , & juvenes citò mori , eleganter lusit : juvenis quidem post citò mori , sed senex diu vivere non potest . Qua sententia repudiatus , exemplo cæteris fuit , ut ejus nuptias desperarent . Legimus in

Evangelio secundum Lucam : Eterat Anna Prophetissa filia Phanuelis de Tribu Asser . Et hæc provecta ætatis in diebus plurimis , vixeratque cum viro suo annis septem à virginitate sua , & erat vidua annis octoginta quatuor , nec recedebat de Templo , jejuniis , & obsecrationibus Domino serviens die ac nocte : nec mirum , si videre meruit Salvatorem , quem tanto labore quærebat . Conferamus septem annos septem mensibus ; sperare Christum & tenere ; natum confite ri & in Crucifixum credere ; parvulum non negare , & virum gandere regnarem . Non facio ullam inter sanctas foeminas differentiam , quod nonnulli inter sanctos viros , & Ecclesiarum Principes stultè facere consueverunt : sed illò tendit assertio , ut quarum unus est labor , unum & præmium sit . Difficile est in maledica Civitate , & in Urbe , in qua orbis quandam populus fuit , palmaque vitiorum , \* si honestis detraherent , & pura , ac munda macularent , non aliquam sinistris rumoris fabulam contrahere . Unde quasi rem difficillimam , & penè impossibilem optat Propheta potius , quām præsumit , dicens , Beati immaculati in via , qui ambulant in lege Domini . Immaculatos in via hujus sæculi appellat , quos nulla obseceni rumoris aura macularit , qui opprobrium non acceperint ad versus proximos suos , de quibus & Salvator in Evangelio : esto , inquit , benevolus , sive bene sentiens , de adversario tuo , dum es in via cum illo . Quis unquam de hac muliere , quod displiceret , audivit , ut crederet ? Quis credit , ut non magis se ipsum malignitatis & infamiae condemnaret ? Ab hac primùm confusa Gentilitas est , dum omnibus patuit , quæ esset vindicta Christiana , quam & conscientia , & habitu pro-

\* Hoc est : ubi omnia erant vita .

mittebat. Illæ enim solent purpurisso, & cerusa ora depingere, sericis nitere vestibus, splendere gemmis, aurum portare cervicibus, & auribus perforatis, rubri maris pretiosissima grana suspendere, fragrare musco mure, maritos ita plangere, ut tandem dominatu eorum se caruisse latentur, quærahtque alios, non quibus juxta Dei sententiam serviant, sed quibus imperent. Unde & pauperes eligunt, ut nomen tantum virorum habere videantur, qui patienter rivales sustineant, si misitaverint illico projiciendi. Nostra vidua talibus usa est vestibus, quibus arceret frigus, non membra nudaret: aurum usque ad annuli sinaculum repudians, & magis in ventribus egenorum, quam in marsupiis recondens. Nusquam sine matre: nullum Clericorum, aut Monachorum (quod amplæ domus interdum exigebat necessitas) vidi absque arbitris. Semper in comitatu suo virgines, ac viudas, ipsas graves foeminas habui, sciens ex lascivia puellarum sæpe de dominarum moribus judicari, & qualis quæque sit, talium consortio delectari. Divinarum Scripturarum ardor erat incredibilis. Semperque cantabat: In corde meo abscondi eloquia tua, ut non pecem tibi. Et illud de perfecto viro: Et in lege Domini voluntas ejus, & in lege ejus meditabitur die ac nocte. Meditationem legis non in replicando quæ scripta sunt, ut Judæorum existimant Pharisæi, sed in opere intelligens, juxta illud Apostolicum: sive comeditis, sive bibitis, sive quid agitis, omnia in gloriam Domini facientes. Et Prophetæ verba dicentis: A mandatis tuis intellexi: ut postquam mandata complesset: tunc se scitet mereri intelligentiam Scripturarum. Quod & alibi legimus, quia cœpit Jesus facere, & docere. Erubescit enim quam-

vis præclara doctrina, quam propria reprehendit conscientia. Frustraque ejus lingua prædicat paupertatem, & docet eleemosynas, qui Croesi divitiis tumet. Viliusque opertus pallio, pugnat contra tideas vestium sericarum. Illi erant moderata jejunia, carminum abstinentia, vini odor magis, quam gustus, propter stomachum, & frequentes infirmitates. Raro procedebat in publicum: & maximè nobilium matronarum vatabat domos, ne cogeretur videre, quod contempserat. Apostolorum, & Martyrum Basilicas secretis celebrans orationibus, & quæ populorum frequentiam declinarent. Matri in tantum obediens, ut interdum faceret, quod nolebat. Nam cum illa snum diligeret sanguinem, & absque filiis & nepotibus vellet in fratris liberos universa conferre: ista pauperes eligebat, & tamen matri contraire non poterat, monilia, & quidquid suppellectilis fuit, divitibus, peritura concedens, magisque volens pecuniam perdere, quam parentis animum contristare. Nulla eo tempore nobilium foeminarum noverat Romæ propositum Monachorum, nec audebat propter rei novitatem ignominiosum, ut tunc putabatur, & vile in populis nomen assumere. Hæc ab Alexandrinis prius Sacerdotibus, Papaque Athanasio, & postea Petro, qui persecutionem Arrianæ hæreseos declinantes, quasi ad tutissimum communionis suæ portum Romanum confugerant; vitam Beati Antonii, adhuc tunc viventis, Monasteriorumque in Thebaide Pachumii, & virginum, ac viduarum didicit disciplinam. Nec erubuit profiteri, quod Christo placere cognoverat. Hanc multos post annos imitata est Sophronia, & aliae quibus rectissime illud Ennianum aptari potest: Utinam me in nemore Pelio. Hujus amicitiis fructa est Paula venerabilis. In

## EPISTOLA

hujus cubiculo nutrita Eustochium, virginitatis decus, ut facilis aestimatio sit, qualis magistra, ubi tales discipulæ? Rideat forsitan infidelis lector me in muliercularum laudibus immorari: qui si recordetur sanctas fœminas comites Domini Salvatoris, quæ ministrabant ei de sua substantia, & tres Marias stantes ante Crucem, Mariamque propriè Magdalenum, quæ ob sedulitatem, & ardorem fidei, Turritæ nomen accepit, \* prima ante Apostolos Christum videre merituit resurgentem: se potius superbiæ, quam nos condemnabit ineptiarum, qui virtutes, non sexu, sed animo judicamus, contemtæque nobilitatis ac divitiarum majorem gloriam dueimus. Unde & Jesus Joannem Evangelistam amabat plurimum; qui propter generis nobilitatem erat notus Pontifici, & Judæorum insidias non timebat, in tantum, ut Petrum introduceret in atrium, & stare solus Apostolorum ante Crucem, Matremque Salvatoris in sua reciperet, ut hereditatem Virginis Domini, Virginem Matrem Filius virgo susciperet: Annis igitur plurimis sic suam transgit ætatem, ut ante se vetulam cerneret, quam adolescentulam fuisse, meminisset, laudans illud Platonicum, qui Philosophiam meditationem mortis esse dixit. Unde & noster Apostolus: Quotidiè inquit, morior propter vestram salutem. Et Dominus juxta antiqua exemplaria: nisi quis tulerit crucem suam quotidie, & sequutus fuerit me, non potest meus esse discipulus: multoque ante per Prophetam Spiritus Sanctus: propter te mortificamur tota die, aestimati sumus ut oves occasionis. Et post multas ætates illa sententia: me-

\* *Gadæ apud Hebræos, magnificare & exaltare significat: inde postea Magdal. turris, à quo nemine Magdalena postremò dicitur.*

## AD PRINCIPIAM.

mento semper diem mortis, & nunquam peccabis, dicitissimum preceptum Satyrici: vive memor lethi: fugit hora: hoc quod loquor inde est. Sic ergo (ut dicere cœperamus) ætatem duxit, & vixit, ut semper se crederet esse morituram. Sic induita est vestibus, ut meminisset sepulchri, offerens se hostiam rationabilem, vivam, placentem Deo. Denique cum & me Romanum cum Sanctis Pontificibus Paulino, & Epiphonio, Ecclesiastica traxisset necessitas, quorum alter Antiochenam Siriae, alter Selaminiam Cypri textit Ecclesiam, & verecundè nobilium fœminarum oculos declinarem: ita egi secundum Apostolum, importunè opportunè, ut pudorem meum sua superaret industria. Et quia alicuius tunc nominis esse existimabar super studio Scripturarum, nunquam convenit, quin de Scripturis aliquid interrogaret, nec statim acquiescerat, sed moveret è contrario quæstiones, non ut contendere, sed ut quærendo disceret eārum solutiones, quas opponi posse intelligebat. Quid in illa virtutum, quid ingeni, quid sanctitatis, quid puritatis invenirem, vereor dicere, ne fidem credulitatis excedam, & tibi majorem dolorem incuriam, recordanti quanto bono carneris. Hoc solum dicam, quod quidquid in nobis longo fuit studio congregatum, & meditatione diuturna, quasi in naturam versum, hoc illa libavit, didicit, atque possedit, ita ut post perfectionem nostram si de aliquo testimonio Scripturarum esset oborta contentio, ad illam judicem pergeretur. Et quia valde prudens erat, & noverat illud, quod appellant Philosophi *To prepon*, id est, decere quod facias. Sic ad interrogata respondēbat, ut etiam sua non sua dicebat, sed vel mea vel cuiuslibet alterius, ut in eo ipso quod docebat, se discipulam fateretur. Sciebat enim

## EPISTOLA

dictum ab Apostolo: docere autem mulieri non permitto; ne virili sexui, & interdum Sacerdotibus, de obscuris & ambiguis sciscitantibus facere videretur injuriam. In nostrum locum statim audivimus te illius adhæsisse consortio, & nunquam ab illa ne transversum quidem unguem, ut dicitur, recessisse. Eadem domo, eodem cubiculo usam, ut omnibus in urbe clarissima notum fieret, & te matrem, & illam filiam reperisse, suburbanus ager vobis pro Monasterio fuit, & rus electum pro solitudine. Multoque ita vixisti tempore, ut ex imitatione vestri, & conversione multarum, gauderemus Romam factam Jerosolymam. Crebra virginum Monasteria, Monachorum innumenabilis multitudo, ut pro frequentia serviendum Deo, quod prius ignominie fuerat, esset postea gloria. Interim absentiam nostri mutuis solabamur alloquis, & quod carne non poteramus, spiritu reddebamus. Semper obviare epistolis, superare officiis, salutationibus prævenire. Non multum perdebat absentia, quæ jugibus sibi literis jungebatur. In hac tranquilitate, & Domini servitute, hæretica in his Provinciis exorta tempestas cuncta turbabit, & in tantam rabiem concitata est, ut nec sibi, nec ulli bonorum parceret. Et quasi parum esset hic universa movisse, navem plenam blasfemiarum \* Romano intulit portui. Invenitque protinus patella operculum, & Romana fidei purissimum fontem, coeno luctosa permiscere vestigia. Nec mirum si in plateis, & in foro rerum venalium fiktus ariolus stultorum verberet nares, & obtrerto fuste dentes mordentium quatiat; cum venenata spurca doctrina Romæ invenerit, quos induceret. Tunc librorum *Periarchon* \*\* infamis interpretatio, tunc dis-

\* Intelligit de Origenis hæresibus. \*\* *De principiis.*

## AD PRINCIPIAM.

cipulus *Olbios* \* & verè nominis sui, si in talē Magistrum non impegisset. Tunc nostrorum *Didascalicon*, contradic̄tio, & *Pharisæorum* turbata est schola. Tunc Sancta Marcella, quæ diu se cohibuerat, ne per emulationem quipiam facere videretur, postquam sensit fidem Apostolico ore laudatam, in plerisque violari, ita ut Sacerdotes quoque, & nonnullos Monachorum, maximèque sæculi homines in assensum sui traheret, ac simplicitati illuderet Episcopi, qui de suo ingenio cœteros estimabat; publicè resuunt, males Deo placere, quam hominibus. Lauda Salvator in Evangelio villicum iniquitatis, quod contra dominum quidem fraudulenter, attamen pro se prudenter fecerit. Cernentes hæretici de parva scintilla maxima incendia concitari, & suppositam dudum flammarum, jam ad culmina pervenisse, nec posse latere quod multos deceperat; petunt, & impetrant Ecclesiasticas Epistolas, ut communicantes Ecclesiæ discessisse viderentur. Non multum tempus in medio succedit in Pontificatum vir insignis Anastasius, quem diu Roma habere non meruit, ne Orbis caput sub tali Episcopo truncaretur. Imò idcirco raptus, atque translatus est, ne semel latam sententiam, precibus suis flectere conaretur. Dicente Domino ad Jeremiam: ne oraveris pro populo isto, neque depreceris in bonum. Quia si jejunayerint, non exaudiām preces eorum. Et si holocausta, & victimas obtulerint, non suscipiam eas. In gladio enim, & fame, & pestilentia ego consumam eos. Dicas, quid hæc ad laudem Marcellæ? Damnationis hæreticorum hæc fuit principium; dum adducit testes, qui prius ab eis eruditæ, & postea ab hæretico fuerant errore correcti; dum ostendit multitudinem

deceptorum : dum impia *Periarchon* ingerit volumina, quæ emendata manu scorpī monstrabantur; dum acci-  
ti frequentibus litteris hæretici, ut se defenderent, venire non sunt ausi, tantaque vis conscientiæ fuit, ut  
absentes damnari, quām præsentes coargui, maluer-  
ant. Hujus tam gloriose victoræ origo Marcella est:  
tuque caput horum, & causa honorum, scis me vera  
narrare, quæ hosti, vix de multis pauca dicere, ne  
legenti fastidium faciat odiosa replicatio, & videat  
apud malevolos sub occasione laudis alterius, stomachum  
meum digerere. Pergam ad reliqua. De Occiden-  
tis partibus ad Orientem turbo transgressus minita-  
batur plurimis magna naufragia. Tunc impletum est:  
Putas sensisse filius hominis, fidem inveniet super ter-  
ram? Refrigerata charitate multorum, pāuci, qui  
amabant fidem veritatem, nostrō lateri jungebantur,  
quorum publicē petebatur caput, contra quos opes  
omnes parabantur, ita ut Barnabas quoque duceretur  
in illam similitudinem, imo apertum patricidium quod  
non viribus, sed voluntate comisit. Et ecce univer-  
sa tempestas Domino sante delecta est, expletumque  
vaticinium Prophetale: auferes spiritum eorum, &  
deficient, & in pulverem suum revertentur. In illa  
die peribunt omnes cogitationes eorum. Et illud Evan-  
gelicum: stulte hac nocte auferetur anima tua a te;  
quæ autem præparasti, cuius erunt? Dum hæc agun-  
tur in Jerusalem, terribilis de Occidente rumor affertur,  
obsideri Romanum, & auro salute civium redimi, spo-  
liatosque rursum circumdari; ut post substantiam, vi-  
tam quoque perderent. Hæret vox, & singultus inter-  
cipiant verba distantis. Capitur Urbs, quæ totum ce-  
stum

\* Ruffinum vocat, quod latenter, & ambabus, ut  
dicitur, manibus venenum funderet.

pit Orbem, imo fame, perit, antequam gladio, & vix  
pauci qui caperentur, inventi sunt. Ad nefandos cibos  
erupit esurientium rabies, & sua invicem membra la-  
niarunt, dum mater non parsit lactenti infantæ, &  
suo recipit utero, quem paulò ante effuderat. Nocte  
Moab capta est, nocte cecidit murus ejus Deus, ve-  
nerunt gentes in hæreditatem tuam, polluerunt tem-  
plum sanctum tuum, posuerunt Jerusalem in pomo-  
rum custodiam, posuerunt cadavera Sanctorum tuo-  
rum escas volatilibus coeli, carnes sanctorum tuorum  
bestiis terræ: effuderunt sanguinem eorum sicut  
quam in circuitu Jerusalem, & non erat qui sepeliret.

*Quis cladem illius noctis, quis funera fundo?*  
*Explicit, aut possit lacrymis æquare dolorem?*  
*Urbs antiqua ruit, multos dominata per annos.*  
*Plurima perque vias spargantur inertia passim.*  
*Corpora, perque domos, & plurima mortis imago.*

Cum iterum ut in tanta confusione ferum, Marcel-  
la quoque domum cruentus vitor ingreditur. Sit  
mihi fas audita loqui, imo à Sanctis viris visa narra-  
re, qui interfuerūt præsentes, qui te dicunt in peri-  
culo quoque ei fuisse sociatam. Intrepido vultu exce-  
pisce dicitur introgressos. Cumque posceretur au-  
rum, & defosas opes vili excusaret tunica, non  
tamen fecit fidem voluntaria paupertatis. Cæsam fus-  
tibus flagellisque, ajunt non sensisse tormenta; sed  
hoc lacrymis, hoc pedibus eorum prostratam egisse,  
ne te à suo consortio separent, ne sustineret  
adolescentia, quod senilis ætas timere non poterat.  
Christus dura corda mollivit, & inter cruentos gla-

\* Virg. Æneid. lib. 2.

## EPISTOLA

dios invenit locum pietas. Cumque & illam & te ad Beati Apostoli Pauli Basilicam barbari deduxissent, ut vel salutem vobis ostenderent, vel sepulchrum; in tantam lætitiam dicitur erupisse, ut gratias ageret Deo, quod te integrum sibi reservasse; quod pauperem illam non fecisset captivitas, sed invenisset; quod egeret quotidiano cito; quod saturatam Christo non sentiret esuriem; quod & voce & opere loqueretur; Nuda exivi de utero matris meæ; nuda & redeam: Sicut Domino visum est, ita & factum est: Sit nomen Domini benedictum. Post aliquot dies sano, integro, vegetoque corpusculo obdormivit in Domino, & te paupertatulæ suæ, imò per te pauperes reliquit hæredes, claudens oculos in manibus tuis, reddens spiritum in tuis osculis, dum inter lacrymas tuas illa rediret conscientia vitæ bonæ, & præmiis futurorum. Hæc tibi, Marcella venerabilis, & tibi Principia filia, una & brevi lucubratione dictavi, non eloquii venustate, sed voluntate in vos animi gratissimi, & Deo & legentibus placere desiderans.

UNIVERSIDAD AUTÓNOMA DE MÉXICO

DIRECCIÓN GENERAL DE BIBLIOTECAS

## AD MARCELLAM.

HIERONYMUS MARCELLAM INVITAT  
ad rus Bethlehemicum.

Argum. Epistolæ.

Marcellam viduam jam Monachorum institutum sequentem hortatur, ut Roma relicta, Bethlehem se conferat: per conventionem ostendens, & quantum comodatum habeat rus Bethlehemiticum.

**A**Mbrosius (quo chartas, sumptus, notarius ministrante, tam inumerabiles libros verè Adamantius & Chalcensis \* noster explicavit) in quādam epistola, quam eumdem de Athenis scriperat, refert nunquam se cibum, Origine præsente, sine lectio sumpsisse, numquam inisse somnum, nisi unus è fratribus sacris litteris personaret. Hoc diebus egisse, & noctibus, ut lectio orationem exciperet, & oratio lectionem. Quod nos ventris animalia tale unquam fecimus? Quos si vel secunda hora legentes inveniret, oscitamus, manu faciem defrictantes, continēmus stomachum, & quasi post multum laborem, mundialibus rursum negotiis occupamur. Prætermitto prandia, quibus mons onerata premitur. Pudet dicere frequentiam salutandi, qua aut ipsi quofidie ab aliis pergimus, aut nos venientes, cæteros expectamus. Deinceps itur in verba, sermo teritur, lacerantur absentes, vita aliena describitur, & mordentes invicem, consumimur ad invicem. Talis nos cibus occupat, & dimittit. Cum verò amici recesserint, ratiocinia suppeditamus, nuncira personam leonis nobis imponit, nunc cura superflua in

\* Nomen ab æreis intestinis deductum, compositum ex Chalkos & entera.

anno plurimos durata præcogitat. Nec recordamur Evangelii dicentis, stulte, hac nocte auferent animam tuam à te; quæ autem præparasti, cuius erunt? Vester non ad usum tantum, sed ad delicias conquiruntur. Ubi cumque compendium est, velocior pes, citus sermo, auris attentior. Si dominum (ut sèpè in re familiari accidere solet) fuerit nuntiatum, vultus morore deprimitur. Lætamur ad nummum, amissso obolo constrainstamur. Unde cum in uno homine animarum tam diversa sit facies, Propheta Dominum deprecatur, dicens: Domine in civitate tua imaginem eorum dissipa. Cum enim ad imaginem & similitudinem Dei conditi simus, ex virtute nostro personas nobis plurimas superinducimus. Et quomodo in theatralibus scenis unus atque idem histrio, nunc Herculem robustus ostendit, nunc mollius in Venerem frangitur, nunc tremulus in Cybalem; ita & nos (qui si de mundo non essemus odi remur à mundo) tot habemus personarum similitudines, quot peccata. Quapropter quia multa jam vita spatia transmissimus fluctuando, & navis nostra nunc procellarum concussa turbine, nunc scopulorum illusionibus perturbata est, cum primum licet, quasi portum quemdam secreta ruris intremus. Ibi cibarius panis, & olus nostris manibus irrigatum, & lac deliciæ rusticanae, viles quidem, sed innocentes cibos præbent. Ita viventes non oratione somnus nec barutias à lectio ne revocabit. Si astas est, secretum arboris umbra præbebit; si autumnus, ipsa aeris tempestes, & strata subter folia locum quietis ostendunt. Vere ager floribus pingitur, & inter querulas aves Psalmi dulcius cantabuntur. Si frigus fuit, & brumales nubes, ligna non coemant, & ca-

Iddius vigilabo, vel dormiam. Certè, quod sciām vilius non algebo. Habeat sibi Roma suos tumultus, arena sæviat, circus insaniant, theatra luxurient, & quia de nostris dicendum est, matronarum quotidie visitetur Senatus. Nobis adhærere Domino bonum est, & ponere in Domino Deo spem nostram, ut eum paupertatem istam celorum regna mutaverint, erumpamus in vocem: Quid enim mihi est in cœdo, & à te quid volui super terram? Quo scilicet cum tanta reperiamus in cœlo, parva & caduca quæssisse nos doleamus in terra. Verum, ut ad villam, & ad Mariz diversorum veniamus (plus laudat enim unusquisque quod possidet) quo sermone, qua voce tibi speluncam Salvatoris exponam? Et illud Præsepe in quo Infantulus vagit, silentio magis, quam infirmo sermone honorandum est. Ubi sunt latæ porticus? ubi aurata laquearia? ubi domus miserorum pœnis, & damnatorum labore vestitæ? ubi instar palatii privatorum extrictæ Basilicæ, ut vile corpusculum hominis pretiosius inambulet, & quasi mundo quidquam possit esse ornatus, tecta sua magis velint aspicere, quam celorum? Bethlehem ecce in hoc parvo terræ foramine cœlum. Conditor natus est: hic involutus pannis, hic visus à Pastoribus, hic demonstratus à stella, hic adoratus à Magis; & puto sanctior locus est rupe Tarpeja, quæ de cœlo sæpius fulminata ostendit, quod Deo displiceat. Est quidem ibi sancta Ecclesia, sunt trophæ Apostolorum & Martyrum, est Christi vera confessio, est Apostolorum prædicta Fides, & Gentilitate calcata, in sublime quotidie erigitur vocabulum Christianum. Sed ambitio, potentia, magnitudo urbis, viderit, & videre salutati, & salutare, laudare, & detrahere, vel audire,

vel proloqui, & tantam hominum frequentiam videre, à proposito monachorum & à quiete, aliena sunt. Aut enim videmus ad nos venientes, & silentium perdimus, aut si non videmus, superbiæ arguimur. Interdum ut visitantibus reddamus vicem, ad superbas fores pergitimus. Inter linguis rodentium ministrorum, postes ingredimur deauratos. In Christi verò villa, ut supra diximus, tota rusticitas est; extra Psalmos silentium est. Quocumque deverteris, arator stivam tenens alleluia decantat. Sudans messor Psalmis se avocat; & curva attondens vites falce vinitor aliquid Davidicum canit. Hæc sunt in hac Provincia carmina; hæc, ut vulgo dicitur, amatoria canticæ. Vale.

**HIERONIMUS AD EUSTOCHIUM**  
de acceptis ab ea manusculis.

Argumentum Epistolæ.

*Eustochium in natali D. Petri quædam misit ad D. Hieronymum; ea mystica interpretatione trahit ad morum institutionem.*

**P**Arva specie, sed charitate sunt magna, munera accepisse à virgine, armillas, epistolam, & columbas. Et quoniam mel in Dei sacrificiis non offeratur, nimia dulcedo arte mutata est, & quadam, ut ita dicam, piperis austeritate condita. Apud Deum enim nihil voluptuosum, nihil tantum suave placet, nisi quod in se habet mordacis aliquid veritatis. Pascha Christi cum amaritudinibus manducatur. Festus est dies, & natalis beati Petri: festivius est solito

condiendus: ita tamen, ut Scripturarum cardinem jocularis sermo non fugiat; nec à præscrito palæstræ nostræ longius evagemur. Armillis in Ezechiele ornatur Jerusalem. Baruch epistolas accipit ab Jeremia. In columbæ specie Spiritus Sanctus allabitur. Itaque, ut te aliquid & piperis mordeat, & pristini libelli etiam nunc recorderis; cave, ne operis ornamenta dimittas, quæ verè armillæ sunt brachiorum, ne epistolam pectoris tui scindas, quam à Baruch traditam novacula Rex prophanus incidit, ne ad similitudinem Ephraim per Ossee audias: facta es insipiens, ut columba. Nimium, respondebis, austerè, & quod festo non convenient diei. Talibus ipsa muneribus provocasti, dum dulcibus amara sociata sunt, & à nobis paria recipies: laudem amaritudo comitabitur. Verum ne videar dona minuisse, accepimus & canistrum cerasis refertum, talibus, & tam virginali verecundia rubentibus, ut ea nunc à Lucullo delata existimari. Siquidem hoc genus pomi, Ponto & Armenia subjugatis, de Cerasunto primus Romam pertulit. Unde & de patria arbor nomen accepit. Igitur quia in Scripturis canistrum fici plenum legimus, cerasa verò non est; invenimus in eo, quod allatum est, id quod allatum non est, prædicamus; oportamusque te de illis pomis fieri, quæ contra templum Dei sunt, & de quibus Deus dicit: quia bona, bona valde. Nihil quippè Salvator medium amat. Et sicuti frigidum non refugiens, calidis delectatur, ita tepidos in Apocalypsi evomere se loquitur, unde nobis sollicitius providendum est, ut solemnem diem, non tam ciborum abundantia, quam spiritus exultatione celebremus. Quia valde absurdum est, nimia saturitate velle honoreare Martyrem, quem scimus Deo placuisse jeju-

vel proloqui, & tantam hominum frequentiam videre, à proposito monachorum & à quiete, aliena sunt. Aut enim videmus ad nos venientes, & silentium perdimus, aut si non videmus, superbiæ arguimur. Interdum ut visitantibus reddamus vicem, ad superbas fores pergitimus. Inter linguis rodentium ministrorum, postes ingredimur deauratos. In Christi verò villa, ut supra diximus, tota rusticitas est; extra Psalmos silentium est. Quocumque deverteris, arator stivam tenens alleluia decantat. Sudans messor Psalmis se avocat; & curva attondens vites falce vinitor aliquid Davidicum canit. Hæc sunt in hac Provincia carmina; hæc, ut vulgo dicitur, amatoria canticæ. Vale.

**HIERONIMUS AD EUSTOCHIUM**  
de acceptis ab ea manusculis.

Argumentum Epistolæ.

*Eustochium in natali D. Petri quædam misit ad D. Hieronymum; ea mystica interpretatione trahit ad morum institutionem.*

**P**Arva specie, sed charitate sunt magna, munera accepisse à virgine, armillas, epistolam, & columbas. Et quoniam mel in Dei sacrificiis non offeratur, nimia dulcedo arte mutata est, & quadam, ut ita dicam, piperis austeritate condita. Apud Deum enim nihil voluptuosum, nihil tantum suave placet, nisi quod in se habet mordacis aliquid veritatis. Pascha Christi cum amaritudinibus manducatur. Festus est dies, & natalis beati Petri: festivius est solito

condiendus: ita tamen, ut Scripturarum cardinem jocularis sermo non fugiat; nec à præscrito palæstræ nostræ longius evagemur. Armillis in Ezechiele ornatur Jerusalem. Baruch epistolas accipit ab Jeremia. In columbæ specie Spiritus Sanctus allabitur. Itaque, ut te aliquid & piperis mordeat, & pristini libelli etiam nunc recorderis; cave, ne operis ornamenta dimittas, quæ verè armillæ sunt brachiorum, ne epistolam pectoris tui scindas, quam à Baruch traditam novacula Rex prophanus incidit, ne ad similitudinem Ephraim per Ossee audias: facta es insipiens, ut columba. Nimium, respondebis, austerè, & quod festo non convenient diei. Talibus ipsa muneribus provocasti, dum dulcibus amara sociata sunt, & à nobis paria recipies: laudem amaritudo comitabitur. Verum ne videar dona minuisse, accepimus & canistrum cerasis refertum, talibus, & tam virginali verecundia rubentibus, ut ea nunc à Lucullo delata existimari. Siquidem hoc genus pomi, Ponto & Armenia subjugatis, de Cerasunto primus Romam pertulit. Unde & de patria arbor nomen accepit. Igitur quia in Scripturis canistrum fici plenum legimus, cerasa verò non est; invenimus in eo, quod allatum est, id quod allatum non est, prædicamus; oportamusque te de illis pomis fieri, quæ contra templum Dei sunt, & de quibus Deus dicit: quia bona, bona valde. Nihil quippè Salvator medium amat. Et sicuti frigidum non refugiens, calidis delectatur, ita tepidos in Apocalypsi evomere se loquitur, unde nobis sollicitius providendum est, ut solemnem diem, non tam ciborum abundantia, quam spiritus exultatione celebremus. Quia valde absurdum est, nimia saturitate velle honoreare Martyrem, quem scimus Deo placuisse jeju-

niis. Ita tibi semper comedendum est, ut cibum & oratio sequatur, & lectio. Quod si aliquibus displaceat, Apostoli verba cantato: Sic adhuc hominibus placerem, Christi ancilla non essem.

**HIERONTMUS AD MARCELLAM,**  
de accepsis munusculis.

Argum. Epistole.

Xeniola missa à Marella sibi, & Paulæ, filiæque hujus, per jocum interpretatur allegoricæ.

**U**LT absentiam corporum, spiritus confabulatione solemur, facit unusquisque quod prævalet. Vos dona transmittitis, nos epistolas remitterimus gratiarum. Ita tamen ut quia vellatarum virginum munus est, aliqua in ipsis munusculis esse mysteria demostremus. Saecus orationis signum, atque jejunii est stella, ut foras pedes virgo non moveat. Cerei, ut accenso lumine sponsi expectetur adventus. Calices mortificationem carnis ostendunt, & semper animum ad martyrium præparatum. Calix quippè Domini inebrians quam præclarus est! Quod autem & matronis offertis muscaria parva, parvis animalibus eventilandis; elegans significatio est, debere luxuriam cito restinguere, quia muscae morituræ, oleum suavitatis exterminant. Hic typus sit virginum, hæc figura matronarum. Nobis autem, licet in perversum, munera vestra convenient: sedere aptum est otiosis, in sacco jacere pœnitentibus; calices habere potantibus. Licet, & propter nocturnos metus, & animos

temper malo conscientiae formidantes, cereos quoque accendisse sit gratum.

**HIERONTMUS AD PAULUM CONCORDIENSEM.**

Argumentum Epistolæ.

Paulum Concordiensem centesimum agentem annum, tam adhuc integro, virentique corpore laudat, & libros, aliquos ab eo petit commodatos: est & festivis, nec minus Sanctis epistola hæc plena locis.

**H**Umanæ vitæ brevitas damnatio delictorum est. Et in ipso sæpe lucis exordio, mors sequuta nascentem, labentia quotidie in vitium sæcula profitetur: Nam cum primum paradisi colonum viperinis nexibus præpeditum, coluber desduxisset ad terras, æternitas mortalitate mutata, in nongentos & co amplius annos, secunda quodammodo immortalitate maledicti hominis distulerat elogium. Exinde paulatim, recrudescente peccato, totius orbis naufragium gigantum adduxit impietas. Post illud (ut ita dixerim) purgati baptismi mundi, in breve tempus hominum vita contraria est. Hoc quoque spatium, sceleribus nostris semper contra divina pugnantibus, penè perdidimus. Quotus enim quisque aut centenariam transgreditur; ætatem aut non ad eam sic pervenit, ut pervenisse pœnitiat? secundum quod in libro Psalmorum Scriptura testatur: Dies vitæ nostræ septuaginta anni; si autem multum, octoginta; quicquid reliquum est, labor & dolor. Quorsum, ais, ista tam alto repetita principio, & ita procul cœpta, ut merito, quis Hotatiano de no-

## EPISTOLA

bis possit sale ludere: \* *Et gemino bellum Trojanum  
orditur ab ovo?* Videlicet ut senectutem tuam, &  
caput ad Christi similitudinem candidum dignis vo-  
cibus prædicemus. Ecce jam centenus ætatis circu-  
lus volvitur, & tu semper præcepta Domini custo-  
diens, futuræ beatitudinem vitæ per præsentia exem-  
pla meditaris. Oculi puro lumine vigent, pedes im-  
primunt certa vestigia, auditus penetrabilis, den-  
tes candidi, vox sonora, corpus solidum & succi-  
plenum, cani cum rubore discrepant, vires cum  
ætate dissentunt. Non memoriae tenacitatem, ut  
in plerisque cernimus, antiquor senecta dissolvit.  
Non callidi acumen ingenii frigidus sanguis obtun-  
dit, non contractam rugis faciem arata frons exas-  
perat. Non denique tremula manus per curvos ce-  
ræ tramites errantem stylum dicit. Futuræ nobis  
resurrectionis virorum in te Dominus ostendit, ut  
peccati sciamus esse, quod cæteri adhuc viventes  
præmoriuntur in carne; justitiae, quod tu adolescen-  
tiam in aliena ætate mentiris. Et quamquam multis  
istam corporis sanitatem, etiam peccatoribus evenire  
videamus, tamen illis hoc diabolus ministrat, ut pec-  
cent; tibi Dominus præstat, ut gaudeas. Doctissimi  
quique Græcorum, de quibus pro Flacco agens lucu-  
lenter Tullius ait: Ingenita levitas, & erudita vanitas  
Regum suorum, ac Principum laudes, accepta merce-  
de dicebat. Hoc ego nunc faciens, pretium posco pro  
laudibus. Et ne putes modica esse, quæ deprecor,  
margaritum de Evangelio postularis. Eloquia Domini,  
eloquia casta, argentum igne exâminatum, probatum  
terræ, purgatum septuplum, scilicet commentarios  
Fortunatiani, & propter notitiam persecutionum, Au-

\* Horat. in arte poetica.

## AD PAULUM.

reli Victoris historiam, simulque epistolas Novatiani, ut dum schismatici hominis venena cognoscimus, libentius sancti Martyris Cypriani bibamus antido-  
tum. Misimus interim te tibi, id est, Paulo sénī  
Paulo seniorem: in quo propter simpliciores quo-  
que multum in dejicio sermone laboravimus. Sed nescio quomodo etiam si aqua plena sit, ta-  
men eundem odorem lagena seruat, quo dum rudit  
esset, imbuta est. Si hoc munusculum placuerit,  
habemus etiam alia condita, quæ cum plurimis orien-  
talibus mercibus ad te, si Spiritus Sanctus afflaverit,  
navigabunt,

HIERONYMUS AD MARCELLAM  
de ægrotatione Blæsille.

## Argumentum Epistolæ.

Blæsilla Paula filia, mortuo marito, admonita validafe-  
bre totam se ad Christum convertit, & Monacham  
profiteri caput, non sine magna invidia, & oblitra-  
tione cognatorum, quorum obrectationibus hic res-  
pondet D. Hieronymus.

A Abraham tentatur in filio, & fidelior invenitur.  
A Joseph in Ægypto venditur, ut patrem pascat,  
& fratres. Ezechias vicina morte terretur, ut fusus  
in lacrymas, quindicem annorum spatiū ei proteletur  
ad vitam. Petrus Apostolus Domini passione con-  
cuditur, ut amarè flens, audiat: Pasce oves meas.  
Paulus lupus rapax, & Benjamin adolescentior in  
extasi cæcatur, ut videat; & repentino tenebrarum  
horrore circundatus Dominum vocat, quem dudum

## EPISTOLA

ut hominem persecubatur. Ita & nunc , mi Marcella, Blæsillam nostram vidimus ardore febrium per triginta ferme dies jugiter æstuasse, ut sciret rejiciendas delicias corporis, quod paulo post vermbus exandrandum sit. Venit & ad hanc Dominus Jesus, tetrigitque manum ejus, & ecce surgens ministrat ei. Redolebat aliquid negligentiae , & divitiarum fasciis colligata in sæculi jacebat sepulchro. Sed infremuit Jesus , & conturbatus in spiritu clamavit dicens: Blæsilla, veni foras. Quæ vocata surrexit , & egressa cum Domino vescitur : Judæi minentur, & tumeant, quærant occidere suscitatam, soli Apostoli glorientur. Scit se vitam suam ei debere, qui reddidit; scit se ejus amplexari pedes, cuius paulo ante judicium pertinaciebat. Corpus pene jacebat exanimé, & anhelos artus mors vicina quatiebat. Ubi tunc erant auxilia propinquorum? Ubi verba omni inaniora fumo? Nihil tibi debet , o ingrata cognatio, quæ mundo perit, & Christo revixit. Qui Christianus est, gaudet: qui irascitur, non se esse indicat Christianum. Vidua, quæ soluta est vinculo matrimoniali, nihil necesse habet, nisi perseverare. At scandalizat quempiam vestis fuselior. Scandalizet Ioannes, quo inter natos mulierum major nullus fuit, qui Angelus dictus, ipsum quoque Dominum baptizavit, qui camelorum vestitus tegmine, zonâ pelliceâ cingebatur. Cibi displicant viliores? Nihil viarius est locutus. Illæ Christianos oculos scandalizent potius, quæ purpurisso, & quibusdam fucis ora, oculosque depingunt: quarum facies gypseæ, & nimio candore deformes idola mentiuntur. Quibus si forte improvidens lacrymarum stilla eruperit, sulco defuit: quas nec numerus annorum potest docere,

## AD MARCELLAM.

quod vetulæ sint, quæ capillis alienis verticem struunt, & præteritam juventutem in rugis anilibus poliunt, quæ denique ante nepotum gregem trementes virguncula componuntur. Erubescat mulier Christiana, si naturæ cogit decorem, si carnis curam facit ad concupiscentiam, in qua qui sunt, secundum Apostolum, Deo placere non possunt. Vidua nostra ante morosius ornabatur, & die tota quid sibi deesseset, quærebat ad speculum. Nunc loquitur confidenter: Nos autem omnes revelata facie gloriam Domini speculantes, in eamdem imaginem transformatur, à gloria in gloriam, quasi à Domini spiritu. Tunc crines ancillæ disponebant, & mittellis crispanibus vertex arctabatur innocuus: nunc neglectum caput scit tibi tantum sufficere, quod velatur. Illo tempore plumarum quoque dura molles videbatur, & in extructis thoris jacere vix poterat. Nunc ad orandum festina consurgit, & tinnula voce cæteris alleluia præripiens, prior incipit laudare Dominum suum. Flectuntur genua supra nudam humum, & crebris lacrymis facies psimmithio, \* ante sordidata purgatur. Post orationem Psalmi concrepant, & laxat cervix poplites vacilantes, in somniumque vergentes oculi, nimio mentis ardore vix impetrant ut quiescant. Pulla tunica, minus cum humili jacuerit, sordidatur. Soccus viator, auratorum pretium calceorum egentibus largitur. Cingulum non auro, gemnisque distinctum est, sed laneum, & tota simplicitate purissimum, & quod possit, magis astringere vestimenta, quam scindere. Si huic proposito invidet scorpius, & sermone blando de vita rursum arbore comedere per-

\* Lat. Cerusa.

sudet, illidatur ei pro solea anathema, & in suo moriente pulvere dicatur: Vade retro Sathan, quod interpretatur, adverse. Adversarius quippe Christi est, & Antichristus, cui præcepta displicant Christi. Ora te, quid tale unquam, tale Apostoli, fecimus, ut meritò scandalentur? Patrem senem cum navicula, & reti dimitunt. Publicanus à telonio surgit, & sequitur Salvatorem; volens discipulus reverti domum, & suis ante renuntiare, Magistri voce prohibetur. Sepultura non datur patri; & pietatis genus est, impium esse pro Domino. Nos quia serica veste non utimur, monachi judicamur; quia ebrii non sumus, nec cachinno ora dissolvimus, continentes vocamur, & tristes. Si tunica non canduerit; statim illud è trivio, Impostor & Græcus est. Cavillentur vafriora licet, & pingui aqualiculo fartos \* circumferant homines: Blæsilla nostra ridebit, nec dedignabitur loquacium ranarum audire convitia, cum Dominus ejus dictus sit Beelcebub.

UNIVERSIDAD AUTÓNOMA DE MÉXICO

DIRECCIÓN GENERAL DE BIBLIOTECAS

\* *Aqualiculum ventrem vocat: fartos autem pingui aqualiculo obesos, qui macie derisa, à scelestis gulosisque commendabantur.*

**HIERONYMUS AD PAULAM**  
super obiu Blæsillæ filie.

## Argumentum Epistolæ.

Paulæ primogenita filia septimo post nuptias mense maritum amisit, deinde periit, & ipsa nomine Blæsilla, maternæ aviæ vocabulum referens. Hujus obitum intemperantius, ac sine fine plorantem Paulam Hieronymus consolatur, atque etiam acriter objurgat, ostendens non esse Christianorum tantopere deflere benè vita functos. In ipsis autem epitabio Paulæ vitium hoc illi tribuit Hieronymus, quod impensissime dilexerit filios suos.

**Q**uis dabit capiti meo aquam, & oculis meis fontem lacrymarum, & plorabo: non ut Jeremias ait, vulneratos Populi mei, nec ut Jesus miseriam Jerusalem; sed plorabo sancitatem, misericordiam, innocentiam, castitatem, plorabo omnes pariter in unius morte defecisse virtutes: non quòd lugenda sit illa, quæ abiit, sed quòd nobis impatientius sit dolendum, qui talam videre desivimus. Quis enim siccis oculis recordetur, viginti annorum adolescentulam tam ardenti fide Crucis levasse vexillum, ut magis amissam virginitatem, quam mariti doloreret interitum? Quis sine singulis transeat orandi instantiam, nitorem linguæ, memoriae tenacitatem, acumen ingenii? Si Græcè loquentem audisses, Latinè eam nescire putas: si in Romanum sonum lingua se verterat; nihil omnino peregrini.

## EPISTOLA.

sermo redolebat. Jam verò quod in Origine quoque illo Græcia tota miratur, in paciis non dicam mentibus, sed diebus, ita Hebrææ linguae vicerat difficultates, ut in discendis, canendisque Psalmis cum matre contenderet. Humilitas vestium, non (ut in plerisque solet) tumentes animos arguebat; sed, cum interiori se mente dejecerat, inter ancillarum virginum cultum dominamque nihil medium, nisi quod in eo facilius dignoscetur, quod neglectus incedebat. Vacillabant ægrotatione gressus, & pallentem, ac trementem faciem, vix collum tenuerunt sustinebat, & tamen aut Prophetam, aut Evangelium semper in manibus tenebat. Lacrymis ora complentur, singultus occupat vocem, & hærentem linguam viscera commota non laxant. Cum sanctum corpusculum febrium ardor excoqueret, & semianimæ lectulum vallaret circulus propinquorum; hæc in extremo verba mandabat: Orate Dominum Jesum, ut mihi ignoscat; quia implere non potui, quod volebam. Secura esto, mi Blæsilla, confidimus, probas vera quæ dicimus numquam est sera conversio. Vox hæc primum dedicata est in Latrone: Amen dico tibi, hodie tecum eris in paradiſo. Postquam autem sarcina carnis abjecta, ad suum anima revolavit authorem, & in antiquam possessionem diù peregrinata conſcedit; ex more parentur exequiae, & nobilium ordine præeunire, aureum feretro velamen obtenditur. Videbatur mihi tunc clamare de Cœlo: Non agnosco vestes; amictus iste non est meus; hic ornatus alienus est. Sed quid agimus? Matris prohibituri lacrymas, ipsis plangimus. Confiteor affectus meos, totus hic

## AD PAULAM.

libet fletibus scribitur. Flevit & Jesus Lazarum; quia amabat illum. Non est optimus consolator, quem proprii vincunt gemitus, cuius visceribus emollitis, fracta in lacrymis verba desudant. Testor, mi Paula Jesum, quem Blæsilla nunc sequitur; testor sanctos Angelos, quorum consortio fruuntur, eadem me dolorum perpeti tormenta quæ pateris; patrem esse spiritu, nutricium charitate, & interdum dicere: Pareat dies illa, in qua natus sum. Et, hei mihi Pater, ut quid genuisti me virum, qui dicerer discrimen omni terræ? Et illud, Justus es, Domine, verumtamen judicia loquar ad te: Quid est, quod viæ peccatorum prosperantur? Et: mei quoque penè moti sunt pedes, penè effusi sunt gressus mei. Quia zelavi in peccatoribus, pacem peccatorum videns. Et dixi: Quomodo cognovit Deus, & si est scientia in excelso? Ecce ipse peccatores, & abundantes in sæculo obtinuerunt divitias. Sed rursus illud occurrit; Si narravero sic, ecce generationem filiorum tuorum prævaricatus sum. Numquid & in meam mentem non hic sapientius fluctus illiditur? Quare senes impii, sæculi divitiis perfruuntur? quare adolescentia rudit, & sine peccato pueritia, immaturo flore metitur? Quid causæ est, ut sepè bimuli, trimulique, & ubera materna lactentes à dæmonio corripiantur, repleantur lepra, morbo regio devorentur; & è contratio, impii, adulteri, homicidæ, sacrilegii, vegeti, atque securi de sua sanitate, in Deum blasphemant? Præsertim cum injustitia patris non redundet ad filium; & anima quæ peccaverit, ipsa moriatur. Aut, si manet vetus illa sententia, peccata patrum in filios oportere restitui, iniquum sit longævi

## EPISTOLA

patris innumera delicta in innocentem infantiam re-pensare. Et dixi : Ergo sine causa justificavi cor meum , & lavi inter innocentes manus meas , & factus sum flagellatus tota die. Sed cum hæc cogitarem , statim didici cum Propheta : Et suscepi , ut cognoscerem : hic labor est in conspectu meo , donec ingrediar Sanctuarium Dei , & intelligam in novissima eorum. Judicia enim Domini , abysus multa. O profundum divitiarum sapientia , & scientia Dei , quām inscrutabilia sunt judicia ejus , & investigabiles viæ ejus ! Bonus est Deus , & omnia quæ bonus facit , bona sint necesse est. Mariti orbitas irrogatur ; plango quod accidit ; sed quia placet Domino , æquo animo sustinebo. Unicus raptus est filius: durum quidem , sed tolerabile ; quia sustulit ille qui dederat. Si cæcus fuero , amici me lectio consolabitur. Si auditum quoque surdæ aures negaverint ; vacabo à vitiis: nihil aliud nisi Dominum cogitabo. Imminebit super hæc & dura pauperies , frigus , languor , & nuditas ; extremam expectabo mortem , & breve putabo malum , quod finis melior subsequetur. Consideremus quid ethicus ille Psalmus sonet : Justus es Domine , & rectum judicium tuum: hoc non potest dicere , nisi , qui illi ad universa quæ patitur , magnificat Dominum : & suo merito imputans , in adversis de ejus clementia gloriatur. Exultaverunt enim filii Judæ in omnibus judiciis Domini. Si Juda confessio interpretatur , confitens autem omnis anima credentis est : necesse est , ut qui se credere dicit in Christo , in omnibus Christi judiciis gaudeat. Sanus sum , gratias refero Creatori. Langueo , & in hoc Domini laudo voluntatem. Quando enim infirmor , tunc fortior sum , & vir-

## AD PAULAM.

tus spiritus in carnis infirmitate perficitur. Patitur & Apostolus aliquid , quod non vult , pro quo ter Dominum deprecatur. Sed dicitur ei : Sufficit tibi gratia mea , quia virtus infirmitate perficitur ; & ad revelationum humiliandam superbiam , monitor quidam humanae imbecillitatis apponitur , in similitudinem triumphantium ; quibus in curru retro comes adhærebat , per singulas acclamaciones civium dicens : Hominem te esse memento. Cur autem dum sit , quod quandoque patiendum est ? Et cur dolamus quemquam mortuum ? Ad hoc enim nati sumus ut maneamus æterni ? Abraham , Moyses , Isaïas , Petrus , Jacobus , Joannes , Paulus electio-nis vas , & super omnia filius Dei moritur ; & nos indignamur aliquem exire de corpore , qui ad hoc forsitan raptus est ne malitia mutaret intellectum ejus ? placita enim erat Deo anima ejus. Propter hoc properavit educere eam de media iniquitate , ne longo vitæ itinere , debiis oberraret anfractibus. Lugeatur mortuus , sed ille , quem gehenna suscipit , quem Tartarus devorat , in cuius poenam æternus ignis æstuat : Nos , quorum exitum Angelorum turba comitatur , quibus obviam Christus occurrit , gravemur magis , si diutius in tabernaculo isto mortis habitemus. Quia quandiu hic moramur , peregrinamur à Domino. Illa illa nos cupido teneat : Hei mihi , quia peregrinatio mea prolongata est à me , habitavi cum habitantibus Cedar , multum peregrinata est anima mea : Si Cedar tenebrae sunt : & mundus iste sunt tenebrae , quia lux lucet in tenebris , & tenebrae eam non comprehendenterunt : faveamus Blæ-silliæ nostræ , quæ de tenebris migravit ad lucem , & inter fidei incipientis ardorem , consummati operis

percepit coronam. Revera , si sæculare desiderium, & (quod Deus à suis avertat) delicias vitæ hujus cogitantem , mors immatura rapuisset , plangenda erat , & omni lacrymarum fonte ploranda. Nunc vero cum propitio Christo , ante quatuor ferme menses secundo quodam modo propositi se Baptismo laverit ; & ita deinceps vixerit , ut calcato mundo, semper monasterium cogitarit ; non vereris , ne tibi Salvator dicat : Irasceris Paula , quia tua filia , mea facta est filia ? Indignaris de judicio meo , & rebellibus lacrymis facis injuriam possidenti ? Scis enim , quid de te , quid de cæteris tuis cogitem ? Cibum tibi denegas , non jejuniorum studio, sed doloris. Non amo frugalitatem istam. Jejunia ista adversarii mei sunt. Nullam animam recipio, quæ , me nolente , separatur à corpore. Tales stulta Philosophia habeat martyres , habeat Zenonem, Cleombrotum , vel Catonem. Super nullum requiescit spiritus meus , nisi super humilem , & quietum , & trementem verba mea. Hoc est , quod mihi in monasterium promittebas ? quod , habitu à matronis cæteris separato , tibi quasi religiosior videbaris? Mens ista quæ plangit , sericarum vestium est. Interciperis , & emoretis , & quasi non in meas manus ventura sis , crudellem judicem fugis. Fugerat quondam & Jonas animosus Prophetæ , sed in profundo maris mersus fuit. Si viventem crederes filiam , nunquam plangeret ad meliora migrasse. Hoc est , quod per Apostolum meum jussoram , ne de dormientibus in similitudinem gentium tristaremini. Erubesc , ethnicae comparatione superaris. Melior diaboli ancilla , quam mea est. Illa infidelem maritum translatum fingit in cœlum : tu mecum tuam filiam commorantem , aut non

credis , aut non vis. Sed dicens : Quomodo lugere me prohibes , cum & Jacob Joseph in sacco fleverit , congregatisque ad se omnibus propinquis , noluerit consolari , dicens : Descendam ad filium meum lugens in infernum ? Et David Absalon , cooperto capite , planxerit , repetens : Fili mi Absalon , Absalon , fili mi , quis dabit , ut moriar pro te , fili mi Absalon ? Moysi quoque & Aaron , cæterisque Sanctorum solemnis sit luctus exhibitus ? Perfacilis ad ista responsio est. Luxisse Jacob filium , quem putabat occisum , ad quem & ipse erat ad inferos descensurus , dicens : Descendam ad filium meum lugens in infernum , quia necedum paradisi januam Christus effregerat ; necedum flammeam illam rompream , & vertiginem præsidentium Cherubim sanguis ejus extinxerat. Unde & Abraham ; licet in loco refrigerii , tamen apud inferos cum Lazaro fuisse scribitur. Et David justè flevisse filium parcidam , qui alium parvulum , postquam , ut viveret impetrare non potuit , quia sciebat non peccasse , non flevit. De Moyse vero & Aaron , quod eis veteri more sit planctus exhibitus , non mirandum est , cum & in Actis Apostolorum , jam Evangelio coruscante , Stephano fecerint Jerosolyma fratres planctum magnum ; & utique planctus magnus , non in plangentium examinatione ( ut tu putas ) sed in pompa funeris , & exequiarum frequentia intelligendus sit. Denique de Jacob Scriptura sic loquitur : Et ascendit Joseph sepelire patrem suum , & ascenderunt cum eo omnes pueri Pharaonis , & seniores domum ejus , & seniores omnis terræ Ægypti , & omnis domus Joseph , & fratres ejus. Et post paululum : Et ascenderunt cum eo quadrigæ , & equites , & facta sunt castra grandia nimis. Ac deinceps

de: Et planixerunt eum planctu magno , & fortinmis. Planctus iste solemnis non longas Ægyptiis imperat lacrymas , sed funeris monstrat ornatum. Juxta quem modum Aaron quoque , & Moyses fletos esse manifestum est. Nequeo satis scripturæ laudare mysteria , & divinum sensum in verbis licet simplicibus admirari , quid sibi velit quod Moyses plangitur , & Jesus Nave , vir sanctus sepultus resertur ; & tamen fletus esse non scribitur. Nempe illud quod in Moyse , id est , in Lege veteri sub peccato Adam omnes tenebantur elogio , & apud inferos descendentes consequenter lacrymæ prosequabantur secundum Apostolum , qui ait: Et regnavit mors ab Adam usque ad Moysen , etiam super eos , qui non peccarunt. In Jesu vero , id est , in Evangelio , per quem paradiſus est apertus , mortem gaudia prosequuntur , flentesque hodie Judæi , & nudatis pedibus in cinere volutati , saccuo incubant; ac , ne quid desit superstitioni , ex ritu vanissimo Pharisæorum , primum cibum lenti accipiunt , vide-licet ostendentes quali edulio primogenita perdiderint. Sed meritò , quia in resurrectionem Domini non credentes , Antichristi præparantur adventui. Nos vero , qui Christum indulimus , & facti sumus , juxta Apostolum , genus regium , & sacerdotale , non debemus super mortuos contristari. Et dixi , inquit , Moyses ad Aaron , & Eleazar , & Ithamar filios ejus , qui relicti erant : Caput vestrum non denudabitis , & vestimenta vestra non scindetis , ne moriamini , & super omnem Synagogam veniat ira. Nolite , inquit , scindere vestimenta vestra & luctum exhibere gentilem , ne moriamini. Mors nostra peccatum est. Et , quod forsitan crudele alicui videatur , sed fidei ne-

cessarium est , in eodem Levitico scribitur : quomo-  
do Sacerdos magnus ad patrem , matrem , fratres-  
que , vel liberos mortuos prohibetur accedere : ne  
videlicet anima Dei , sacrificiis vacans , & tota in  
illius mysteriis occupata aliquo impediatur effectu.  
Nonne aliis verbis id ipsum in Evangelio præcipitur,  
ut non renunciet domui discipulus ? ut mortuo patri  
uno exhibeat sepulturam ? Et de Sanctis , inquit,  
non exiet , & non contaminabitur sanctificatio Dei  
ejus , quia sanctum oleum unctionis à Deo super  
eum est. Certè postquam credimus in Christum , &  
oleo unctionis ejus accepto , illum portamus in no-  
bis , non debemus exire de templo , id est , de pro-  
posito Christiano ; non foras egredi , incredulitati vi-  
delicet Gentilium commisceri ; sed esse semper intrin-  
secus , id est , voluntati Domini ministrare. Hæc id-  
circò dicimus ; ne ignorantia Scripturarum authorita-  
tem tibi præberet in luclu , & videris rationabiliter  
errare. Et adhuc sic locutus sum , quasi unam de tur-  
bis convenerim Christianam. Nunc vero cum sciām  
toti te renuntiasse mundo , & abjectis , calcatisque  
deliciis sæculi , orationi , jejunii , lectioni vacare quo-  
tidie ; cum ad exemplum Abraham cupias exire de  
terra tua , & de cognatione tua , ut & Chaldaeis , &  
Mesopotamia derelictus , terram reprobmissionis in-  
troreas ; cum omnem substantiolam aut pauperibus  
dilargita sis , aut filiis ante mortem mundo mortua  
dederis : miror te ea facere quæ si facerent cæteræ  
reprehensione dignæ viderentur. Redit tibi in memo-  
riam confabulatio ejus , blanditiæ , sermo consor-  
tium , & quod his careas , pati non potes. Ignosci-  
mus matris lacrymis , sed modum quærimus in do-  
lore. Si parentem cogito ; non reprehendo quod

plangis. Si Christianam , & Monacham ; istis nominibus mater excluditur. Recens vulnus est , & tactus iste quo blandior , non tam curat , quam exasperat. Attamen quod tempore mitigandum est , cur ratione non vincitur ? Nam & Noemi famem fugiens in terra Moab , & maritum perdidit , & filios. Et cum suorum auxilio esset destituta , Ruth alienigena ab ejus latere non recedit. Vide quanti meriti sit deserta præstissime solatum. Ex ejus semine Christus oritur. Respice Job quanta sustinuit , & videbis te nimium delicatam , illum erectis in Cœlum oculis , inter ruinas domus , poenas ulceris , innumeras orbites , & ad extremum uxoris insidias , invictam tenuisse patientiam. Scio quod responsura sis , hoc illi quasi justo ad probationem evenisse. Et tu è duabus elige quod velis : aut sancta es , & probaris : aut peccatrix , & injuste quereris , minora sustinens quam mereris. Quid vetera replicem ? præsentia exempla sectare. Sancta Melania , nostri temporis inter Christianos vera nobilitas , cum qua tibi Dominus , mihi concedat in die sua habere partem , calente adhuc mariti corpusculo , & neendum humano , duos simul perdidit filios. Rem sum dicturus incredibilem , sed teste Christo non falsam. Quis illam tunc non putaret more lymphatico , sparsis crinibus , veste concissa , lacerum pectus invadere ? Lacrymæ gutta non fluxit ; stetit immobiles , & ad pedes advoluta Christi , quasi ipsum teneret , arrisit. Expeditus , inquit , tibi servitura sum Domine , quia tanto me onere liberasti. Sed forsitan superatur in cæteris. Quinimo , qua illos mente contempserit , in unico postea filio probat ; cui omni , quam habebat possessione concessa , ingruente jam hieme Je-

rosolymam navigavit. Parce , quæso tibi , parce filiae cum Christo jam regnanti ; parce saltem Eustochio tue , cuius parva adhuc ætas , & rudis penè infantia , te magistrante dirigitur. Sævit nunc diabolus , & quia unam cernit de tuis liberis triumphantem , obtritum se esse condolens , querit in remanente victoriam , quam in præente jam perdidit. Grandis in suis pietas , impietas in Deum est. Abraham unicum filium letus interfecit , & tu unam de pluribus quereris coronatam ? Non possum sine gemitu eloqui , quæ dictuus sum. Cum de media pompa funeris te exanimem referent , hoc inter se populus mussitabat : nonne illud est quod sæpius dicebamus ? Doler filiam jejuniis intersectam , quod non vel de secundo ejus matrimonio tenuerit nepotes. Quousque genus detestabile Monachorum non urbè pelitur ? non lapidibus obruitur ? non præcipiatur in fluctus ? Matronam miserabilem seduxerunt , quæ quia monacha esse noluerit , hinc probatur , quod nulla Gentilium ita suos unquam flevit filios. Qualem putas ad istas voces Christum habuisse tristiam ? Quó modo exultase Satanam , qui nunquiam atimam eripere festinans , & pii tibi propensis doloris illecebram ; idum ante oculos tuos filiae semper imago versata , cùpiti matrem simul necare victricis , & solitudinem sororis invadere relictae. Non ut terream loquar ; sed , ut mihi testis est Dominus , quæsi ante tribunal ejus assistens , in hæc te verba conuenio. Detestandæ sunt istæ lacrymæ plenæ sacrilegio , incredulitate plenissimæ , quæ non habent modum , quæ usque ad viciniam mortis accedunt. Ululas & exclamitas , & quasi quibusdam facibus accessa , quantum in te est , tui semper homicida es. Sed ad talēm clemens ingreditur Jesus , & dicit : quid

130

## EPISTOLA

ploras? Non est mortua puella, sed dormit. Irrideant circstantes. Ista infidelitas Judæorum est. Te quoque, si ad sepulchrum filiæ volueris voluntari, Angelus increpabit: quid quæris viventem cum mortuis? Quod quia Maria fecerat Magdalene, postquam vocem Domini se clamantis agnovit, ad ejus provoluta pedes audit: ne tetigeris me; nec dum enim ascendi ad Patrem meum, id est, non mereris tangere resurrectem, quem mortuum existimas in sepulchro. Quas nunc existimas Blæsillam nostram pati cruces, quæ ferre tormenta, quod tibi Christum videat subiratum? Clamat tunc illa lugenti: si unquam me amasti mater, si tua ubera suxi, si, tuis instituta sum monitis, ne invideas glorie meæ, neque hoc agas, ut à nobis in perpetuum separaremur. Putas esse me solam? Habeo pro te Mariam Matrem Domini. Multas hic video, quas ante nesciebam. O quanto melior est iste comitatus! Habeo Annam quondam in Evangelio prophetantem; & quo magis gandeas tantorum annorum labores ego in tribus mensibus consequita sum: unam palmam castitatis accepimus: misereris mei, quia mundum reliqui? At ego vestri sortem doleo, quos adhuc sæculi carcer includit, quos quotidiè in acie prælantes, nunc ira, nunc avaritia, nunc libido, nunc variorum incentiva vitiorum pertrahunt ad ruinam. Si vis, ut mater mea sis; cura placere Christo. Non agnosco matrem meo Domino displicentem. Loquitur illa & alia multa, quæ taceo; & pro te Dominum rogat, mihique ut de ejus mente securus sim, veniam impetrat peccatorum: quod monui, quod hortatus sum, quod invidiam propinquorum, ut salva esset, excepti. Itaque dum spiritus hos artus regit, produm vitæ hujus fruimur commeatu, spondeo, pro-

## AD PAULAM.

131

mitto, polliceor, illam mea lingua resonabit, illi mei dedicabuntur labores, illi meum sudabit ingenium: nulla erit pagina, quæ non Blæsillam sonet: quocumque sermonis nostri monumenta pervenerint, illa cum meis opusculis peregrinabitur. Hanc in mente defixam legent virgines, viduæ, Monachi, Sacerdotes. Brevis vitæ spatiū æterna memoria compensabit. Quæ cum Christo vivit in celis, in hominum quoque ore victuri est. Transibit & præsens ætas, sequentur sæcula post futura; quæ sine amore, sine invidia judicabunt. Inter Paulæ Eustochii nomen media ponetur. Nunquam in meis moritura est libris, audier me semper loquentem eum sorore, cum matre.

HIERONYMUS AD MARCELLAM,  
de exitu Leæ.

## Argumentum Epistolæ.

Leæ, quæ virginum Monasterio præfuerat, mortem cum Consulis designati sub idem fere tempus defuncti morte componit: ostendens quantum intersit inter exitum Sanctorum, & interitum eorum, quos hic mundus, us felices adorat.

CUM hora fermè tertia hodiernæ diei septuagesimum secundum Psalmum, id est, tertii libri principium legere cœpissimus, & docere cogeremus, tituli ipsius partem ad finem secundi libri, partem ad principium tertii libri pertinere; quod scilicet, deferunt Hymni David, filii Jessè, finis esset prioris. Psalmus vero Asaph, principium sequentis; & usque

## EPISTOLA

ad eum locum pervenissemus ; in quo justus loquitur; dicebam , si narrabo sic , ecce generationem filiorum tuorum prævaricatus sum , quod in Latinis codicibus non ita habemus expressum : repente nobis nunciatum est , sanctissimam Leam exisse de corpore : ibique ita te palluisse conspexi , ut verè aut pauca aut nulla sit anima , quæ fracto vase restaceo , non tristis erumpat . Et tu quidem , non quod futuri incerta esses , dolebas , sed quod triste funeri obsequium non dedisses . Denique in mediis fabulis rursum didicimus , reliquias ejus jam Ostiam fuisse delatas . Quæras , quo pertineat ista replicatio ? Respondebo tibi verbis Apostoli : multum per omnem modum . Primum , quod universorum gaudiis prosequenda sit , quæ calcato dia- bolo , coronam jam securitatis accepit . Secundo , ut ejus vita breviter explicetur . Tertio , ut designatum Consulem de suis sæculis detrahentem , esse doceamus in tartaro . Et quidem conversationem Leæ nostræ quis possit digno allevare præconio ? Ita eam totam ad Dominum fuisse conversam , ut monasterii prin- ceps , mater virginum fieret , post molliciem vestium , sacco membra trivisse , insomnes orationibus duxisse noctes , & comites suas plus exemplo docuisse , quam verbis . Humilitatis fuit tanta , tamque subjectæ , ut quondam domina plurimorum , ancilla omnium puta- retur , nisi quod eo Christi magis esset ancilla , dum domina hominum non putatur . In cuius vestis , vilis cibus , neglectum caput : ita tamen ut cum omnia faceret , ostentationem fugeret singulorum , ne recipie- ret in præsenti sæculo mercedem suam . Nunc igitur pro brevi labore æterna beatitudine fruuntur , excipi- tur Angelorum choris ; Abrahæ sinibus confovetur , & cum paupere quondam Lazaro , diu in portu ratum ,

## AD MARCELLAM.

& non palmatum Consulem , sed attratum , stillam di- giti minoris cernit inquirere . O quanta rerum muta- tio ! Ille , quem ante paucos dies dignitatum omnium culmina præcedebant , qui quasi de subjectis hostibus triumpharet , Capitolinas ascendit arces ; quem plausu quodam , & tripudio Populus Romanus exceptit ; ad cujus interitum urbs universa commota est ; nunc desolatus & nudus , non in lacteo cœli palatio , ut uxor mentitur infelix , sed in sordentibus tenebris continetur . Hæc vero , quam unius cubiculi secreta vallabant , quæ pauper videbatur & tenuis , cuius vi- ta putabatur amentia , Christum sequitur , & dicit : Quæcumque audivimus , ita & vidimus , in civitate Dei nostri , & reliqua . Quapropter moneo , & flens ge- mensque contestor , ut dum hujusmodi viam curri- mus , non duabus tunicis , id est , duplice vestiamur fide : non calceamentorum pellibus , mortuis videli- cet operibus prægravemur : non divitiarum nos pera ad terram premant : non virgæ , id est , potentiae sæ- culari quæramus auxilium : non pariter & Christum ve- limus habere , & sæculum ; sed pro brevibus & cadu- cis æterna succedant ; & cum quotidie (secundum cor- pus loquor ) præmoriamur , in cæteris non nos per- petuos existimemus , ut possimus esse perpetui .

**HIERONYMUS AD PAMMACHIUM,**  
consolatio super obitum Paulinæ  
uxoris.

## Argumentum Epistolæ.

*Paulina Paulæ filia, post Blæsillam natu maxima, nuperat Pammachio juveni docto, & nobili. Hac defuncta, Monachi propositum suscepit, opes suas in pauperum subsidium elargiens. Laudat Hieronymus uxorem defunctam, adhortans maritum, ut in sancto proposito perget, verecundè significans ut in Bethlehem se conferat angustia rei familiaris laborantem, & Paulæ socrui, Eustochioque cognatae scse adjungat.*

**S**anato vulneri, & in cicatricem superductæ cuncti, si medicina colorem reddere voluerit, dum pulchritudinem corporis quærerit, plagam doloris instaurat. Ita & ego serus consolator, qui importunè per biennium tacui, vereor, ne cum importuniùs loquar, & attractans vulnus pectoris tui, quod tempore, & ratione curatum est, commemoratione exulcerem. Quæ enim aures tam duræ, quæ de silice excisa præcordia, & Hyrcanarum tigrium lacte nutrita, possunt sine lacrymis Paulinæ tuæ audire nomen? Quis parturientem rosam, & papillatum corymbum, antequam in calatum fundator orbis, & tota rubentium foliorum pandatur ambitio, immaturè demessum, æquis oculis marcescere videat? Fractum est pretiosissimum margaritum. Vires smaragdi gemma contrita est. Quid boni habeat sanitas, languor ostendit. Plus sensimus quod

habuimus, postquam habere desivimus. In agro terræ bonæ tres fructus legimus, centessimum, sexagesimum, & trigesimum. In tribus mulieribus & sanguine, & virtute conjunctis, tria Christi præmia recognosc. Eustochium virginitatis flores metit. Paula laboriosam viduitatis aream terit. Paulina castum matrimonii cubile servat. Tali filiarum mater fulta comitatu: totum sibi in terris vindicat, quod Christus promisit in celo. Et ut quadrigam domus una emitteret sanctitatis, & foeminarum virtutibus responderent viri, additur comes Pammachius, verum Ezechielis Cherubim, cognatus, gener, maritus, imò frater amantissimus; quia sancti consortia spiritus vocabula non tenent nuptiarum. Huic quadrigæ Jesus præsidet. De his equis & Abacuc canit: ascende super equos tuos, & equitatio tua salus. Impari cursu, pari animo ad palmarum tenditur: discolores equi, sed voluntate concordes, unum aurigæ jugum trahunt, non expectantes flagelli verbera, sed ad vocis hortamenta ferventes. Dicamus aliquid & de philosophis. Quatuor virtutes describunt Stoici, ita sibi invicem nexas & mutuò cohærentes, ut qui unam non habuerit, omnibus careat, Prudentiam, Justitiam, Fortitudinem, Temperantiam. Has omnes sic habetis singuli, ut tamen emineatis in singulis. Prudentia in te, in matre Justitia, in virgine Fortitudo, in nupta Temperantia prædicatur. Quid enim eo sapientius, qui contempta mundi stultitia, Christum sequutus est, Dei virtutem, & Dei sapientiam? Quid matre justius, quæ inter liberos opibus distributis, docuit divitias contemnendo, quid filii amare deberent? Quid Eustochio fortius, quæ nobilitatis portas, &

arrogantium generis consularis virginali proposito fregerit, & in Urbe prima, primum genus subjugaverit pudicitia? Quid Paulina temperantius? quæ legens illud Apostoli: honorabiles nuptiæ, & cunibile immaculatum: nec sororis felicitatem, nec matris continentiam ausa appetere, maluit in humilioribus tuta pergere, quam pendulo gradu in sublimioribus fluctuare. Quamquam illa, semel initio matrimonio, nihil aliud diebus ac noctibus cogitaverit, nisi ut redditu fructu nuptiarum, secundum castimoniæ gradum arriperet; & tanti dux fœmina facti, virum proposito suo jungeret, non relinquens salutis comitem, sed expectans. Dumque crebris abortiis & experta fecunditate conceptuum, non desperat liberos, & socrus aviditatem maritique tristitiam preponit imbecillitati suæ: passa est aliquid de Rachelis exemplo; & pro filio doloris ac dexteræ, virum desiderii sui peperit hæredem. Certisque authoribus didici, illam non primæ sententia Dei, Crescite, & multiplicamini, & replete terram; nec officio conjugali servire voluisse, sed ad hoc optasse filios, ut Christo virgines pareret. Legimus & uxorem Sacerdotis Phinees, audita captivitate arcæ Domini, subito uteri dolore correptam, edidisse filium Ichabod, & inter manus & officia fœminarum animam emisisse cum prole. De prima, Benjamin, hoc est, filius virtutis ac dexteræ: de secunda inclitus Sacerdos Dei ex arcæ cognomine nascitur. Nobis post dormitionem somnumque Paulinæ, Pammachium monachum Ecclesia peperit posthumum, & in patris & conjugis nobilitate patrium, eleemosynis divitem, humilitate sublimem. Apostolus scribit ad Corinthios: Videte fratres

vocationem vestram; quia non multi sapientes, non multi nobiles. Hoc nascentis Ecclesiæ rudimenta poscebant, ut granum sinapis paulatim in arborum cresceret, ut sensim Evangelii fermentum totam Ecclesiæ massam altius elevaret. Nostris temporibus Roma possidet, quod mundus ante nescivit. Tunc rari sapientes, potentes, nobiles, Christiani: nunc multi Mönachi, sapientes, potentes, nobiles. Quibus cunctis Pammachius meus sapientior, potentior, nobilior, magnus in magnis, primus in primis, *archistrategos*\* monachorum. Tales Paulina morte sua nobis liberos dedit, quos vivens concupiverat possidere. Lætare sterilis, quæ non paris: erumpe, & clamat, quæ non parturis; quoniam quot Romæ sunt pauperes, tot filios repente genuisti. Ardentis gemmæ, quibus ante collum, & faces ornabantur, egentium ventres saturant: Vestes sericæ, & aurum in fila lentescens, in mollia lanarum vestimenta mutata sunt; quibus repellatur frigus, non quibus nudetur ambitio. Delitarum quondam supellectilem virtus insumit. Ille cæcus extendens manum & sæpè ubi nemo est, clamitans, hæres Paulinæ, cohæres Pammachii est. Illum truncum pedibus, & toto corpore se trahentem, teneræ puellæ sustentat manus. Fores quæ prius salutantium turbas vomebant, nunc à misericordia obsidentur. Alius tumenti aequalicolo mortem parturit? alias elinguis, & mutus, & ne hoc quidem habens undè roget, magis rogat, dum rogare non potest. Hic debilitatus à parvo non sibi mendicat stipem. Ille putrefactus morbo regio, supervivit cadaveri suo. Non mihi si linguae centum sint, oraque centum, omnia

\* Sic militiæ praefectus vocatur græcè.

## EPISTOLA

poenarum percurrere nomina possim. Hoc exercitu comitatus incedit, in his Christum confovet, horum sordibus dealbatur: munerarius pauperum, & egentium candidatus, sic festinat ad cœlum. Cæteri mariti super tumulos conjugum spargunt violas, rosas, lilia, floresque purpureos, & dolorem pectoris his officiis consolantur. Pammachius noster sanctam favillam, ossaque veneranda eleemosynæ balsamis rigat. His pigmentis, atque odoribus fover cineres quiescentes, sciens scriptum: si-  
cūt aqua extinguit ignem, ita eleemosyna peccatum. Quantas vires habeat misericordia, & quibus donanda sit præmiis, beatus Cyprianus grandi volume prosequitur, & Danielis consilium probat, qui Regem impiissimum, si se audire volisset, scit pauperum sustentatione salvandum. Gaudet hujuscemodi filiæ mater hærede. Non dolet opus ad alium pervenisse, quas cernit iisdem, quibus ipsa voluerat erogari: quia potius gratulatur, absque labore suo sua vota compleri. Non enim substantiæ diminutio, sed operarii commutatio est. Quis enim hoc credere, ut consulum pronepos et Furiani germinis decus, inter purpas, Senatorum, surva tunica pullatus incident, & non erubesceret oculos sodalium; ut deridentes se ipse derideret? Est confusio, quæ dicit ad mortem & est confusio, quæ dicit ad vitam. Prima virtus est monachi, contemnere hominum judicia, & semper Apostoli recordari, dicentes: si adhuc hominibus placrem, Christi servus non essem. Tale quid & Dominus loquitur ad Prophetas, quod posuerit faciem eorum, quasi urbem æneam, & lapidem adamantum, columnam ferream, ne paverent ad

## AD PAMMACHIUM.

injurias populi, sed impudentiam subsanantium frontis rigore contererent. Ingenia liberaliter educta, facilius verecundia, quam metus superat: & quos tormenta non vincunt, interdum vincit pudor. Non est parum virum nobilem, virum desertum, virum locupletem, potentium in plateis vitare comitatum, miscere se turbis, adhærere pauperibus, rusticis copulari, de principe vulgum fieri: sed quanto humilio, tanto sublimior est. Lucet margaritum in sordibus, & fulgor gemmæ purissimæ etiam in luto radiat. Hoc est quod Dominus repromisit: glorificantes me glorificabo. Alii hoc intelligent de futuro, quando mœror vertetur in gaudium, & transeunte mundo, sanctorum corona non transit. Ego & in præsentiarum video Sanctorum promissa completri. Antequam Christo tota mente serviret, notus erat in Senatu; sed multi alii habebant infulas Proconsulares. Totus Orbis hujuscemodi honoribus plenus est. Primus erat, sed inter primos. Præcedebat alios dignitate, sed & alios sequebatur. Quamvis clarus honor, vilescit in turba, & apud viros bonos indignior fit ipsa dignitas, quam multi indigni possident. Unde egregie de Cæsare Tullius: cum quosdam, ait, ornare voluit, non illos honestavit, sed ornamenta ipsa turpavit. At nunc omnes Christi Ecclesiæ Pammachium loquuntur. Miratur orbis pauperem, quem hucusque divitem nesciebat. Quid Consulatu illustrius? Annus honor est, & postquam aliis successerit, prior desinit. Latent in multitudinem laureæ; & triumphi interdum triumphantium sordibus polluntur. Quod ante per manus patricias tradebatur, & sola nobilitas possidebat; quod Consul Marius, vic-

tor Numidiae, Teuthonum, atque Cymbrorum, ob ignobilitatem familie putabatur indignus, quod Scipio ultra annos pro virtute meruit; nunc sola militia possidet, & agrestia dudum corpora fulgens palma circundat. Plus ergo accipimus, quam dedimus. Parva dimisimus, & grandia possidemus. Centuplicato fenoore Christi promissa redunduntur. In tali & Isaac quondam agro severat; qui paratus ad mortem, ante Evangelium evangelicam portavit Crucem: si vis, inquit, perfectus esse, vade, & vende omnia quae habes, & da pauperibus, & veni sequere me. Si vis perfectus esse. Semper grandia in audientium ponuntur arbitrio. Et ideo virginitatem Apostolus non imperat, quia Dominus disputans de eunuchis: qui se castrassent propter regna celorum, ad extremum intuli: qui potes capere, capiat. Non est enim volentis, neque currentis, sed miserentis Dei. Si vis perfectus esse. Non tibi imponitur necessitas, ut voluntas præmium consequatur. Si vis ergo esse perfectus, & desideras esse quod Prophetæ, quod Apostoli, quod Christus est; vende, non partem substantie, ne timor penuria infidelitatis occasio sit, & cum Anania & Sappira pereas, sed universa quae possides. Cumque vendideris, da pauperibus; non lucupletibus, non superbis: da quo necessitas sustentetur, non quo augeantur opes. Cumque legeris illud Apostoli: bovi tritamenti os non alligabis. Et: Dignus est operarius mercede sua. Et: qui altario ministrans, & de altario participantur: memento quoque hujus sententiae: habentes victimum & vestitum, his contenti simus. Ubi videris fumare patinas, & phasides aves lentis vaporibus decoqui, ubi argenti pondus, ubi ferventes

Buricos mannos, comatulos pueros, pretiosas vestes, picta tapetia; ibi ditior est largitore, cui largendum est. Pars sacrilegii est, rem pauperum dare non pauperibus. Et tamen non est satis perfecto & consummato viro opes contemnere, pecuniam dissipare, & projicere quod in momento & perdi, & inventari potest. Fecit hoc Crates Thebanus, fecit Antisthenes, fecerunt plurimi quos vitiosissimos legimus. Plus debet Christi discipulus præstare, quam mundi Philosophus, gloriæ animal, & popularis auræ, atque rumorum venale mancipium. Tibi non sufficit opes contemnere, nisi Christum sequaris. Christum autem sequitur, qui peccata dimittit, & virtutum comes est. Christum scimus sapientiam. Hic thesaurus in agro Scripturarum nascitur; hæc gemma multis emitur margaritis. Sin autem adamaveris captivam mulierem, id est, sapientiam sacerdotem, & ejus pulcritudine captus fueris; decalva eam, & illecebras crinum, atque ornamenta verborum cum emortuis unguibus seca. Lava eam prophetali nitro, & tunc requiescens cum illa, dico: sinistra ejus sub capite meo & dextera illius amplexabitur me; & multos tibi fœtus captiva dabit, ac de Moabitide efficietur Israelitis. Christus sanctificatio est, sine qua nemo videbit faciem Dei. Christus redemptio, item redemptor, & pretium. Christus omnia, ut qui omnia propter Christum dimiserit, unum inventari pro omnibus, & possit libere proclamare: Tars mea Dominus. Sentio te divinis ardere doctrinis, nec temeritate querundam, docere quod nescias, sed ante dicere, quod docturus sis. Simplices epistolæ tuæ olenit Prophetas, Apostolos sapiunt. Non coniunctam affectas eloquentiam, nec more buso;

rum argutas sentolas in clausulis struis. Cito turgens spuma dilabitur; & quamvis grandis tumor, contrarius sanitati est. Scitum est illud quoque Catonis, sat cito, si sat benè. Quod nos quondam adolescentuli, cum à perfecto oratore in p̄fatiuncula diceretur, risimus. Meminisse te puto erroris mutui quando omne Athenæum scholasticorum vocibus consonabat, sat cito, si sat benè. Felices, inquit Fabius, essent, artes, si de illis soli artifices judicarent. Poetam non potest nosse, nisi qui versum potest struere. Philosophos non intelligit, nisi qui scit dogmatum varietates. Manufacta & oculis patentia, magis probant artifices. Nostra quam dura sit necessitas, hinc potes animadvertere, quod vulgi standum est judicio, & ille in turba metuendus, quem cum videris solum, despicias. Hoc præteriens tetigi, ut eruditis contentus auribus, non magnopere cures, qui imperiorum de ingenio tuo rumusculi jaclient, sed Prophetarum quotidie medullas bibas, Christi mystes, Patriarcharum symmistes. Sive legas, sive scribas, sive vigiles, sive dormias, Amos tibi semper buccina in auribus sonet. Hic litus excitet animam tuam; hoc amore furibundus, quare in lectulo tuo quem desiderat anima tua, & loquere confidenter: ego dormio, & cor meum vigilat. Cumque invenieris eum, & tenueris, ne dimittas. Et si paullum dormitanti elapsus fuerit ē manibus, noli protinus desperare. Egressere in plateas, adjura filias Jerusalem; reperies eum cubantem in meridie, lassum, ebrium, noctis rore madefactum, inter greges sodalium, in aromatum varietatibus, inter poma paradisi. Ibi ei da mammillas tuas; sugat de erudito pectore, & requiescat inter medios clerós pennas

columbæ deargentatae, & interiora ejus in fulgore auri. Parvulus iste, & puer, qui butyro & melle saginatur, qui inter caseatos nutritus est montes, cito crescit in juvenem, velociter in te hostes spoliat, mature prædatur Damascum, & regem vincit Assyrium. Audio te Xenodochium in portu fecisse Romano, & virgam de arbore Abraham in Ausonio plantasse littore. Quasi Æneas nova castra metaris; & super undam Tyberis, ubi ille cogente quondam pernuria, crustis fatalibus, & quadris patulis \* non percit, tu viculum nostrum, id est, domum panis ædificas, & diuturnam famen repentina saturitate compensas. Euge, nostra initia transgrederis: statum summum tenes; de radice pervenis ad cacumen: primus inter monachos, in prima urbe primum sequeris Patriarcham Loth, qui interpretatur declinans, campestria eligat, & juxta Pithagoræ litteram, facilia magis ac sinistram sectetur. Tu in arduis & saxosis cum Sara tibi monumentum para. Juxta sit Civitas litterarum: deletisque Gigantibus, filiis Enakim, hereditatem tuam gaudium & risus excipiat. Dives erat Abraham auro, argento, pecore, possessione, vestibus; tantam habebat familiam, ut ad subitos nuntius, juvenibus electis, armare posset exercitum, & quatuor reges, quos quinque reges fugerant, in Dan consequutus occideret; & tamen post tam cerebra hospitalitatis officia, dum non refutat homines, suspicere meruit Deum. Non servis, & ancillulis imperabat, ut ministrarent hospitibus; nec bonum quod exercebat, per alios minuit; sed quasi reperta præda, cum Sara sua humanitati solus incubuit. Ipse pedes lavit, ipse pingue vitulum

\* Quadras patulas, mesas vocat. Hinc Virgilius: Patulis nec parcere quadris.

## EPISTOLA

portavit humeris de armento, stetit ut servus peregrinis prandentibus; & Saræ manibus coctos cibos, jejunaturos apposuit. Hæc moneo, frater charissime, pietate qua te diligo, ut non solum pecuniam, sed te ipsum Christo offeras, hostiam vivam, sanctam, placentem Deo, rationabile obsequium tuum, & immiteris filium hominis, qui non venit ministrari, sed ministrare. Et quod Patriarcha alienis, hoc discipulis & servis Magister exhibuit & Dominus. Cottum pro cerio, & omnia quæ homo possidet, dare potest pro anima sua. Sed tange (inquit diabolus) carnes ejus, nisi in faciem benedixerit tibi. Scit hostis antiquus, majus continentia, quam nummorum esse certamen. Facile abjicitur; quod hæret extrinsecus intestinum bellum periculosius est. Coniuncta disglutinamus, unita dissuimus. Zachæus dives erat, Apostoli pauperes. Reddidit ille quadruplum quod rapuerat, divisitque pauperibus medietatem substantię sue, quæ remanserat, suscepit Christum hospitem; salus facta est domui ejus; & tamen quia parvulus erat, & Apostolicę proceritati se non poterat extendere, non fuit in duodecim numero Apostolorum. Apostoli autem quantum ad divitias nihil, quantum ad voluntatem, totum mundum pariter reliquerunt. Si offeramus Christo opes cum anima nostra, libenter suscipiet. Si autem quæ foris sunt, Deo, quæ intus sunt, diabolo demus; non est æqua partitio, & dicitur nobis: Nonne si recte offeras, & non recte dividas, peccasti? Quod Patricii generis, primus inter primos monachus esse cœpisti; non tibi sit tumoris, sed humilitatis occasio, scienti filium Dei factum filium hominis. Quantumcumque te dejeceris, humilior Christo non eris.

## AD PAMMACHIUM.

Esto, incedas nudis pedibus, fusca tunica vestiaris, æqueris pauperibus, inopum cellulas dignanter intrreas, cæcorum oculus sis, manus debilium, pes claudorum, ipse aquam portes, ligna concidas, focum extruas, ubi vineula? ubi alapæ? ubi sputa? ubi flagella? ubi patibulum? ubi mors? Et cum omnia quæ dixi feceris, ab Eustochio tua, Paulaque vinceris, si non opere, certe sexu. Ego quidem Romæ non eram, & tunc me tenebat eremus, atque utinam pertinuissest, quando socero tuo vivente Toxotio, sæculo serviebam: sed tamen audio, quæ immanditas platearum ferre non poterant, quæ eunuchorum manibus portabantur, & inæquale solum molestius transcendebant, quibus serica vestis oneri erat; & solis calor incendium; nunc sordidatae, & lugubres, & sui comparatione forticulae, vel lucernas concinnant, vel succendent focum, pavimenta verrant, effundant legumina, olerum fasciculos inferuentem ollam dejiciunt, apponunt mensase calices porrigit, effundunt cibos, hue illucque discurrent. Et certe magnus virginum chorus cum illis habitat. Num hujuscemodi ministeria aliis imperare non poterant? Sed nollunt vinci ab his labore corporum, quas ipse superat virtute animi. Hæc dieo, non quod de ardore mentis tuae quicquam dubitem, sed quod currentem impellam; & acriter dimicanti, fervorem fervore augeam. Nos in ista Provincia ædificato monasterio, & diversorio propter extrectio ne forte & modo Joseph cum Maria in Bethlehem veniens, non inveniat hospitium, tantis de toto orbe confluentibus turbis obturimus monachorum, ut nec ceptum opus deserere, nec supra vires ferre valamus. Unde quia penè nobis illud de Evangelio

contigit, ut futuræ turris non ante computaremus expensas, compulsi sumus fratrem Paulinianum ad patriam mittere, ut semirutas villulas quæ barbarorum effugerunt manus, & parentum communium census venderet, ne cœptum sanctorum ministerium deserentes, risum maledicis & æmulis præbeamus. In calce epistolæ recordatus sum quadrigæ vestræ & proposito, quintam deesse Blæsillam, penè oblitus de ea loqui, quæ prima de vobis præcesserit ad Dominum. Verè nunc quinque in tres ac duas videmus esse divisas; illa cum sorore Paulina dulci somno fruit, tu durarum medius, ad Christum leviū subvolabis.

### HIERONTMUS AD LUCINIUM.

#### Argumentum Epistolæ.

*Hic Lucinius natione Bæticus, destinarat adire Bethlehem, & opibus suis juverat Hieronymi gregem: sanctum illius propositum collaudat, hortans ut perget, quo cepit ad perfectam virtutem, & responderet ad quedam de quibus scriperat Lucinius.*

**N**EC opinanti mihi subito litteræ tuæ redditæ sunt; quæ quanto insperatae, tanto gaudiorum plenæ quiescentem animam suscitarunt, ut statim amore complecterer, quem oculis ignorabam; & illud mecum tacitus missitarem: *Quis dabit mihi pennas sicut columbae*, & volabo, & requiescam, ut inveniam quem diligit anima mea? Verè nunc in te sermo Dominicus completus est: *Multi ab Oriente, & Occidente venient, & recumbent in sinu Abraham.* Cornelius Centurio cohortis Italicae, jam tunc

### AD LUCINIUM.

*Luciniî* mei præfigurabat fidem. Apostolus Paulus scribens ad Romanos: *Cum, inquit, in Hispaniam profici sc̄o*, spero quod præteriens videam vos, & à vobis ducar illuc: tantis fluctibus approbavit, quid de illa Provincia quæreret. In brevi tempore ab Jerosolymis, usque ad Illyricum Evangelii jaciens fundamenta, Romanum vincens ingreditur, ut vincitos superstitionis erroribus liberos faciat; manet in hospitio conducto per biennium, ut nobis utriusque instrumenti æternam reddat domum. Piscator hominum misso rete Apostolico te quoque, quasi pulcherrimum Auratum, inter innumera piscium genera traxit ad littus. Reliquisti amaros fluctus, falsos gurgites, scissuras montium, & Leviathan regnante in aquis, eum Jesu deserta expetens contempsisti, ut possis illud propheticum canere: *In terra deserta, & invia, & in aquosa, sic in sancto apparuit tibi.* Et iterum: *Ecce elongavi fugiens, & mansi in solitudine.* Expectabam eum quis salvum me fecit à pusillanimitate spiritus & tempestate. Observo ergo te, & moneo parentis affectu ut qui Sodomam reliquisti, ad montana festinans, post tergum ne respicias, ne aratri stivam, ne fimbriam Salvatoris, ne cincinnos ejus; noctis rore madefactos, quos semel tenere coepisti, aliquando dimittas; ne de tecto virtutum pristina quæsiturus videnta descendas; ne de agro revertaris domum; ne campestria cum Loth, & amœna hortorum diligas, quæ non irrigantur de Cœlo, ut terra sancta, sed de turbido flumine Jordanis, postquam dulces aquas maris mortui commixtione mutavit. Cœpisse multorum est, ad culmen pervenisse paucorum. Qui in stadio curvant, omnes quidem currunt, sed unus accipit bra-

vium. At contra de nobis dicitur: Sic currite, ut apprendatis. Non est invidus Agonotheta noster, nec alterius palma alteri parat ignominiam. Omnes athletas suos desiderat coronari. Gaudet anima mea, & magnitudine lætitiae rem m'eroris patior. Ruth in lacrymas verba prorumpunt. Zachæus publicamus ad unius horæ conversionem, hospitem habere meruit Salvatorem. Martha & Maria convivio p'ræparato, Dominum suscepere; meretrix lavat fletibus pedes, & unguentis bonorum operum Domini corporis dedicat sepulturam. Simon leprosus invitat Magistrum cum Discipulis, & non contemnitur. Abrahe dicitur: Egredere de terra tua, & de cognatione tua, & de domo patris tui, & vade in terram quam monstravero tibi. Relinquit Chaldæam, relinquit Mesopotamiam, querit quod nescit, ne perdat quod invenerat. Non enim arbitratus est simul se habere posse & patriam & Dominum, sed jam tunc illud. Prophetæ David opere complebat: Advena ego sum apud te, & peregrinus, sicut omnes patres mei. Hebræus, id est, pérates, atque transitor, dum non est præsentí virtute contentus, sed præteriorum obliscens, in futurum se extendit, & scit illud: Ibunt de virtute in virtutem: mysticum sortitus est nomen & viam tibi aperuit, quomodo non quæras ea quæ tua sunt, sed quæ aliena, & illos putas parentes, fratres, affines, atque cognatos, qui tibi in Christo copulati sunt. Mater, inquit, mea, & fratres mei sunt hi, qui faciunt voluntatem Patris mei. Habes tecum prius in carne, nunc in spiritu sociam, de conjugé germanam, de foemina virum, de subiecta parem: quæ sub eodem jugo ad Cœlestia simul regna festinat. Cauta rei familiaris

dispensatio, & ad calculos rediens, non citò deponitur. Joseph cum tunica Ægyptiam effugere non potuit. Adolescens ille, qui opertus sindone sequebatur Iesum, quia tentus fuerat à ministris terrenum, abjecti- cens experimentum, nudus evasit. Elias igneo curru raptus ad Cœlum, melotè reliquit in terris. Eliseus boves, & juga prioris operis vertit in vota. Loquitur sapientissimus vir: Qui tangit picem, inquinabitur ab ea. Quandiu versamur in rebus sæculi, & anima nostra possessionum, ac reddituum procuratione devincta est, de Deo liberè cogitare non possumus. Quæ enim participatio justitiae cum iniquitate? aut quæ societas lucis ad tenebras? qui consensus Christi ad Belial? quæ pars fidelis cum infideli? Non potestis, inquit Dominus, Deo servire, & mammonæ. Aurum deponere incipientium est, non perfectorum. Fecit hoc Crates Thebanus, fecit Antisthenses. Se ipsum offerre Deo propriè Christianorum est, & Apostolorum, qui duo cum vidua paupertatis suæ in Gazophylacium æra mittentes, totum censem, quem habuerunt, Domino tradiderunt, & merentur audi- re: Sedebitis super duodecim solia, judicantes duodecim tribus Israel. Hæc & ipse intelligis, quo animo replicem, & quod sub aliis verbis te ad sanctorum locorum invitem habitatculum. Abundantia tua multorum inopiam sustentavit; ut & horum divitiae in tuam indigentiam redundant. Fecisti tibi amicos de iniquo mammona, qui te recipierent in æterna tabernacula. Laudanda res, & Apostolorum temporum virtutibus coæquanda, quando venditi possessionibus suis, credentes afferebant pecunias, atque fundebant ante pedes Apostolorum, ostendentes avaritiam esse calcandam. Sed Dominus ma-

## EPISTOLA

gis querit animas credentium, quam opes. Legimus. Redemptio animæ viri, propriæ divitiae. Possumus quidem divitias proprias intelligere, quem non de alieno, non de rapinis sunt, juxta illud: Honora Deum de tuis justis laboribus. Sed melior est intelligentia, ut divitias proprias cognoscamus thesauros absconditos, quos nec fur possit suffodere, nec latro violentius eripere. Opuscula mea, quæ non sui merito, sed tua bonitatis desiderare te dicis, ad describendum hominibus tuis dedi, & descripta vidi in chartaceis codicibus, ac frequenter monui, ut conferrent diligenter, & emendarent. Ego enim tanta volumina præ frequentia commentium, & peregrinorum turbis, relegere non potui: & ut de ipsi probavere præsentes, longo tentus incommodo, vix diebus quadragesimæ, quibus ipsi proficiscebantur, respirare coepi. Unde si paragmata \* reperiheris, vel minus aliqua descripta sunt, quæ sensum legentis impedian, non mihi debes imputare, sed tuis, & imperitiæ notariorum, librariorumque incuria, qui scribunt, non quod inveniunt, sed quod intelligunt, & dum alienos errores emendare nituntur, ostendunt suos. Porro Josephi libros, & Sanctorum Papæ, & Polycarpi volumina, falsus ad te rumor pertulit à me esse translatæ: quia nec otii mei, nec virium est, tantas res eadem in alteram linguam exprimere venustate. Origenis, & sancti Didymi pauca transtulimus, volentes nostris ex parte ostendere, quid Græca doctrina retineret. Canonem Hæbraicæ veritatis, excepto Hoc-tateucho, quem nunc in manibus habeo, pueris tuis, & notariis dedi describendum. Septuaginta Interpretum editionem, & te habere non dubito, & ante annos plurimos diligentissime emendatum, stu-

\* Id est, inversiones mutationesque litterarum.

## AD LUCINUM.

diosis tradidi: novum testamentum Græcæ reddidi authoritati. Ut enim veterum librorum fides de Hæbreis voluminibus examinanda est, ita novorum Græci sermonis normam desiderat. De Sabbato quod quæris utrum jejunandum sit, & de Eucharistia an accipienda quotidiè, quod Romanæ Ecclesiæ, & Hispaniæ observare perhibentur, scripsit quidem & Hyppolytus vir disertissimus, & carptim diversi Scriptores è variis Authoribus edidere. Sed ego illud te breviter admonendum puto, traditiones Ecclesiasticas (præsertim quæ fidei non officiant) ita observandas, ut à majoribus traditæ sunt: nec aliorum consuetudinem aliorum contrario more subverti. Atque utinam omni tempore jejunare possimus; quod in Actibus Apostolorum diebus Pentecostes & die Dominico Apostolum Paulum, & cum eo credentes fecisse legimus. Nec tamen Manicheæ hæreseos accusandi sunt, cum carnalis cibus præferri non debuerit spirituali. Eucharistiam quoque absque condemnatione nostri, & pungente conscientia, semper accipite, & Psalmistam audite, dicentem: Gustate, & videte, quoniam suavis est Dominus, & cum eo canite: Eructavit cor meum verbum bonum. Nec hoc dico, quod Dominicis diebus jejunandum putem, & contextas quinquaginta diebus ferias auferam: sed unaquæque Provincia abundet in sensu suo, & præcepta majorum leges Apostolicas arbitretur. Duo palliola, & amphimallum \* de tuis usibus vel utenda, vel sanctis danda suscepit. Ego insignia paupertatis, & quotidianeæ symbola pœnitentiæ tibi & sorori tuæ misi, quatuor ciliciola apta proposito & usibus vestris, & codicem, hoc est visiones Isaiae valde obscurissimas, quas nuper historica explanatione diserui: ut quo-

tiescumque mea opuscula videris, tories amici dulcissimi recordatus, navigationem, quam parumper distuleras, pares. Et quia non est in homine via ejus, & à Domino gressus hominis diriguntur, si forte (quod procul absit) aliquid fuerit impedimenti, quæso, ut quos charitas jungii terrarum longitudo non separet, & absentem Lucinium nostrum semper præsentem litterarum vicissitudine sentiamus.

**HIERONIMUS AD THEODORAM,**  
*Epitaphium Lucinii Baetici.*

**Argumentum Epistolæ.**

*Theodoram Hispanam Viduam consolatur de morte Lucinii Baetici mariti, sed quem fratri habuerit loco.*

**L**ugubri nuntio consternatus super sancti & venerabilis mihi dormitione Lucinii, vix brevem epistolam dictare potui: non quod ejus vicem doleam, quem scio ad meliora transisse, dicente Moyse: Transiens video visionem hanc magnam; quod torquear desiderio, non meruisse me ejus viri videre faciem, quem in brevi tempore huc venturum esse credebam. Verum est illud super necessitate mortis prophetale vaticinum, quod fratres dividat, & charissima inter se nomina crudelis & dura dissociet. Sed habemus consolationem, quia Domini voce jugulatur per quem ad eam dicitur. Ero mors tua, & mors, ero morsus tuus, inferne. Et in consequentibus: Adducet urentem ventum Dominus de deserto ascendentem, qui siccabit omnes venas ejus, & desolavit fontem illius. Exivit enim virgat de radice

Jesse, flos de virginali fruti ce pullulavit. Qui loquitur in Canticō Canticorum: Ego flos campi, & liliū convallium. Flos noster mortis interitus, ideoque & mortuus est, ut mors illius morte moreretur. Quod autem de deserto dicitur adducendus, virginalis uterus demonstratur, qui absque coitu & semine viri Deum nobis fundit infantem; qui calore Spiritus Sancti exsiccat fontes libidinum, & caneret in Psalmo: In terra desserta, & invia, & in aquosa sic in sancto apparui tibi. Adversum ergo mortis duritiam, & crudelissimam necessitatem, hoc solatio erigimur, quod brevi visuri sumus eos, quos dolemus absentes. Neque enim mors, sed dormitio, & somnus appellatur. Unde & beatus Apostolus vetat de dormientibus contristari; ut quos dormire novimus, suscitari posse credamus & post digestum soporem vigilare cum Sanctis, & cum Angelis dicere: Gloria in excelsis Deo, & in terra pax hominibus bonæ voluntatis. In Cœlo, ubi non est peccatum, gloria est, & perpetua laus, & indefessa præconia. In terra autem, ubi seditio, bella, atque discordiae, pax imprecanda est; & pax non in omnibus, sed in his, qui bonæ voluntatis sunt, & salutationem audiunt Apostolicam: Gratia vobis, & pax à Deo Patre, & Domino nostro Jesu Christo multiplicetur; ut in pace sit locus ejus, & habitatio ejus in Sion, id est, id specula, in sublimitate dogmatum atque virtutum, in anima creditis, cuius quotidiè Angelus videt faciem Dei, & revelato vultu gloriam Dei contemplatur. Unde obsecro te, & currentem, ut ajunt, impello, ut Lucinium tuum desideres quidem ut fratre, sed gaudeas regnare cum Christo; quia raptus est, ne malitia immutaret mentem ejus; placita enim

erat Deo anima illius , & in brevi spatio , tempora multa complevit . Nos dolendi magis , qui quotidiè stamus in prælio peccatorum , vitiis sordidamur , accipimus vulnera , & de otioso verbo reddituri sumus rationem . Ille jam securus , & victor te aspicit de excelso , & favet laboranti ; & juxta se locum preparat ; eodem amore , & eadem charitate qua oblitus officii conjugalis , in terra quoque sororem te habere cœperat , imo tu illum Fratrem : quia casta conjunctio sexum non habet nuptialem . Etsi adhuc in carne positi , & renati in Christo non sumus Græcus & Barbarus , servus & liber , masculus & foemina , sed omnes in eo unum sumus , quanto magis cum corruptivum hoc induerit incorruptionem , & mortalem hoc induerit immortalitatem , non nubent , neque nubentur , sed erunt sicut Angeli in cœlis ? Quando dicit : Non nubent , neque nubentur , sed erunt sicut Angeli in cœlis , non natura & substantia corporum tollitur , sed gloriæ magnitudo monstratur . Neque enim scriptum est : Erunt Angeli ; sed sicut Angeli . Ubi similitudo promittitur , veritas denegatur . Erunt , inquit , sicut Angeli Dei , id est similes Angelorum , ergo homines esse non desinent . Inlyti quidem , & Angelico splendore decorati , sed tamen homines ; ut Apostolis , Apostolus sit , & Maria , Maria : & confundatur hæresis , quæ ideo incerta , & magna promittit ut quæ certa , & moderata sunt , auferat . Et quia hæreos semel fecimus mentionem ; qua Lucinius noster dignè eloquentiæ tuba prædicari potes ? qui , spurcissima per Hispanias Basilidis hæresi sœviente , & instar pestis & morbi , totas intra Pyrenæum , & Oceanum vastante Provincias , fidei Ecclesiasticæ tenuit puritatem , nequaquam suscipiens Armagil , Barbelon , Abra-

xas , Balsamum , & ridiculum Leusiboram , cæteraque magis portenta , quæ nomina ; \* quæ ad imperitorum , & muliercularum animos concitandos , quasi de Hæbraicis fontibus hauriunt , barbaro simplices quoque terrentes sono , ut quod non intelligent , plus minorentur . Refert Irenæus vir Apostolicorum temporum , & Papiæ , auditoris Evangelistæ Joannis , Discipulus , Episcopus Ecclesiæ Lugdunensis , quos Marcus quidam de Basilidis gnostici stirpe descendens , primum ad Gallias venerit , & eas partes , per quas Rhodanus , & Garumna fluunt , sua doctrina maculaverit : maximeque nobiles foeminas , quædam in occulto mysteria repermittens , hoc errore seduxerit magicis artibus , & secreta corporum voluptate amorem sui concilians : indè Pyrenæum transiens , Hispanias occuparit , & hoc studio habuerit , ut divitum domos , & in ipsis foeminas maxime appeteret ; quæ ducuntur variis desideriis , semper discentes , nunquam ad scientiam veritatis pervenientes . Hoc ille scripsit ante annos circiter trecentos , & scripsit in iis libris , quos adversus omnes hæreses doctissimo & eloquentissimo sermone composuit . Ex quo perpendat prudentia tua , qua Lucinius noster laude sic dignus , qui clausit aurem , ne audiret judicium sanguinis ; & omnem substantiam suam dispersit , & dedit pauperibus , ut justitia ejus maneret in æternum : nec patriæ suæ largitate contentus , misit Jerosolymorum & Alexandriæ Ecclesiæ tantum auri , quanto multorum possit in opia subveniri . Quod cum multi mirentur , & prædicent , ego in illo magis laudabo fervorem , & studium Scripturarum , quo ille desiderio opuscula nostra flagitavit ; & missis sex notariis ( quia in hac provincia Latini sermonis scrip-

\* Vide D. Irænam , de his late .

torumque penuria est ) describi sibi fecit , quæcumque ab adolescentia usque in præsens tempus dictavimus ? non nos honoravit , qui parvuli & minimi Christianorum omnium sumus , & ob conscientiam peccatorum Bethlemitici ruris saxa incolimus ; sed Christum , qui honoratur in servis suis , & Apostolis reprimittit dicens : Qui vos recipient , me recipient ; & qui me recipient , recipient eum qui me misit . Itaque charissima filia , hanc epistolam amoris mei in illum habeto epitaphium , & quidquid posse me scieris in opere spirituali , audacter impera , ut sciant sæcula post futura eum , qui dicit in Isaia : Posuit me ut sagittam electam , in pharetra sua abscondit me : duos viros , tantis maris atque terrarum inter se spatis separatos , suo acumine vulnerasse : ut , cum mutuo in carne se nesciant , amore spiritus copullentur : *Subscriptio.* Sanctam te corpore & spiritu servet ille Samarites , id est , servator , & custos , de quo in Psalmo scribitur : Non dormitabit , neque dormiet , qui custodit Israel : ut Hir , qui interpretatur vigil , \* qui descendit ad Daniëlem , ad te quoque veniat , & possis dicere : Ego dormio , & cor meum vigilat .

UNIVERSIDAD AUTÓNOMA DE MÉXICO  
DIRECCIÓN GENERAL DE BIBLIOTECAS

\* Hir ponitur pro Angelis , quòd semper vigilant , & ad imperium Dei parati sint .

## HIERONIMUS AD THEOPHILUM.

Argumentum Epistolæ.

*Excusat se Theophilo Papæ Alexandrino quod librum illius Paschalem , eruditum pariter & eloquentem serius verterit , impeditus partim obitu Paulæ , partim suo morbo .*

**E**X eo tempore , quo beatitudinis tuæ accepi Epistolas , juncto Paschali libro , usque in præsentem diem ita & moerore luctus , & solicitudine , ac diversis super statu Ecclesiæ hinc inde tumoribus exagitatus sum , ut vis volumen tuum potuerim in Latinum sermonem vertere . Optimè enim nosti , juxta veterem sententiam , non esse tristem eloquentiam , maximè si ad ægritudinem animi accedat corporis ægritudo . Et hanc ipsam Epistolam febre æstuans , & quintum jam diem decumbens lectulo , nimia festinatione dictavi , breviter indicans beatitudini tuæ magnum me laborem sustinuisse in translatione ejus , ut omnes sententias pari venustate transferrem , & Græca eloquentia latinum aliqua ex parte responderet eloquium . In principio philosopharis , & generaliter agens , dum omnes erudis , unum jugulas ; in reliquis autem , quod vel difficilimum est , rhetoricae eloquentiae jungis Philosophos , & Demosthenem , atque Platonem nobis consocias . O quanta dicuntur in luxuriam ; quantis præconii extollitur continetia ; & de intimis sapientiae disciplinis , die ac noctis , Lunæ cursus , ac solis ratio , mundi istius natura describitur , & hanc ipsam disputationem ad Scrip-

torumque penuria est ) describi sibi fecit , quæcumque ab adolescentia usque in præsens tempus dictavimus ? non nos honoravit , qui parvuli & minimi Christianorum omnium sumus , & ob conscientiam peccatorum Bethlemitici ruris saxa incolimus ; sed Christum , qui honoratur in servis suis , & Apostolis reprimittit dicens : Qui vos recipient , me recipient ; & qui me recipient , recipient eum qui me misit . Itaque charissima filia , hanc epistolam amoris mei in illum habeto epitaphium , & quidquid posse me scieris in opere spirituali , audacter impera , ut sciant sæcula post futura eum , qui dicit in Isaia : Posuit me ut sagittam electam , in pharetra sua abscondit me : duos viros , tantis maris atque terrarum inter se spatis separatos , suo acumine vulnerasse : ut , cum mutuo in carne se nesciant , amore spiritus copullentur : *Subscriptio.* Sanctam te corpore & spiritu servet ille Samarites , id est , servator , & custos , de quo in Psalmo scribitur : Non dormitabit , neque dormiet , qui custodit Israel : ut Hir , qui interpretatur vigil , \* qui descendit ad Daniëlem , ad te quoque veniat , & possis dicere : Ego dormio , & cor meum vigilat .

UNIVERSIDAD AUTÓNOMA DE MÉXICO  
DIRECCIÓN GENERAL DE BIBLIOTECAS

\* Hir ponitur pro Angelis , quòd semper vigilant , & ad imperium Dei parati sint .

## HIERONIMUS AD THEOPHILUM.

Argumentum Epistolæ.

*Excusat se Theophilo Papæ Alexandrino quod librum illius Paschalem , eruditum pariter & eloquentem serius verterit , impeditus partim obitu Paulæ , partim suo morbo .*

**E**X eo tempore , quo beatitudinis tuæ accepi Epistolas , juncto Paschali libro , usque in præsentem diem ita & moerore luctus , & solicitudine , ac diversis super statu Ecclesiæ hinc inde tumoribus exagitatus sum , ut vis volumen tuum potuerim in Latinum sermonem vertere . Optimè enim nosti , juxta veterem sententiam , non esse tristem eloquentiam , maximè si ad ægritudinem animi accedat corporis ægritudo . Et hanc ipsam Epistolam febre æstuans , & quintum jam diem decumbens lectulo , nimia festinatione dictavi , breviter indicans beatitudini tuæ magnum me laborem sustinuisse in translatione ejus , ut omnes sententias pari venustate transferrem , & Græca eloquentia latinum aliqua ex parte responderet eloquium . In principio philosopharis , & generaliter agens , dum omnes erudis , unum jugulas ; in reliquis autem , quod vel difficilimum est , rhetoricae eloquentiae jungis Philosophos , & Demosthenem , atque Platonem nobis consocias . O quanta dicuntur in luxuriam ; quantis præconii extollitur continetia ; & de intimis sapientiae disciplinis , die ac noctis , Lunæ cursus , ac solis ratio , mundi istius natura describitur , & hanc ipsam disputationem ad Scrip-

turorum refers autoritatem , ne in Paschali libro videaris de sacerdotalibus quidquam fontibus mutuantur. Quid plura? In his laudare te vereor , ne assentandi crimen incurram. Optimus liber est , & in Philosophis , & agens susceptam causam absque invidia personarum. Unde obsecro te , ignoscas tarditatem meæ : ita enim sancte & venerabilis Paulæ confectus sum dormitione , ut absque translatione hujus libri , usque in presentiarum , nihil aliud divini operis scripserim. Perdidimus enim , ut ipse nosti , repente solatium , quod , ut conscientia nostræ testis est Dominus , non ad proprias ducimus necessitates , sed ad sanctorum refrigeria , quibus illa solicite serviebat. Sancta & venerabilis te , filia tua Eustochium , quæ nullam pro matris absentia recipit consolacionem ; te universa fraternitas suppliciter salutat. Libros , quos dudum scripsisse te nuntiasti , vel legendos nobis , vel vertendos transmitte. Vale in Christo.

UNIVERSIDAD AUTÓNOMA DE MÉXICO  
DIRECCIÓN GENERAL DE BIBLIOTECAS

HIERONYMUS AD ABIGAUM.

Argumentum Epistolæ.

*Abigao Presbytero Hispano excusat se quod non scripsit. Eundem consolatur ne moleste ferat cecitatem corporis , cum vernat animo. Hujus integratem laudat.*

Quamvis mihi multorum sim conscious peccatorum , & quotidie in oratione flexis genibus loquar : Delicta juventutis meæ , & ignorantias meas ne memineris ; tamen sciens scriptum esse ab Apostolo : Ne inflatus superbia incidat in judicium diaboli : & in alio loco scriptum : Superbis Deus resistit , humilibus autem dat gratiam ; nihil ita à pueritia conatus sum vitare , quam tumentem animum , & cervicem erectam , Dei contra se odium provocantem. Novi enim Magistrum , & Dominum , & Deum meum in carnis humilitate dixisse : Discite a me , quia mittis sum , & humili corde. Et ante per os David cecinisse : Memento Domini David , & omnis mansuetudinis ejus. Et in alio loco legimus : Ante gloriam humiliabitur cor viri , & ante ruinas elevabitur. Itaque obsecro te , ne me putas sumptis litteris tuis ante tacuisse ; & allorum , vel infidelitatem , vel negligentiam in me referas. Quid enim causa erat , ut provocatus officio tacerem , & amicitias tuas meo silentio repellere , qui ultra soleo bonorum appetere necessitudinem , & me eorum jungere charitati ? Quia meliores sunt duo , quam unus : & si alter cederit , ab altero fulcietur. Funic-

lus triplex non facilè rumpitur ; & frater fratrem adjuvans , exaltabitur . Scribe ergo andacter , & absentiam corporum crebro junge sermone . Nec doles , si hoc non habeas , quod formiculae , & muscae , & serpentes habent , id est , carnis oculos ; sed illum te oculum habere latare , de quo in Canticō dicitur Canticorum : Vulnerasti me soror mea Sponsa , uno de oculis tuis , quo Deus videtur ; de quo à Moyse dicitur : Transiens videbo visionem hanc magnam . Denique quosdam etiam mundi Philosophos legimus , ut totam cogitationem ad mentis cogerent puritatem , sibi oculos eruisse . Et à Propheta dicitur : Intravit mors per fenestras vestras . Et Apostoli audiunt : Qui viderit mulierem ad concupiscentium eam ; & reliqua . Unde præcipitur eis , ut levent oculos , & videant segetes candidas , que præparatæ sunt ad metendum . Quod autem precaris , ut nostris monitis Nabucodonosor , & Rapsaces , & Nabuizardam & Holofernes in te occidentur ; nunquam nostra auxilia postulares , si in te viverent . Sed quia illi in te mortui sunt , & cum Zorobabel , & cum Iesu filio Josedech Sacerdote magno , cum Ezra quoque , & Neemia ruinas Jerusalem ædificare cœpisti , nec mittis mercedes in pertusum sacculum , sed thesauros tibi in cœlestibus paras ; idecò nostras appetis amicitias , quos Christi famulos arbitraris . Sanctam filiam meam Theodoram , sororem beatæ memorie Lucinii per se commendatam , meo sermone commando , ut in cœpto itinere non lassetur ; ut ad terram sanctam multo per eremum labore perveniat ; ut non putet perfectam esse virtutem , exisse de Ægypto , sed per innumerabiles insidias ad montem Nabo , & ad Jordanem fluvium pervenire ; ut acci-

piat secundam in Galgala circuncisionem , ut illi murri Hiericho corruant Sacerdotialium turbarum subversi clangoribus , ut juguletur Adonizedek , ut Hai , & Azor pulcherrimæ quondam corruant Civitates . Fratres , qui nobiscum in monasterio sunt , te salutant . Sanctos , qui nos diligere dignantur , per te oppido salutamus .

## HIERONYMUS AD CASTRUTIUM.

## Argumentum Epistolæ.

*Castrutum Pannionum consolatur de cœitate oculorum docens eam aliquoties à Deo propitio immitti .*

**S**anctus Filius meus Heraclius Diaconus mihi relit , quod cupiditate nostri Cissam usque venisses , & homo Pannionus , id est terreneum animal non timueris Adriatici maris æstus , & Ægei atque Jonii subire discrimina , & nisi te plus fratrum retinuisset affectus , voluntatem opere complesses . Habeo itaque gratias , & in acceptum refero . In amicis enim non res quæritur , sed voluntas ; quia alterum ab inimicis sapè præbetur , alterum sola charitas tribuit . Simulque obsecro , ne imbecillitatem corporis , quam sustines , de peccato tibi existimes evenisse . Quod quidem , & Apostoli suspicantes de eo qui natus erat cæcus ex utero , interrogantesque Dominum Salvatorem : Iste peccavit , an parentes ejus , ut cæcus nasceretur ? Audiunt : Neque hic peccavit , nec parentes ejus , sed ut manifestentur opera Dei in illo . Quantos enim cernimus Ethnicos , atque Judæos , hæreticos , atque diversorum dogmatum homines ,

voluptari in cœno libidinum , madere sanguine , feritate lupos , rapacitate milvos vincere , & nihilominus flagellum non appropinquare tarbernaulis eorum , nec eos cum hominibus verberari , & idecirco superbire contra Deum , & transire usque ad cœlum os eorum ? Cum sanctos è contrario viros sciamus ægrotationibus , miseriis , & egestate torqueri , qui forsitan dicunt : Ego frustra sanctificavi animam meam , & lavi inter innocentes manus meas. Statimque se reprehendentes ajunt : Si narravero sic , ecce nationem filiorum tuorum reprobavi. Si cæcitatibus causam putas esse peccatum , & id Dei inferre iram , quod crebrò medici remediantur : insimulabis Isaac , qui in tantum lucis istius expers fuit , ut etiam cui nollet , errore deceptus benediceret. Referens crimen in Jacob , cuius caligaverat acies : & cum interioribus oculis , & spiritu prophetali longè post futura prospiceret , & Christum cerneret de stirpe regia esse venturum , Ephraim & Manassem videre non poterat. Quid inter Reges Josia sanctius ? Ægyptio mucrone interfectus est. Quid Petro , quid Paulo sublimius ? Neronianum gladium cruentarunt. Et ( ut de hominibus taceam ) Dei Filius sustinuit ignominiam Crucis , & tu putas beatos , qui felicitate istius sæculi & deliciis perfruuntur ? Magna ira est , quando peccantibus non irascitur Deus. Unde & in Ezechiele ad Jerusalem : Jam , inquit , non irascar tibi , zelus meus recessit à te. Quem enim diligit Dominus , corripit , & castigat omnem filium quam recipit. Non erudit patet , nisi quem amat. Non corripit magister discipulum , nisi eum quem ardenter cernit ingenii. Medicus si cessaverit curare , desperat. Quod si responderis ; quo modo Lazarus recepit mala in vita sua ; li-

benter nunc tormenta patiar , ut futura mihi gloria reservetur. Non enim vindicabit Dominus bis in idipsum. Job vir Sanctus , & immaculatus , & justus in generatione sua , cur tanta perpessus sit , ipsius , volumine continetur. Et ne veteres replicando historias longum faciam , & excesam mēnsuram epistole , brevem tibi fabulam referam , qui infantæ mēræ temporibus accidit. Beatus Antonius cum à Sancto Athanasio Alexandria Episcopo propter confutationem Hæreticorum in urbem Alexandriam esset accitus , & isset ad eum Didymus , vir eruditissimus , captus oculis , inter cæteras sermocinationes , quas de Scripturis Sanctis habebat , cum ejus admiraretur ingenium , & acumen animi collaudaret , sciscitans ait : Num tristis es , quod oculis carnis careas ? Cum ille pudore reticeret , secundo , tertioque interrogans , tandem elicit , ut mororem animi simpliciter sateretur. Cui Antonius : Miror , ait , prudentem virum ejus rei dolere damno , quām formicæ , muscæ , culices habent ; & non lætari illius possessione , quam sancti soli , & Apostoli meruerunt. Ex quo pervides , quod multo melius sit spiritu videre , quām carne , & illos oculos possidere , in quos peccati festuca non possit incidere. Nos , licet hoc anno non veneris , tamen non desperamus adventum tuum. Quod si sanctus Diaconus portitor litterarum , tuis ampliibus fuerit irretitus , & illo comitante huc veneris , libenter suscipiam dispensationis moram , magnitudine fœnoris duplicatam.

L 2  
ad inveniri spes.

## HIERONIMUS AD JULIANUM.

## Argumentum Epistolæ.

**J**ulianus dives, & potens, intra paucos dies amisit duas filias, & uxorem. Mox incursantibus barbaris bonam possessionum partem perdidit. Hunc comparatione Job consolatur, & exemplo Pammachii, Paulineque adhortatur ad perfectam vitam, hoc est absolutum mundi contemptum, videlicet hoc vocante etiam ipsa fortuna.

**F**ilius meus, frater tuus Ausonius, in ipso jam professionis articulo, cum mihi presentiam sui tarde dedisset, & cito abstulisset, atque in puncto temporis, salve pariter valeque dixisset, vacuum sedire arbitratus est, nisi mearum aliquid ad te nugarum tumultuario sermone portaret. Jam demissio synthematice\* equus publicus sternebatur, & nobilem juvenem, punicea induitum tunica, baltheus ambebat; & tamen ille apposito notario cogebat loqui, quæ velociter edita velox consequeretur manus, & linguae celeritatem prenderent signa verborum. Itaque non scribentis diligentia, sed dictantis temeritate, longum ad te silentium rumpo, offerens tibi nudam offici voluntatem. Extemporalis est Epistola, absque ordine sensuum, sine lenocinio, & compositione verborum, ut totum in illa amicum, nihil de oratore reperias. In procinctu effusam putes, & abire cupiente ingestum viaticum. Divina Scriptura loquitur; Musica in luctu intempestiva narratio. Unde & nos, leporem artis rhetoricae contemnentes,

\* Genus indumenti nobilium, brève, & negotiis aptum.

& puerilis, atque plausibilis eloquii venustatem, ad sanctorum scripturarum gravitatem confugimus, ubi vera vulnerum medicina est, ubi dolorum certa remedia, in quibus recepit unicum filium mater in feretro, ubi turbæ dicitur circumstanti: Non est mortua puella, sed dormit. Ubi & quatriduanus mortuus ad vocem inclamantis Domini ligatus egreditur. Audio te in brevi tempore, duas virginulas filias junctis penè extulisse funeribus, & pudicissimam ac fidissimam conjugem tuam Faustinam, imò fidei calore germanam, in qua sola post amissos liberos acquiescebas, subita tibi dormitione subtractam: quasi, si naufragus in littore latrones reperiatur, & juxta eloquia Prophetarum, fugiens ursum, incidat in leonem, extendensque manum ad parietem, à colubro mordeatur; consecuta rei familiaris damna, vastationem totius barbaro hoste provinciæ, & in communi depopulatione privatas possessionum tuarum ruinas, abactos armentorum ac pecorum greges, vincitos otiososque servulos, & in unica filia, quam tibi tam crebræ orbitates fecerant chariorum, electum nobilissimum generum; ex quo, ut omnia taceam, plus mœroris, quam gaudii suscepisti. Hic est catalogus tentationum tuarum, hæc cum Juliano, tirunculo Christi pugna hostis antiqui. Quæ si ad te respicias, grandia sunt; si ad bellatorem fortissimum, ludus & umbra certaminis. Beato Job post malorum examina uxor pessima reservata est, ut per eam disceret blasphemare: tibi sublata est optima, ut miseriarum solatium perderes. Aliud est sustinere quam nolis, aliud desiderare quam diligas. Ille in tot mortibus filiorum, domus suæ ruinam unum habuit sepulchrum, & scisis vestibus,

ut parentis monstraret affectum , procidens in terram , adoravit , & dixit : Nudus exivi de utero matris meæ , nudus & redeam . Dominus dedit , Dominus abstulit : sicut Domino placuit ita factum est : sit nomen Domini benedictum . Tu ( ut parcissimè dicam ) inter multorum officia propinquorum , & consolantes amicos , tuorum exequias prosecurus es . Perdidit ille simul omnes divitias , & succendentibus sibi maiorum nuntiis ad singulas plágas ferebatur immobilis , complens in se illud de Sapiente præconium : Si fractus illabatur orbis , impavidum ferient ruinæ . Tibi major pars derelicta substantiæ , ut tantum teneris , quantum ferre potes . Necdum enim ad eum pervenisti gradum , ut totis adversum te cuneis dimicetur . Dives quondam dominus , & ditionis pater , subito orbus , & nudus est . Cumque in omnibus his , quæ contingent ei , non peccasset coram Domino , nec quidquam loquutus esset insipiens ; exultans Dominus in victoria famuli sui , & illius patientiam suum ducens triumphum , dixit ad diabolum : Animadvertis famulum meum Job , quia non est quisquam ei similis super terram ? Homo innocens , verus Dei cultor , abstinens se ab omni malo , & adhuc perseverans in innocentia . Pulchrè addidit : Et adhuc perseverans in innocentia , quia difficile est pressam malis innocentiam non dolere ; & hoc ipso fidem non periclitari , quod se videat injustè sustinere quod patitur . Ad quæ respondens diabolus Domino ait : Corium pro corio , & omnia quæ habuerit homo dabit pro anima sua ; sed extende manum tuam , & tange ossa , & carnes ejus , nisi in faciem benedixerit tibi . Callidissimus adversarius , & inveteratus dierum malorum , novit alia esse , quæ extrinsecus sint , &

philosophis quoque mundi *Adiaphora* , hoc est indifferentia , nominentur , in eorumque amissione atque contemptu perfectam non esse virtutem : alia , quæ intrinsecus , & desiderata cogant dolere perden- tem . Undè audacter Dei retinuit prædicationem , & dicit , nequaquam enim debere laudari , qui nihil de se , sed totum extra se dederit , qui pro corio suo coria obtulerit filiorum , & deposuerit marsupium , ut fruatur corporis sanitatem . Undè intelligat pruden- tia tua , usque ad hunc terminum pervenisse tentatio- nes tuas , & dedisse te corium pro corio , pellem pro pelle , omnia quæ habes , parum esse dari pro anima tua , necdum autem extentam in te manum Dei , nec tactas carnes , nec ossa confracta , ad quo- rum dolorem difficile est non ingemiscere : & in faciem Deo benedicere , pro eo quod est maledicere . Undè & Nabutha in Regum libris dicitur benedixisse Deum , & Regem ; & idcirco lapidatur à populo . Sciens autem Dominus athletam suum , immò virum fortissimum , etiam in isto extremo perfectoque cer- tamine non posse superari . Ecce , inquit , trado illum tibi , tantum animam illius custodi . Caro viri sancti datur in diaboli potestatem , & animæ sanitas reser- vatur ; ne , si illud percusisset , in quo sensus est , men- tisque judicium , non esset culpa peccantis , sed ejus , qui statum mentis everterat . Laudent ergo te alii , & tuas contra diabolum victories panegyricis prose- quantur ; quod læto vultu mortes tuleris filiarum ; quod in quadragesimo die dormitionis earum lugubrem vestem mutaveris ; & dedicatio ossium marty- ris , candida tibi vestimenta reddideris . ut non sen- tiires dolorem orbitatis tuæ , quem civitas universa sentiret , sed ad triumphum martyris exultares ; quod

santissimam conjugem tuam , non quasi mortuam , sed quasi proficiscentem deduxeris. Ego te nequaquam adulatione decipiam , nec lubrica laude supplanto : loquar illud potius , quod tibi audiri conductit. Fili accedens ad servitutem Dei , præpara animam tuam ad temptationem : & cum omnia feceris , dico : Servus inutilis sum , feci quod facere debui. Tulisti liberos , quos ipse dederas. Recepisti ancillam , quam mihi ob breve solatum commodaveras. Non contristor , quod recepisti : sed ago gratias , quod dedisti. Quondam dives adolescentis omnia , quæ in lege præcepta sunt , se implesse jactabat : ad quem Dominus in Evangelio : Unum , inquit , tibi deest: Si vis perfectus esse , vade , vende omnia , quæ habes , & da pauperibus , & veni sequere me. Qui omnia se fecisse dicebat , in primo certamine divitias vincere non potest. Unde & difficile intrant divites in regna cœlorum : quæ expeditos , & alarum levitate subnixos habitatores desiderant. Vade , inquit , & vende : non partem substantiarum , sed universa quæ possides: & da , non amicis , non consanguineis , non propinquis , non uxori , non liberis : plus aliquid addam: Nihil tibi ex omnibus metu inopiae reservans , ne cum Anania damnatis , & Saphira : sed da cuncta pauperibus ; & fac tibi amicos de iniquo mammona , qui te recipiant in æterna tabernacula , ut me sequareis; ut dominum mundi , possessionem habeas ; ut possis canere cum Propheta : Pars mea Dominus ; & ut verus levita nihil de terrena hæreditate possideas. Et hoc hortor : Si vis esse perfectus ; si Apostolicæ dignitatis culmen cupis , si sublata cruce Christum sequi , si apprehenso afro non rescipere post tergum ; si in sublimi tecto positus pristina vestimenta contem-

nis , & ut evadas Ægyptiam dominam , sæculi pallium derelinquis. Unde & Elias ad colorum regna festinans , non potest ire cum pallio , sed mundi in mundo vestimenta dimittit. Sed hoc , ais , Apostolicæ dignitatis est , & ejus , qui velit esse perfectus. Cur autem & tu nolis esse perfectus ? Cur , qui in sæculo primus es , non & in Christi familia primus sis ? An quia uxorem habueris ? Habuit & Petrus , & tamen cum reti eam & naviculam dereliquit. Providentissimus Dominus , & omnium salutem desiderans , malensque poenitentiam peccatoris , quæ mortem , abstulit tibi hanc excusationem ; ut non illa te retrahas ad terras , sed tu eam sequareis ad Paradisi regna trahentem. Bona liberis parés , qui te ad Dominum præcesserunt ; ut partes eorum non in divitias sororis proficiant , sed in redemptionem animæ tuæ , atque alimenta miserorum. Hæc monilia filiæ tuæ à te expetunt , his gemmis ornari capita sua volunt. Quod peritum erat in serico , in vilibus pauperum tunicis servetur. Repetunt à te partes suas , junctæ sponso nolunt videri pauperes , & ignobiles , propria ornamenta desiderat. Nec est quod excuses nobilitatem , & divitiarum pondera. Respicce sanctum vitum Pammachium , & ferventissimæ fidei Paulinum Presbyterum , qui non solum divitias , sed seipso Domino obtulerunt , qui contra diaboli tergiversationem , nequaquam pellem pro pelle , sed carnes , & ossa , & animas suas Domino consecrarent : qui te & exemplo , & eloquio , id est , & opere , & lingua possunt ad majora perducere. Nobilis es , & illi ; sed in Christo nobiliores. Dives & honoratus , & illi ; imo ex divitibus , & honoratis pauperes , & inglorii ; & idcirco diiores & magis in-

clyti , quia pro Christo pauperes , & inhonorati. Et tu quidem benefacis , quod sanctorum diceris usibus ministrare , fervere monachos , Ecclesiis offerre quam plurima. Sed haec rudimenta sunt militiae tuae. Contemnis aurum , contempserunt & multi Philosophi , è quibus unus , ut ceteros sileam , multarum possessionum pretium projectit in pelagus. Abite , dicens , in profundum malae cupiditates : ego vos mergam , ne ipse mergeret vobis. Philosophus gloriae animal , & popularis auræ vile mancipium totam simul sarcinam deposituit ; & tu te putas in virtutum culmine constitutum , si partem ex toto offeras ? Te ipsum vult Dominus hostiam vivam , placentem Deo ; te , inquam , non tua. Et ideo variis tentationibus commonet , quia multis plagis & doloribus eruditur Israel. Et quem diligit Dominus , corripit : flagellat autem omnem filium , quem recipit. Paupercula vidua duo æra minuta misit in gazophylacium : & quia totum obtulit quod habebat , omnes dicitur in oblatione munerum Dei superasse locupletes , quæ non pondere sui , sed offerentium voluntate pensantur. Ut multis erogaveris censem tuum , & quidam tua gaudent liberalitate : tamen multo plures sunt , quibus nihil dedisti. Neque enim Darii opes , & Crœsi divitiae valent expiere pauperes mundi. Quod si te ipsum Domino dereris , & Apostolica virtute perfectus , sequi cœperis Salvatorem : tunc intelliges , ubi fueris , & in exercitu Christi quam extremum tenueris locum. Non planxisti filias mortuas , & paternæ in genis lacrymæ Christi timore siccatae sunt. Quanto major Abraham , qui unicum filium voluntate jugulavit , & quem hæredem mundi futurum audierat , non desperat etiam post mortem esse victurum. Jepte obtulit virginem fi-

liam , & idecirco in enumeratione Sanctorum ab Apostolo ponitur. Nolo tantum ea offeras Domino , quæ potest fur rapere , hostis invadere , proscriptio tollere ; quæ & accedere possunt , & recedere , & instar undarum , ac fluctuum à succendentibus sibi dominis occupantur ; atque ut uno cuncta sermone comprehendam , quæ velis , nolis , in morte dimissurus es , illud offer , quod tibi nullus hostis possit auferre , nullus eripere tyrannus ; quod tecum perget ad inferos , imò ad Regna cœlorum , & ad paradisi delicias. Extruis monasteria , & multus à te per insulas Dalmatiæ sanctorum numerus sustentatur. Sed melius faceres , si & ipse sanctus inter sanctos viveres. Sancti estote , quoniam ego sanctus sum , dicit Dominus. Apostoli gloriantur , quod omnia dimiserint , & sequiti sint Salvatorem : & certè præter retia & navem nihil legimus eos dimisisse : & tamen testimonio futuri judicis coronantur ; quia se offerentes , totum dimiserant quod habebant : Haec loquor non insugillationem operum tuorum ; vel quod extenuem liberalitatem , & eleemosynas tuas ; sed quod te nolim inter sæculares esse Monachum , & inter Monachos sæcularem ; totumque à te expetam , cuius audio mente divino cultui deditam. Si huic consilio nostro vel amicus , vel assecla , vel propinquus renititur , & te ad delicias splendentis mensæ revocat : intelligito eum non de tua anima , sed de suo ventre cogitare , & omnes opes laetaque convivia subita morte finiri. Octo & sex annorum intra viginti dies duas filias amisisti , & arbitraris senem diu posse vivere ? cuius ut ætas longa tendatur , audi & David : Dies vitæ nostræ septuaginta anni : si autem amplius octoginta ; & quidquid superest , labor & dolor

est. Felix, & omni dignus beatitudine, quem senecus Christo occupat servientem, quem extrema dies Salvatori invenerit militantem; qui non confundetur, cum loquetur inimicis suis in porta: cui in introitu paradisi dicetur: Recepisti mala in vita tua, nunc autem hic latetare. Nec enim ulciscetur bis Dominus in eadem re. Divitem purpuratum gehennæ flamma suscepit. Lazarus pauper, & ulceribus plenus, cujus carnes putridas lambebant canes, & vix de micis mensæ locupletis miserabilem sustentabat animam, in sinu Abrahæ recipitur, & tanto Patriarcha parente latetur. Difficile, imò impossible est, ut & præsentibus quis, & futuris fruatur bonis; ut & hic ventrem, & ibi mentem impleat; ut de delicis transeat ad delicias; ut in utroque sæculo primus sit, ut & in celo, & in terra appareat gloriosus. Quod si tibi tacita cogitatio scrupulum moverit, cur monitur ipse non talis sim, qualem te esse desidero, & nonnullos videris in medio itinere corruisse: illud breviter respondebo, non mea esse quæ dico, sed Domini Salvatoris; non monere, quod ipse possim, sed quid debeat vele, vel facere, qui servus futurus est Christi. Ex athletæ suis incitatoribus fortiores sunt: & tamen moner debilior, ut pugnet ille qui fortior est. Noli respicere Judam negantem, sed Paulum respice confitentem. Jacob ditissimi patris filius, solus, & nudus in baculo suo pergit Mesopotamiam, jacet lassus in itinere, & qui delicatissime à Rebeka matre fuerat educatus, lapide ad caput pro puluillo uitur. Vedit scalam de terra usque ad cœlum, & ascendentis per eam Angelos, & descendentes, & desuper innitentem Dominum, ut lassis manum porrigeret, ut ascendentis suo ad laborem provocaret aspectu.

Unde & vocantur locus ipse Bethel, id est domus Dei, in qua quotidiè ascenditur, atque descenditur. Et sancti enim corrunt, si fuerint negligentes; & peccatores pristinum recipiunt gradum, si sordes fletibus laverint. Hoc ideo dixi, ut non te terreat descendentes, sed provocent ascendentes. Numquam exemplum à malis sumitur, etiam in sæculi rebus semper à meliori parte incitamenta virtutum sunt. Oblitus propositi, & epistolari brevitatis plura dictare cupiebam: ad materię quippe dignitatem, & ad meritum personæ tuæ parum est omne quod dicitur: & ecce tibi noster Ausonius coepit schedulas flagitare, urgere notarios, & hinnitu ferventis equi ingeniali mei festinus arguere tarditatem. Memento igitur nostri, & cura ut in Christo valeas. Atque, ut cætera taceam, domestica sanctæ Veræ exempla sectare; quæ verè, secura Christum, peregrinationis molestias sustinet; & sit tibi tanti dux foemina facti.

## HIERONIMUS AD EXUPERANTIUM,

Hortatoria.

Argumentum Epistole.

Exuperantium abortatur, ut relicta militia Imperiali, conferat se ad perfectam Christiani vitam, unaque cum fratre suo Quintiliano Bethelem migret.

Inter omnia, quæ mihi sancti fratris Quintiliani amicitiae prestiterunt, hoc vel maximum est, quod te mihi ignotum corpore, mente sociavit. Quis enim non diligit eum, qui sub paludamento, & habitu militari agat opera prophetarum, & exteriorem

hominem aliud promittentem , vincat interiori homine , qui formatus est ad imaginem Creatoris ? Unde & prior ad officium provoco litterarum , & precor , ut mihi occasionem tribuas s̄epius rescribendi , quo de cetero scribam audacit̄. Illud autem prudentia tua breviter significasse sufficiat , ut memineris Apostolica sententia : Vinctus es uxori , ne quāras solutionem : solutus es , ne quāras uxorem ; id est alligationem , quā solutioni contraria est . Qui igitur servit officio conjugali , vinctus est : qui vinctus est servus est . Qui autem solutus est , liber est . Cū ergo Christi gaudeas libertate , & aliud agas aliud res promittas , ac propemodum in domate constitutus sis ; non debes ad tollendam tunicam testo descendere , nec respicere post tergum , nec aratri semel arrepti stivam dimittere . Sed , si fieri potest , imitare Joseph , & Egyptia Dominæ pallium relinque ; ut nudus sequareis Dominum Salvatorem , qui dicit in Evangelio : Nisi quis dimiserit omnia , & tulerit crucem suam , & sequutus me fuerit non potest meus esse discipulus . Projice sarcinam s̄eculi , ne quāras divitias , quā camelorum pravitatis comparantur : nudus : & levis ad cālum evola , ne alas virtutum tuarum anti deprimant pondera . Hoc autem dico , non quod te avarum didicerim ; sed quod intelligam , idecīcō adhuc militiae operam dare , ut impleas sacculum , quem evacuate Dominus p̄cepit : Si igitur qui habent posseſiones & divitias , jubarunt omnia vendere & dare pauperibus , & sic sequi Salvatorem : dignatio tua aut dives est & debet facere quod p̄ceptum est ; aut adhuc tenuis , & non debet querere quod erogatura est . Certe Christus pro animi voluntate omnia in acceptum re-

fert . Nemo Apostolis pauperior fuit , & nemo tantum pro Domino dereliquit . Vidua illa in Evangelio paupercula , quā duo minuta missit in gazophilacium cunctis p̄fertur divitibus , qua totum quod habuit dedit . Et tu igitur eroganda non quāras , sed quāsita jam tribue ; ut fortissimum tyrunculum suum Christus agnoscat , ut latus tibi de longissima regione venienti occurrat pater , ut stolam tribuat , ut donet annulum ; ut immolet pro te vitulum saginatum , ut expeditum cum sancto fratre Quintiliano ad nos citō faciat navigare . Pulsavi amicitarum fores ; si aparueris , nos crebrō habebis hospites .

## HIERONYMUS AD CASTORINAM,

Materteram.

Argumentum Epistolæ.

*Castorinam Materteram suam cum qua nescio quid dis-  
sidii fuerat, ad pacem, & concordiam, quod per alias  
etiam fecerat litteras, adhortatur.*

Jannes , idem Apostolus & Evangelista , in Epistola sua ait : Quicumque odit fratrem suum homicida est : & recte : cum enim homicidium ex odio s̄apē nascatur , quicumque odit , etiamsi necdum gladio percusserit , animo tamen homicida est . Cur , aīs , tale principium ? Scilicet ut veteri rancore deposito , mundum pectoris Deo paremus habitaculum . Irascimini , inquit David , & nolite peccare . Hoc quid velit intelligi , Apostolus plenius interpretatur , Sol non occidat super iracundiam vestram . Quid age- mus nos in die Judicii , super quorum iram non unius

diei , sed tantorum annorum Sol testis occubuit? Dominus loquitur in Evangelio : Si offers munus tuum ad altare , ibique recordatus fueris , quia frater tuus habet aliquid adversum te; relinque ibi munustum ante altare , & vade reconciliari prius fratri tuo ; & tunc veniens offeres munus tuum. Vae mihi misero , ne dicam & tibi , qui tanto tempore , aut non obtuli munus ad altare , aut ita permanente , sine causa obtuli. Quomodo in quotidiana prece unquam diximus : Dimittite nobis debita nostra , sicut & nos dimittimus debitoribus nostris: animo discrepante cum verbis , oratione dissidente cum factis: Precor itaque , quod & ante annum prioribus litteris rogaveram , ut pacem , quam nobis reliquit Dominus habeamus ; & meum desiderium , & tuam mentem Christus intueatur. In brevi , ante Tribunal ejus , reconciliata , seu scissa concordia , aut præmium recuperabit , aut poenam. Quod si tu (quod procul absit) nolueris , ego liber ero. Epistola me hæc mea cum lecta fuerit , absolvet.

### HIEROMYTUS AD JULIANUM Diaconum.

Argum. Epistolæ.

*Hanc scripsit D. Hieronymus juvenis ex eremo , cum primum relicta patria eo adiit , Heliodoro comite. Familiaris est epistola , & ex parte jocosa.*

**A** Ntiquus sermo est: Mendaces faciunt , ut nec vera dicentibus credantur. Quod mihi à te ego objurgatus de silentio litterarum accidisse video. Dicam: Sæpe scripsi sed negligentia bajulorum fuit?

### AD JULIANUM.

Respondebis : Omnia non scribentium vetus ista excusatio est. Dicam : non reperi qui epistolas ferret ? Dices : Hinc istuc esse quamplurimos. Contendam , me etiam his dedisse ? At illi , quia non reddiderunt , negabunt , & erit inter absentes incerta cognitio. Quid igitur faciam ? Sine culpa veniam postulabo , rectius arbitrans pacem loco motum petere , quām æquo gradu certamina concitare ; quamquam ita me jugis , tam corporis ægrotatio , quām animæ ægritudo consumpsit , ut morte imminentे , nec mei penè memor fuerim. Quod ne falsum putas , oratorio more post argumenta testes vocabo. Sanctus frater Heliodorus hic adfuit , qui cum mecum eremum vellēt incolere , meis sceleribus fugatus abscessit. Verum omnem culpam præsens verbositas excusabit. Nam , ut ait Flacus in Satyra : *Omnibus hoc vitium est cantoribus inter amicos : Rogati , ut numquam cantent , in-jussi numquam desistant:* Ita te deinceps fascibus obruam litterarum , ut è contrario incipias rogare , ne scribam. Sororem meam , filiam in Christo tuam , gaudeo , te primum nuntiante , in eo permanere quod cœperat. Hic enim ubi nunc sum , non solum , quid agatur in patria sed an ipsa patria persit , ignoro. Et licet me sinistro Hydra ex certa \* ore dilamer , non timebo hominum judicium , habiturus judicem eum , juxta illud quod quidam ait: Si fractus illabatur orbis , impavidum ferient ruinae. Quapropter quæso , ut Apostolici memor præcepti , quo docet opus nostrum permanere debere , & tibi à Domino præmium in illius salute pares , & me de communis in Christo gloria crebris reddas sermonibus lætiorem.

\* *Hydra excerpta dicta est , quod uno exciso capite tria renascerentur. Obrectatorum aliquem Hispanum intelligit , propterea Iberam vocavit.*

## HIERONTMUS AD THEODOSIUM,

## Argumentum Epistolæ.

*Adiens D. Hieronymus eremum, in Syriae solitudinibus incommodè vitam agens, nec manere valens ob vocationem regionis, nec reverti, quod jam agressus esset hoc vite genus: ad Theodosium & ceteros Anachoretas hanc scribit, seipsumque in eorum orationibus commendari petit.*

**Q**uam vellem nunc vestro interesse conventui, & admirandum consortium, licet isti oculi non mereantur aspicere, tota cum exultatione complecti. Spectarem desertum omni amoenius civitate: viderem, desolata ab accolis loca, quasi ad quoddam paradisi instar, sanctorum cætibus obsideri: Verum quia hoc mea faciunt delicta, ne consortio beatorum inseratur obsesus omni crimine caput, idcirco obsecro (quia vos impetrare posse non ambigo) ut me ex istius tenebris sæculi vestro liberetis oratu. Et ut ante dixeram præsens, & nunc per litteras votum indicare non cesso, quod mens mea omni ad id studium cupiditate rapiatur. Nunc vestrum est, ut voluntatem sequatur effectus: meum est ut velim: Obscuracionum vestrarum est, ut quod velim, & possim. Ego ita sum quasi à cuncto grege morbida aberrans ovis. Quod nisi me bonus pastor ad sua stabula humeris impositum reportarit, lababunt gressus, & in ipso conanime vestigia concident assurgentis. Ego sum ille prodigus filius, qui omni, quam mihi pater crediderat, portione profusa, necdum me ad geni-

## AD VIRGINES.

179

toris genua submisi, necdum cœpi prioris à me luxuriaz blandimenta depellere. Et quia paululum non tam desivi à vitiis, quam cœpi velle desinere; nunc me novis diabolus ligat retibus; nunc nova impedimenta proponeas maria undique circumdat, & undique portum, nunc in medio constitutus elemento, nec regredi valeo, nec progredi possum. Superest, ut oratu vestro Sancti Spiritus aura me proveat, & ad portum optati litoris prosequatur.

## HIERONTMUS AD VIRGINES HERMONENSES.

## Argumentum Epistole.

*Divus Hieronymus fuit humaniter exceptus à virginibus quibusdam habitantibus in monte Hermon. His nunc gratias agit, quod ipsæ sanctæ se peccatorem non contempserint.*

**C**hartæ exigutas indicium solitudinis est: & idcirco longum sermonem brevi spatio coarctavi. Quia & vobiscum volebam prolixius loqui, & angustia schedulæ cogebat tacere, nunc igitur ingenio est victa pauperies. Minutæ quidem litteræ, sed confabulatio longa est. Et tamen in hoc necessitatis articulo animadverteat charitatem; cum nec penuria scriptioris valuerit prohibere, ne scriberem. Vos autem ignoscite obsecro dolenti. Dico enim laesus, dico lacrymas: ne unum quidem apicem, toties vobis tribuent officium, præstistitis. Scio quia nulla communio luci & tenebris est, nulla cum ancillis Dei peccatori societas. Attamen & meretrix Domino pedes lacrymis lavit; & de dominorum

M 2

micis canes edunt; & ipse Salvator non venit justos vocare, sed peccatores. Non enim egent sani medico. Et magis vult poenitentiam peccatoris, quam mortem. Et errantem oviculam suis humeris refert. Et prodigum filium revertentem excipit latus pater. Quin potius Apostolus ait: Nolite judicare ante tempus. Tu enim quis es, qui alienum servum judices? suo domino stat, aut cadit. Et qui stat, videat ne cadat. Et invicem onera vestra portare. Aliter, sorores charissimæ, hominum libor, aliter Christus judicat. Non eadem est sententia tribunalis ejus, & anguli susurronum. Multæ hominibus viæ yidentur justæ, quæ postea reperientur pravae. Et in testaceis vasculis thesaurus sæpè reconditur. Petrum ter negantem amaræ in suum locum restituere lacrymæ. Cui plus dimittitur, plus amat. De toto grege siletur, & ob unius morvidæ pecudis salutem Angeli latitantur in cœlo. Quod si cui videtur indignum, audiat à Domino. Amice, si ego bonus sum, quare oculus tuus nequam est?

UNIVERSIDAD AUTÓNOMA DE MÉXICO

DIRECCION GENERAL DE BIBLIOTECAS

## HIERONYMUS AD RUFFINUM.

Argum. Epistole.

**I**nnocentio fabro pereunte, & Heliodoro ab eremo in patriam reverso, solius Evagrii, & Hylæ contubernio. D. Hieronymus sublevatur: nam Bonosus ab ipso ad Monachib[us] propositum inflammatus, in insula quadam horrida sanctam agebat vitam. Intelligens D. Hieronymus, Ruffinum suum studiorum sacrorum sodalem in Ægyptum concessisse, illum ad se invitat, & ac suo statu, deque Bonosi sodalis sui vita reddit certiores.

**P**lus Deum tribuere, quam rogatur, & ea sæpè concedere, quæ nec oculos vidit, nec auris audit, nec in cor hominis ascenderunt, licet ex sacrorum ministerio yoluminum ante cognoverim, tamen in causa propria nunc probavi, Ruffine charissime. Ego enim, qui audaci fieri satis voto credebam: si vicissitudine litteratum imaginem nobis praesentiae mentiremur, audio te Ægypti secreta penetrare. Monachorum invisere choros, & cœlestem in terris circumire familiam. O si mihi nunc Dominus Jesus Christus, vel Philippi ad Eunuchum, vel Habacuc ad Danielem translationem repente concederet: quam ego nunc tua ardis stringerem colla complexibus, quam illud os, quod mecum vel erravit aliquando, vel sapuit, impressis figerem labiis. Verum quia non tam te sic ad me venire, quam ad te sic ire non mereor, & invalidum, etiam cum sanum est corpusculum; crebri fregere morbi; has mei yicarias, & tibi obvias mitto, quæ te copula

## EPISTOLA

micis canes edunt; & ipse Salvator non venit justos vocare, sed peccatores. Non enim egent sani medico. Et magis vult poenitentiam peccatoris, quam mortem. Et errantem oviculam suis humeris refert. Et prodigum filium revertentem excipit latus pater. Quin potius Apostolus ait: Nolite judicare ante tempus. Tu enim quis es, qui alienum servum judices? suo domino stat, aut cadit. Et qui stat, videat ne cadat. Et invicem onera vestra portare. Aliter, sorores charissimæ, hominum libor, aliter Christus judicat. Non eadem est sententia tribunalis ejus, & anguli susurronum. Multæ hominibus viæ yidentur justæ, quæ postea reperientur pravae. Et in testaceis vasculis thesaurus sæpè reconditur. Petrum ter negantem amaræ in suum locum restituere lacrymæ. Cui plus dimittitur, plus amat. De toto grege siletur, & ob unius morvidæ pecudis salutem Angeli latitantur in cœlo. Quod si cui videtur indignum, audiat à Domino. Amice, si ego bonus sum, quare oculus tuus nequam est?

UNIVERSIDAD AUTÓNOMA DE MÉXICO

DIRECCIÓN GENERAL DE BIBLIOTECAS

## AD RUFFINUM.

## HIERONYMUS AD RUFFINUM.

Argum. Epistole.

**I**nnocentio fabro pereunte, & Heliodoro ab eremo in patriam reverso, solius Evagrii, & Hylæ contubernio. D. Hieronymus sublevatur: nam Bonosus ab ipso ad Monachib[us] propositum inflammatus, in insula quadam horrida sanctam agebat vitam. Intelligens D. Hieronymus, Ruffinum suum studiorum sacrorum sodalem in Ægyptum concessisse, illum ad se invitat, & ac suo statu, deque Bonosi sodalis sui vita reddit certiores.

**P**lus Deum tribuere, quam rogatur, & ea sæpè concedere, quæ nec oculos vidit, nec auris audiuit, nec in cor hominis ascenderunt, licet ex sacrorum ministerio yoluminum ante cognoverim, tamen in causa propria nunc probavi, Ruffine charissime. Ego enim, qui audaci fieri satis voto credebam: si vicissitudine litteratum imaginem nobis praesentiae mentiremur, audio te Ægypti secreta penetrare. Monachorum invisere choros, & cœlestem in terris circumire familiam. O si mihi nunc Dominus Jesus Christus, vel Philippi ad Eunuchum, vel Habacuc ad Danielem translationem repente concederet: quam ego nunc tua ardis stringerem colla complexibus, quam illud os, quod mecum vel erravit aliquando, vel sapuit, impressis figerem labiis. Verum quia non tam te sic ad me venire, quam ad te sic ire non mereor, & invalidum, etiam cum sanum est corpusculum; crebri fregere morbi; has mei yicarias, & tibi obvias mitto, quæ te copula

amoris innexum, ad me usque perducant. Prima inopinata gaudia ab Heliodoro fratre mihi est nunciata felicitas. Non credebam certum, quod certum esse cupiebam, præsertim cum & ille ab alio se audisse diceret, & rei novitas fidem sermonis auferret. Rursum suspensam voto nutante mentem quidam Alexandrinus Monachus, qui ad Ægyptios Confessores, & voluntate jam Martyres, pio plebis jam dudum fuerat transmissus obsequio, manifestus ad credulitatem nuntiū author impulerat. Fateor & in hoc meam labasse sententiam : Nam cum patriam tuam ignoraret & nomen, in eo tamen plus videbatur afferre, quod eadem asserebat, quæ jam allus indicaverat. Tandem plenum veritatis pondus erupit. Ruffinum enim Nitriæ esse, & ad beatum pervenisse Macarium, cœbra commenantum multitudine referebat. Hie vero tota credulitatis frena laxavi, & tunc vere ægrotum esse me dolui: & nisi me attenuati corporis vires quadam compede præpedissent, nec mediae fervor æstatis, nec navigantibus semper in certum mare, pia cum festinatione gradieni, valueret obsistere. Credas mihi frater: non sic tempestate jactatus portum nauta prospectat, non sic scientia imbre arva desiderant, non sic curvo assidens litori anxia filium mater expectat, postquam me a tuo latere subitus turbo convulsit; postquam glauco charitatis hærensem impia distraxit avulsio: tunc mihi cœruleus supra caput astigit imber: tunc maria undique, & undique cœlum. Tandem in incerto peregrinationis erranti, cum me Thracia, Pontus, atque Bithynia, totumque Galatia, & Cappadocia iter, & servido Cilicum terra frigesceret æstu; Syria mihi, velut fidissimus naufrago portus occurrit; ubi

ego, quidquid morborum esse poterat expertus, ex duobus oculis unum perdi. Innocuum enim partem animæ meæ, repentinus februm ardor abstraxit. Nunc uno & toto mihi lumine Evagrio nostro fruor: cui ego semper infirmus ad laborem cumulus accessi. Erat nobiscum & Hylas sancti Melanii famulus, qui puritate morum maculam servitutis abluerat, & hic neccum obductam rescidit cicatricem. Verum quia de dormientibus contristari, Apostoli voce prohibemur, & nimia vis moeroris læto superveniente nuntio temperata est: indicamus hæc tibi, ut si nescis, discas; si ante cognovisti, pariter gaudeamus. Bonosus tuus, immo meus, & ut verius dicam, noster, scalam præsagatam Jacob somniante jam scandit, portat crucem suam, nec de castrino cogitat, nec post tergum respicit. Seminat in lacrymis, ut in gudio merat. Et sacramento Moysi serpentem in eremo suspendit. Cedant huic veritati tam Græco, quam Romano stylo mendaciis ficta miracula. Ecce puer honestis sacerduli nobiscum artibus institutus, cui opes affatim, dignitas apprimè inter æquales erat, contempta matre, sororibus, & charissimo sibi germano, insulam pelago circumsonante naufragam, cui asperæ cautes, & nuda saxa, & solitudo terrori est, quasi quidam novus paradisi colonus insedit. Nullus ibi agricolarum, nullus Monachorum, ne parvulus quidem, quem nosti, Onesimus, quo velut fratre in osculo fruebatur, in tanta vastitate adhæret lateri comes. Solus ibi, immo jam Christo commitante non solus, videt gloriam Dei, quam etiam Apostoli, nisi in deserto non viderant. Non quidem conspicit turritas urbes; sed in novæ civitatis censu dedit nomen suum. Horrent sacco

membra deformi; sed sic melius obviā Christo rapietur in nubibus. Nulla riparū amoenitate perfruitur; sed de latere, Domini aquam vitæ bibet. Propone tibi ante oculos, amice dulcissime, & in præsentiam rei totus animo, ac mente convertere. Tunc poteris laudare victoriam, cum laborem præpliantis agnoveris. Totam circa insulam fremit insanum mare, & sinuosis montibus illisum scopulis æquor reclamat. Nullo terra gramine viret: nullis vernans campus densatur umbraculis. Abruptæ rupeſ quasi quendam horrore carcerem claudunt. Ille securus, intrepidus, & totus de Apostolo armatus, nunc Deum audit, dum divina relegit; nunc cum Deo loquitur, cum Dominum rogat: & fortasse ad exemplum Joannis aliquid videt, dum in insula commoratur. Quas nunc diabolum necere credis tricas? quas parare arbitraris insidias? Forsitan antiquæ fraudis memor, famem suadere tentabit. Sed jam illi responsum est: Non in solo Pane vivit homo. Opes forsitan gloriāque proponet. Sed dicitur illi: Qui cupiunt divites fieri, incident in muscipulam, & tentationes. Et mihi omnis gloriatio in Christo est. Fessa membra jejuniis, morbo gravante concutier; sed Apostoli repercutietur eloquio: Quando infirmor, tunc fortior sum: & Virtus in infirmitate perficitur. Minabitur mortem: sed audiet: cupio dissolvi, & esse cum Christo. Ignita jacula vibrabit: sed excipiuntur scuto fidei. Et ne multa replicem, impugnat satanas, sed tutabitur Christus. Gloria tibi Domine Jesu, quod in die tua habeo, qui pro me te possit rogare. Scis ipse (tibi enim patent pectora singulorum, qui cordis arcana timaris: qui tantæ bestiæ alyo inclusum Prophetam

In profundo vides) ut ego & ille pariter à tenera infantia ad florētem usque adoleverimus ætatem; ut idem nos nutricum sinus, idem amplexus foverint bajulorum: & cum post Romana studia ad Rheni semibarbaras ripas, eodem cibo, pari frueremur hospitio, ut ego primus coepim velle te collere. Memento quæso hunc bellatorem tuuī, mecum quondam fuisse tironem. Habeo promissum majestatis tuæ: Qui docuerit, & non fecerit, minimus vocabitur in regno cœlorum. Qui autem docuerit & fecerit, maximus vocabitur in regno cœlorum. Fruatur ille virtutis corona, & ob quotidiana martyria stolatus Agnum sequatur. Multæ sunt mansiones apud Patrem, & stella à stella differt in claritate. Mihi concede, ut inter sanctorum calcanea caput possim labare: ut cum ego voluerim, ille perficerit: mihi ignoscas, qui implere non potui; illi tribuas præmium, quod me retur. Plura fortasse, quam Epistolæ brevitas patiebatur, longo sermone protraxerim: quod mihi semper accidere consuevit, quando aliquid de Bonis nostri laude dicendum fuit. Sed ut ad illud reddeam, unde discesseram: obsecro te, ne amicum, qui diu queritur, vix invenitur, difficile servatur, pariter cum oculis mens amittat. Fulgeat quilibet auro, & pompati ferulæ corusca ex sârcinis metallâ radient. Charitas non potest comparari. Dilectio pretium non habet. Amicitia quæ desinere potest, vera nunquam fuit. Vale in Christo.

## HIERONYMUS AD NITIAM.

## Argumentum Epistolæ.

Cum Nitia quondam sodali deliciarum, & peregrinatio-  
num commite, quod nihil scribat, velut immemor re-  
centis amici D. Hieronymus expostulat illum Chro-  
matii, & Eusebii exemplo adhortans, ut aliquam  
describat.

**T**Urpilius Comicus tractans de vicissitudine lit-  
terarum: Sola, inquit, res est, quæ homines  
absentes præsentes facit. Nec falsam dedit, quamquam  
in re non vera, sententiam. Quid enim est (ut ita di-  
cam) tām præsens inter absentes, quām per Epistolas  
& alloquii & audire quos diligas? Nam & rudes illi Ita-  
liae homines, quos Cascos Ennius, \* qui sibi, ut in rhe-  
toricis Cicero ait, ritu ferino victum quærebant, ante  
chartæ, & membranarum usum, aut in dedolatis è lig-  
no codicillis, aut in corticibus arborum mutua Episto-  
larum alloquia missitabant. Unde, & portatores earum  
tabellarios & scriptores à libris arborum librarios vo-  
cavere. Quanto magis igitur nos, expolito jam artibus  
mundo, id non debemus omittere, quod illi sibi præ-  
titerunt apud quos erat cruda rusticitas, & qui huma-  
nitatem quodammodo nesciebant? Ecce beatus Chroma-  
tius cum Sancto Eusebio, non plus natura, quām  
morum æqualitate germano, litterario me provocavit  
officio. Tu, modo à nobis abiens, recentem amicitiam  
scendis potius, quām dissuis. Quod prudenter apud Ci-

\* Veteri Sabinorum lingua, *Cascum* antiquum  
significat.

ceronem Lælius vetat. Nisi forte ita tibi exosus est  
eris, ut litteras quoque tuas hunc venire formides.  
Experciscere, expurgiscere, evigila de somno, præsta  
unam chartæ schedulam charitati. Inter delicias pa-  
triæ, & communis, quas habuimus peregrinationes, ali-  
quando suspira. Si amas, scribe obsecrant; si itasceris,  
iratus licet scribe. Magnum & hoc desiderii solamen  
habebo, si amici litteras vel indignantis accipiam.

HIERONYMUS AD CHROMATIUM, JOVINUM  
& Eusebium.

Argumentum Epistolæ.  
**C**hromatius, & Eusebius fratres, una cum Jovino amico,  
& matre, neconon Sororibus virginibus eadem in domo  
sancṭe vivebant. His omnibus una epistola satisfacit  
D. Hieronymus. Comprobat laudes Bonosi de quo scrip-  
serant. Sororem suam illis commendat, & sanctum illo-  
rum contubernium laudibus vehit.

**N**ON debet charta dividere, quos amor mutuus  
copulavit: Nec per singulos officia mei sunt  
partienda sermonis; cum sic invicem vos ametis, ut  
non minus tres charitas jungat, quām duos natura  
soeavit: quin potius si rei conditio pateretur, sub  
uno litterule apice nomina indivisa concluderem,  
vestris quoque ita me litteris provocantibus, ut &  
in uno tres, & in tribus unum putarem. Nam post-  
quam Sancto Evagrio transmittente, in ea ad me ere-  
mi parte delatae sunt, quæ inter Syros, ac Sarrace-  
nos vastum limitem ducit; sic gavisus sum, ut illum  
diem Romanæ felicitatis, quo primum Marcelli  
apud Nolam prælio post Cannensem pugnam Hanni-

balis agmina conciderunt, ego vicerim. Et licet supra dictus frater sèpè me visitet, atque me ita, ut sua in Christo viscera soveat, tamen longo à me spatio sejunctus, non minus mihi derelinquit abeundo desiderium, quām attulerit veniendo latitiam. Nunc cum vestris litteris fabulor, illas amplector: illæ mecum loquuntur, illæ hic tantum Latinè sciunt: hic enim aut barbarus semisermo dicendus est, aut tacendum. Quotiescumque charissimos mihi vultus notæ manus referunt impressa vestigia, toties aut ego hic non sum, aut vos hic estis. Credite amori vera dienti: & cum has scriberem, vos videbam. De quibus hoc primum queror, cur tot interjacientibus spatiis maris atque terrarum tam parvam Epistolam miseritis, nisi quod ita memui, qui vobis, ut scribitis, ante non scripsi. Chartam defuisse non puto, Ægypto ministrante commercia. Et si alieni Ptolemaeus maria clausisset, tamen Rex Attalus membranas à Pergamo miserat, ut penuria chartæ pellibus pensaretur. Unde & Pergamentorum nomen ad hunc usque diem, tradente sibi invicem posteritate, servatum est. Quid igitur? Arbitrer bajulum festinasse? quamvis longæ epistolæ una nox sufficit. An vos aliqua occupatio-ne detentos? nulla necessitas major est charitate. Restant duo; ut aut vos piguerit, aut ego non meruerim. E quibus malo vos incusare tarditas, quām me condemnare non meritum. Facilius enim negligentia emendari potest, quām amor nasci. Bonosus, ut scribitis, quasi filius iahyos, id est, pis-cis, aquosa petit. Nos pristina contagione sordentes, quasi reguli & scorpiones arentia quæque sectamur. Ille jam calcat super colubri caput; nos serpenti terram ex divina sententia comedenti, adhuc cibus

sumus. Ille jam potest summum graduum psalmum scandere; nobis adhuc in primo ascensu flentibus, nescio an dicere aliquando contingat: Levavi ocu-los meos in montes, unde veniet auxilium mihi. Ille inter minacēs sæculi fluctus in tuto insulae, hoc est Ecclesiæ gremio sedens, ad exemplum Joannis librum fronte jam devorat: ego in scelerum meorum sepulchro jacens, & peccatorum vinculis colligatus, Dominicum de Evangelio expecto clamorem; Hieronyme, veni foras: Bonosus inquam (quia secundum Prophetam omnis diaboli virtus in lumbis est) trans Euphratrem tulit lumbare suum; ubi illud in forami-ne petræ abscondens, & postea scissum reperiens, cecinit: Domine, tu possedisti renes meos: Dirupisti vincula mea; tibi sacrificabo hostiam laudis. Me verò Nabucodonosor ad Babylonem, id est, confu-sionem mentis meæ, catenatum duxit: ibi mihi cap-tivitatis jugum imposuit: ibi ferri circulum naribus meis inectens, de canticis Sion cantare præcepit. Cui ego dixi: Dominus solvit compeditos, Dominus illuminat cæcos. Et ut breviter cæptam dissimi-litudinem finiam, ego veniam deprecor, ille expectat coronam. Soror mea, Sancti Juliani in Christo fructus est. Ille plantavit, vos rigate: Domi-nus incrementum dabit. Hanc mihi Jesus pro eo vul-nere, quod diabolus infixerat, præstitit, vivam red-dendo pro mortua. Huic ego (ut ait Gentilis Poeta) omnia etiam tuta timeo. Scitis ipsi lubricum adoles-centiæ iter; in quo & ego lapsus sum, & vos non sine timore transitis. Hoc illa nunc maximè ingre-diens, omnium est fulcienda præceptis, omnium est sustentanda solatiis, id est, crebris vestræ sanctitu-dinis epistolis roboranda. Et quia charitas omnia sus-

## EPISTOLA

tinet, obsecro, ut etiam à Papa Valeriano ad eam confortandam litteras exigatis. Nostis puellares animos his rebus plerumque solidari, si se intelligent curæ esse majoribus. In mea enim patria, rusticitatis vernacula, Deus venter est, & in diem vivitur: & sanctior est ille, qui ditionis est. Accessit huic patellæ (juxta tritum populi sermone proverbium) dignum operculum: Lupicinus sacerdos, secundum illud quoque, de quo semel in vita Crassum ait risisse Lucilius: Similem habent labra lactucam, asino carduos comedente, videlicet, ut perforatam navem debilis gubernator regat, & cæcūs cæcos ducat in foveam, talisque sit rector, quales illi qui reguntur. Matrem communem, quæ cum vobis sanctitate societur, in eo vos prævenit, quia tales genuit, cuius verè venter aureus potest dici, eo salutamus honore, quo nostis: unaquoque suspiciendas cunctassores, quæ sexum vicere cum sæculo, quæ oleo ad lampadas largiter præparato Sponsi opperiuntur adventum. O beata domus in qua morantur Anna vi-dua, virgines Profetissæ, geminus Samuel nutritus in templo! O tecta felicia in quibus cernimus Machabæorum Martyrum coronis cinctam Martyrem matrem! Nam licet quotidie Christum confiteamini, dum ejus præcepta servatis; tamen ad privatam gloriam publica haec accessit vobis & aperta confessio, quod per vos ab urbe vestra Ariani quondam dogmatis virus exclusum est. Et miramini forsitan, quod in fine jam epistolæ rursum exorsus sim. Quid faciam? Vocem pectori negare non valeo: Epistola brevitas compellit tacere: desiderium vestri cogit loqui. Præproperus sermo: confusa turbatur oratio: amor ordinem nescit.

## AD CHRISOGONUM

HIERONYMUS AD CHRISOGONUM  
Monachum Aquileiæ.

Argumentum Epistolæ.

*Expostulat cum Chrisogono Aquileio Monacho, quod nihil scribens, oblitus videatur absenti amici, idque tam cito, & ejus nuper amicum habere caperit.*

**Q**UI circa te affectus meus sit, charissimus ambobus Heliodorus tibi potuit fideliter nuntiare; qui non minore te diligit amore, quam ego diligo, ut semper in ore meo nomen tuum sonet, ut ad primam quamque confabulationem jucundissimi mihi consortii sui recorder, ut humilitatem admirer, virtutem efferam, prædicem charitatem. Verum tu, quod natura lynxes insitum habent, ne post tergum respicientes meminerint priorum, & mens perdat, quod oculi vide-re desiderint; ita nostræ es necessitudinis penitus obli-tus, ut illam epistolam, quam in corde Christianorum scriptam Apostolus refert, non parva litura,\* sed imis, ut ajunt, ceris, eraseris. Et illæ quidem, quas diximus, feræ, sub frondente captantes arboris ramo fugaces capras, aut timidum cervos animal comprehendunt, currentemque frustra prædam, dum hostem suum secum vehit, rabido desuper ore dilaniant, & tandiu me-minere prædandi, quandiu yenter vacuus siccum fame guttura exasperat: ubi vero sanguine Pasta feritas viscera distenta compleverit, cum saturitate succedit oblivio, tandiu nescitura quid capiat, donec memoriam revo-

\* Sic dicitur, cum aliqua deletæ scripture resonant vestigia: ceterum cum penitus quid aboletur, imis veris eradi dicitur.

caverit esuries. Tu needum satius è nobis , cur fi-  
nem jungis exordio ? cur amittis ante , quam tenes ?  
Nisi forte , negligentiae semper excusatione socia , as-  
seras te non habuisse quod scriberes : cum hoc ipsum  
debueris scribere , te non habuisse quod scriberes.

### HIERONYMUS AD ANTONIUM de modestia.

ALERE FLAMMAM

#### Argumentum Epistolæ.

*Hunc D. Hieronymus de modestia abhortatur ; conque-  
ritur , quod nihil rescriperit , cum tot ab ipso scrip-  
tas D. Hieronymus epistolas miserit.*

**D**ominus noster humilitatis magister , discep-  
tantibus de dignitate discipulis , unum appre-  
hendit è parvulis , dicens : Quicumque vestrum non  
fuerit conversus sicut insans , non potest introire in  
Regnum coelorum. Quod ne tantum docere , nec  
facere videretur , implevit exemplo , dum discipulo-  
rum pedes labat ; dum traditorem osculo excipit ;  
dum loquitur cum Samaritana ; dum ad pedes sibi se-  
dente Maria , de coelorum disputat regno ; dum ab  
inferis resurgens primum mulierculis appetet. Sata-  
nas autem ex archangelico fastigio non aliam ob  
causam , nisi ob contrariam humilitati superbiam ruit.  
Et Judaicus populus primas sibi cathedras , & salu-  
tationes in foro vendicans , deputatus antea in stillam  
situlæ , gentium populo succedente , deletus est. Con-  
tra sophistas quoque sæculi , & sapientes mundi , Pe-  
trus & Jacobus piscatores mituntur. Cujus rei  
causa Scriptura ait : Superbis Deus resistit humiliis

### AD ANTONIUM.

bus autem dat gratiam. Vide frater quale malum sit ,  
quod adversarium habet Deum : ob quod in Evange-  
lio , & Phariseus arrogans spernitur , & humilis pu-  
blicanus auditur. Decem jam , nisi fallor , Epistolas  
plenas tam officii , quam precum misi , cum tu ne nu-  
tum quidem facere dignaris ; & Domino loquente  
cum servis , frater cum fratre non loqueris. Nimis ,  
inquieres , contumeliose. Crede mihi , nisi styli vere-  
cundia prohiberet , tanta læsus ingererem , ut incipe-  
res mihi rescribere vel iratus. Sed quoniam , & irasci ,  
hominis est , & injuriam non facere , Christiani ;  
ad antiquum morem revertens , rursus precor , ut &  
diligentem te diligas , & conservo sermonem conser-  
vus impartias. Vale in Domino.

### HIERONYMUS AD DAMASUM.

#### Argumentum Epistolæ.

*Aniochena Ecclesia sèpius jactata videbatur adhuc Ar-  
rianam heresim sapere , & hypostases ab omnibus  
exigabat. Habitans D. Hieronymus in eremo justa  
Antiochiam , hujusmodi professionem suspectam ha-  
bens , consultit Damasum Romanæ Urbis Episcopum ,  
ut suis litteris significet , an eam sequi debeat : præ-  
monens illum venenum latere in verbis , ne Campe-  
sibus id ambientibus assentiatur.*

**Q**uoniam vetusto oriens inter se populorum fu-  
rore collitus , indiscissam Domini tunicam ,  
& desuper textam , minutatim per frusta  
discerpit ; & Christi vineam exterminant vulpes , ut  
inter lacus contritos , qui aquam non habent , diffi-

cilè, ubi fons signatus, & hortus ille conclusus sit, possit intelligi: ideo mihi Cathedram Petri, & fidem Apostolico ore laudatam censui consulendam; inde nunc meæ animæ postulans cibum, undè olim Christi vestimenta suscepit. Neque verò tanta vastitas elementi diquentis, & interjacens longitudo terrarum, me à pretiosæ margaritæ potuit inquisitione prohibere. Ubicumque fuerit corpus, illuc congregabuntur & aquilæ. Profligato à sobole mala patria, apud vos solos incorrupta patrum servatur hæreditas. Ibi cespite terra fecundo. Dominici seminis puritatem centeno fructu refert: hic obruta sulcis frumenta in lolium avenasque degenerant. Nunc in occidente Sol justitiae oritur; in oriente autem Lucifer ille, qui ceciderat, supra sidera posuit thronum suum. Vos estis lux mundi, vox sal terræ, vos aurea vasa & argentea; hic testacea vasa, vel lignea, virgam ferream, & aeternum opperintur incendium. Quamquam igitur tui me terreat magnitudo, invitat tamen humanitas. A Sacerdote victimam salutis, à pastore præsidium ovis flagito. Facessat invidia, Romani culminis recedat ambitio: cum successore piscatoris, & discipulo Crucis loquor. Ego nullum primum nisi Christum sequens beatitudini tuæ, id est, Cathedræ Petri communione consocior: super illam petram ædificatam Ecclesiam scio. Quicunque extra hanc domum agnum comederit, profanus est. Si quis in Arca Noe non fuerit, peribit regnante diluvio. Et quia pro meis facinoribus ad eam solitudinem commigravi, quæ Syriam juncto Barbariæ fine disterminat; nec possum Sanctum Domini, tot interjacentibus spatiis, & sanctimonia tua semper expetere, ideo hic collegas tuos Ægyptios

confessores sequor, & sub onerariis navibus, parva navicula delitesco. Non novi Vitalem, Meletium respuo, ignoro Paulinum. Quicunque tecum non colligit, spargit: hoc est qui Christi non est, Antichristi est. Nunc igitur, proh dolor, post Nicenam fidem, post Alexandrinum juncto pariter occidente decretum trium hypostaseon ab Arianorum præsule, & Campensibus, novellum à me, homine Romano, nomen exigitur. Qui, quæso, isti Apostoli prodidere? quis novus Magister gentium Paulus hæc docuit? Interrogemus, quid tres hypostases posse arbitrentur intelligi. Tres personas subsistentes, ajunt. Respondemus nos ita credere. Non sufficit sensus, ipsum nomen efflagitant: quia nescio quid veneni in syllabis latet. Clamamus, si quis tres hypostases, aut tria enypostata, hoc est, tres subsistentes personas non confitetur, anathema sit. Et quia vocabula non ediscimus, hæretici, judicamur. Si quis autem hypostasim unam intelligens, non in tribus personis usiam hypostasim dicit, alienus à Christo est: & sub hac confessione vobiscum pariter cauterio unionis inurimur. Discernite, si placet, obsecro non timebo tres hypostases dicere: si jubetis, condatur nova pos Nicenam fides: & similibus verbis, cum Arianis confitemamur orthodoxi. Tota sæcularium litterarum schola nihil aliud hypostasim, nisi usiam novit. Et quis, rogo, ore sacrilego tres substantias predicabit? Una est Dei & sola natura, quæ verè est. Id enim quod subsistit, non habet aliundè, sed suum est. Cætera quæ creata sunt, etiam si videntur esse, non sunt; quia aliquando non fuerunt, & potest, rursus non esse, quod non fuit. Deus solus, qui æternus est, hoc est qui exordium non habet, essentia nomen verè te-

## EPISTOLA

net. Idecirco & ad Moysen de rubo loquitur: Ego sum, qui sum: & rursum: qui est, me misit. Erant uti-que tunc Angeli, Cœlum, terra, maria. Et quomodo commune nomen essentiae propriè sibi vindicat Deus? Sed quia illa sola natura est perfecta, & in tribus personis Dietas una subsistit, quæ est verè, & una natura est: quisquis tria esse, hoc est tres esse hy-postases, id est: usias dicit, sub nomine pietatis tres naturas conatur asserere. Et si ita est, cur ab Ario parietibus separamur, perfidia copulati? Jungatur cum beatitudine tua Ursicinus, cum Ambrosio societur Auxentius. Absit hoc à Romana fide: sacrilegium tan-tum religiosa populorum corda non hauriant. Sufficiat nobis dicere, unam substantiam, tres Personas sub-sistentes, perfectas, æquales, coæternas. Taceantur tres hypostases: si placet, & una teneatur. Non bona suspicionis est, cum in eodem sensu verba dis-sentient. Sufficiat nobis memorata credulitas. Aut, si rectum putatis tres hypostases cum suis interpreta-tionibus debere nos dicere, non negamus: sed, mihi credite, venenum sub melle latet, transfiguravit se angelus satanæ in angelum lucis. Benè interpretantur hypostasim, & cum id, quod ipsi exponunt, habere me dicam, hæreticus judicor. Quid tam anxie unum verbum tenent? quid sub ambiguo sermone latitant? Si sic credunt, ut interpretantur, non damno quod retinent. Si sic credo, ut ipsi sentire se simulant, per-mittant & mihi meis verbis suum sensum loqui. Quamobrem obtestor beatitudinem tuam per Crucifixum, mundi salutem, per homousion Trinitatem, ut mihi epistolis tuis, sive tacendarum, sive dicendarum hypostaseon detur authoritas. Et ne fortè obscuritas loci in quo dego, te fallat; per bajulos litte-

## AD DAMASUM.

rarum ad Evagrium Presbyterum, quem optimè nos-ti, dignare scripta transmittere; simul etiam cui apud Antiochiam debeam communicare signifies: quia Camponenses cum Thrasensis hæreticis copulati, ni-hil aliud ambient, quam ut autoritate communionis vestræ fulti, tres hypostases cum antiquo sensu præ-dicent.

## HIERONYMUS AD DAMASUM.

## Argumentum Epistolæ.

Cum vehementer vexaretur Hieronymus, & Damasus non responderet, de eadem re iterum interpellat bla-ditiis & obtestationibus adnitens, ut impeiret res-ponsum.

**I**mportuna in Evangelio mulier tandem meruit au-diri: & clauso cum servis ostio, media licebat nocte, ab amico panes amicus accepit. Deus ipse, qui nullis contra se viribus superari potest, publicani precibus vincitur. Ninive civitas, quæ peccato periit, fletibus stetit. Quorsum ista tam longo repetita principio? Videlicet, ut parvum magnus aspicias: ut dives pastor morbidam non contemnas ovem. Christus in paradisum de Cruce latronem intulit: Et ne quis aliquando seram conversionem putaret, fecit homicidii poenam martyrum. Christus, inquam, pro-dignum filium revertentem Iesus amplectitur, & no-naginta novem pecudibus derelictis, una ovicula, quæ remanserat, humeris boni pastoris advehitur. Paulus ex persecutore fit prædictor: oculis carnali-bus excæcatur, ut mente plus videat, & qui vincitos

Christi famulos ducebatur ad concilium Judæorum, ipse postea etiam de Christi vinculis gloriatur. Ego igitur, ut ante jam scripsi, Christi vestem in Romana urbe suscipiens, \* nunc barbaro Syriæ limite teneor. Et ne putes alterius hanc de me fuisse sententiam, quid mererer, ipse constitui. Verum ut ait Gentilis Poeta, *Cælum, non animum mutat, qui trans mare currit:* Ita me incessabilis inimicus post tergum secutus est, ut majora in solitudine bella nunc patiar. Hinc enim præsidii fulta mundi Ariana rabies fremit. Hinc in tres partes scissa Ecclesia ad se rapere me festinat: Monachorum circa manentium antiqua in me surgit authoritas. Ego interim clamito, si quis cathedræ Petri jungitur, meus est. Meletius, Vitalis, atque Paulinus tibi hærente se dicunt: possem credere, si hoc unus assereret. Nunc aut duo mentiuntur, aut omnes. Idcirco obtestor beatitudinem tuam per Crucem Domini, per necessarium fidei nostræ decus, per passionem Christi, ut qui Apostolus honore sequeris, sequareris & merito. Ita in solo cum duodecim iudicaturus sedeas: ita te alius senem cum Petro cingat; ita municipatum coeli cum Paulo consequaris, ut mihi litteris tuis apud quem in Syria debeam communicare significes. Noli despiciere animam, pro qua Christus mortuus est.

\* Aserit se Romæ baptizatum fuisse: & elegantē baptiſtum, Christi vestem appellat.

## HIERONTMUS AD MARCELLAM.

## Argumentum Epistolæ.

*Excusat se quod paucis scripserit, nimirum occupatus conferendis Hebræorum voluminibus editioni Aquilæ.*

UT tam parvam epistolam scribebam, causæ duplicitis fuit; quod & tabellarius festinabat, & ego alio opere detentus hoc quasi *parergo* \* me occupare noluit. Quæris, quidnam illud sit, tam grande, tam necessarium, quo epistolæ confabulationes minus exclusum sit. Jampridem cum voluminibus Hebræorum editionem Aquilæ confero, ne quid forsitan propter odium Christi Synagoga mutaverit; &, ut amicæ menti fatear, quæ ad nostram fidem pertinent roborandam, plura reperio. Nunc à Prophetis, Salomone, Psalterio, Regnorumque libris ex amissim recensitis Exodum teneo, quem illi *Ellesemoth* vocant, ad Leviticum transiturus. Vides igitur quod nullum officium huic operi præponendum est. Attamen ne Currentius noster forte frustra cucurrit, duas epistolas, quas ad sororem tuam Paulam, ejusque pignus Eustochium miseram, huic sermurculo annexui: ut dum illas legeris, & in his aliquid doctrinæ pariter ac leporis invenieris, putes tibi quoque scripta esse quæ illis scripta sunt. Albinam communem matrem valere cupio: de corpore loquor, ut spiritu valeat non ignorans. Eamque per te sa-

N 4

\* *Parergon*: id quod alicui rei præter propositum additur.

lutari obsecro, & dupli pietatis officio focillari quod in una atque eadem Christiana simul diligatur, & mater.

## HIERONTMUS ALIPIO, ET AUGUSTINO.

## Argumentum Epistolæ.

*Augustino gratulatur, cujus opera Celestiana hæresis à Celestio sectatore Pelagii orta, sit extincta. Excusat se quod nondum scripscerit adversus libros Anniani Diaconi, qui & ipse Celestii discipulus fuit.*

**S**anctus Innocentius Presbyter, qui hujus sermonis est portitor anno præterito, quasi nequaquam in Africam reversurus, mea ad dignationem vestram scripta non sumpsit. Tamen Deo gratias agimus, quod ita evenit, ut nostrum silentium vestris epistolis vinceretis. Mihi enim omnis occasio gratissima est, per quam scribo vestræ reverentia: testem invocans Deum, quod si posset fieri, assumptis alis columbæ vestris amplexibus implicarer; semper quidem pro merito virtutum vestrarum, sed nunc maximè, quia cooperatoribus, & authoribus vobis, hæresis Celestiana jugulata est; quæ ita inficit corda multorum, ut cum superatos, damnatosque esse se sentiant, tamen venena mentium non omittant; &, quod solum possunt, nos oderint, per quos putant se libertatem docendæ hæreos perdidisse. Quod autem queritis. Utrum rescripserim contra libros Anniani Pseudodiaconi Celedensis, qui copiosissimè pascitur, ut alienæ blasphemiae verba frivola subministret; sciatis me ipsos libros in schedulis missos à sancto fratre nostro

Eusebio Presbytero suscepisse; non ante multum temporis; & ex inde vel ingruentibus morbis, vel dormitione sanctæ & venerabilis filiæ vestræ Eustochii ita doluisse, ut propemodum contemnendos putarem: in eodem enim luto hæsitat, & exceptis verbis tinnulis, atque emendatis, nihil aliud loquitur. Tamen multum egimus, ut dum epistolæ meæ respondere co-natur, apertius se proderet; & blasphemias suas omnibus patefaceret. Quicquid enim in illa miserabili Synodo Diospolitana dixisse se denegat, in hoc opere confitetur. Nec grande est ineptissimis neniis respondere. Si autem Dominus vitam tribuerit, & notarium habuerimus copiam, paucis lucubrationculis respondebimus: non ut convincamus hæresim mortuam; sed ut imperitiam, atque blasphemiam ejus nostris sermonibus confutemus. Meliusque hoc faceret sanctitas vestra: ne compellamur contra hæreticum nostra laudare. Sancti filii communes, Albinus. Apinianus, & Melania plurimum vos salutant. Has literas de sancta Bethlehem, sancto Præsbytero Innocentio dedi perferendas. Neptis vestra Paula miserabiliter depicatur, ut memores ejus sitis, & multum vos salutat. Incolumes vos, & memores mei, Domini Nostri Iesu Christi tueatur clementia, Domini verè sancti, atque omnium affectione venerabiles Patres.

## HIERONYMUS AD AUGUSTINUM.

## Argumentum Epistolæ.

*Gratulatur ejus industria, per quem Hæreticorum factio-  
nes extinctæ sunt, & extinguantur; qua quidem  
in re suum quoque studium testificatur.*

**O**nus quidem tempore beatitudinem tuam eo, quo  
debet honore veneratus sum, & habitantem in  
te dilexi Dominum Salvatorem; & tunc, si fieri po-  
test, cumulo aliquid addimus, & plenè complemus,  
ut absque tui nominis mentione, ne unam quidem ho-  
ram præterire patiamur, qui contra flantes ventos ar-  
dore fidei persististi. Maluisti, quantum in te fuit,  
solus liberari de Sodomis, quam cum pereuntibus  
commorari. Scit, quid dicam prudentia tua Mæcte vir-  
tute, in urbe celebraris: catholici te conditorem  
antiquæ rursum fidei venerantur, atque suscipiunt;  
&, quod signum majoris gloriæ est, omnes hæretici  
detestantur, & me pari persequuntur odio; ut quos  
gladiis nequeunt, voto interficiant. Incolumem, &  
mei memorem te Christi Domini clementia tueatur,  
Domine venerande & Beatissime Papa.

UNIVERSITATIS NACIONAL DE NUEVO LEÓN

DIRECCIÓN GENERAL DE

## HIERONYMUS AD AUGUSTINUM.

## Argumentum Epistolæ.

*Post salutationes ultro citroque factas, nunciat extinc-  
tas hæreses clam ab Episcopo Hirosolymitano adhuc  
defendi.*

**M**ulti utroque claudicant pede, & ne fratriis qui-  
dem cervicibus inclinantur, habentes affectum  
erroris pristini, cum prædicandi eandem non habeant  
libertatem. Sancti fratres, qui cum nostra sunt par-  
vitatem, præcipue sanctæ ac venerabiles filiæ tuæ sup-  
pliciter te salutant. Fratres tuos dominum meum Ali-  
pium, & dominum meum Evodium, ut meo nomine  
salutes, precor coronam tuam. Capta Jerusalem tene-  
tur à Nabuchodonosor, nec Jæremiæ vult audire con-  
silia: quin potius Ægyptum desiderat, ut moriatur  
in Taphenes, & ibi servitute pereat sempiterna.

## HIERONYMUS MAGNO ORATORI ROMANO.

## Argumentum Epistolæ.

*Ruffinus subornarat Magnum quemdam Oratorem Roma-  
num, qui quæreret ab Hieronymo, cur litteris Ecclesiasti-  
cis admiseret litteras Ethnicoram, & sacra profa-  
nis contaminaret. Huic ratione reddit, ostenditque  
quatenus id liceat, & quorum exemplo id faciat.*

**S**ebesum nostrum tuis mōnitis profecisse, non tam  
epistola tua, quam ipsius pœnitudine didicimus.

## HIERONYMUS AD AUGUSTINUM.

## Argumentum Epistolæ.

*Gratulatur ejus industria, per quem Hæreticorum factio-  
nes extinctæ sunt, & extinguantur; qua quidem  
in re suum quoque studium testificatur.*

**O**nus quidem tempore beatitudinem tuam eo, quo  
debet honore veneratus sum, & habitantem in  
te dilexi Dominum Salvatorem; & tunc, si fieri po-  
test, cumulo aliquid addimus, & plenè complemus,  
ut absque tui nominis mentione, ne unam quidem ho-  
ram præterire patiamur, qui contra flantes ventos ar-  
dore fidei persististi. Maluisti, quantum in te fuit,  
solus liberari de Sodomis, quam cum pereuntibus  
commorari. Scit, quid dicam prudentia tua Mæcte vir-  
tute, in urbe celebraris: catholici te conditorem  
antiquæ rursum fidei venerantur, atque suscipiunt;  
&, quod signum majoris gloriæ est, omnes hæretici  
detestantur, & me pari persequuntur odio; ut quos  
gladiis nequeunt, voto interficiant. Incolumem, &  
mei memorem te Christi Domini clementia tueatur,  
Domine venerande & Beatissime Papa.

UNIVERSITATIS NACIONAL DE NUEVO LEÓN

DIRECCIÓN GENERAL DE

## HIERONYMUS AD AUGUSTINUM.

## Argumentum Epistolæ.

*Post salutationes ultro citroque factas, nunciat extinc-  
tas hæreses clam ab Episcopo Hirosolymitano adhuc  
defendi.*

**M**ulti utroque claudicant pede, & ne fratriis qui-  
dem cervicibus inclinantur, habentes affectum  
erroris pristini, cum prædicandi eandem non habeant  
libertatem. Sancti fratres, qui cum nostra sunt par-  
vitatem, præcipue sanctæ ac venerabiles filiæ tuæ sup-  
pliciter te salutant. Fratres tuos dominum meum Ali-  
pium, & dominum meum Evodium, ut meo nomine  
salutes, precor coronam tuam. Capta Jerusalem tene-  
tur à Nabuchodonosor, nec Jæremiæ vult audire con-  
silia: quin potius Ægyptum desiderat, ut moriatur  
in Taphenes, & ibi servitute pereat sempiterna.

## HIERONYMUS MAGNO ORATORI ROMANO.

## Argumentum Epistolæ.

*Ruffinus subornarat Magnum quemdam Oratorem Roma-  
num, qui quæreret ab Hieronymo, cur litteris Ecclesiasti-  
cis admiseret litteras Ethnicoram, & sacra profa-  
nis contaminaret. Huic ratione reddit, ostenditque  
quatenus id liceat, & quorum exemplo id faciat.*

**S**ebesum nostrum tuis mōnitis profecisse, non tam  
epistola tua, quam ipsius pœnitudine didicimus.

Et mirum in modum , plus correptus placuit , quām errauis læserat . Certaverunt inter se indulgentia parentis , & filii pietas dum alter præteriorum non meminit , alter in futurum quoque officia pollicetur . Unde & mutuò nobis , tibique gaudendum est : quia nos filium receperimus , tu discipulum comprobasti . Quod autem queris in calce epistolæ tuæ , cur in opusculis nostris sacerularium litterarum interdum ponamus exempla , & candorem Ecclesie ethnicorum sordibus polluamus : responsum breviter habeto . Nunquam hoc quæreres , nisi te tortum Tullius possideret , si Scripturas Sanctas legeres , si interpretes earum , omisso Voltatio , evolveres . Quis enim nesciat , & in Moyse , & in Prophetarum voluminibus quædam assumpta de Gentilium libris , & Salomonem philosophis Tyri & nonnulla proposuisse , & aliqua respondisse ? Unde in exordium Proverbiorum commonet , ut intelligamus sermones prudentiarum , versutiasque verborum , parabolas , & obscurum sermonem , dicta sapientiarum , & enigmata quæ propriè dialecticorum , & philosophorum sunt . Sed & Paulus Apostolus Epimenidis Poeta abusus versiculo est , scribens ad Titum *kretes ari pseustai , kaka teria gasteres argai* : id est , Cretenses semper mandaces , malæ bestiæ , ventres pigri . Cujus heroici hemistichium postea Callimachus usurpavit . Nec mirum si apud Latinos metrum non servet ad verbum expressa translatio ; cum Homerus , eadem lingua versus in prosam , vix cohæreat . In alia quoque epistola Menandri ponit scenario : *Ptterus in etbe cresta omiliai kakai* . Id est : corrumpunt mores bonos colloquia mala . Et apud Athenienses in Martis curia disputans , Aratum testimoniū vocat , ipsius enim & genus sumus , quod Græ-

ce dicitur *Tou gar kai genos esmen* . Et est clausula versus heroici . Ac , nec parum hoc esset , ductor Christiani exercitus , & orator invictus , pro Christo causam agens , etiam inscriptionem fortuitam arte torquet in argumentum fidei . Didiceat enim à vero David , extorquere de manibus hostium gladium , & Galiae superbissimi caput proprio mucrone truncare . Legerat in Deuteronomio Domini voce præceptum mulieris captivæ radendum caput , supercilia , omnes pilos , & unguis corporis amputandos , & sic eam habendam in conjugio . Quid ergo mirum , si & ego sapientiam sacerularum , propter eloquii venustatem , & membrorum pulchritudinem , de ancilla atque captiva Israelitidem facere cupio ? & si , quidquid in ea mortuum est idolatriæ , voluptatis , erroris , libidinum , vel præcido , vel rado ; & mixtos purissimo corpori vernaculaos ex ea genero Domino Sabaoh ? Labor meus in familiam Christi proficit ; stuprum in alienam , auget numerum conservorum . Osee accepit uxorem fornicariam Gomer filiam Debeliam , & nascitur ei de meretrice filius Jezrael , qui vocatur semen Dei . Isaías novacula acuta barbam , & crura radit peccantium . Et Ezechiel in typo fornicantis Jerusalem tonder cæsarium suam , ut quidquid in ea absque sensu , & vita est , auferatur . Cyprianus vir eloquentia pollens , & martyrio , Firmiano narrante mordeatur , cur adversus Demertiadum scribens , testimoniis usus sit Prophetarum , & Apostolorum , quæ ille ficta & commentitia esse dicebat , & non potius philosophorum , & Poetarum , quorum autoritati , ut Ethnicus contraire non poterat . Scripserunt contra non Celsus , atque Porphyrius ; priori Origenes , alteri Methodius , Eusebius , & Apollinaris fortis .

sime responderunt : quorum Origenes octo scripsit libros : Methodius usque ad decem millia procedit versuum : Eusebius, & Apollinaris viginti quinque & triginta volumina condiderunt. Lege eos & inuenies nos comparatione eorum imperitissimos , & post tanti temporis otium ; vix quasi per somnium, quod pueri didicimus , recordari. Julianus Augustus septem libros in expeditione Parthica , adversum Christum evocauit , & juxta fabulas Poetarum, suo se ense laceravit. Si contra hunc scribere tentavero , puto interdices mihi , ne ravidum canem Philosophorum , & Stoicorum doctrinis, id est , Herculis clava repercutiam ; quamquam Nazarenum nostrum , & ( ut ipse solebat dicere ) Galilæum statim in prælio senserit , & mercedem lingua putidissimæ, contumelii perfossus acceperit. Josephus antiquitatem approbans Judaici populi , duos libros scripsit contra Appionem Alexandrinum Grammaticum , & tanta sæcularium profert testimonia , ut mihi miraculum subeat , quomodo vir Hebræus , & ab infantia sacris litteris eruditus , cunctam Græcorum Bibliothecam evolverit. Quid loquar de Philone, quem vel alterum , vel secundum Judæorum Platōnem Critici pronuntiant ? Curram per singulos. Quadratus , Apostolorum Discipulus & Atheniensis Pontifex Ecclesie , nonne Adriano Principi , Eleusinæ sacra invisit , librum pro nostra religione tradidit ? Et tantæ admirationi omnibus fuit , ut persecutionem gravissimam illius excellens sedaret ingenium. Aristides Philosophus , vir eloquentissimus, eidem Principi apologeticum pro Christianis obtulit, contextum Philosophorum sententiis ; quem imitatus postea Justinus , & ipse Philosophus , Antonino

Pio , & filiis ejus , Senatuique librum contra Gentiles tradidit , defendens ignominiam Crucis , & Resurrectionem Christi tota prædicans libertate. Quid loquar de Melitone Sardensi Episcopo ? Quid de Appollinario Hierapolitanæ Ecclesiæ Sacerdote , Dionysioque Corinthiorum Episcopo , & Tatiano , & Bardesane , & Hirenæ Potini , Martyris successore , qui Originis hæreseon singularum venena , ex quibus Philosophorum fontibus emanarint , multis voluminibus explicarunt , Pantænus , Stoicæ sectæ Philosophus , ob præcipue eruditionis gloriam , à Demetriano Alexandrinæ Episcopo missus est in Indiam , ut Christum apud Brachmanas , illius gentis Philosophos prædicaret. Clemens Alexandrinæ Ecclesiæ Presbyter vir meo iudicio omnium eruditissimus , octo scripsit Stromatum libros , & totidem *Hypotyposeson* , & alium contra gentes pædagogi quoque tria volumina. Quid in illis indoctum, imo quid non è media philosophia est ? Hunc imitatus Origenes , decem scripsit Stromateas , Christianorum & philosophorum inter se sententias comparans , & omnia nostræ religionis dogmata de Platone , & Aristotele , Numenio, cornutoque confirmans. Scripsit & Mihiades contra gentes volumen egregium ; Hyppolytus quoque , & Appollonius, Romanæ urbis Senator propria opuscula condiderunt. Extant & Julii Africani libri qui temporum scripsit historias : & Theodori , qui postea Gregorius appellatus est , viri Apostolicorum signorum atque virtutum , & Dionysii Alexandrinini Episcopi: Anatolii quoque Laodicenæ Ecclesiæ Sacerdotis, necnon Presbyterum Pamphili , Pietii , Luciani, Malchionis, Eusebii Cæsariensis Episcopi , & Eusta-

thii Antiocheni , et Athanasii Alexandrini : Eusebi⁹ quoque Emisseni , & Triphillii Cyprii , & Asterii Scythopolytæ , & Serapionis confessoris : Titi quoque Bostrensis Episcopi ; Cappadocumque Basilii , Gregorii , & Amphilochii : qui omnes in tantum Philosophorum doctrinis , atque sententiis suos refarcient libros , ut nescias quid in illis primum admirari debas , eruditionem sœculi , an scientiam Scripturarum . Veniam ad Latinos . Quid Tertulliano eruditius ? quid acutius ? Apologeticus ejus , & contra gentes libri , cunctam sœculi continent disciplinam . Minutius felix causidicus Romani fori , in libro , cui titulus Octavius est , & in altero contra Mathematicos , si tamen inscriptio non mentitur authorem , quid gentilium scripturarum dimisit intactum ? Septem libros adversus gentes Arnobius edidit , totidemque discipulos ejus Lactantius , qui de ira quoque , & opificio Dei duo volumina condidit , quos , si legere volueris , dialogorum Ciceronis in eis *Epitomen* repères . Victorino martyri in libris suis licet desit eruditio , tamen non deest eruditionis voluntas . Cyprianus , quod idola dii non sint , qua brevitate , qua historiarum omnium scientia , quorum verborum , & sensuum splendorem perstrinxit ? Hilarius meorum Confessor temporum & Episcopus , duodecim Quintiliani libros & stylo imitatus est , & numero : breve libelo , quem scripsit contra Diocorum medicum , quid in literis possit , ostendit . Juvencus Presbyter sub Constantino , historiam Domini Salvatoris versibus explicavit ; nec pertinuit Evangelii majestatem sub metri leges mittere . De cæteris vel mortuis , vel viventibus ratoe , quorum in scriptis suis & vires manifestæ sunt , & voluntas .

Nec statim prava opinione fallaris contra gentes hoc esse licitum , in aliis disputationibus dissimulandum quia omnes penè omnium libri , exceptis his , qui cum Epicuro litteras non dederunt , eruditionis doctrinae plenissimi sunt . Mihi quamquam ego illud magis reor , quod dictanti venit in mentem , non te ignorare quod semper à doctis viris usurpatum est . Sed per te mihi proponi ab alio quæstionem , qui fortè propter amorem historiarum Sallustii , Calphurnus cognomento Lanarius sit : Cui , quæso , ut suades , ne vescentium dentibus edentulus invideat : & oculos caprearum talpa contemnat . Dives , ut cernis , ad disputandum materia , sed jam epistolæ angustia finienda est .

## HIERONTMUS AD AUGUSTINUM.

Argumentum Epistolæ .

*Excusat se Hieronymus , quod nondum responderit , adhortans Augustinum ad mutuum amorem : nonnihil quærens ad Ruffini adversus se debacchionem .*

**I**n ipso profectionis articulo sancti filii nostri Astetri hypodiaconi , necessarii mei , beatitudinis tuae litteræ ad me pervenerunt ; quibus satisfacis , te contra parvitatem meam librū Romam non misisse . Hoc nec ego factum audieram ; sed epistolæ cujusdam quasi ad me scriptæ per fratrem nostrum Sysinium diaconum huc exemplaria pervenerunt : in qua hortaris me , ut palinodiam super quodam Apostoli capitulo canam ; & imiter Stesichorum inter vituperationes & laudes Helenæ fluctuantem ; ut qui de-

## EPISTOLA

trahendo oculos perdiderat , laudando receperit. Ego simpliciter fateor dignationi tuae , licet stylus , & *Epecheiremata* \* tua mihi viderentur , tamen non temere exemplaribus litterarum credendum putavi ; ne forte me respondentे læsus , justè expostulares , quod probare ante debuissem tuum esse sermonem , & sic rescribere. Accessit ad moram sanctæ & venerabilis Paulæ longa infirmitas. Dum enim languenti multo tempore assidemus , pene Epistolæ tuae , vel ejus , qui sub tuo nomine scripserat , oblii sumus , memores illius versiculi : *Musica in luctu importuna narratio.* \* Itaque si tua est epistola , aperte scribe vel mitte exemplaria veriora , ut absque ullo rancore stomachi in Scripturarum disputatione versemur , & vel nostrum emendemus errorem , vel alium frustra reprehendisse doceamus. Absit autem à me , ut quidquam de libris tuae beatitudinis attingere audeam. Sufficit enim mihi probare mea & aliena non carpare. Cæterum optime novit prudentia tua , unumquemque in suo sensu abundare , & puerilis esse jactantia , quod olim adolescentuli facere consueverant , accusando illustres viros , suo nomini famam querere. Nec tam stultus sum , ut diversitate explanationum tuarum me lædi putem : quia nec tu læderis , si nos contraria senserimus. Sed illa est vera inter amicos reprehensio , si , nostram peram non videntes , aliorum , juxta Persium , manticam consideremus. Superest ut diligas diligentem te , & in Scripturarum campo juvenis senem non provokes. Nos nostra habuimus tempora , & cucurrimus quantum potuimus ; nunc , te currente , & longa spatia transmeante , no-

\* Id est : Aggressiones , & argumentationes.

\*\* Eccles. 22.

## AD AUGUSTINUM.

bis debetur otium : simulque ( ut cum honore tuo & venia dixerim ) ne solus mihi de Poetis aliquid proposuisse videaris , memento Daretis , & Entelli , & vulgaris Proverbii ; quod *bos lasus fortius figat pedem*. Tristes hæc dictavimus : utinam meremur complexus tuos , & collatione mutua , vel doceremus aliqua , vel disceremus. Misit mihi temeritate solita , sua maledicta Calphurnius cognomento Lanarius , quæ ad Africam quoque studio ejus didicit pervenisse. Ad quæ breviter ex parte respondi , & libelli ejus vobis nisi exemplaria , latius opus , cum opportunum fuerit , primo missurus tempore : in quo illud cavi , ne in quoquam existimationem læderem Christianam , sed tantum ut delirantis , imperitique mendacium , ac vecordiam confutarem. Memento mei , sancte & venerabilis Papa. Vide quantum te diligam , ut ne provocatus quidem voluerim respondere , nec credam tuum esse , quod in altero forte reprehenderem. Frater communis suppliciter te salutat.

## HIERONYMUS AD AUGUSTINUM.

Argumentum Epistolæ.

Orosius in fine historiæ testatur sibi cum Hieronymo fuisse colloquium , libros duos , alterum de origine animæ , alterum de loco explicando ex epistolis Jacobi probat. Cæterum excusat se quod non responderit.

**V**irum honorabilem fratrem meum filium dignationis tuae Orosium Presbyterum , & sui merito , & te jubente suscepi. Sed incidit tempus difficillimum quando mihi tacere melius fuit , quam loqui ; ita ut nostra studia cessarent , & juxta Apium

## EPISTOLA

canina exerceatur facundia. Itaque duobus libellis  
tuis quos meo nomini dedicasti , eruditissimis , &  
omni eloquentiae splendore fulgentibus, respondere non  
potui. Non quod quidquam in illis reprehendendum  
putem; sed quia juxta Apostolum, unusquisque in suo  
sensu abundet : alius quidem sic, alius autem sic. Cer-  
te quidquid dici potuit , & sublimi ingenio de Scrip-  
turarum Sanctorum hauriri fontibus , à te positum,  
atque dissertum est. Sed quæso reverentiam tuam,  
parumper patiaris me tuum laudare ingenium. Nos  
enim inter nos eruditionis causa disserimus. Cæte-  
rum æmuli , & maxime hæretici, si diversas inter nos  
sententias viderint , de animi calumniabuntur ran-  
core descendere. Mihi autem decretum est te ama-  
re , te suscipere , colere , mirari , tuaque dicta quasi  
mea defendere. Certe & in dialogo, quem nuper edidi,  
tuæ beatitudinis , ut dignum fuerat , recordatus sum,  
magisque demus operam , ut perniciosissima hæresis de  
Ecclesiis auferatur quæ semper simulat pœnitentiam,  
ut docendi in Ecclesiis habeat facultatem ; ne si aper-  
ta se luce prodderit , foras expulsa moriatur. Sanc-  
tae , ac venerabiles filiae tuæ Eustochium , & Paula,  
& genere suo , & exhortatione tua dignè gradiuntur,  
specialiterque salutant beatitudinem tuam ; omnis  
quoque fraternitas , quæ nobiscum Domino Salva-  
tori servire conatur. Sanctum Presbyterum Firmum  
anno præterito ob rem earum Ravenam , & inde  
Africam , Siciliamque direximus , quem putamus  
jam in Africæ partibus commorari. Sanctos tuo adhæ-  
rentes lateri , ut meo obsequio salutes precor. Lit-  
teras quoque meas ad sanctum Presbyterum Firmum  
direxi ; quæ si ad te venerint , ei dirigere non grave-  
ris. Incolumem te , & mei memorem Christus Do-

## AD AUGUSTINUM.

minus custodiat , Domine vere sancle , & beatissi-  
me Papa. Grandem Latini sermonis in ista Provincia  
notariorum patimur penuriam : & idcirco præceptis  
tuis parere non possumus , maximè in editione Sep-  
tuaginta , quæ asteriscive , rubusque distincta est.  
Pleraque enim prioris laboris ob fraudem cuiusdam  
amisimus.

## HIERONYMUS AD AUGUSTINUM

## Argumentum Epistolæ.

*Resalutat Augustinum , excusans quod liberius res-  
ponderit , & rursum de cucurbita meminit , hor-  
tans , ut super bac re sua legat commentaria , &  
tandem , ut omissis contentiosis questionibus versen-  
tur in campo Sacrarum Scripturarum.*

CUM à sancto fratre nostro Firmino sollicitè quæ-  
rerem , quid ageres , sospitem te lætus audivi.  
Rursum cum tuas litteras non dico sperarem , sed  
exigerem , nesciente te , ex Africa prosectum se  
esse dixit. Itaque reddo tibi per eum salutatio-  
nis officia , qui te unico amore complectitur : si-  
mulque obsecro , ut ignoscas pudori meo , quod  
diu ut rescriberem præcipienti negare non potui;  
nec ego tibi , sed causa causæ respondit. Etsi  
culpa est respondisse , quæso ut patienter audias:  
multo major est provocasse. Sed facessant istius-  
modi querimonia : sit inter nos pura germanita:  
& deinceps non quæstionum , sed charitatis ad  
nos scripta mittamus. Sancti fratres qui nobis-  
cum Domino serviant affatim te salutant. Sanc-

## EPISTOLA

tos qui tecum Christi leve trahunt jugum , præcipue sanctum & suscipiendum Papam Alipium, ut meo obsequio salutes , precor. Incolumen te , & memorem mei Christus Deus noster tueatur omnipotens , domine verè sancte & beatissime Papa. Si legisti librum explanationum in Jonam , puto quod ridiculum cucurbitæ non recipias quæstionem. Sin autem , amicus qui me primus gladio petuit, stylo repulsus est : sit humanitatis tuae , atque justitiae accusantem reprehendere, non respondentem. In Scripturarum , si placet, campo sine nostro invicem dolore ludamus.

## HIERONYMUS AD BONASUM.

## Argumentum Epistole.

*Bonasum obtrectatorem quempiam ridet ; quid , quod Hieronymus in suis libris adversus vitia scripsérat , ad suam contumeliam pertinere putabat.*

**M**edici , quos vocant Chirurgicos , crudeles putantur , & miseri sunt. An non est miseria alienis non dolere vulneribus , & mortuas carnes inclementi secare ferro ? non horrere curantem , quod horret ipse qui patitur , & inimicum putari ? Ita se natura habet , ut amara sit veritas , blanda vitia existentur. Isaias in exemplum captivitatis futurae , nudus non erubescit incedere. Jeremias de media Jerusalem ad Euphratem fluvium Mesopotamiae mittitur , ut inter inimicas gentes , ubi est Assyrius , & castra sunt Chaldaeorum , ponat *perizoma* corruptendum , Ezechiel stercore primum humano , deinde bubulo , panem de omni semente consparsum edere jubetur , &

## AD BONASUM.

uxoris interitum siccis oculis videt ; Amos de Samaria pellitur. Cur quæso ? Nempe ideo , quid Chirurgici spirituales , secantes vitia peccatorum , ad poenitentiam cohortabantur. Paulus Apostolus : Inimicus , inquit , vobis factus sum verum dicens. Et quia Salvatoris dura videbantur eloquia , plurimi discipulorum retrorsum abierunt. Unde non mirum est , si & nos ipsi vitiis detrahentes , offendimus plurimos. Disposui nasum secare foetentem , timeat qui strulosus est. Volo corniculæ detrahere garrenti : raucidulam se intelligat cornix. Nunquid unus in urbe Romana est , qui habeat truncas in honesto vulnere nares ? Nunquid solus Bonasus Segestanus cava verba , & in modum vesicarum tumentia , \* buccis trutinatur inflatis ? Dico quosdam sceletere , periurio , falsitate , ad dignitatem nescio quam pervenisse. Quid ad te , qui te intelligis innocentem ? Rideo advocatum , qui patrono egeat : quadrante dignam eloquentiam nare subsanno. Quid ad te , qui disertus est ? Volo in numerosios invehiri Sacerdotes : tu qui dives non es , quid irasperis ? Clausum cupio suis ignibus ardere Vulcanum. Nunquid hospes ejus es , aut vicinus , quod à delubris idoli niteris incendia submovere ? Placet mihi de larvis , de bubone , de noctua , de Nilicis ridere portentis. Quidquid dictum fuerit , in te dictum putas. In quocumque vitium , stili mei mucro contorquetur ; te clamitas designari. Conserta manu in jus vocas ; & satyricum scriptorem in prosa arguis. An ideo tibi bellus videris , quia fausto vocaris nomine ? quasi non & lucus ideo dicatur , quod minimè luceat ; & parcæ , quod nequaquam parcant ; &

O 4

\* Ampullas & sesquipedalia verba vocat Horat. Significat autem sermonem qui loquentiae multum , & parum eruditionis habet.

Eumenides furia, quod non sint benignæ; & ulcerentur argentei. Quod si in discreptione fœdorum semper irasceris, jam tibi cum Persio cantabo. Optem te generum rex, & regina: pueræ te rapiant: quidquid calcaveris, hoc rosa fiat. \* Dabo tamen consilium, quibus absconditis possis pulchrior apparere. Nasus non videatur in facie, sermo non sonet ad loquendum, atque ita & formosus, & disertus videri poteris.

\* Pers. Sat. 2.

**DIVI HIERONTMI IN PENTATEUCHUM**  
Moysi præfatio ad Desiderium.

Argumentum Epistolæ.

*Praefatio in Pentateuchum, qua reddit rationem, quæ consilio post editionem Septuaginta, vetus Testamentum ex Hebraeorum voluminibus latine verterit.*

**D**Esiderii mei desideratas accepi epistolas, qui quoddam præsagio futurorum cum Daniele sortitus est nomen, obsecrantis ut translatum in Latinam linguam de Hebreo sermone Pentateuchum nostrorum auribus tradentem. Periculoso opus certe, & obtrectatorum meorum latribus patens, qui me asserunt in Septuaginta Interpretum sugillationem, nova pro veteribus cedere, ita ingenium quasi vinum probantes: cum ego sæpissime testatus sim, me pro virili portione in tabernaculo Dei offerre quæ possim, nec opes alterius aliorum paupertate fœdari. Quod ut auderem, Origenis me studium provocavit, qui editioni antiquæ translationem Theodotionis miscuit, asterico & obelo opus omne distin-

guens; dum aut illuscere facit, quæ minus antefuerant, aut superflua quæque jugulat, & confudit, maximèque Evangelistarum, & Apostolorum authoritas promulgavit, in quibus multa de veteri Testamento legimus, quæ in nostris codicibus non habentur, ut est illud: Ex Ægypto vocavi filium meum. Et: Quoniam Nazareus vocabitur. Et: Videbunt in quem compunxerunt. Et: Glumina de ventre ejus fluent aquæ vivæ. Et: Quæ nec oculus vidit, nec auris audivit, nec in cor hominis ascenderunt, quæ preparavit Deus diligentibus se. Et alia multa quæ proprium *syntagma* \* desiderant. Interrogemus ergo eos ubi hæc scripta sint, & cum dicere non potuerint, de libris Hebraicis proferamus. Primum testimonium est in Ossee: secundum in Isaia: tertium in Zacharia: quartum in Proverbis: quintum æquè in Isaia, quod multi ignorantes apochryphorum deliramenta sectantur, & Hiberas nærias libris authenticis præferunt. Causas erroris non est meum exponere. Judæi prudenti factum dicunt esse consilio, ne Ptolemæus, unius Dei cultor, etiam apud Hebræos duplēm divinitatem deprehenderet. Quod maximè idcirco faciebant, quia in Platonis dogma cadere videbatur. Denique ubicumque sacratum aliquid Scriptura testatur de Patre & Filio & Spiritu Sancto, aut aliter interpretati sunt, aut omnino tacuerunt; ut & Regi satisfacerent, & arcanum fidei non vulgarent. Et nescio quis primus author, Septuaginta cellulas Alexandriæ mendatio suo extruxerit, quibus divisi, eadem scripserant: cum Aristea ejusdem Ptholomæi \*\* *hyperaspites*, & multo post tempore Josephus, nihil tale retulerint; sed in una

\* Id est, *compositione*, sive *opus*. \*\* Id est, satelles ac protector, à clypeo, qui *aspis* græcè dicitur.

basilica congregatos , contulisse quod scribebant, non prophetasse. Aliud est enim vatem , aliud est esse interpretarem. Ibi spiritus ventura prædictit, hic eruditio , & verborum copia ea quæ intelligit , transfert. Nisi fortè putandus est Tullius *Œconomicon* Xenophontis , & Platonis *Protagoram* , & Demosthenis pro Cresiphonte orationem afflatus rhetorico spiritu transtulisse : Aut aliter de eisdem libris per Septuaginta Interpretes , aliter per Apostolos Spiritus Sanctus testimonia texuit; ut quod illi tacuerunt , hiscriptum esse mentiti sunt. Quid igitur? damnamus veteres? Minime , sed post priorum studia, in domo Domini , quod possumus , laboramus. Illi interpretati sunt ante adventum Christi , & quod nesciebant dubiis protulere sententiis: nos verò post Passionem & Resurrectionem ejus , non tam prophetiam , quam historiam scribimus ; aliter enim auditæ , aliter visa narrantur : quod melius intelligimus , melius & proferimus. Audi igitur æmule , obtrectator ausulta : non damno , non reprehendo Septuaginta , sed confidenter cunctis illis Apostolos præfero. Per istorum os mihi Christus sonat , quos ante Prophetas inter spiritualia charismata positos lego , in quibus ultimum pene gradum interpretes tenent. Quid livore torqueris? quid imperitorum animos contra me concitas? Sicubi in translatione tibi videor errare , interroga Hebreos : diversarum urbium magistros consule. Quod illi habent de Christo , tui codices non habent. Aliud est , si contra se postea ab Apostolis usurpata testimonia probaverunt , & emendatoria sunt exemplaria Latina , quam Græca , & Græca , quam Hebraica. Verum hæc contra invidos. Nunc te precor , Desideri charissime , ut me quia tantum opus ,

subire fecisti , & à Genesi exordium capere , orationibus juves , quod possim eodem spiritu , quo scripti sunt libri , in Latinum eos transferre sermonem.

*HIERONYMUS AD PAMMACHIUM,  
de optimo genere interpretandi.*

Argumentum Epistolæ.

*Ruffinus subornaverat Palladium quandam Galatam aduersus Hieronymum qui illius interpretationem calumniaretur. Hujus calumnias refellit, explicans officium veri interpretis. Imitatus est autem titulum Ciceronis , de optimo genere dicendi.*

Paurus Apostolus , præsente Rege Agrippa , de criminibus responsurus , quod posset intelligere qui auditurus erat , de causæ victoria , statim in principio sibi gratulatur , dicens : De omnibus , quibus accusatur à Judæis , o Rex Agrippa , existimo me beatum , cum apud te sim hodie defendendus , qui præcipue nosti cunctas , quæ in Judæis sunt , consuetudines , & quæstiones. Legerat enim illud Jesu: Beatus qui in aures loquitur audientis ; & noverat tantum oratoris verba proficere , quantum judiciis prudenter cognovisset. Unde & ego beatum me in hoc dumtaxat negotio judico , quod apud eruditas aures imperiæ linguae responsurus sum: quæ objicit mihi vel ignorantiam , vel mendacium , si aut nescivi alienas litteras verè interpretari ; aut nolui ; quorum alterum error , alterum crimen est. Ac ne forsitan accusator meus facilitate , qua cuncta loquitur , & impunitate , qua sibi licere omnia putat , me quo-

basilica congregatos , contulisse quod scribebant, non prophetasse. Aliud est enim vatem , aliud est esse interpretarem. Ibi spiritus ventura prædictit, hic eruditio , & verborum copia ea quæ intelligit , transfert. Nisi fortè putandus est Tullius *Œconomicon* Xenophontis , & Platonis *Protagoram* , & Demosthenis pro Cresiphonte orationem afflatus rhetorico spiritu transtulisse : Aut aliter de eisdem libris per Septuaginta Interpretes , aliter per Apostolos Spiritus Sanctus testimonia texuit; ut quod illi tacuerunt , hiscriptum esse mentiti sunt. Quid igitur? damnamus veteres? Minime , sed post priorum studia, in domo Domini , quod possumus , laboramus. Illi interpretati sunt ante adventum Christi , & quod nesciebant dubiis protulere sententiis: nos verò post Passionem & Resurrectionem ejus , non tam prophetiam , quam historiam scribimus ; aliter enim auditæ , aliter visa narrantur : quod melius intelligimus , melius & proferimus. Audi igitur æmule , obtrectator ausulta : non damno , non reprehendo Septuaginta , sed confidenter cunctis illis Apostolos præfero. Per istorum os mihi Christus sonat , quos ante Prophetas inter spiritualia charismata positos lego , in quibus ultimum pene gradum interpretes tenent. Quid livore torqueris? quid imperitorum animos contra me concitas? Sicubi in translatione tibi videor errare , interroga Hebreos : diversarum urbium magistros consule. Quod illi habent de Christo , tui codices non habent. Aliud est , si contra se postea ab Apostolis usurpata testimonia probaverunt , & emendatoria sunt exemplaria Latina , quam Græca , & Græca , quam Hebraica. Verum hæc contra invidos. Nunc te precor , Desideri charissime , ut me quia tantum opus ,

subire fecisti , & à Genesi exordium capere , orationibus juves , quod possim eodem spiritu , quo scripti sunt libri , in Latinum eos transferre sermonem.

*HIERONYMUS AD PAMMACHIUM,  
de optimo genere interpretandi.*

Argumentum Epistolæ.

*Ruffinus subornaverat Palladium quandam Galatam aduersus Hieronymum qui illius interpretationem calumniaretur. Hujus calumnias refellit, explicans officium veri interpretis. Imitatus est autem titulum Ciceronis , de optimo genere dicendi.*

Paurus Apostolus , præsente Rege Agrippa , de criminibus responsurus , quod posset intelligere qui auditurus erat , de causæ victoria , statim in principio sibi gratulatur , dicens : De omnibus , quibus accusatur à Judæis , o Rex Agrippa , existimo me beatum , cum apud te sim hodie defendendus , qui præcipue nosti cunctas , quæ in Judæis sunt , consuetudines , & quæstiones. Legerat enim illud Jesu: Beatus qui in aures loquitur audientis ; & noverat tantum oratoris verba proficere , quantum judiciis prudenter cognovisset. Undè & ego beatum me in hoc dumtaxat negotio judico , quod apud eruditas aures imperiæ linguae responsurus sum: quæ objicit mihi vel ignorantiam , vel mendacium , si aut nescivi alienas litteras verè interpretari ; aut nolui ; quorum alterum error , alterum crimen est. Ac ne forsitan accusator meus facilitate , qua cuncta loquitur , & impunitate , qua sibi licere omnia putat , me quo-

## EPISTOLA

que apud vos argueret, ut Papam Epiphanium criminatus est, hanc epistolam misi, quæ te, & per te alios; qui nos amare dignantur, rei ordinem doceat. Ante hoc ferme biennium miserat Joanni Episcopo, supradictus Papa Epiphanius litteras, arguens eum in quibusdam dogmatibus, & postea clementer ad penitentiam provocans. Harum exemplaria certam Palestine rapiebantur, vel authoris meritum, vel ob elegantiam scriptio[n]is. Erat in Monasterio nostro vir apud suos haud ignobilis, Eusebius Cremonensis, qui cum hæc epistola per multorum orationes, & mirarentur eam pro doctrina, & puritate sermonis docti pariter, & indocti; cœpit à me obnoxie petere, ut sibi eam in Latinum veterem, & propter intelligendi facilitatem apertius explicarem; Græci enim eloqui pœnititus ignarus erat. Feci quod voluit: accitoque notario raptim, celeriterque dictavi, ex latere in pagina breviter annotans, quem intrinsecus sensum singula capitula continerent. Si quidem & hoc, ut sibi soli facerem, oppido flagitaret. Postulavique ab eo mutuo, ut domi haberet exemplar, nec facile in vulgus proderet. Res ita anno & sex mensibus transiit; donec supra dicta interpretatio de serinis ejus novo prestigio Jerosolymam commigravit. Nam quidam pseudomonachus, vel accepta pecunia, ut perspicue intelligi datur; vel gratuitæ malitia, ut incassum corruptor nititur persuadere, compilatis chartis ejus, & sumptibus, Judas factus est proditor; deditque adversariis latrandi contra me occassionem, ut inter imperitos concionantur, me falsarium; me verbum non expresisse de verbo: pro honorabili dixisse charissimum; & maligna interpretatione, quod nefas dictum sit ai-

## AD PAMMACHIUM.

*simon osin apanton*: idest, reverendum auribus omnium, doluisse transferre. Hæc, & istiusmodi nuga, crimina mea sunt. Ac primum antequam de translatione respondeam, volo interrogare eos; qui malitiam prudentiam vocant, unde apud vos exemplar epistolæ? Quis dedit? qua fronte profertis, quo scelere redemistis? Quid apud homines tutum erit, si ne parentibus quidem & scriniis nostra possimus secreta celare? Si ante tribunalia judicum hoc vobis crimen impingarem, reos legibus subjugarem quæ etiam pro utilitatibus fisci, noxiis delatoribus, poenas statuunt; & cum suscipiant proditionem, damnant proditorem. Lucrum videlicet placet, voluntas displicet. Dum Esychium virum Consularem, contra quem Patriarcha Gamaliel gravissimas exercuit inimicitias, Theodosius princeps capite damnavit, quod solicitatio notario charitas illius invasisset. Legimus in veteribus historiis, ludimagistrum, quid Paliscorum libros prodiderat, vincitum pueris traditum; & ad eos, quos prodebat remissum, nec sceleratam populum Romanum suscepisse victoriam. Pyrrhum Epirotarum Regem, cum in castris ex vulnera curaretur; medici sui proditione interfici nefas duxit Fabricius, quin potius victimum remisit ad dominum, ut scelus nec in adversario comprobaret. Quod leges publicæ, quod hostes tuentur, quod inter bella & gladios sanctum est, hoc nobis inter Monachos, & Sacerdotes Christi institutum fuit. Et audet quidam ex eis, adducto supercillio, & concrepantibus digitis eructare, & dicere: Quid enim si redemit, si solicitavit? Fecit quod sibi profuit. Miraculæ defensio, quasi non & latrones, & fures, & pyratae faciant, quod sibi prodest. Certe Annas, &

## EPISTOLA

Caiphàs seducentes infelicem Judam , fecerunt quod sibi utile existimabant. Volo in chartulis meis quaslibet ineptias scribere , commentari de scripturis , remordere lèdentes , digerere stomachum , in locis me exercere communibus , & quasi limitatas ad expugnandum sagitas reponere. Quandiu non profero cogitata , maledicta non crima sunt ; imò ne maledicta quidem quæ aures publicæ nesciant. Tu corrumpas servulos , solicites clientes , & ut in fabulis legimus auro ad Danaem penetres , dissimilatoque quod feceris , me falsarium voces : cum multo pejus crimine accusando in te confitearis , quām in me arguis. Alius te hæreticum , alias insimulat dogmatum perversorem. Taces ipse , respondere non audes ; interpretem laceras ; de syllabis calumniaris , & totam defensionem tui putas , si tacenti detrahas. Finge in transferendo , vel errasse , vel intermisso me quidpiam. Hic totius negotii tui cardo versatur hæc tua est defensio. Num idcirco tu non es hæreticus , si ego malus interpres sim ? Non hoc dico quòd te hæreticum noverim : sciat ille qui accusavit ; noverit ille , qui scripsit : sed quod stultissimum sit accusatum ab alio alium criminari , & confosso undique corpore è dormientis vulnere solatium quærere. Hactenus sic locutus sum , quasi aliquid de epistola commutaverim , & simplex translatio possit errorem habere , non crimen. Nunc verò cùm ipsa Epistola doceat , nihil muratum esse de sensu , nec res additas , nec aliquod dogma confictum ; faciunt ne intelligendo , ut nihil intelligent ; & dum alienam imperitiam volunt coarguere , suam produnt. Ego enim non solum fateor , sed libera voce profiteor , me in interpretatione Græcorum absque

## AD PAMMACHIUM.

Scripturis sanctis , ubi & verborum ordo & mysterium est , non verbum è verbo , sed sensum exprimere de sensu. Habeoque hujus rei magistrum Tullium , qui Protagoram Platonis , *Economicon* Xenophontis , & Æschinoris ac Demosthenis duas contra se orationes pulcherrimas transtulit. Quanta in illis prætermisserit , quanta addiderit , quanta mutaverit , ut proprietates alterius linguae suis proprietatibus explicaret , non est hujus temporis dicere. Sufficit mihi ipsius translatoris authoritas , qui ita in prologo ea runde orationum locutus est. Putavi mihi suscipiendum laborem utilem studiosis , mihi quidem ipsi non necessarium. Convertit enim ex Atticis duorum eloquissimorum nobillissimas orationes , interesseque contrarias , Æschinoris , & Demosthenis ; nec converti ut interpres ; sed ut orator sententiis iisdem , & earum formis , tam figuris , quām verbis ad nostram consuetudinem aptis. In quibus non verbum pro verbo necesse habui reddere ; sed genus omne verborum , vimque servavi. Non enim me annumerare ea lectori putavi oportere , sed tanquam appendere. Rursum in calce sermonis , quorum ego (ait) orationes si , ut spero , ita expresero , virtutibus utens illorum omnibus ; id est sententiis , & earum figuris ; & rerum ordine ; verba persequens eatenus , ut ea non abhorreant à more nostro. Quæ si è Græcis omnia conversa non erunt ; tamen ut generis ejusdem sint , elaboravimus. Sed & Horatius vir acutus , & doctus , hoc idem in Arte Poetica eruditu interpreti præcipit: Nec verbum verbo curabis reddere fidus interpres. Terentius , Menandrum ; Plautus & Cæcilius veteres comedios interpretati sunt. Nunquid hærent in verbis ; ac non decorem magis ,

## EPISTOLA

& elegantiam in translatione conservat? Quam vos veritatem interpretationis, hac eruditus \* Kakozeliam nuncupant. Unde & ego ductus a talibus, ante annos circiter viginti, & simili tunc quoque errore deceptus, certè hoc mihi a vobis objiciendum nesciens, cum Eusebii Cæsariensis Chronicon in Latinum verterem tali inter cætera usus sum præfatione. Difficile est alienas lineas in sequentem, non alicubi excidere; & arduum, ut quæ in alia lingua benè dicta sunt, eundem decorem in translatione conservent. Significatum est aliiquid unus verbi proprietate; non habeo meum, quod id efforam; dum quæro implere sententiam: longe ambitu vix brevis viæ spatia consumo. Accedunt hyperbatorum anfractus, dissimilitudines cassuum, varietates figurarum, ipsum postremo suum, &c, ut ita dicam, vernaculum linguae genus. Si ad verbum interpretor, absurdè resonant: si ob necessitatem aliiquid in ordine, vel in sermone mutavero ab interpretis videbor officio recessisse. Et post multa, quæ nunc prosequi otiosum est, etiam hoc addidi. Quod si cui non videtur, linguae gratiam in interpretatione mutari, Homerum ad verbum exprimat in latinum. Plus aliiquid dicam, eundem sua in lingua prosæ verbis interpretetur: videbis ordinem ridiculum, & Poetam eloquentissimum vix loquentem. Verum ne meorum scriptorum parva sit authoritas (quamquam hoc tantum probare voluerim, me semper ab adolescentia, non verba, sed sententias transtulisse) qualis super hoc genere præfaciuncta sit, in libro, quo beati Antonii vita describitur, ipsius lectione cognosce. Ex alia in aliam linguam expressa ad verbum translatio sensum ope

\* Id est, ineptam, ac malam imitationem.

## AD PAMMACHIUM.

rit, & veluti lœto gramine sata strangulat. Dum enim casibus & figuris servit oratio, quod brevi poterat indicare sermone, longo ambitu circumacta vix explicat. Hoc igitur ego vitans ita beatum Antonium, te petente transposui, ut nihil desit ex sensu, cum aliiquid desit ex verbis. Alii syllabas aucupentur, & litteras; tu quære sententias. Dies me deficiet, si omnium, qui ad sensum interpretati sunt, testimonia replicavero. Sufficit in præsenti nominasse Hilarium confessorem, qui Homilias in Job, & in Psalmos tractatus plurimos in Latinum vertit è Græco; nec assedit litteræ dormitanti, & putida rusticorum interpretatione se torsit, sed quasi captivos sensus in suam linguam, victoris jure transposuit. Nec hoc mirum in cæteris sæculi videlicet, aut Ecclesiæ viris; cum Septuaginta Interpretes, & Evangelistæ, atque Apostoli idem in sacris voluminibus fecerint. Legimus in Marco dicentem Dominum: *Talitha cumi;* statimque subjectum est, quod interpretatur. Puella (tibi dico) surge. Arguatuerit Evangelista mendacii, quare addiderit, Tibi dico cum in Hebræo tantum sit, puella surge. Sed, ut *Emphaticoteron* faceret, & sensum vacantis, atque imperantis exprimeret, addidit; Tibi dico. Rursus in Mattheo redditis a proditore Juda triginta argenteis, & empto ex eis agro figuli, scribitur: Tunc impletum, quod scriptum est per Jeremiam Prophetam, dicentem: Et acceperunt triginta argenteos, pretio appretiati, quod appretiaverunt a filiis Israel: & dederunt eos in agrum figuli, sicut constituit mihi Dominus. Hoc in Jeremia penitus non invenitur, sed in Zacharia, aliis multo verbis, ac toto ordine discrepante; vulgata quippe editio ita se habet; Et

dicam ad eos , si bonum est coram vobis , dare mercedem mihi , renuite : & appenderunt mercedem meam triginta argenteos . Dixitque Dominus ad me : Pone illos in conflatorium , & considera si probatum sit , sicut probatus sum ab eis . Et tuli triginta argenteos , & misi eos in domo Domini in conflatorium . Quantum distet ab Evangelistæ testimonio Septuaginta translatio , perspicuum est . Sed & in Hebræo , cum sensus idem sit , verba præpostera sunt , & penè diversa . Et dixi , inquit ad eos : Si bonum est in oculis vestris , afferte mercedem meam : & si non , quiescite . Et appenderunt mercedem meam triginta argenteos . Et dixit Dominus ad me : Projice illud ad statuarium , decorum pretium , quo appretiatus sum ab eis . Et tulit triginta argenteos , & proiecit eos in domo Domini ad statuarium . Accusent Apostolum falsitatis , quod nec cum Hebraico , nec cum Septuaginta congruat translatoribus ; & , quod his majus est , erret in nomine : pro Zacharia quippè Jeremiam posuit . Sed absit hoc de pedissequo Christi dicere : cui curæ fuit non verba & syllabas aucupari , sed sententias dogmatum ponere . Veniamus ad aliud ejusdem Zachariæ testimonium , quod Joannes Evangelista assumit juxta Hebraicam veritatem . Videbunt in quem compunixerunt . Pro quo in Septuaginta legimus : *Kai epiblepsontai pros me anthom enorche santo* , quod interpretati sunt Latini : Et aspiciunt ad me pro iis quæ illuserunt , sive insultaverunt . Discrepat Evangelistæ , Septuaginta Interpretum , nostraque translatio : & tamen sermonum varietas spiritus unitate concordat . In Matthæo quoque legimus Dominum prædicentem Apostolis fugam , & hoc ipsum Zachariæ testimonio confirmantem . Scrip-

tum est , ait : Percutiam pastorem , & dispergentur oves . At in Septuaginta , & in Hebræo , multo aliter est . Non enim ex persona Dei dicitur : ut Evangelista vult ; sed ex Prophetæ Deum Patrem rogantis : Percute pastorem , & dispergentur oves . In hoc , ut arbitror , loco , juxta quorundam prudentiam , Evangelista piaculi reus est , quod ausus sit Prophetæ verba ad Dei referre personam . Scribit supradictus Evangelista , ad Angeli monitum tulisse Joseph parvulum , & matrem ejus , & intrasse in Ægyptum , ibique mansisse usque ad obitum Herodis , ut impletetur quod dictum est à Domino per Prophetam : Ex Ægypto vocavi filium meum . Hoc nostri codices non habent : sed in Ossee Prophetæ juxta Hebraicam scribitur veritatem : Quia puer Israel est , & dilexi eum ; & ex Ægypto vocavi filium meum . Pro quo in eodem loco Septuaginta transtulerunt : Quia parvulus est Israel , dilexi eum , & ex Ægypto vocavit filios ejus . Non omnino repudiandi sunt , qui istum locum , qui ad Christi maxime pertinet sacramentum , aliter transtulerunt ? An danda potius venia ut hominibus , juxta Jacobi sententiam , dicentis : Multa peccamus omnes : & , si quis in verbo non offendit , iste perfectus est vir , potens refrænare omne corpus ? Illud verò quod in eodem Evangelista scribitur : Et veniens habitavit in civitate , quæ dicitur Nazareth : ut impletetur , quod dictum est per Prophetas : Quia Nazarens vocabitur : Respondeant Logodædali , \* & fastidiosi æstimatores omnium tractatorum , ubi legerint , discantque in Isaia positum . Non in eo loco , ubi nos legimus , atque transtulimus : Exiit virga de radice Jessè , &

flos de radice ejus ascendet : in Hebræo juxta linguæ illius idioma , ita scriptum est : Exiit virga de radice Jessè , & Nazaræus de radice ejus cresceret . Cur hoc omiserunt , Septuaginta , si non licet trans ferre verbum pro verbo ? Sacrilegium est vel celasse , vel ignorasse mysterium . Transeamus ad cætera , neque enim Epistolæ brevitas patitur diutius singulis immorati . Idem Matthæus loquitur : Hoc autem totum factum est , ut completeretur quod dictum est à Domino per Prophetam dicentem : Ecce Virgo in utero habebit , & pariet filium , & vocabunt nomen ejus Emmanuel . Quod Septuaginta transtulerunt : Ecce Virgo in utero accipiet , & pariet filium , & vocabitis nomen ejus Emmanuel . Si verba calumniamur , utique non est idem , habebit , & accipiet , neque vocabunt , & vocabitis . Porro in Hebræo legimus ita scriptum : Ecce Virgo concipiet , & pariet filium , & vocabit nomen ejus Emmanuel . Non Achaz , qui arguebatur infidelitatis ; non Judæi , qui erant Dominum negatui : sed vocabit , inquit , ipsa quæ concipiet , ipsa Virgo quæ pariet . In eodem Evangelista legimus , Herodem ad adventum Magorum fuisse turbatum , Scribisque & Sacerdotibus congregatis , sciscitatum ab eis ubi Christus nasceretur , illosque respondisse : in Bethlehem Judæ : Sic enim scriptum est in Propheta . Et tu Bethlehem terra Juda , nequaquam minima es in ducibus Juda : Ex te enim egredietur dux , qui regat populum meum Israel : Hoc exemplum in Vulgata editione sic fertur : Et tu Bethlehem domus Ephrata , modicus es , ut sis in millibus Juda : de te mihi egredietur , ut sit princeps in Israel . Quanta sit inter Matthæum & Septuaginta verborum

ordinisque discordia , magis hoc admiraberis , si Hebraicum vides , in quo ita scriptum est : Et tu Bethlehem Ephrata , parvulus es in millibus Juda : ex te mihi egredietur , qui sit dominator in Israel . Considera gradatim quæ ab Evangelista sint posita . Et tu Bethlehem terra Juda . Pro terra Juda , in Hebraico habetur Ephrata ; in Septuaginta , domus Ephrata . Et pro nequaquam minima es in ducibus Juda , in Septuaginta legitur , Modicus es , ut sis in millibus Juda ; in Hebræo , Parvulus es in millibus Juda . Sensusque contrarius est , Septuaginta sibi in hoc dumtaxat loco , & Hebraico concordante . Evangelista enim dixit quod non sit parvulus in ducibus Juda , cum è regione sit positum , Parvulus quidem es , & modicus , sed tamen de te mihi parvulo & modico egredietur dux in Israel , secundum illud Apostoli : Elegit in firma mundi Deus , ut confundat fortia . Porro quod sequitur , Qui regat vel qui pascat populum meum Israel : aliter in Propheta esse perspicuum est . Hæc replico , non ut Evangelistas arguam falsitatis (hoc quippe impiorum est Celsi , Porphyrii , Juliani ) sed ut reprehensores meos arguam imperitiæ , & impetrerem ab eis veniam , ut concedant mihi in simplici Epistola , quod in Scripturis Sanctis , velint nolint , Apostolis concessuri sunt . Marcus Discipulus Petri , ita suum orditur Evangelium : Principium Evangelii Jesu Christi : sicut scriptum est in Isaia Propheta : Ecce ego mitto Angelum meum ante faciem tuam , qui præparabit viam tuam ante te . Vox clamantis in deserto , parate viam Domini , rectas facite semitas ejus . Hoc exemplum ex duobus Prophetis compositum est , de Malachia videlicet , & Isaia . Nam primum quod dicitur : Ecce ego mitto Angelum meum

ante faciem tuam, qui præparabit viam tuam ante te; in Malachia fine scriptum est. Sequens autem quod insertur, vox clamantis in deserto, & in Isaia legimus. Et quomodo Marcus statim in principio voluminis sui posuit, sicut scriptum est in Isaia Prophetæ: Ecce ego mitto Angelum meum: quod non scribitur in Isaia, ut diximus, sed in Malachia novissimo duodecim Prophetarum? Solvat hanc quæstiunculam imperita præsumptio, & ego erroris veniam deprecabor. Idem Marcus inducit ad Pharisæos Salvatorem loquentem: Nunquam legitis quid fecerit David, quando necessitatem habuit, & esurivit ipse, & socii ejus, quomodo ingressus domum Dei sub Abiathar Pontifice, & panes propositionis comedit, quibus non licebat vesci, nisi solis Sacerdotibus? Legamus Samuelem, sive (ut in communii titulo habetur) Regnorum libros: ibique reperiemus non Abiathar scriptum esse, sed Abimelech Pontificem, qui postea à Doeg cum cæteris Sacerdotibus Saul jubente percussus est. Pergamus ad Apostolum Paulum. Scribit ad Corinthios: Si enim cognovissent, nunquam Dominum gloriae crucifixissent. Sed sicut scriptum est: Quod oculus non vidit, nec auris audivit, nec in cor hominis ascendit, quæ præparavit Deus diligenter se. Solent in hoc loco apocryphorum quidam deliramenta sectare, & dicere; quod de Apocalypsi Eliae testimonium sumptum sit, cum in Isaia juxta Hebraicam ita legatur: A seculo non audierunt, nec auribus percepérunt. Oculus non vidit Deus absque te, quæ præparasti expectantibus te. Hoc Septuaginta multo aliter transtulerunt: A seculo non audivimus, neque oculi nostri viderunt Deum absque te, & opera tua vera, & facies

expectantibus te misericordiam. Intelligimus unde sumptum sit testimonium: & tamen Apostolus non verbum expressit è verbo, sed *paraphrasticos* eundem sensum aliis sermonibus indicavit. In Epistola ad Romanos idem Apostolus Paulus exemplum de Isaia sumens: Ecce, inquit, ponam de Sion lapidem offensionis, & petram scandali: discordat à translatione veteri, & tamen cum Hebraica veritate concordat. In Septuaginta enim contrarius sensus est: Non ut lapide offensionis occurretis, neque ut petræ ruinæ; cum Apostolus quoque Petrus Hebræis, Paulusque consentiens ita posuerit: Incredulis autem lapis offensionis, & petra scandali. Ex quibus universis perspicuum est, Apostolos, & Evangelistas in interpretatione veterum Scripturarum, sensum quæsisse, non verba, nec magnopere de ordine, sermonibusque curasse, dum intellectui res pateret. Lucas vir Apostolicus, & Evangelista, scribit Stephanum primum Christi Martyrem in Judaica concione narrantem: In septuaginta quinque animabus descendit Jacob in Ægyptum; & functus est ipse: & patres nostri translati sunt in Sychem; & depositi sunt in sepulchro, quod emit Abraham pretio argenti à filiis Emor patris Sychem. Hic locus in Genesi multo aliter invenitur, quod scilicet Abraham emerit ab Ephron Etheo filio Seor, juxta Hebron quadrigenitis drachmis argenti speluncam duplificem, & agrum circa eam, sepelierisque in ea Saram uxorem suam. Atque in eodem legimus libro, postea revertentem de Mesopotamia Jacob cum uxoribus, & filiis suis posuisse Tabernaculum ante Salem urbem Schymorum, quæ est in terra Chanaam, & habuisse ibi; & emisse partem agri, in quo habebat ten-

## EPISTOLA

toria, ab Emor patre Sychem centum agnis, & stauisse ibi altare, & invocasse ibi Deum Israel. Abraham non emit specum ab Emor patre Sychem, sed ab Ephron filio Seor, nec sepultus est in Sychem, sed in Hebron, quæ corruptè dicitur Atboch. Duodecim autem Patriarchæ non sunt sepulti in Atboch, sed in Sychem, qui ager non est emptus ad Abraham, sed à Jacob. Differo solutionem & istius quæstionculæ, ut obtestatores mei quærant, & intelligent, non verba in Scripturis consideranda, sed sensus. Vigesimi primi Psalmi juxta Hebræos, id ipsum exordium est, quod Dominus locutus est in Cruce, *Eli Eli lamma zabathon*; quod interpretatur, Deus meus, Deus meus, quare me dereliquisti? Reddant rationem cur Septuaginta translatores interposuerint, respice in me. Ita enim verterunt: Deus, Deus meus, respice in me, quare me dereliquisti? Respondent utique, nihil damni in sensu esse, si duo verba sint addita. Audiant & à me non periclitari Ecclesiæ statum, si celeritate dictandi aliqua verba dimiserim. Longum est nunc evolvere, quanta Septuaginta de suo addiderint, quanta dimiserint, quæ in exemplaribus Ecclesiæ obelis astericisque distincta sunt. Illud enim quod legimus in Isaia; Beatus qui habet semen in Sion, & domesticos in Jerusalem: solent Hebræi deridere, cum audierint. Nec non & in Amos post descriptionem luxuriæ: Stantia putaverunt hæc, & non fugentia. Revera sensus rethoricus, & declamatio Tulliana. Sed quid faciemus de authenticis libris, in quibus hæc non fuerunt adscripta, & cetera his similia, quæ si proferre nitamus, infinitis libris opus est? Porro quanta dimiserint, vel asterisci testes, ut dixi, sunt, vel nostra interpretatio, si

## AD PAMMACHIUM.

ad diligenti lectore translatione veteri conferatur; & tamen vires Septuaginta editio obtinuit in Ecclesiis, vel quia prima est, & ante Christi facta adventum, vel quia ab Apostolis, in quibus tamen ab Hebraico non discrepat, usurpata. Aquila autem proselytus & contentiosus interpres, qui non solum verba, sed etymologias quoque verborum transferre conatus est, jure projicitur à nobis. Quis enim pro frumento, & vino, & oleo possit vel legere, vel intelligere, *cheuma, oporismo stilboteta*, quod non possumus dicere functionem, punctionemque, & splendentiam. Atqui non solum Hebrei habent *arthra*, sed & ille *Kakocelos*, qui syllabas interpretatur & litteras, ut dicat: *Sei ei ton uranon Kai seiei ton gen*, quod Latina lingua omnino non recipit. Cujus rei exemplum non ex nostro sermone capere possumus. Quanta enim aquid Græcos benè dicuntur, quæ si ad verbum transferamus, in latino non resonant? & è regione, quæ apud nos placent, si vertantur juxta ordinem, apud illos displicebunt? Sed ut infinite præteream, & ostendam tibi, vir omnium nobilium Christianissime, & Christianorum nobilissime, cuiusmodi falsitatis me in epistolæ translatione reprehendat, ipsius epistolæ ponam cum Græco sermone principium, ut ex uno carmine intelligantur & cetera: *Edci gar imas agape mitti iisei ton cleron phereste*: Quod me ita vertisse memini: Oportebat nos, dilectissime, clericatus honore non abuti in superbiam. Ecce, inquit, in uno versiculo quanta mendacia: Primum *Agapetos* dilectus est, non dilectissimus. Deinde *oiesis*, existimatio dicitur, non superbia, non enim dixit *oidemati*, sed *oieseis*, quorum alterum tumorem, alterum arbitrium sonat. Totumque quod sequitur,

Clericatus honore non abuti in superbiam , tuum est . Quid agis , o columen litterarum , & nostrorum temporum Aristarche , qui de universis scriptoribus sententiam feras ? Ergo frustra tanto tempore studuimus ; & s̄pē manū ferulae subduximus . Egredientes de portu , statim impeginus . Igitur quia , & errasse humanum est , & confiteri errorem , prudentis , tu quicumque reprehensor es , tu me obsecro emenda praeceptor , & verbum de verbo expime . Debueras , inquit , dicere : Oportebat enim nos dilecte , non aestimatione Clericorum ferri . Hęc est Plautina eloquencia , hic lepos Atticus , & mūserum , ut dicunt , eloquio comparandus . Completerat in me tritum vulgi sermone Proverbium : Oleum perdit , & impensas , qui bovem mittit ad ceroma . \* Hęc non est illius culpa , cuius sub persona alius agit tragediam , sed Ruffini , & Melaniae Magistrorum ejus , qui illum magna mercede nihil scire docuerunt . Nec reprehendo in quolibet Christiano sermonis imperitiam . Atque utinam Socracium illud haberemus : Scio , quod nescio : Et alterius sapientis : Te ipsum intellige . Veneratione mihi semper fuit , non verbosa rusticitas , sed sancta simplicitas . Qui sermone imitari si dicit Apostolos , prius imitetur virtutes in vita illorum . In loquendo simplicitatem excusat sanctimoniae magnitudo ; & syllogismos Aristotelis , contortaque Chrysipi acumina , resurgens mortuus confutabit . Ceterum ridiculum , si quis ē nobis manens inter Croesi opes , & Sardanapali delicias , de sola rusticitate se jactet : quasi omnes latrones , & diversorum criminum rei disserti sint , & cruentos gladios , philosophorum voluminibus , ac non arborum truncis occulant . Excussi mensuram Epistolæ ,

\* Unguenti genus , quo atheletae ungebantur .

sed non excessi doloris modum . Nam qui falsarius vocor , & inter mulierum radios , & textrina dilaniior , contentus sum crimen abnuere , non referre . Unde arbitrio tuo cuncta permitto , ut legas ipsam epistolam , tām Gracem , quām Latinam : & illicō intelliges accusatorum mēorum nārias , & probrosas querelas . Porrò mihi sufficit amicum instruxisse charissimum , & in cellula latitantem diem tantum expectare judicii . Optoque , si fieri potest , & si adversarii sciverint commentarios potius Scripturarum , quām Demosthenis , & Tulii Philippicas tibi scribere .

### HIERONYMUS MARCELLÆ.

#### Argumentum Epistolæ.

*Respondet iis , qui obrectabant quod de Grecis , & Hebreis litteris quedam jam recepta mutasset , immediatam in Hieronimo dofirinam calumniantes , quasi sola inscitia Christianum efficiat .*

Post priorēm epistolam , in qua de Hebreis verbis pauca perstrinxeram , ad me repente perlatum est , quosdam homunculos mihi studiose detrahere ; cur adversum authoritatem veterum , & totius mundi opinionem aliqua in Evangelis emendare tentavetim . Quos ego cum possem meo jure contemnere ; asino quippe lyra superfine canit : tamen ne nos superbiæ , ut facete solent , arguant ; ita responsum habeant : Non adeo me hebetis fuisse cordis , & tām crassæ rusticitatis , quām illi solam pro sanctitate habent , piscatorum se discipulos asserentes : quasi idcirco sancti sint , si nihil scierint , ut ali-

quid de Dominicis verbis, aut corrigendum putavemus, aut non divinitus inspiratum: sed Latinorum codicum vitiositatem, quæ ex diversitate librorum omnium comprobatur, ad Græcam originem, undè & ipsi translata non denegant, voluisse revocare. Quibus si displicer fontis unda purissimi, cœnosos rivulos bibant; & diligentiam qua avium sylvas, & concharum gurgites norunt, in Scripturis legendis abjiciant, sintque in hac re tantum simplices, ut Christi verba existimant rusticana, in quibus per tanta jam secula tantorum ingenia sudaverunt, ut rationem verbi uniuscujusque magis opinari sint, quam expresserint. Apostolum arguant imperitiae, qui ob multas litteras insani re dicebatur. Scio te cum ista legeris, rugare frontem, & libertatem meam tursum seminarium timere rixarum, ac meum, si fieri potest, os digito velle comprimere, ne audeam dicere, quæ alii facere non erubescunt. Rogo, quid à nobis libere dictum est? Nunquid in lancibus idola cœlata descripsi? nunquid inter epulas Christianas virginibus oculis baccarum, Satyromrumque complexus innexui? aut unquam aliquem amarior sermo pulsavit? nunquid ex mendicis divites fieri doluimus? nunquid reprehendi hæreditarias sepulturas? Unum miser locutus, quod virgines sæpius deberent cum mulieribus esse, quam cum masculis, totius oculos urbis offendi, cunctorum digitis notor. Multipli cati sunt super capillos capitis mei qui oderunt me gratis, & factus sum eis in parabolam: & tu putas me aliquid deinceps locuturum? Verum ne Flaccus de nobis rideat: *Amphora capit institui currente rota, cur vrceus exit?* Revertimur ad nostros bipedes asellos, & illorum in aure buccina, magis quam cythara concrepamus. Illi legant: spe gaudentes, tempori servientes.

Nos legamus: spe gaudentes. Domino servientes: Illi adversus Presbyterum accusationem omnino putent recipiendam. Nos legamus: adversum Presbyterum accusationem ne receperis, nisi sub duobus, aut tribus testibus: peccantes autem coram omnibus argue. Illis placeat, Humanus sermo, & omni acceptione dignus. Nos cum Græcis, id est cum Apostolo, qui Græcè locutus est, erremus: Fidelis sermo, & omni acceptione dignus. Ad extremum illi gaudent Galliæ cantériis; \* non solitus vinculis, & in Salvatoris ministerium præparatus, Zachariæ asellus ille delectet, qui postquam Domino terga præbuit, coepit Isaiae consonare vaticinio: Beatus qui seminat secus omnem aquam, ubi bos & asinus calcant,

## HIERONYMUS PAULINO.

Argumentum Epistolæ.

Ethnicorum sapientium, & Ecclesiasticorum exemplis provocat ad studium litterarum præcipue sacrarum, & in his, quantum sit difficultatis ostendit. Deinde ceu mundum quandam Divinæ Scripturæ exponit oculis, ac veluti per transennam ostendit, quo magis inflammet ad hujus studium; singulos ejus libros, Autiores, & argumenta, elogis quibusdam breviter commendans.

**F**rater Ambrosius tua mihi munuscula perferens, detulit & suavissimas litteras: quæ à principio amicitiarum, fidem probatæ jam fidei, & veteris

\* Id est *Equis castratis, Gallicis autem dixit, quia ex Britannia tales equi egrediuntur.*

quid de Dominicis verbis, aut corrigendum putavemus, aut non divinitus inspiratum: sed Latinorum codicum vitiositatem, quæ ex diversitate librorum omnium comprobatur, ad Græcam originem, undè & ipsi translata non denegant, voluisse revocare. Quibus si displicer fontis unda purissimi, cœnosos rivulos bibant; & diligentiam qua avium sylvas, & concharum gurgites norunt, in Scripturis legendis abjiciant, sintque in hac re tantum simplices, ut Christi verba existimant rusticana, in quibus per tanta jam secula tantorum ingenia sudaverunt, ut rationem verbi uniuscujusque magis opinari sint, quam expresserint. Apostolum arguant imperitiae, qui ob multas litteras insani re dicebatur. Scio te cum ista legeris, rugare frontem, & libertatem meam tursum seminarium timere rixarum, ac meum, si fieri potest, os digito velle comprimere, ne audeam dicere, quæ alii facere non erubescunt. Rogo, quid à nobis libere dictum est? Nunquid in lancibus idola cœlata descripsi? nunquid inter epulas Christianas virginibus oculis baccarum, Satyromrumque complexus innexui? aut unquam aliquem amarior sermo pulsavit? nunquid ex mendicis divites fieri doluimus? nunquid reprehendi hæreditarias sepulturas? Unum miser locutus, quod virgines sæpius deberent cum mulieribus esse, quam cum masculis, totius oculos urbis offendi, cunctorum digitis notor. Multipli cati sunt super capillos capitis mei qui oderunt me gratis, & factus sum eis in parabolam: & tu putas me aliquid deinceps locuturum? Verum ne Flaccus de nobis rideat: *Amphora capit institui currente rota, cur vrceus exit?* Revertimur ad nostros bipedes asellos, & illorum in aure buccina, magis quam cythara concrepamus. Illi legant: spe gaudentes, tempori servientes.

Nos legamus: spe gaudentes. Domino servientes: Illi adversus Presbyterum accusationem omnino putent recipiendam. Nos legamus: adversum Presbyterum accusationem ne receperis, nisi sub duobus, aut tribus testibus: peccantes autem coram omnibus argue. Illis placeat, Humanus sermo, & omni acceptione dignus. Nos cum Græcis, id est cum Apostolo, qui Græcè locutus est, erremus: Fidelis sermo, & omni acceptione dignus. Ad extremum illi gaudent Galliæ cantériis; \* non solitus vinculis, & in Salvatoris ministerium præparatus, Zachariæ asellus ille delectet, qui postquam Domino terga præbuit, coepit Isaiae consonare vaticinio: Beatus qui seminat secus omnem aquam, ubi bos & asinus calcant,

## HIERONYMUS PAULINO.

Argumentum Epistolæ.

Ethnicorum sapientium, & Ecclesiasticorum exemplis provocat ad studium litterarum præcipue sacrarum, & in his, quantum sit difficultatis ostendit. Deinde ceu mundum quandam Divinæ Scripturæ exponit oculis, ac veluti per transennam ostendit, quo magis inflammet ad hujus studium; singulos ejus libros, Autiores, & argumenta, elogis quibusdam breviter commendans.

**F**rater Ambrosius tua mihi munuscula perferens, detulit & suavissimas litteras: quæ à principio amicitiarum, fidem probatæ jam fidei, & veteris

\* Id est *Equis castratis, Gallicis autem dixit, quia ex Britannia tales equi egrediuntur.*

amicitiae præferebant. Vera enim illa necessitudo est, & Christi glutino copulata, quam non utilitas rei familiaris, non presentia tantum corporum, non subdola, & palpans adulatio, sed Dei timor, & divinarum Scripturarum studia conciliant. Legimus in veteribus historiis, quosdam lustrasse provincias, novos adisse populos, maria transisse, ut eos, quos ex libris noverant, coram quoque viderent. Sic Pythagoras Memphiticos Vates, sic Plato Ægyptum, & Architam Tarentinum eamque oram Italiæ, quæ quondam magna Græcia dicebatur, laboriosissimè peragravit, ut qui Athenis Magister erat, & potens, cujusque doctrinam Academiæ gymnasia personabant, fieret peregrinus, atque discipulus, malens aliena verecundè discere, quām sua impudenter ingerere. Denique dūm litteras, quasi toto fugientes orbe, persequitur, captus à pyratis, atque venundatus, etiam tyranno crudelissimo paruit, captivus, vincitus, & servus, tamen quia Philosophus, major émente se fuit. Ad Titum Livium lacteo eloquentia fonte manantem, de ultimis Hispaniæ, Galliarumque finibus quosdam venisse nobiles legimus: & quos ad contemplationem sui Roma non traxerat, unius hominis fama perduxit. Habuit illa ætas inauditum omnibus sæculis celebrandumque miraculum; ut tantam urbem ingressi, aliud extra urbem quærerent. Appollonius sive ille magus (ut vulgus loquitur) sive Philosophus (ut Pythagorici tradunt) intravit Persas, pertransivit Caucasum, Albanos, Scythas, Massagetas, opulentissima Indiæ regna penetravit; & ad extremum latissimo Physon amne transmisso pervenit ad Brachmanas; ut Hiarcam in throno sédentem aureo, & de Tantali fonte potantem inter paucos

discipulos, de natura, de moribus siderum, ac diem cursu audiret docentem: inde per Elamitas Babylonios, Chaldaeos, Medos, Assyrios, Parthos, Syros, Phœnices, Arabes, Palæstinos, reversus Alexandriam, perrexit Æthiopiam, ut Gymnosophistas, & famosissimam solis mensam videret in sabulo. Invenit ille vir ubique quod disceret, & semper proficiens, semper se melior fieret. Scripsit super hoc plenissimè octo voluminibus Philostratus. Quid loquar de sæculi hominibus? cum Apostolus Paulus, vas electionis, & Magister gentium, quid de conscientia tanti in hospitis loquebatur: An experimentum quæreris ejus, qui in me loquitur Christus? Post Damascum, Arabiamque lustratam, ascenderit Jerosolymam, ut videret Petrum, & manserit apud eum diebus quindecim. Hoc enim mysterio hebdomadis & ogdoadis, futurus Gentium prædictor instruendus erat. Rursumque post annos quatuordecim, assumpto Barnaba & Tito exposuerit Apostolis Evangelium, ne forte in vacuum curreret, aut cucurisset. Habet enim nescio quid latentis energiæ viva vox, & in aures discipuli de authoris, ore transfussa fortius sonat. Unde Æschines cum Rhodi exultaret, & legeretur illa Demosthenis oratio, quam adversus eum habueret, mirantibus cunctis atque laudantibus suspirans ait: Quid si ipsam audissetis bestiam sua verba resonantem. Nec hoc dico, quod sit in me aliquid tale, quod vel possis, vel velis discere, sed quod ardor tuus, ac discendi studium, etiam absque nobis per se probari debeat. Ingenium docile, & sine doctore laudabile est. Non quid invenias, sed quid quæras consideramus. Molitis cera, & ad formandam facilis, etiam si artificis,

& plastiæ cesserent manus , tamen virtute totum est,  
quidquid esse potest. Paulus Apostolus ad pedes Gamalielis legem Moysi & Prophetas didicisse se gloriatur , ut armatus spiritualibus telis , postea diceret confidenter : Arma enim militiae nostra non carnalia sunt , sed potentia Deo , ad destructionem munitionum , consilia destruentes , & omnem altitudinem exzellentem se adversus scientiam Dei , & captivantes omnem intellectum , ad obediendum Christo , & subjugare parati cunctam inobedientiam . Ad Timotheum scribit ab infantia sacris litteris eruditum , & hortatur ad studium lectionis , ne negligat gratiam , quæ data sit ei per impositionem manus Presbyteri . Tito præcipit , ut inter cæteras virtutes Episcopi , quem brevi sermone depinxit , scientiam quoque in eo eligat Scripturarum . Obtinentem , inquit , eum , qui secundum doctrinam est , fidelem sermonem : ut potens sit exhortari in doctrina sana , & contradicentes revincere . Sancta quippe rusticitas solum sibi prodest : & quantum ædificat ex vite merito Ecclesiam Christi , tantum nocet , si destruenteribus non resistat . Aggæus Propheta , imò per Aggæum Dominus , Interroga , ait , sacerdotes legem . In tantum Sacerdotis officium est , interrogatum respondere de lege . Et in Deuteronomio legimus : Interroga patrem tuum , & annuntiabit tibi ; seniores tuos , & dicent tibi . In Psalmo quoque centesimo decimo octavo : Cantabiles mihi erant justificationes tuæ in loco peregrinationes meæ . Et in descriptione justi vi- ri cum eum David arbori vitæ , quæ est in paradiſo , compararet , inter cæteras virtutes & hoc intulit : In lege Domini voluntas ejus : & in lege ejus meditabitur die ac nocte . Daniel in fine sacratissimæ visio-

nis , Justos , ait fulgere sicut stellas , & intelligentes , hoc est doctores , quasi firmamentum . Viles quantum inter se distent , justa rusticitas , & docta justitia ? Alii stellis , alii cœlo comparantur : quamquam juxta Hebraicam veritatem utrumque de eruditis possit intelligi : ita enim apud eos legimus : qui autem docti fuerint , fulgebunt quasi splendor firmamenti : & qui ad justitiam erudint multos , quasi stellæ in perpetuas æternitates . Cur dicitur Paulus Apostolus , Vas electionis ? Nempe quia vas legis , & Sanctorum Scripturarum armarium est . Pharisæi stupent ad doctrinam Domini , & mirantur in Petro , in Joanne quomodo legem sciant , cum litteras non dicserint . Quidquid enim aliis exercitatio , & quotidiana in lege meditatio tribuere solet , illis Spiritus Sanctus suggerebat . Et erant , juxta quod scriptum est , Theodidacti . Duodecim annos Salvator impleverat & in templo senes de questionibus legis interrogans , magis docet dum prudenter interrogat . Nisi forte rusticum Petrum , rusticum dicimus Joannem , quorum uterque dicere poterat : etsi imperitus sermone , non tamen scientia . Joannes rusticus , piscator indoctus ? Et unde vox illa obsecro : In principio erat Verbum , & Verbum erat apud Deum , & Deus erat Verbum ? Logos enim Græcè multa significat . Nam & verbum est , & ratio , & supputatio , & causa uniuscujusque rei , per quam sunt singula , quæ subsistunt . Quæ universa rectè intelligimus in Christo . Hoc doctus Plato nescivit : hoc Demosthenes eloquens ignoravit . Perdam , inquit , sapientiam sapientum , & prudentiam prudentium reprobabo . Vera sapientia perdet falsam sapientiam : & quamquam stultitia prædicationis in Cruce sit ; tamen Pau-

## EPISTOLA

242

lus sapientiam loquitur inter perfectos. Sapientiam autem non sæculi hujus, nec principium istius sæculi, qui destruuntur, sed loquitur Dei sapientiam in mysterio absconditam, quam prædestinavit ante sæcula. Dei sapientia Christus est. Christus enim Dei virtus, & Dei sapientia. Hæc sapientia in mysterio abscondita est : de qua & noni Psalmi titulus prænotatur, pro occultis filii ; in quo sunt omnes thesauri sapientiae & scientiae absconditi : & qui in mysterio absconditus erat, prædestinatus est ante sæcula. Prædestinatus autem, & präfiguratus in lege, & prophetis. Unde & Prophetæ appellabantur videntes: quia videbat eum, quem cæteri non videbant. Abraham vidit diem ejus, & lætatus est. Apperiebantur coeli Ezechielii, qui populo peccatori clausi erant. Revela, inquit David, oculos meos, & considerabo mirabilia de lege tua. Lex enim spiritualis est ; & revelationis opus est ut intelligatur, ac revelata facie, Dei gloriam contempnatur. Liber in apocalypsi septem sigillis signatus ostenditur : quem si dederis homini scienti litteras, ut legat, respondebit tibi : non possum : signatus est enim. Quanti hodie putant se nosse litteras, & tenent signatum librum, nec apperire possunt, nisi ille re-seravit, qui habet clavem David, qui aperit, & nemo claudit, claudit & nemo aperit? In actibus Apostolorum sanctus Ennuchus, imò vir (sic enim eum Scriptura cognominat) cum legeret Isaiam interrogatus à Philippo: putas ne intelligis, quæ legis? Respondit: quomodo possum, nisi aliquis me docuerit? Ego, ut de me loquar interim, nec sanctior sum hoc Ennucho, nec studiosior, qui de Æthiopia, id est, de extremis mundi finibus venit ad templum, reliquit aulam regiam, & tantus amator legis, di-

## AD PAULINUM.

243

vinæque scientiæ fuit, ut etiam in vehiculo sacras litteras legeret : & tamen cum librum teneret, & verba Domini cogitatione conciperet, lingua volveret, labii personaret, ignorabat eum, quem in libro nesciens venerabatur. Venit Philippus, ostendit ei Jesum, qui clausus latebat, in littera. O mira Doctoris virtus! Eadem hora credit Eunuchus, baptizatur ; & fidelis, & sanctus factus est, ac de discipulo magister ; plus in deserto fonte Ecclesiæ, quam in auratu Synagogæ templo repetit. Hæc à me brevi-ter perstricta sunt (neque enim epistolaris angustia evagari longius patiebatur) ut intelligeres te in Scripturis sanctis, sine prævio & monstrante seimitam non posse ingredi. Taceo de grammaticis, rhetoribus, philosophis, geometris, dialecticis, musicis, astrolomis, astrologis, medicis, quorum scientia mortalibus vel utilissima est, & in tres partes scinditur \* *to dogma, ten methodon, ten empeirian.* Ad minores artes veniam, & quæ non tam lingua, quam manu administrantur. Agricole, cementarii, fabri metallorum, lignorumve cæsores, lanarii quoque, & fullones, & cæteri qui variant suppellectilem, & vilia opuscula fabricantur, absque doctore non possunt esse quod cupiunt. Quod medicorum est, promittunt medici : tractant fabrilia fabri. Sola Scripturarum ars est, quam sibi omnes passim vindicant. Scribimus indocti, doctique poemata passim. Hanc garrula anus, hanc delirus senex, hanc sophista verbosus, hanc universi præsumunt, lacerant ; docent antequam discant. Alii adducto supercilio grandia verba trutinantes, inter mulierculas de sacris litteris philosophantur. Alii discunt (proh pudor!) à fœ-

Q<sup>2</sup>

\* Id est Decretum, rationem, experientiam.

minis , quod viros doceant : & , ne parum hoc sit , quadam facilitate verborum , immo audacia edisserunt aliis , quod ipsi non intelligunt . Taceo de similibus : qui si forte ad Scripturas sanctas post sœculares litteras venerint ; & sermone composito aurem populi mulserint ; quidquid dixerint , hoc legem Dei putant ; nec scire dignantur quid Prophetæ , quid Apostoli senserint : sed ad sensum suum incongrua aptant testimonia : quasi grande sit , & non vitiosissimum docendi genus , deprecare sententias , & ad voluntatem suam Scripturam trahere repugnantem : quasi non legerimus Homerocentonas , & Virgiliocentonas . \* ac non sic etiam Maronem sine Christo possumus dicere Christianum , quia scripserit : jam redit & Virgo , redeunt Saturnia regna . Jam nova progenies cœlo demittitur alto . Et patrem loquentem ad filium : nate , meæ vires , mea magna potentia solus . Et post verba Salvatoris in Cruce : talia perstabat memorans , fixusque manebat . Puerilla , hæc sunt , & circulatorum ludo similia docere quod ignores , imò ( ut cum stomacho loquar ) nec hoc quidem scire quod nescias . Videlicet manifestissima est Genesis , in qua de creatura mundi , de exordio generis humani , de divisione terræ , de confusione linguarum , & descensione usque ad Egyptum scribitur Hebræorum . Patet Exodus cum decem plagiis , cum Decalogo , cum mysticis , divinisque præceptis . In promptu est Leviticus liber ; in quo singula sacrificia , imò singula pene syllabæ , & vestes Aaron , & totus ordo Leviticus spirant coles-

\* Centones , vocantur quædam carminum structura , ac compositiones variis è locis , sensibusque diversis confarinatae , ut ex eis unus prodeat sensus , quem sejuncta illa non reddunt carmina .

tia sacramenta . Numeri vero , nonne totius Arithmeticæ , & Prophetæ Balaam , & quadraginta duarum per erenum mansionum mysteria continent ? Deuteronomij quoque secunda lex , & Evangelicæ legis præfiguratio nonne sic ea habet , quæ priora sunt , ut tamen nova sint omnia de veteribus ? Hucusque Moyses , hucusque Pentateuchus : quibus quinque verbis loqui se velle Apostolus in Ecclesia gloriatur . Job exemplar patientiæ , quæ non mysteria suo sermone complectitur ? Prosa incipit , versu labitur , pedestri sermone finitur : omnesque leges dialecticæ propositione , assumptione , confirmatione , conclusione determinat . Singula in eo verba plena sunt sensibus . Et ( ut de cæteris sileam ) resurrectionem corporum sic prophetat , ut nullus de ea vel manifestius , vel cautius scripserit : scio , inquit , quod Redemptor meus vivit , & in novissimo die de terra resurrecturus sum : & rursum circumdabor pelle mea ; & in carne mea videbo Deum . Quem visurus sum ego ipse , & oculi mei conspecturi sunt , & non aliis . Reposita est hæc spes mea in sinu meo . Veniam ad Jesum Nave , typum Domini non solum gestis , sed etiam nomine . Transiit Jordanem : hostium regna subvertit : divisit terram victori populo , & per singulas urbes , viculos , montes , flumina , torrentes , atque confinia , Ecclesiæ celestisque Jerusalem spiritualia regna describit . In Judicum libro quot Principes populi , tot figuræ sunt . Ruth Moabitæ Isaiae explet vaticinium dicentis : emite agnum Domine dominatorem terræ , de petra deserti , ad monrem filiæ Sion . Samuel in Heli mortuo , & in occiso Saul , veterem legem abolitam monstrat . Porro in Sadoch , atque David , novi Sacerdotii , novique Impe-

rii sacramenta testatur. Melachim , id est Regum tertius , & quartus liber à Salomone usque ad Jechoniam ; & ad Jeroboam filio Nabath usque ad Ossee , qui ductus est in Assyrio , regum Judæ , & regum describit Israel . Si historiam , respicias , verba simplicia sunt . Si in litteris sensum latentem inspexeris , Ecclesiæ paucitas , & Hæreticorum contra Ecclesiæm bella narrantur . Duodecim Prophetæ in unius voluminis angustias coarctati , multo aliud quam sonant in littera , præfigurant . Ossee crebro nominat Ephraim , Samariam , Joseph , Jezrael , & uxorem fornicariam , & fornicationis filios , & adulteram cubiculo clausam mariti , multo tempore sedere viduam , & sub veste lugubri , viri ad se redditum præstolari . Joel filius Phatuel describit terram duodecim tribuum , eruca , bruco , locusta , rubigine vastante corruptam & post eversionem prioris populi , effusum iri Spiritum Sanctum super servos Dei , & ancillas ; id est , super centum viginti credentium nomina qui effundendus erat in cœnaculo Sion : qui centum viginti ab uno usque ad quindecim paulatim , & per incrementa surgentes , quindecim graduum numerum efficiunt , qui in Psalterio mysticè continentur . Amos Pastor , & rusticus , & ruborum mora distingens , paucis verbis explicari non potest . Quis enim dignè exprimat tria , aut quatuor scelera Damasci , Gazæ , & Tyri , & Idumeæ , & filiorum Ammon , & Moab , & in septimo octavoque gradu Judæ , & Israel ? Hic loquitur ad vaccas pingues , quæ sunt in monte Samariæ , & ruituram domum majorem , minoremque testatur . Ipse cernit factorem locustæ , & stantem Dominum super murum litum , vel adamantinum , & unicum pomorum attrahen-

tem supplicia peccatoribus , & famem in terram , non famem panis , nec sitim aquæ , sed audiendi verbum Dei Abdias , qui interpretatur servus Domini , pertonat contra Edon sanguineum , terrenumque hominem . Fratris quoque Jacob semper æmulum , hasta percutit spirituali . Jonas columba pulcherrima , naufragio suo Passionem Domini præfigurans , mundum ad penitentiam revocat , & sub nomine Ninive salutem Gentibus nuntiat . Michæas de Morasti cohæres Christi , vastationem annuntiat filiæ latronum , & obsidionem ponit contra eam ; quia maxillam percusserit judicis Israel . Nahum consolator orbis increpat civitatem sanguinum , & post eversionem illius loquitur : ecce super montes pedes evangelizantis , & annunciantis pacem . Abacuc luctator fortis , & rigidus , stat super custodiam suam , & fugit gradum super munitionem , ut Christum in Cruce contempletur , & dicat : operuit cœlos gloria ejus , & laudis ejus plena est terra . Splendor ejus ut lux erit , cornua in manibus ejus , ibi abscondita est fortitudo ejus . Sophonias speculator , & arcanorum , Domini cognitor , audi clamorem , à porta piscium & ejulatum à secunda , & contritionem à collibus . Incidit quoque ululatum habitatoribus Pilæ : quia contigit omnis populus Chanaam : disperierunt universi , qui involuti erant argento . Aggæus festivus , & lætus , qui seminavit in lacrymis , ut in gaudio metret , destructum templum ædificat , Dominumque patrem inducit loquentem : Adhuc unum modicum & ego commovebo cœlum , & terram , & mare , & aridam , & movebo omnes gentes : & veniet desideratus cunctis gentibus Zacharias , memor Domini sui multiplex in Propheta Jesum vestibus sordidis indutum , &

lapidem oculorum septem , candelabrumque aureum cum totidem lucernis, quot oculis, duas quoque olivas à sinistris lampadis cernit & dextris, ut post equos rufos, nigros, albos, & varios, & disipatas quadrigas ex Ephraim , & equum de Jerusalem, pauperem Regem vaticinetur, & prædicet sedentem super pullum filium asinæ subjugalis. Malachias apertè, & in fine omnium Prophetarum, de abjectione Israel , & vocatione gentium: non est mihi, ait, voluntas in vobis, dicit Dominus exercituum, & munus non suscipiam de manu vestra : ab ortu enim solis usque ad occasum magnum est nomen meum in gentibus: & in omni loco sacrificatur, & offertur nomini meo oblatio munda. Isaiam, Jeremiam, Ezechielem, & Danielem quis possit vel intelligere, vel exponere? Quorum primus non Prophetiā mihi videtur texere, sed Evangelium. Secundus virgam nuceam, & ollam succensam à facie Aquilonis, & pardum spoliatum suis coloribus, & quadruplex diversis metris necit alphabetum. Tertius principia & finem tantis habet obscuritatibus involuta, ut apud Hebreos istæ partes cum exordio Geneseos, ante annos triginta non legantur. Quartus vero, qui & extēmus inter quatuor Prophetas, temporum, conscius, & totius mundi Philohistor, \* lapidem præcisum de monte sine manibus, & regnat omnia subvertentem, claro sermone pronuntiant. David Simonides noster, Pindarus, & Alcaeus, Flaccus quoque, Catullus, & Serenus Christum lyra personat, & in decachordo Psalterio ab inferis excitat resurgentem. Salomon pacificus, & amabilis Domini, mores corrigit, naturam docet, Ecclesiam jungit & Christum, sanctarumque nuptiarum dulce canit epithalamium. Esther

\* Id est, *Amator Historiarum* totius mundi.

In Ecclesiæ typo populum liberat de periculo , interfecto Aman , qui interpretatur iniquitas , partes convivii , & diem celebrem mittit in posteros. Paralipomenon liber , id est , instrumenti veteris optime, tantus , ac talis est , ut absque illo si quis scientiam Scripturarum sibi voluerit arrogare , seipsum irrideat. Per singula quippè nomina , jucturasque verborum , & prætermissæ in Regum libris tanguntur historiæ , & innumerabiles explicantur Evangelii quæstionis. Esdras, & Neemias, adjutor videlicet , & consolator à Domino , in unum volumen coarctantur, instaurant templum, muros extruunt civitatis : omnisque illa turba populi redeuntis in patriam, & descriptio Sacerdotum , Levitarum , Israelis proselytorum, ac per singulas familias murorum ac turrium opera divisa , alias in cortice præferunt , alias retinent in medulla.

Cernis me Scripturarum amore raptum excessisse modo epistolæ , & tamen non implesse quod vولي. Audivimus tantum quid nosse , quid cupere debeamus , ut & nos quoque possimus dicere: concupivit anima mea desiderare justificationes tuas in omni tempore. Cæterum Socraticum illud impletur in nobis : hoc tantum scio quod nescio. Tangam & novum breviter Testamentum. Matthæus , Marcus, Lucas , & Joannes , quadriga Domini & verum Cherubin , quod interpretatur , scientiæ multitudine per totum corpus oculati sunt, scintillæ emicant, discurrent fulgura , pedes habent rectos , & in sublime tendentes , terga pennata , & ubique volitantia. Tenent se mutuo , sibique perplexi sunt, & quasi rota in rota volvuntur , & pèrgunt quocumque eos flatus Sancti Spiritus perduxerit. Paulus Apostolus

ad septem scribit Ecclesiā ( octava enim ad Hebræos à plerisque extra numerum ponitur ) Timotheum instruit , ac Titum : Philemonem pro fugitivo famulo deprecatur . Super quo tacere melius puto , quām pauca scribere . Actus Apostolorum nudam quidem sonare videntur historiam , & nascentis Ecclesiæ infantiā texere : sed si noverimus scriptorem eorum Lumen esse medicum , cuius laus est in Evangelio ; animadvertemus pariter omnia verba illius , animæ languentis esse medicinam . Jacobus , Petrus , Joannes , & Judas Apostoli septem Epistolas ediderunt , tām mysticas , quām succinctas , & breves pariter & longas , breves in verbis , longas in sententiis ; ut rarus sit qui non in earum lectiōne cœciat . Apocalypsis Joannis tot habet sacramenta , quot verba . Parum dixi pro merito voluminis . Laus omnis inferior est : in verbis singulis multiplices latent intelligentiae . Oro te , frater charissime inter hæc vivere , ista meditari , nihil aliud nosse , nihil querere : nonne tibi videntur jam hic in terris regni celestis habitaculum ? Nolo offendaris in Scripturis sanctis simplicitate , & quasi vilitate verborum : quæ vel vitio interpretum , vel de industria sic prolata sunt , ut rusticam concionem facilius instruerent ; & in una eademque sententia aliter doctus , aliter audiret indoctus . Non sum tam petulans , & hebes , ut hæc me nosse polliceat , & eorum fructus in terra capere , quorum radices in cœlo fixæ sunt : sed velle fateor . Sedenti me præfero , magistrum rennens , comitem spondeo . Petenti datur , pulsanti aperitur , querens invenit . Discamus in terris , quorum nobis scientia perseveret in cœlo . Obiis te manibus excipiam : & ( ut ineptè aliquid , ac de Hermagoræ tumiditate effutiam ) quidquid quæsieris , te-

cum scire conabor . Habes hic amantissimum tui fratrem Eusebium , qui litterarum tuarum mihi gratiam duplicavit , referens honestatem morum tuorum , contemptum sæculi , fidem amicitiae , amorem Christi . Nam prudentiam , & eloquii venustatem , etiam absque illo ipsa epistola præferebat . Festina quæso te , & hærentis in salo navicula funem magis præcide , quām solve . Nemo renuntiaturus sæculo , benè potest vendere , quæ contempsit ut venderet . Quidquid in sumptus de tuo tuleris , pro lucro computa . Antiquum dictum est : avaro tām deest quod habet , quām quod non habet . Credenti totus mundus divitiarum est : \* infidelis etiam obolo indiget : sic vivamus tamquam nihil habentes , & omnia posidentes . Vixtus , & vestitus divitiae Christianorum sunt : si habes in potestate rem tuam , vende : si non habes , proifice . Tollenti tunicam , & pallium relinquendum est . Scilicet nisi tu , semper recrastinans , diem de die trahens , cautè & pendentium tuas possessiunculas vendideris , non habet Christus undē alat pauperes suos . Totum Deo dedit , qui seipsum obtulit . Apostoli navem tantum & retia reliquerunt . Vidua duo æra misit in gazophylacium , & præfertur Cræsi divitiis . Facile contemnit omnia , qui semper cogitat esse moritrum .

\* Hoc est , universa quæ sunt in mundo sua sunt , ac sibi pro divitiis serviant , juxta illud , *Nihil habentes , & omnia possidentes* .

## VITA PAULI EREMITÆ.

## Argumentum Epistolæ.

*De ortu, vita & obitu Pauli primi, sicut putant, Eremitæ, & quomodo fuerit sepultus à D. Antonio monacho. Tanta erat in exemplaribus varietas, ut appareat Hieronymus sapius idem argumentum aliis tractasse verbis, aut aliunde exercendæ copia causa, hoc fecisse videatur, & hoc Hieronymus exercitandi ingenii gratia lusisse.*

**I**nter multos sèpè dubitatum est, à quo potissimum Monachorum Eremus habitari cœpta sit. Quidam animalius repetentes, à Beato Eliam, & Joanne sumpsere principium. Quorum & Elias plus nobis videtur Propheta fuisse, quam monachus, & Joannes ante prophetare cepisse, quam natus est. Alii autem, (in quam opinionem vulgus omne consentit) asserunt Antonium hujus propositi fuisse caput: quod ex parte verum est. Non enim tām ipse ante omnes fuit, quām ab eo omnium incitata sunt studia. Amathas verò, & Macarius, discipuli Antonii, quorum superior magistri corpus sepelivit, etiam nunc affirmant, Paulum quandam Thebaeum, principem istius rei fuisse. Quod non tām nomine, quām opinione nos quoque comprobamus. Nonnulli & hæc, & alia, prout voluntas tulit, jactitant: subterraneo specu crinitum calcaneo tenus hominem fuisse, & multa quæ persequi otiosum est, incredibilia fingentes. Quorum quia impudens mendacium fuit, ne refellenda quidem sententia videtur. Igitur quia de Antonio tām Græ-

co, quām Romano stylo diligenter traditum est; pana de Pauli principio & fine scribere disposui, magis quia res omissa fuit, quām fretus ingenio. Quomodo autem in media ætate vixerit, & quas satanæ pertulerit insidias, nulli hominum compertum habetur. Sub Decio, & Valeriano persecutoribus, quo tempore Cornelius Romæ, Cyprianus Carthagine felici cruce damnati sunt, multas apud Ægyptum, & Thebaidam Ecclesias tempestas sæva populata est. Votū tunc Christianis erat, pro Christi nomine gladio percuti. Verum hostis callidus tarda ad mortem supplicia conquires, animas cupiebat jugulare, non corpora. Et ut ipse, qui ab eo passus est. Cyprianus ait, volentibus mori non permittebatur occidi. Cujus ut crudelitas notior fiat, duo memoriarum causa exempla subjecimus. Perseverantem itaque quandam in fide martyrem, & inter equuleos, laminasque victorem, jussit melle perungi, & sub ardentiſſimo sole, ligatis manibus post tergum resupinari: scilicet ut muscarum aculeis cederet, qui ignitas sartagines ante superasset. Alium juvenili ætate florentem in amoenissimos hortulos præcepit adduci: ibique inter lilia candardia, & rubentes rosas, cùm leni juxta murmure aquarum serperet rivos, & molli sibilo arborum folia ventus præstringeret, super extructum plumis lectum resupinari jusit & ne se inde posset excurrere, blandis sericonexibus irretitum relinquì. Quo cùm, recedentibus cunctis, meretrix speciosa venisset, cœpit delicatis stringere colla complexibus. Et quod dictu quoque scelus est, manibus atrectare virilia, ut corpore in libidine concitato, se viatrix impudica super jaceret. Quid ageret miles Christi, & quō se verteret nesciebat. Quem tormenta non vicerant, superabat voluntas. Tandem

coelitus inspiratus, præcisam mortuus linguam in osculantis se faciem expuit; ac sic libidinis sensum succedens doloris magnitudo superavit. Per idem ergo tempus quo talia gerebantur, apud inferiorem Thebaïdam, cum sorore jam viro tradita, post mortem amborum parentum in hæreditate locupleti Paulus relictus est annorum circiter quindecim, litteris tamen Græcis, quam Ægyptiacis apprimè eruditus, mansueti animi, Deum valde amans. Et cum persecutionis processa detonaret, in villam remotorem & secretiorum secessit. Verum quid non mortalia pectora cogit auri sacra famæ? sororis maritus cœpit prodere velle, quem celare debuerat. Non illum uxoris lacrymæ, non communio sanguinis, non spectans cuncta ex alto Deus ab scelere revocavit. Ad hæc instabat crudelitas, quæ pietatem videbatur imitari. Quod ubi prudentissimus adolescens intellexit, ad montium deserta confugiens, dum persecutionis finem præstolaretur, necessitatem in voluntatem vertit: ac paulatim progrediens, rursusque subsistens, atque hoc idem sæpius faciens, tandem repetit saxeum montem, ad cuius radicem haud procul erat grandiss spelunca, quæ lapide claudebatur. Quo remoto (ut est cupiditas hominum oculata cognoscere) avidius explorans, animadvertit intus grande vestibulum, quod aperto de super cœlo, patulis diffusa ramis vetus palma contexerat, fontem lucidissimum ostendens, cuius rivum tantummodo foras erumpentem, statim modico foramine, eadem quæ generat aquas terra sorbebat. Erant præterea per exesum montem haud pauca habitacula, in quibus Scalptæ, etiam incudes, & mallei, quibus pecunia olim signata, visebantur. Hunc locum Ægyptiorum litteræ ferunt furtivæ monetæ officinam fuisse, ea tem-

pestate, qua Cleopatre junctus est Antonius. Igitur adamato (quasi quod à Deo sibi offerretur) habitaculo omnem ibidem in orationibus & solitudine duxit ætatem: cibum & vestimentum ei palma præbebat. Quod ne qui impossibile videatur, Jesum testor, & sanctos Angelos ejus, in ea eremi parte quæ juxta Syriam Sarracenis jungitur, vidisse me monachos, de quibus unus per triginta annos clausus, hordeaceo pane, & lutulenta aqua vixit: alter in cisterna veteri (quam gentili sermone Syra cubam vocant) quinque caricis per singulos dies sustentabatur. Hæc igitur incredibilia esse videbuntur his, qui non crediderint, quia omnia possibilia sunt credentibus. Sed ut ad rem redeam, undè digressus sum: cum jam centum tredecim annos beatus Paulus vitam cœlestem ageret in terris, & nonagenarius in alta solitudine Antonius moraretur (ut ipse asserere solebat) hæc in mente ejus cogitatio incidit, nullum ultra se perfectum Monachum in eremo consedisse. At illi per noctem quiescenti revelatum est, esse alium ulterius multo se meliorem, ad quem visendum deberet proficisci. Illico, erumpente luce, venerabilis senex infirmos artus baculo regente sustentans, cœpit ire velle quo nesciebat. Et jam media dies, coquente desuper sole, servebat: nec tamen à cœpto itinerè abducebatur, dicens: credo in Deum meum, quod servum suum, quem mihi promisit, ostender. Nec plura his, conspicit hominem equo mixtum, cui opinio Poetarum Hippocentauro vocabulum indidit. Quo viso salutaris impressione signi armat frontem, & heus tu, inquit, quanam in parte hic servus Dei habitat? At ille barbarum nescio quod infrendens, & frangens potius verba, quam proloquens, inter hor-

rentia ora senis blandum quæsivit alloquium, & dextræ protensione manus cupitum indicat iter; & sic patentes campos volucrī transmittens fuga, ex oculis mirantis evanuit. Verum hæc utrum diabolus ad terrendum eum simulaverit: an ut solet, eremus, monstruosorum animalium ferax, istam quoque gignat bestiam, incertum habemus. Stupens itaque Antonius, & de eo quod viderat, secum volvens ulterioris progeditur. Nec mora: inter saxosam convallim hand grandem homunculum videt, aduncis naribus, fronte cornibus asperata, cujus extrema pars corporis in caprarum pedes desinebat. Infractusque & hoc Antonius spectaculo, scutum fidei, & loriam spei, ut bonus præliator arripuit. Nihilominus memoratum animal palmarum fructus eidem ad viaticum, quasi pacis obsides offerebat. Quo cognito, gradum pressit Antonius; & quisnam esset interrogans, hoc ab eo responsum accepit: mortalis ego sum, & unus ex acolis eremi, quos vario delusa errore Gentilitas, Faunos, Satyrosque, & incubos vocans colit. Legatione fungor gregis mei. Precamur, ut pro nobis communem Deum depreceris, quem pro salute mundi venisse cognovimus, & in universam terram exit sonus ejus. Talia eo loquente, longævus viator uberum faciem lacrymis rigabat: quas magnitudo letitiae indices cordis effuderat. Gaudebat quippe de Christi gloria, & de interitu satanæ, simulque admirans, quod ejus posset intelligere sermonem, & baculo humum percutiens, ajebat: Væ tibi Alexandria, quæ pro Deo portenta veneraris: vae tibi civitas meretrix, in quem totius orbis dœmonia confluxere. Quid nunc dictura est? Bestie Christum loquuntur, & tu pro Deo portenta venera-

ris. Necdum verba compleverat, & quasi pennigerο volatum petulcum animal aufugit. Hoc ne cuiquam ob incrudelitatem scrupulū moveat, sub Rege Constantino universo mundo teste, defunditur. Nam Alexandriam istiusmodi homo vivus perductus, magnum populo spectaculum præbuit; & postea cadaver exanime, ne calore æstatis dissiparetur, sale infuso, Antiochiam, ut ab Imperatore videretur, allatum est. Sed ut propositum prosequar, Antonius, cœptam regionem pergebat, ferarum tantum & bupalorum vestigia intuens, & eremi latam vastitatem; quid ageret, quo vertere gradum, nesciebat.

Jam altera effluxerat dies: restabat unum, ut deseriri se à Christo non posse consideret. Pernox secundas in oratione exegit tenebras, & dubia adhuc luce, procul intruetur lupam sitis ardoribus anhelantem, ad radicem montis irrepare. Quam secutus oculis, & juxta speluncam, cum fera abiisset, accedens, intro cœpit aspicere, nihil curiositate proficiente, tenebris arcentibus visum. Verum, ut Scriptura ait, perfecta dilectio foras mittit timorem: suspenso gradu, & anhelitu temperatu, calidus explorator ingressus, ac paulatim progrediens, sæpiusque subsistens, sonum aure captabat. Tandem per cæcæ noctis horrorem procul lumen intuitus, dum avidus properat, offendso in lapidem pede, strepitus concitavit: post cuius sonitum beatus Paulus ostium, quod patrebatur ocludens, sera obfirmavit. Tunc vero Antonius præ foribus corruens, usque ad sextam, & eo amplius horam aditum precabatur, dicens: Qui sim, undè, vel cur venerim nosti. Scio me non mereri conspectum tuum: tamen nisi video, non recedam. Qui bestias recipis, hominem cur repellis? Quæsi-

vi , & inveni : pulso ut aperiatur. Quod si non impetro , hic moriar ante postes tuos ; certe sepietis vel meum cadaver. Talia perstabat memorans , fixusque manebat. Ad quem responsum paucis ita reddidit heros : Nemo sic petir , ut minetur : nemo cum lacrymis injuriam , vel calumniam facit : & miraris si non recipiam , cum moriturus adveneris ? Si arridens Paulus patefecit ingressum.

Quo aperto , dum in motuos miscentur amplexus , propriis se salutavere nominibus : gratiae Domino in commune referuntur. Et post sanctum osculum residens Paulus cum Antonio , ita exorsus est : En quem tanto labore quæsisti , putridis senectute membris operit inculta canities : En vides hominem , pulverem mox futurum. Verum quia charitas omnia sustinet , narra mihi quæso , quomodo se habeat humanum genus , an in antiquis urbibus nova tecta consurgant : quo mundus regatur imperio , an supersint aliqui , qui daemonum errorem rapiantur. Inter has sermocinationes suscipiunt alitem corvum in ramo arboris condidisse ; qui inde leniter subvolans , integrum panem ante mirantium ora depositus. Post cujus abscessum . Eia , inquit Paulus : Dominus nobis prandium misit , verè pius , verè misericors. Sexaginta jam anni sunt , quod accipio dimidiū semper pannis fragmentum : verum ad adventum tuum , militibus suis Christus duplicavit annonam. Igitur Domino gratiarum actione celebrata , super vitrei marginem fontis uterque consedit. Hic verò quis frangeret panem oborta contentio , penè diem duxit in vesperum. Paulus more cogebat hospitii , Antonius jure refellebat etatis. Tandem consilium fuit , ut aprehenso è regione pane , dum ad se quisque nititur , pars cui-

que suā remanere in manibus. Dehinc paululum aquæ in fonte prono ore libaverunt : & immolantes Deo sacrificium laudis , noctem transegere vigiliis. Cumque jam esset terræ redditus dies , beatus Paulus ad Antonium sic locutus est : Olim te frater in istis regionibus habitare sciebam : olim te conservum meum mihi promiserat Deus. Sed quia jam dormitionis meæ tempus advenit , & (quod semper cupiebam dissolvi , & esse cum Christo) peracto cursu , superest mihi corona justitiae : tu missus es à Domino , qui humo corpusculum meum tegas , imò terræ terram reddas. His Antonius auditis , flens & gemens , ne se deseret , ut comitem talis itineris acciperet , precabatur. Et ille : Non debes , inquit , querere quæ tua sunt , sed quæ aliena : expedit quidem tibi sarcina carnis abjecta , Agnum sequi ; sed & cæteris expedit fratribus , ut tuo adhuc instituantur exemplo. Quamobrem quæso perge , nisi molestum est , & pallium , quod tibi Athanasius Episcopus dedit , ad involvendum corpusculum meum defer. Hoc autem beatus Paulus rogavit , non quod magnopere curaret , utrum tectum putresceret cadaver , an nudum , quippè qui tanto temporis spatio , contextis palmarum foliis vestiebatur , sed ut à se recedenti moeror suæ mortis levaratur. Stupefactus ergo Antonius , quod de Athanasio & pallio ejus audierat , quasi Christum in Paulo videns , & in pectore ejus Deum venerans , ultra respondere nihil ausus est : sed cum silentio lacrimans osculatis ejus oculis , manibusque , ad Monasterium , quod postea à Sarracenis occupatum est , regrediebatur. Neque verò gressus sequebantur animum : sed quamvis corpus inane jejuniis , seniles etiam anni fregerant , tamen animo vincebat ætatem. Tandem fatigatus , & anhe-

Ius ad habitaculum suum confecto itinere pervenit. Cui cum duo discipuli , qui ei longo jam tempore ministrare consueverant, occurrisse, dicentes : Ubi tandem moratus es , pater ? Respondit : Væ mihi peccatori, qui falsi monachi nomen fero. Vidi Eliam, vidi Joannem in deserto , & verè vidi Paulum in Paradi so. Et sic ore compresso , & manu verberans pectus, ex cellula pallium protulit. Rogantibusque discipulis, ut plenius quidam rei esset, exponeret, ait: Tempus tacendi , & tempus loquendi . Tunc egressus foras, & ne modicum quidem cibi sumens, per viam qua venerat, regressus est , illum sitiens, illum videre desiderans , illum oculis ac mente contemplans. Timebat enim quod evenit ; ne se absente , Christo debitum spiritum redderet. Cumque jam dies alia illuxisset; & trium horarum spatio viam remeavisset, vidit inter Angelorum catervas, inter Prophetarum & Apostolorum choros niveo candore Paulum fulgentem in sublime descendere. Et statim in faciem suam procidens , sabulum capi superjacebat , ploransque , & ejulans ajebat : Cur me Paule dimittis ? cur insulatus abis? tam tarde notus, tam cito recedis ? Referebat postea beatus Antonius tanta se velocitate quod reliquum erat viæ cucurrisse , ut instar avis pervolasset. Nec immerito. Nam introgressus speluncam , vidit genibus complicatis, erecta cervice, extensisque in altum manibus corpus exanime. Ac primum & ipse, vivere eum credens , pariter orabat. Postquam vero nulla , ut solebat , suspiria precantis audivit, inflebil osculum ruens, intellexit quod etiam cadaver Sancti Deum , cui omnia vivunt, officioso gestu precabatur. Igitur obvoluto , & prolato foras corpore, Hymnos quoque & Psalmos ex Christiana traditione

decantans , constristabatur Antonius, quod sarculum, quo terram foderet , non haberet : flutuansque vario mentis æstu , & secum multa reputans dicebat : Si ad monasterium revertar, tridui iter est : si hic maneam, nihil ultra proficiam. Moriar ergo, ut dignum est , & juxta bellatorem tuum , Christe ruens , extremum habitatum fundam. Talia eo animo volente , ecce duo leones ex interioris eremi parte currentes , volantibus per colla jubis, ferebantur : quibus aspectis primò exhorruit: rursusque ad Deum referens mentem, quasi columbas videret , mansit intrepidum. Et illi quidem directo cursu ad cadaver beati senis substiterunt, adulantibusque caudis circa ejus pedes accubuere fremitu ingenti rugientes , prorsus ut intelligeret eos plangere , quo modo poterant. Deinde haud procul cœperunt humum pedibus scalpere , arenamque certatim egerentes, unius hominis capacem locum fodrant : ac statim quasi mercedem pro opere postulantes, cum motu aurium, cervice dejecta, ad Antonium perrexerunt , manus ejus pedesque lingentes. At ille animadvertisit benedictionem eos à se precari. Nec mora , in laudationem Christi effusus , quod muta quoque animalia Deum esse sentirent, ait: Domine , sine cuius nutu nec folium arboris defluit, nec unus passerum ad terram cadit , da illis sicut tu scis. Et manu annuens eis, ut abirent , imperavit. Cumque illi recessissent, sancti corporis oneri seniles curvavit humeros: & deposito eo in fossam, desuper humum congregans , tumulum ex more compositum. Postquam autem alia dies illuxit , ne quid pius hæres ex intestati bonis non possideret, tunicam ejus sibi vindicavit, quam in sportarum modum de palmae foliis ipse sibi contexuerat. Ac sic ad monasterium re-

versus discipulis cuncta ex ordine replicavit: diebusque solemnibus Paschæ & Pentecostes semper Pauli tunica vestitus est. Liber in fine opusculi eos interrogare, qui sua patrimonia ignorant, qui domos marmoribus vestiunt, qui uno filo villarum insunt pretia: huic seni nudo quid unquam defuit? Vos gerama bibitis: ille naturæ concavis manibus satisfecit. Vos in tunicis aurum texistis: ille ne villissimum quidem indumentum habuit mancipii vestri. Sed è contrario, illi quidem pauperculo paradisus patet: vos auratos gehenna suscipiet. Ille vestem Christi, nudus licet tam servavit: vos vestiti sericis, indumentum Christi perdidistis. Paulus villissimo pulvere coopertus jaicit, resurrecturus in gloriam: vos operosa saxi sepulcra premunt, cum vestris opibus arsuros. Parcite quæso vobis: parcite salutem divitiis, quas amatis. Cur & mortuos vestros auratis obvolvitis vestibus? Cur ambitio inter luctus lacrymasque non cessat? An cadavera divitium, nisi in serico putrescere nesciunt? Obsecro, quicumque hæc legis, ut Hieronymi peccatoris memineris, cui, si Dominus optionem daret, multo magis eligeret tunicam Pauli cum meritis ejus, quam Regum purpuram cum pœnis suis.

# DIVI CÆCILII CYPRIANI

## PISTOLA AD DONATUM.

*In qua qualiter sua conversio fuerit, enarrat, & Sancti Spiritus vires commemorans, mundique laqueos declarans damna, hortatur ad placidam fidem, & quietam.*

CÆCILIUS CYPRIANUS  
Donato salutem.

Bene admones, Donate Charissime, nam & promisso me memini, & reddendi tempestivum prorsus hoc tempus est, quo, indulgente vindemia, solutus animus in quietem solemnes ac statas anni fatigantis inducias sortitur, locus etiam cum die convenit, & mulcentis sensibus ac fovebris ad lenes auras blandientis autumni, hortorum facies amœna consentit. Hic jucundum sermonibus diem ducre, & studentibus fabulis in divina præcepta conscientiam pectoris erudire: ac ne colloquium nostrum arbiter profanus impedit, aut clamor intemperans familiæ strepentis obrundat, petamus hanc sedem; dant recessum vicina secreta, ubi dum erratici palmitum lapsus nexibus pendulis per arundines bajulas.

versus discipulis cuncta ex ordine replicavit: diebusque solemnibus Paschæ & Pentecostes semper Pauli tunica vestitus est. Liber in fine opusculi eos interrogare, qui sua patrimonia ignorant, qui domos marmoribus vestiunt, qui uno filo villarum insunt pretia: huic seni nudo quid unquam defuit? Vos gerama bibitis: ille naturæ concavis manibus satisfecit. Vos in tunicis aurum texistis: ille ne villissimum quidem indumentum habuit mancipii vestri. Sed è contrario, illi quidem pauperculo paradisus patet: vos auratos gehenna suscipiet. Ille vestem Christi, nudus licet tam servavit: vos vestiti sericis, indumentum Christi perdidistis. Paulus villissimo pulvere coopertus jaicit, resurrecturus in gloriam: vos operosa saxi sepulcra premunt, cum vestris opibus arsuros. Parcite quæso vobis: parcite salutem divitiis, quas amatis. Cur & mortuos vestros auratis obvolvitis vestibus? Cur ambitio inter luctus lacrymasque non cessat? An cadavera divitium, nisi in serico putrescere nesciunt? Obsecro, quicumque hæc legis, ut Hieronymi peccatoris memineris, cui, si Dominus optionem daret, multo magis eligeret tunicam Pauli cum meritis ejus, quam Regum purpuram cum pœnis suis.

# DIVI CÆCILII CYPRIANI

## PISTOLA AD DONATUM.

*In qua qualiter sua conversio fuerit, enarrat, & Sancti Spiritus vires commemorans, mundique laqueos declarans damna, hortatur ad placidam fidem, & quietam.*

CÆCILIUS CYPRIANUS  
Donato salutem.

Bene admones, Donate Charissime, nam & promisso me memini, & reddendi tempestivum prorsus hoc tempus est, quo, indulgente vindemia, solutus animus in quietem solemnes ac statas anni fatigantis inducias sortitur, locus etiam cum die convenit, & mulcentis sensibus ac fovebris ad lenes auras blandientis autumni, hortorum facies amœna consentit. Hic jucundum sermonibus diem ducre, & studentibus fabulis in divina præcepta conscientiam pectoris erudire: ac ne colloquium nostrum arbiter profanus impedit, aut clamor intemperans familiæ strepentis obrundat, petamus hanc sedem; dant recessum vicina secreta, ubi dum erratici palmitum lapsus nexibus pendulis per arundines bajulas.

## EPISTOLA

repunt, vitream porticum frondea testa fecerunt. Benè hic studia in aures damus, & dum in arbores, & in vites quas videmus, oblectante prospectu, oculos amoenamus, animum simul & auditus instruit & pascit obtutus. Quamquam tibi sola nunc gratia, sola cura sermonis est, contemptis voluntariae visionis illecebris, in me oculus tuus fixus est, tam ore, quam mente totus auditor es, & hoc amore, quo diligis. Ceterum quale, vel quantum est, quod in pectus tuum veniat ex nobis? Exilis ingenii augusta mediocritas tenues ad medium fruges parit, nullis ad copiam fœcundi cespitis culmis ingravescit: aggrediar tamen facilitate, qua valeo; nam & materia dicendi facit mecum. In judiciis, in concione pro rostris opulenta facundia volubili ambitione jactetur: cum de Domino Deo vox est, vocis pura sinceritas non eloquentiae viribus nititur ad fidei argumenta, sed rebus. Denique accipe non diserta, sed fortia; nec ad audienciam popularis illecebram culto sermone fucata, sed ad divinam indulgentiam prædicandam rudi veritate simplicia: accipe quod sentitur antequam discitur; nec per moras temporum longa agnitione colligitur, sed compedio gratiae matutantis hauritur. Ego cum in tenebris, atque in nocte cæca jacerem, cumque in salo jactantis sæculi nutabundus ac dubius, vestigiis aberrantibus fluctarem, vitæ meæ nescius, veritatis ac lucis alienus; difficile prorsus ac durum pro illis tunc moribus opinabar, quod in salutem mihi divina indulgentia pollicebatur, ut qui renasci denuò posset; utque in novam vitam labacro aquæ salutaris animatus quod prius fuerat exponeret; corporis licet manente compage, hominem animo ac mente muta-

## AD DONATUM.

ret. Qui possibilis, alebam, est tanta conversio, ut repente ac perniciter exuatur, quod vel genuinum situ materiæ naturalis obduruit, vel usurpatum diu senio vetustatis inolevit? alta hæc, & profunda penitus radice sederunt. Quando parsimoniam discit, qui epularibus cœnis & largis dapibus assuevit? & qui pretiosa veste conspicuus in auro atque in purpura fulsit, ad plebejum se ac simplicem cultum quando deponit? Fascibus ille oblectatus & honoribus, privatus & inglorius esse non potest; hic stipatus clientium cuneis, frequentiore comitatu officiosi agminis honestatus, pœnam putat esse cum solus est. Tenacibus semper illecebris assuetum, necesse est, ut solebat, vinolentia invitet, inflat superbia, iracundia inflammet, rapacitas inquietet, crudelitas stimulet, ambitio delectet, libido præcipitet. Hæc egomet sepè mecum: nam ut ipse quamplurimis vita prioris erroribus implicatus tenebar, quibus exui me posse non crederem, sic vitiis adhærentibus obsecundans eram, & desperatione meliorum malis meis veluti jam propriis ac vernaculis adfavebam. Sed postquam undæ genitalis auxilio superioris ævi labe detersa, in expiatum pectus ac purum desuper se lumen infundit; postquam coelitus spiritu hausto in novum me nominem nativitas secunda reparavit, mirum in modum protinus confirmare se dubia, patere clausa lucere tenebrosa; facultatem dare quod prius difficile videbatur; geri posse, quod impossibile putabatur: ut esset agnoscere terrenum suisse quod prius carnaliter natum delictis obnoxium viveret: Dei esse cœpisse, quod jam Spiritus Sanctus animaret. Scis ipse profecto & mecum patiter recognoscis, quid detraxerit nobis, quidve con-

## EPISTOLA

tulerit mors ista criminum , virtutum. Scis ipse, nec prædico : in proprias laudes odiosa jactatio est: quamvis non jactatum possit esse , sed gratum, quicquid non virtuti hominis adscribitur, sed de Dei munere prædicatur , ut jam non peccare esse cœperit fidei ; quod ante peccatum est, fuerit erroris humani. Dei est , inquam , Dei omne quod possumus: inde vivimus , inde pollemus; inde sumpto & vigore concepto , hic adhuc positi futurorum indicia prænoscimus. Si tantum timor innocentiae custos, ut Dominus qui in mentes nostras indulgentiae coelestis allapsu clementer influxit , in animi oblectantis hospitio justa operatione teneatur ; nec accepta securitas in diligentiam pariat, & vetus denuo hostis obrepat. Cæterum si tu innocentiae, si justitiae viam teneas, si illapsa firmitate vestigii tui incedas , si in Deum viribus totis, ac toto corde suspensus hoc sis tantum quod esse cœpisti ; tantum tibi ad licentiam datur: quantum gratiae spiritualis augetur. Non enim , qui beneficiorum terrestrium mos est , in capesendo munere coeliensi mensura illa vel modus est : profluens largiter spiritus nullis sinibus premitur , nec coercentibus claustris intra certa metarum spatia frænatur : manat jugiter, exuberat affluenter. Nostrum tantum sicut pectus , & pateat, quantum illuc fidei capacis afferimus, tantum gratiae innundantis haurimus. Inde jam facultas datur, castitate sobria, mente integra, voce pura , virtute sincera , in medelam dolorium vulnerum posse venenorum virus extinguerre; animorum desipientium labes redditâ sanitatem purgare, infestis jubere pacem, violentis quietem ferocientibus lenitatem , immundos & erraticos spiritus, qui se expugnandis hominibus immerserint,

## AD DONATUM.

ad confessionem minis increpantibus cogere: ut recedant, duris verberibus urgere ; conflictantes , ejulantem, gementes , incremento poenæ propagantis extendere , flagris cædere, igne torrere. Res illic geritur, nec videtur : Occulta plaga , & poena manifesta. Ita quod esse jam cœpimus , acceptus spiritus licentia sua potitur; quod necdum corpus ac membra mutavimus, adhuc carnalis aspectus sæculi nube cæcatur. Quantus hic animi potentatus, quanta vis est? non tantum ipsum esse substratum perniciosis contractibus mundi, ut quis expiatus & purus nulla incurvantis inimici labe capiatur ; sed adhuc majorem & fortiorem viribus fieri, ut in omnem adversarii grassantis exercitum imperioso jure dominetur? Atque ut illustrius veritate patefacta divini munieris indicia clarescant, lucem tibi ad cognitionem dabo , malorum blandientium caligine absterfa , opertas sæculi tenebras revelabo. Paulisper re crede subduci in montis ardui verticem celsiorem, speculare inde rerum infra te jacentium facies ; & oculis in diversa porrectis , ipse à terrenis contactibus liber fluctuantis mundi turbines intuere. Jam sæculi & ipse misereberis , tuique admonitus , & plus in Deum gratus , majore lætitia quod evaseris , gratulaberis. Cerne tu itinera latronibus clausa , maria obsesa prædonibus , cruento horrore castrorum bella ubique divisa : Madet orbis mutuo sanguine , & homicidium cum admittunt singuli crimen est, virtus vocatur cum publicè geritur: impunitatem sceleribus adquirit non innocentiae ratio, sed sævitiae magnitudo. Jam si ad urbes ipsas oculos tuos atque ora convertas, celebritatem offendes omni solitudine tristiorē. Paratur gladiatoriibus ludus, ut libidinem

crudelium lumen sanguinis oblectet. Impletum in succum cibis fortioribus corpus, & aruinæ toris membrorum moles robusta pinguescit, ut saginatus in poenam carius pereat. Homo occiditur in hominis voluptatem, & ut quis possit occidere peritia est, usus est, ars est: scelus non tantum geritur, sed & docetur. Quid potest inhumanius, quid acerbius dicit? disciplina est ut perimere quis possit: & gloria est, quod perimit. Quid illud, ore te, quale est, ubi se feris objiciunt, quos nemo damnavit? ætate integra, honesta satis forma, veste pretiosa, viventes juvenes in ultroneum funus ornantur, malis suis miseri gloriantur: pugnant ad bestias, non criminis, sed furore. Spectant filios suos patres. Frater in cavae est, & soror præsto est. Et spectaculi licet pretium largior muneris apparatus amplificet, ut mœcitoribus suis mater intersit: hoc (proh dolor!) mater redimit, & in tam impisi spectaculis, tamque diris & funestis esse se non putant oculis parricidas. Converte hinc vultus ad diversa spectaculi non minus poenitenda contagia: in theatris quoque conspicias, quod tibi & dolori sit, & pudori. Cothurnus est tragicus prisca facinora carmine recensere: de parricidis & incestis horror antiquus, expressa ad imaginem veritatis actione replicatur, ne sæculis transiuntibus exolescat, quod aliquando commissum est. Admonetur ætas omnis auditu, fieri posse, quod factum est. Nunquam ævi senio delicta moriuntur, nunquam temporibus crimen obruitur; nunquam scelus oblivione sepelitur. Exempla fiunt, quæ esse jam facinora destiterunt. Tum delectat in mimis turpitudinum magisterio, vel quid domi geserit, recognoscere, vel quid gerere possit audire. Adulter-

num discitur, dum videtur; & lenocinante ad vitia publicæ authoritatis malo, quæ pudica fortasse ad spectaculum matrona processerat, de spectaculo revertitur impudica. Adhuc deinde morum quanta labes, quæ probrorum fomenta, quæ alimenta viatorum, histrionicis gestibus inquinari? Videre contra fœdus jusque nascendi patientiam incestæ turpitudinis elaboratam? Evirantur mares, honor omnis & vigor sexus enervati corporis dedecore mollitur, plusque illic placet quisquis virum in fœminam magis fregerit, in laudem crescit ex criminis, & peccator quo turpior judicatur. Spectatur hic, proh nefas! & libenter. Quid non possit suadere qui talis est. Movet sensus, mulcet affectus, expugnat boni pectoris conscientiam fortiorem; nec deest proprii blandientis autoritas, ut auditu molliore perniciies hominibus obrepat. Exprimunt impudicam Venereum, adulterum Martem, Jovem illum suum, non magis regno, quam vitiis principem, in terrenos amores cum ipsis suis fulminibus ardente, nunc in plumas oloris albescere, nunc aureo imbre defluere, nunc in puerorum pubescentium raptus ministris avibus prosiliare. Quære jam nunc an possit esse qui spectat, integer, vel pudicus. Deos suos quos venerantur, imitantur: fiunt miseris & religiosa delicta. O si possis in illa sublimi specula constitutus oculos tuos inserere secretis, recludere cubicolorum obductas fores, & ad conscientiam hominum penetralia occulta reserare: aspicias ab impudicis geri, quod nec aspicere possit frons pudica. Videas quod crimen sit & videre: videas quod viatorum furore dementes gesisse se negant, & gerere festinant: libidinibus, insanis in viros viri pro-

ruunt. Fiunt quæ nec illis ipsis possunt placere, qui faciunt. Mentior nisi alios, qui talis est, increpat; turpes turpis infamat, & evasisse se conscientiam credit; quasi conscientiam suam non posse effugere satis non sit. Idem in publico accusatores, in occulto rei, in semetipsos censores pariter, & nocentes: dominant foris, quod intus operantur, admittunt libenter, quod cum amiserint, criminantur. Audacia protinus cum vitiis faciens, & impudentia congruens impudicis. Nolo mireris quæ loquuntur hujusmodi ore illo polluto. Quidquid jam voce delinquitur, minus est. Sed tibi post insidiosas vias, post dispersas orbe toto multiplices pugnas, post spectacula vel cruenta, vel turpia, post libidinum probra, vel lupanaribus prostituta, vel domesticis parietibus obsepta, quorum quo secretior culpa, major audacia est, forum fortasse videatur immune, quod ab injuriis lacescentibus liberum, nullis mallorum contactibus pollinatur. Illuc aciem tuam flecte: plura illic quæ detesteris invenies, magis oculos tuos inde dicentes. Incisæ sint licet leges duodecim tabulis, & publicè ære præfixo jura præscripta sint, inter leges ipsas delinquitur inter jura peccatur: innocentia nec illic ubi defenditur, reservatur. Sævit invicem discordantium rabies, & inter togas pace rupta, forum litibus mugit insanum; hasta illic & gladius, & carnifex præsto est, ungula effodiens, equuleus extendens, ignis exurens, ad hominis corpus unum supplicia plura, quam membra sunt. Quis inter hæc verò subveniat? Patronus? sed prævaricatur & decipit. Judex? sed sententiam vendit. Qui sedet crima vindicaturus, admittit, & ut reus innocens pereat, fit nocens judex. Flagrant ubi-

que delicta, & passim multiformi genere peccandi per improbas mentes nocens virus operatur. Hic testamentum subjicit: ille falsum capitali fraude conscribit: hic arcentur hæreditatibus liberi: illic bonis donantur alieni. Inimicus insimulat, calumniatio impugnat, testis infamat, utrobique grassatur in mendacium criminum prostitutæ vocis venalis audacia, cum interim nocentes, nec cum innocentibus pereunt. Nullus de legibus metus est: de quæstore, de judice pavor nullus: quod potest redimi non timetur: esse jam inter nocentes innoxium crimen est: malos quisquis non imitatur, offendit. Consensere jura peccatis; & coepit licitum esse quod publicum est. Quis illic rerum pudor, quæ esse possit integritas, ubi qui damnant improbos desunt, soli tibi, qui damnentur, occurront. Sed ne nos videamur eligerre fortasse pejora, & studio destruendi, per ea oculos tuos ducere, quorum tristis atque adversandus aspectus ora & vultus conscientiæ melioris offendat; jam tibi illa quæ ignorantia sacerularis bona opinatur, ostendam, illic etiam fugienda conspicies. Quos honores putas esse? quos fasces? quam affluviam in divitiis? quam potentiam in castris? in magistratu purpuræ speciem? in principatu licentia potestatem? Malorum blandientium virus occultum est, & arridentibus nequitæ facies quidem læta, sed calamitatis abstrusæ illecebrosa fallacia; instar quoddam veneni, ubi in lethales succos dulcedine aspersa calliditate fallendi sapore medicato, poculum videtur esse quod sumitur: ubi epotaveris, perniciies hausta grassatur. Quippè illum vides, qui amictum claviore perspicuus fulgere sibi videtur in purpura: quibus hoc sordibus emit, ut fulgeat? quos arro-

## EPISTOLA

172

gantium fastus prius pertulit? quas superbas fores  
matutinus salutator obsedit? quo tumentium con-  
tumeliosa vestigia in clientium cuneis ante præ-  
cessit, ut ipsum etiam salutatum comes postmo-  
dum pompa præcederet, obnoxia non homini, sed  
potestati? neque enim coli moribus meruit ille,  
sed fascibus. Horum denique videas exitus turpes,  
cum anceps temporum palpator abscesserit, cum  
privati latus nudum desertor assecula fædavit, tunc  
laceratæ domus plage conscientiam feriunt, tunc  
rei familiaris exhaustæ damna noscuntur, quibus re-  
demptus favor vulgi, & caducis atque inanibus vo-  
tis popularis aura quæsita est. Stulta prorsus & va-  
na jactura frustrantis spectaculi voluptate id parare  
voluisse, quod nec populus acciperet, & perderet  
magistratus. Sed & quos divites opinaris, conti-  
nuantes saltibus saltus, & de confinio pauperibus  
exclusis infinita ac sine termino rura latius porrigen-  
tes, quibus argenti & auri maximum pondus, &  
pecuniarum ingentium vel extracti aggeres, vel de-  
fossæ struens; hos etiam inter divitias suas trepidos  
cogitationis incertæ, solicitude discruciat, ne predo-  
vastet, ne percusor infestet, ne inimica cujusque  
locupletiores invidia calumniosis litibus inquietet.  
Non cibus securo, somnusve contigit. Suspirat ille  
in convivio, bibat licet gemma; & cum epulis  
marcidum corpus totus mollior alto sinu condide-  
rit, vigilat in pluma: nec intelligit miser speciosa  
esse sibi supplicia, auro se aligatum teneri, & possi-  
deri magis quam possidere divitias atque opes.  
O detestabilis cæcitas mentium, & cupiditatis insa-  
na profunda caligo! cum exonerare se possit, &  
levare ponderibus, pergit magis fortunis argentibus

## AD DONATUM.

273

incubare, pergit penalibus cumulis pertinaciter  
adhædere. Nulla in clientes inde largitio est, cum  
indigentibus nulla partitio, & pecuniam suam  
dicunt, quam velut alienam domi clausam solici-  
to labore custodiunt: ex qua non amicis, non libe-  
ris quicquam, non sibi denique imperiant. Possi-  
dent ad hoc tantum, ne possidere alteri liceat. O  
nominum quanta diversitas! Bonæ appellant, ex qui-  
bus nullus illis, nisi ad res malas usus est! An tu vel  
illos putas tutos, illos saltem inter boi rum insulas,  
& opes largas stabili firmitate securos, quos regalis  
aulæ splendore fulgentes armorum excubantum tu-  
tela circumstat? Major illis quam cæteris metus est:  
tam ille timere cogitur, quam timetur. Exigit pœ-  
nas pariter de potentiore sublimitas, sit licet satel-  
litum manu sectus, & clavum ac protectum latus  
numeroso stipatore tueatur. Quam securos non sinit  
esse subjectos, tam necesse est non sit & ipse se-  
curos. Ante ipsos terret potestas sua, quos facit esse  
terribiles. Arridet, ut seviat: blanditur, ut fallat;  
illicit, ut occidat; extollit, ut deprimat. Fœnore  
quodam nocendi quam fuerit amplior summa digni-  
tatis & honorum, tam major exigitur usura poena-  
rum. Una igitur placida & fida tranquillitas: una  
solida, & firma, & perpetua securitas, si quis ab  
his inquietantis sæculi turbinibus extractus, salutaris  
portus statione fundatus, & coelum oculos tollat à  
terris, & ad Domini munus admissus, ac Deo suo  
mente jam proximus, quidquid apud cæteros in re-  
bus humanis sublime ac magnum videtur, intra  
suam jaceat conscientiam gloriatur. Nihil appetere  
jam, nihil desiderare de sæculo potest, qui sæculo  
major est. Quam stabilis, quam inconcussa tutela

S

est , quam perennibus bonis affluens cœleste præsidium , implicantis mundi laqueis solvi , in lucem immortalitatis æternæ de terrena fæce pugnari . Videris quæ in nos prius infestantis inimici pernicies insidiosa grassata sit : plus amare compellimus quod futuri sumus : dum & scire conceditur & damnare quod eramus . Nec ad hoc pretiis , aut ambitu , aut manu opus est , ut hominis summa vel dignitas , vel potestas elaborata mole patiatur : sed gratuitum de Deo munus & facile est . Ut sponte sol radiat , dies illuminat , fons rigat , imber inrrorat ; ita se spiritus cœlestis infundit . Postquam authorem suum cœlum intuens anima cognovit ; solo altior , & hac omni terrena potestate sublimior , id esse incipit quod se esse credit . Tu tantum , quem jam spiritualibus castris cœlestis militia signavit , tene incorruptam , tene sobriam religiosis virtutibus disciplinam . Sit tibi vel oratio assida , vel lectio : nunc cum Deo loquere , nunc Deus tecum : ille te præceptis suis instruat , ille disponat : quem ille divitem fecerit , nemo pauperem faciet . Penuria esse nulla jam poterit , cum semel pectus cœlestis sagina saturavit . Jam tibi auro distincta laquearia , & pretiosi marmoris crucis vestita domicilia sordebunt ; cum scieris te excolendum magis ; te potius ornandum , domum tibi hanc esse potiorem , quam Dominus insedit templi vice , in qua Spiritus Sanctus cœpit habitare . Pingamus hanc domum pigmentis innocentia , illuminemus luce justitiae . Non haec unquam procumbet in lapsum senio vetustatis , nec pigmento parietis , aut auro exolescente foedabitur . Caduca sunt quæcumque fucata sunt , nec fiduciam præbent possidentibus stabilem , quæ possessionis non habent veritatem . Hæc manet cultu jugiter vivido , honore inte-

gro , splendore diuturno , aboleri non potest , nec extingui , potest tantum in melius corpore redeunte formari . Hæc intérim brevibus , Donate charissime . Nam etsi facilem de bonitate patientiam , mentem in Deum solidam , fidem tutam salutaris auditus oblectat , nihilque tam tuis auribus gratum est , quam quod in Deo gratum est ; moderari tamen dicenda debemus simul juncti , & sæpius collocuturi . Et quoniam feriata nunc quies , ac tempus est otiosum , quidquid inclinante jam sole in vesperam diei superescet , ducamus hunc diem læti , nec sit vel hora convivii gratiæ cœlestis immunis . Sonet Psalmus , convivium sobrium , & ut tibi tenax memoria est , vox canora , aggredere hoc munus ex more . Magis charissimos pasces , si sit , nobis spiritualis auditio , prolectet aures religiosa mulcedo .

HIERONIMUS AD EUSTOCHIUM,  
de Custodia Virginitatis.

## Argumentum Epistolæ.

*Eustochium ex omnibus Paulæ liberis, sola perpetuam virginitatem est amplexa, solaque matri Bethlehem demigranti comes fuit. Sub hujus persona, quoniam apud Romanos primæ nobilitatis fuit, virgines omnes docet, quomodo sit vivendam.*

**A**udi filia, & vide, & inclina aurem tuam, & obliviscere populum tuum, & domum patris tui, & concupiscet rex decorum tuum. In quadragesimo quarto Psalmo Deus ad animam loquitur humanam: ut secundum exemplum Abrahæ, exiens de terra sua, & de cognatione sua, relinquat Chaldaeos, qui quasi de monia interpretatur; & habitet in regione viventium, quam alibi Propheta suspirat, dicens: Credo vide' bona Domini in terra viventium. Verum non sufficit tibi exire de terra tua, nisi obliviscaris populi tui, & domus patris tui; ut, carne contempta, sponsi jangatis amplexibus. Ne respexeris, inquit, retro: nec steteris in omni circa regione, sed in monte salvum te fac, ne forte comprehendaris. Non expedit apprehenso aratro respicere post tergum, ne de agro reverti domum, nec, post Christi tunicam, ad tollendum aliud vestimentum testo descendere. Grande miraculum: Pater filiam cohortatur, ne meminerit patris sui. Vos de patre diabolo estis, & desideria patris vestri vultis facere, dicitur ad Iudeos. Et alibi: Qui facit

## VIRGINITATIS.

peccatum de diabolo est. Tali primum parente generati nigri sumus: & post paenitentiam, ne cum culmine virtutis ascenso, dicimus: Nigra sum, sed spetiosa, filiae Jerusalem. Exivi de domo infantarum; oblita sum patris mei, renascor in Christo. Quid pro hoc mercedis accipio? Sequitur: Et concupiscet rex decorum tuum. Hoc ergo illud magnum est sacramentum: Propter hoc relinquet homo patrem, & matrem, & adhaerabit uxori suæ, & erunt ambo, jam non, ut ibi, in una carne, sed in uno spiritu. Non est sponsus tuus arrogans, non superbus, Aethiopissam duxi uxorem. Statim ut volueris sapientiam audire veri Salomonis, & ad eum veneris, confitebitur tibi cuncta quæ novit, & inducet te rex in cubiculum suum, & mirum in modum, colore mutato, sermo tibi ille conveniet. Quæ est ista, quæ ascendit dealbata? Hæc idcirco, domina mihi Eustochium, scribo ( dominam quippe vocare debo sponsam Domini mei ) ut ex ipso principio lectionis agnoscere non me nunc laudem virginitatis esse dicturum, quam probasti optimam, & consequuta es; nec enumeraturum molestias nuptiarum, quomodo uterus intumescat infans vagiat, cruciet pelllex, domus cura sollicitet, & omnia, quæ putantur bona, mors extrema praedita: habent enim & matritatæ ordinem suum, honorabiles nuptias, & cubiculum immaculatum: sed ut intelligeres tibi exeunti de Sodoma timendum esse Loth uxoris exemplum. Nulla est enim in hoc libello adulatio. Adulator quippe, blandus inimicus est. Nulla erit rhetorici pompa sermonis, quæ te etiam inter Angelus statuat & beatitudine virginitatis exposita, mundum subiectat pedibus tuis. Nolo tibi venire superbiam de pro-

## DE CUSTODIA

positò , sed timorem. Onusta incedis auro , latro tibi vitandus est. Stadium est hæc vita mortalibus; hic contendimus , ut alibi coronemur. Nemo inter serpentes & scorpiones securus ingreditur. Et ineptius est , inquit Dominus , gladius meus in cœlo : & tu pacem arbitraris in terra , quæ tribulos generat & spinas , quam serpens comedit ? Non est nobis coluctatio adversus carnem & sanguinem , sed adversus principatus & potestates hujus mundi , & rectores tenebrarum harum , adversus spirituallia nequitie in cœlestibus. Magis inimicorum circundamur agminibus , hostium plena sunt omnia. Caro fragilis , & cinis futura post modicum , pugnat sola cum pluribus : cum autem fuerit dissoluta , & venerit princeps mundi hujus , & invenerit in ea nihil : tunc secura audies per Prophetam : Non timebis à timore nocturno : à sagitta volante per diem , à negotio perambulante in tenebris ; ab incursu , & dæmonio meridiano. Cadent à latere tuo mille , & decem millia à dextris tuis : ad te autem non appropinquabunt. Quod si eorum te multitudine turbaverit ; & ad singula incitamenta vitorum coeporis æstuare , & dixerit tibi cogitatio tua quid faciemus ? respondebit tibi Helisæus : Noli timere , quia plures nobiscum sunt , quâm cum illis & orabit , & dicet : Domine , aperi oculos puellæ tuæ , ut videat : & apertis oculis videbis igneum currum , qui te ad exemplum Heliæ in astra sustollat ; & tunc læta cantabis : Anima nostra sicut passer erupta est de laqueo venantium: Laqueus contitus est , & nos liberati sumus. Quandiu hoc fragili corpore detinemur , quandiu habemus thesaurum istum in vasis fictilibus , & concupiscit spiritus adversus car-

## VIRGINITATIS.

nem , & caro adversus spiritum , nulla ex certa victoria. Adversarius noster diabolus tamquam leo rugiens aliquem devorare querens circuit. Posuisti , ait David , tenebras , & facta est nox : In ipsa pertransibunt omnes bestiæ silvæ : Catuli leonum rugientes , ut rapiant , & querant à Deo escam sibi. Non querit diabolus homines infideles : non eos qui foris sunt , & quorum carnes rex Assyrius in olla succedit , de Ecclesia Christi rapere festinat: escæ ejus , secundum Abacuc , electæ sunt. Job subvertere cupit , & devorato Juda , ad cibrandoz Apostolos expedit potestatem. Non venit Salvator pacem mittere super terram , sed gladium. Cecidit Lucifer , qui mane oriebatur : & ille qui in paradiso deliciarum nutritus est , meruit audire : Si exaltatus fueris ut aquila , inde detraham te , dicit Dominus. Dixerat enim in corde suo : Super sidera cœli ponam sedem meam , & ero similis Altissimo. Unde quotidie ad eos , qui per scalam Jacob somniantis descendunt , loquitur Deus : Ego dixi : Dii estis , & filii altissimi omnes : Vos autem sicut homines morienni , & tanquam unus de principibus cadetis. Cecidi enim primus diabolus , & cum stet Deus in Synagoga Deorum , in medio autem deos discernit. Apostolus iis , qui dii esse desinuat , scribit : Ubi enim in vobis sunt dissensiones & æmulationes : nonne homines estis , & secundum hominem ambulatis ? Si Apostolus vas electionis , & separatus in Evangelium Christi , ob carnis aculeos , & incentiva vitorum reprimit corpus suum , & servitutis subjicit , ne aliis , prædicans , ipse reprobus inveniatur , & tamen videt aliam legem in membris suis , repugnantem legi menti suæ & captivum se in legem du-

ci peccati : Si post nuditatem , jejunia , fames , carcerem , flagella , supplicia in s̄emetipsum reversus exclamat : Infelix ego homo , quis me liberabit de corpore mortis hujus ! tu te putas securam esse debere ? Cave , queso , ne quando de te dicat Deus : Virgo Israel cecidit , & non est qui susciet eam . Audenter loquar ; cum omnia possit Deus , suscitere Virginem non potest post ruinam . Valet quidem liberare de poena , sed non vult coronare corruptam . Timeamus illam prophetiam ne in nobis etiam compleatur : Virgines bona deficiunt . Observa quid dicit : Et Virgines bona deficiunt : quia sunt & virginis malæ . Qui viderit , inquit , mulierem ad concupiscendum eam , jam macratus est eam in corde suo . Perit ergo & mente virginitas . Iste sunt virginis malæ , virginis carne , non spiritu ; virginis stultæ , quæ oleum non habentes , excluduntur à Sponsor . Si autem & illæ , quæ virginis sunt , ob alias tamen culpas virginitate corporum non salvantur : quid fieri illis , quæ prostituerint membra Christi , & mutaverint templum Sancti Spiritus in lupanar ? Illicò audient : Descende , sede in terra virgo filia Babylonis : sede in terra , non est solium filiae Chaldeorum : non vocaveris ultra mollis & delicata . Accipe mollam , & molle farinam ; discooperi velamentum : denuda crura , transit flumina : revelabitur ignomina tua , apparebunt opprobria tua . Et hoc post Dei Filii thalamos , post oscula fratuelis & sponsi , illa , de qua quondam sermo propheticus concinebat : Astigit regina à dextris tuis in vestitu deaurato , circundata varietate : nudabitur , & posteriora ejus ponentur in faciem ipsius : sedebit ad quas solicuitatis , & posito vase , divaricabit pedes suos omni

transeunti , & usque ad verticem polluetur . Rectius fuerat homini , subiisse conjagium , ambulasse per plana quam ad altiora tendentem in profundum inferni cadere . Ne fiat obsecro , civitas meretrix , fidelis Sion : ne post Trinitatis hospitium ibi demones saltent ; & Sirenæ nidificant & hericci . Non salvator fascia pectoralis ; sed statim ut libido titillaverit sensum , aut blandum voluptatis incendium dulci nos calore perfuderit , erumpamus in vocem : Dominus auxiliator meus , non timebo quid faciat mihi caro . Et cum paululum interior homo inter virtutia atque virtutes coepit fluctuare : dico : Quare tristis est anima mea , & quare conturbas me ? Spectra in Deo , quia confitebor illi salutare vultus mei , & Deus mens . Nolo sinas cogitationem crescere . Nihil in te Babylonum , nihil confusionis adolescent . Dum parvus est hostis , interface : nequitia , né zizania crescent , elidatur in semine . Audi Psalmistam dicentem : Filia Babylonis miseria , beatus qui retribuet tibi retributionem tuam , quam retribuisti nobis : Beatus qui tenet , & allidet parvulos tuos ad petram . Quia enim impossibile est in sensum hominis non irruere innatum medularum calorem , ille laudatur , ille prædicatur beatus , qui ut ceperit cogitare sordida ; statim interficit cogita , & allidit ad petram : petra autem Christus est . O quoties ego ipse in eremo constitutus , & in illa vasta solitudine , quæ exusta solis ardoribus horridum monachis præstat habitaculum , putabam me Romanis interesse deliciis . Sedebam solus , quia amaritudine repletus eram . Horrebant saccò membra deformia , & squalida cutis situm æthiopicæ carnis obduxerat . Quotidie lacrymæ , quotidie ge-

## DE CUSTODIA

mitus , & si quando repugnantem somnus imminens oppressisset , nuda humo vix ossa hærentia collidebam. De cibis verò & potu taceo : cum etiam languentes monachi aqua frigida utantur , & coctum aliquid accepisse , luxuria sit. Ille igitur ego , qui ob gehenna metum , tali me carcere ipse damnavera-ram , scorpionum tantum socius , & ferarum , sæpe choris intereram puellarum. Pallebant ora jejuniis , & mens desideriis æstuabat in frigido corpore ; & ante hominem suam jam carne præmortuum , sola libidinum incendia bulliebant. Itaque omni auxilio destitutus , ad Jesu jacebam pedes , rigabam lacrymis , crine tergebam , & repugnantem carnem hebdomadorum inedia subjugabam. Non erubesco con-fiteri infelicitatis meæ miseriam : quin potius plango , me non esse quod fuerim. Memini me clamantem diem crebrò junxisse cum nocte , nec prius à pectoris cessasse verberibus , quām rediret Domino increpante tranquillitas. Ipsam quoque cellulam meam , quasi cogitationum mearum consciaciam per-timesebam ; & mihi met iratus , & rigidus , solus deserta penetrabam. Sicubi concava vallium , aspera montium , rupium prærupta cernebam , ibi meæ orationis locus ; ibi illud miserrimæ carnis ergastulum ; & ut ipse mihi testis est Dominus , post multas lacrymas , post cœlo inhærentes oculos , nonnunquam videbar mihi interesse agminibus Angelorum ; & latus , gaudensque cantabam : Post te in odorem unguentorum tuorum curreremus. Si autem hos sustinent illi , qui exeso corpore solis cogitationibus op-pugnantur ; quid patitur puella , quæ deliciis frui-tur ? Nempè illud Apostoli : Vivens mortua est. Si quid itaque in me potest esse consilii ; si experto cre-

## VIRGINITATIS.

ditur ; hoc primum moneo , hoc obtestor , ut Spon-sa Christi vinum fugiat pro veneno. Hæc adversus adolescentiam prima arma sunt dæmonum. Non sic avaritia quatit , inflat superbia , delectat ambitio , facilè aliis caremus vitiis : hic hostis nobis inclusus est. Quocumque pergimus nobiscum portamus ini-micum. Vinum & adolescentia , duplex est incen-dium voluptatis. Quid oleum flammæ adjicimus ? quid ardenti corpusculo fomenta ignium ministra-mus ? Paulus ad Timotheum. Jam noll , inquit , aquam bibere , sed vino modico utere , propter sto-machum , & frequentes tuas infirmitates. Vide qui-bus causis vini potio concedatur : ut ex hoc stoma-chi dolor , & frequens medeatur infirmitas. Et ne nobis forsitan de ægrotationibus blandiremur ; mo-dicum præcepit esse sumendum , medici potius con-silio , quam Apostoli : licet Apostolus sit medicus spiritualis : ne Timotheus imbecillitate superatus , Evangelii prædicandi non posset implere discursus. Alioquin se dixisse meminerat ; vinum , in quo est luxuria. Et bonum est homini vinum non bi-bere , & carnem non manducare. Noè vinum bi-bit , & ineptius est. Post diluvium rudi adhuc sæ-culo , & tunc primum plantata vinea , ineptiare vi-num forsitan nesciebat. Et ut intelligas Scripturæ in omnibus sacramentum ( margaritum quippe est sermo Dei , & ex omni parte forari potest ) post ebrieta-tem nudatum femorum subsequuta est , libido juncta luxuriæ : prius enim venter extenditur , & sic cæ-te-ra membra concitantur. Manducavit enim populus , & babit ; & surrexerunt ludere. Lot amicus Dei , in morte salvatus , & de tot millibus populi solus justus inventus , ineptiatur à filiabus suis : & licet

Ille putarent genus hominum defecisse , & hoc facerent liberorum magis desiderio , quam libidinis ; tamen sciebant , virum justum hoc , nisi ebrium , non esse facturum. Denique quid fecerit , ignoravit ; & quamquam voluntas non sit in crimen, error in culpa est. Inde nascentur Moabitæ , & Ammonitæ inimici Israel : qui usque ad quartam & decimam progeniem , & usque in eternum , non ingrediuntur in Ecclesiam Dei. Helias cum Jezabel fugeret , & sub queteu jaceret Iassus; veniente ad se Angelo suscitatur , & dicitur ei: Surge & manduc. Respxit , & ecce ad caput ejus collyra\* & vas aquæ. Revera non poterat Deus conditum ei merum mittere , & electos cibos , & carnes contusione mutata? Eliseus filios Prophetarum invitat ad prandium , & herbis agrestibus eos alens , consonum prandientium audit clamorem : Mors in olla , homo Dei: non iratus est cocis : lautoris enim mensa consuetudinem non habebat , sed , farina desuper jacta , amaritudinem dulcoravit , eadem spiritus virtute , qua Moyses mutaverat amaram in dulcedinem. Necnon & illos , qui ad eum comprehendendum venerant , oculis pariter ac mente cœcatos , cum in Samariam nescios induxisset , qualibus eos epulis refici imperavit , austera. Pone eis , inquit , panem & aquam; manducent & bibant , & remittantur ad dominum suum. Potuit & Denieli de regis serculis opulentior mensa transferri: sed Abacuc ei messorum prandium portat , arbitror rusticatum , ideoque & desideriorum vir apellatus est , quia panem desiderii non manducavit , & vinum concupiscentiae non bbit. Innumerabilia sunt de Scripturis divina responsa , quæ gulam damnent , & simplices

\* Pla centæ genus , quod in sartagine , vel sub cinere coquebatur.

cibos probent. Verum quia nunc non est propositum de jejunis disputare ; & in universa exequi , sui est tituli , & voluminis; hæc sufficient pauca de plurimis; aliqui , ad exemplum horum , poteris tibi ipsa colligere , quomodo primus de paradiso homo , ventri magis obediens , quam Deo , in hanc lacrymarum dejctus est vallem : & ipsum Dominum Satanas fame tentaverit in deserto : Et Apostolus clamitet : Esce ventri , & venter esse escis : Deus autem , & hunc , & illas destruet. Et de luxuriosis , quorum Deus venter est : id enim colit unusquisque , quod diligit. Ex quo solicite providendum est , ut quos saturitas de paradiſo expulit , reducat esuries. Quod si volueris respondere te nobili stirpe generatam semper in deliciis , semper in plurimis , non posse à vino , & esculentioribus cibis abstinere , nec his legibus vivere , districtus respondebo : Vive ergo lege tua , quæ Dei non potes. Non quod Deus universitatis Creator , & Dominus intestinorum nostrorum rugitu , & inannitate ventris , pulmonisque delectetur ardore , sed quod aliter pudicitia tuta esse non possit. Job Deo charus , & testimonio ipsius immaculatus , & simplex , audi quid de diabolo suspicetur. Virtus ejus in lumbis , & potestas ejus in umblico. Honestè viri , mulierisque genitalia , immutatis sunt appellata nominibus. Unde & de lumbis David super sedem ejus promittitur esse sensurus. Septuaginta quinque animæ introierunt in Ægyptum , quæ exierunt de femore Jacob. At , postquam colluctante Domino , latitudo femoris ejus emarcuit , à liberorum opere cessavit. Et qui Pascha facturus est , accinctis , mortificatisque lumbis facere præcipitur. Et ad Job dicit Deus : Accinge , sicut vir , lumbos tuos. Et Joannes

zona pellice cingitur circa lumbos suos. Et Apostoli jubentur accinctis lumbis Evangelii tenere lucernas. Ad Jerusalem verò , quæ represa sanguine , in campo invenitur erroris , in Ezequiele dicitur : Non est præcicus umbilicus tuus. Omnis igitur adversus viros dia-boli virtus in lumbis est : omnis in umbilico contra fœminas fortitudo. Vis scire ita esse , ut dicimus ? Ac-cipe exempla. Sampson leonem fortior , & saxo durior , qui & unus , & nudus mille persequutus est armatos , in Dalilæ molescit amplexibus. David , secundum cor Domini electus , & qui venturum Christum sancto sæ-pe ore cantaverat , postquam deambulans super tectum domus suæ , Bethsabeæ caput est nuditate , adulterio junxit homicidium. Ubi & illud breviter attende , quod nullus sit etiam in domo tutus aspectus. Quapropter ad Dominum pœnitens , loquitur. Tibi soli peccavi , & malum coram te feci. Rex enim erat , alium non timebat Salomon , per quem se cecinit ipsa Sapientia , qui disputavit à cedro Libani usque ad hyssopum , quæ exiit per parietem , recessit à Domino , quia amo-tor mulierum fuit. Et ne quis sibi de sanguinis propin-quitate confideret : in illicitum Tamar sororis Amnon frater exarsit incendium. Piget dicere , quot quotidie virgines ruant , quantas de suo gremio mater perdat Ecclesia ; super quæ sidera inimicus superbis ponat thronum suum : quot petras escavet , & habitet colubet in foraminibus earum. Videas plerasque viduas antequam nuptias , infelicem conscientiam mentita tan-tum vestem protegere. Quas nisi tumor uteri , & infantum prodiderit vagitus , sanctas & castas se esse glo-riantur , & erecta cervice , ludentibus pedibus incedunt. Aliæ verò sterilitatem præbibunt , & necdum sati ho-micidium faciunt. Nonnullæ , cum se senserit con-

cepisse de scelere , abortii venena meditantur , & fre-quenter etiam ipsæ commortuæ trium criminum reæ ad inferos perducuntur , homicidiæ sui , Christi adul-teræ , necdum nati filii parricidæ. Istæ sunt , quæ so-lent dicere : omnia munda mundis : Sufficit mihi cons-cientia mea : Cor mundum desiderat Deus : Cur me abstineam à cibis , quos creavit Deus ad utendum ? Et si quando festivè & lepide volunt vivere , ubi se mero ingurgitaverint , ebrietati sacrilegium copulantes , aiunt : Absit , ut ego me à Christi sanguine abstineam. Et quam viderint pallentem atque tristem , miseriam & Manichæam vocant. \* Et consequenter : Tali enim proposito jejunium hæresis est. Haec sunt , quæ per pu-blicum notabiliter incedunt : & furtivis oculorum nu-tibus adolescentium greges post se trahunt , quæ sem-per audiunt per Prophetam : Facies meretricis facta est tibi , impudorata es tu. Purpura in veste te-nuis , & laxius , ut crines decidunt ligatum caput , fo-cus altior , & per humeros hyacinthina læna mavorte volitans , succinctæ manicæ brachiis adhærentes , & so-lutus genibus fractus incessus. Haec est apud illas tota virginitas. Habeant istæ hujusmodi laudatores suos , & sub virginali nomine lucrosius pereant. Libenter tali-bus non placemus. Pudet dicere , pro nefas ! triste , sed verum est : unde in Ecclesiis Agapetarum pestis introiit ? unde sine nuptiis alium nomen uxorum ? imo unde novum concubinarum genus ? Plus inferam. Un-de meretrices univiræ ? Eadem domo , uno cubiculo , sæ-pe uno tenentur & lectulo ; & suspiciosos non vocant , si aliiquid extimemus. Frater sororem virginem de-

\* Manichæi abstinebant se à carnibus & ovis , asse-rentes nullo mortuo vescendum esse corpore : nec etiam bibebant vinum , quamvis uyas comederent.

serit : cœlibem spernit virgo germanum , fratrem quærat extraneum , & cum in eodem proposito esse se simulent , quærunt aliorum spiritale solatum , ut domi habeant carnale commertium . Istiusmodi homines Salomon in Proverbiis spernit , dicens : Aliigavit quis in sinu ignem , & vestimenta ejus non comburentur ? Aut ambulavit super carbones ignis , & pedes illius non ardebunt ? Explosis igitur , & extermatis his , quæ nolunt esse virgines , sed videri , nunc ad te mili omnis dirigatur oratio . Quæ quanto prima Romanæ urbis virgo nobilis esse cœpisti , tanto tibi amplius laborandum est , ne & præsentibus bonis careas , & futuris . Et quidem molestias nuptiarum , & incerta conjugii , domestico exemplo didicisti , cum soror tua Blæsilla ætate major , sed proposito minor , post acceptum maritum septimo mense viduata est . O infelix humana conditio , & futuri nescia ! Et virginitatis coronam , & nuptiarum perdidit voluptatem . Et quamquam secundum pudicitiae gradum teneat viduitas : tamen quas illam per momenta sustinere existimas cruces , spectantem quotidie in sorore , quod ipsa perdidit ; & cum difficilius experta careat voluptate , minorem continentiae habere mercedem ? Si tamen , & illa secura , si gaudens . Centesimus , & sexagesimus fructus de uno sunt semine castitatis . Nolo habeas consortium matronarum : nolo ad nobilium domos accedas ; nolo te frequenter videre , quod contemnens , virgo esse voluisti . Sic sibi solent aplaudere mulierculæ de judicibus viris , & in aliqua positis dignitate . Si ad Imperatoris uxorem concurrit ambitio salutantium , cur tu facis injuriam viro tuo ? Ad hominis conjugem , Dei sponsa , quid properas ? Disce

in hac parte superbiam sanctam: scito te illis esse meiorem . Neque vero earum tantum te cupio declinare congressus , quæ maritorum inflantur honoribus , quas eunuchorum greges sepiunt , & in quarum vestibus attenuata in filium auri metalla texuntur ; sed etiam eas fuge , quas viduas necessitas fecit , non voluntas , non quod mortem optaverit maritorum ; sed quod datam occasionem pudicitiae non libenter acceperint . Nunc vero tantum veste mutata , pristina non mutatur ambitio . Præcedit , caveas , Basternarum \* ordo semivirorum : Et rubentibus buccis , cutis farta distenditur , ut eas putes maritos non amisisse , sed querere . Plena adulutoribus domus , plena conviviis . Clerici ipsi , quos & magisterio esse oportuerat pariter & timori , osculanunt capita matronarum , & extenta manu , ut benedicere eos putes velle , si nescias , pretia accipiunt salutandi . Ille interim , quæ Sacerdotes suo viderint indigere præsidio , eriguntur in superbiam : & quia maritorum experitæ dominatum , viduitatis præferunt libertatem , castæ vocantur , & Nonne , & post cœnam dubiam , Apostolos somniant . Sint tibi sociæ quas jejunia tenuant , quibus pallor in facie est , quas & ætas probavit & vita , quæ quotidie in cordibus suis canunt : Ubi pacis ? ubi cubas in meridie ? Quæ ex affectu dicunt : Cupio dissolvi , & esse cum Christo . Esto subjecta parentibus ; imitare sponsum tuum , Rarus sit egressus in publicum : martyres tibi querantur in cubiculo tuo . Nunquam causa deerit procedendi , si semper , quando necesse est , processura sis . Sit tibi moderatus cibus , & nunquam venter expletus . Plures quippè sunt , quæ cum vino sint sobriæ , ciborum largitate sunt ebriæ . Ad

T

\* Genus vehiculi , instar cayæ fabricatum , quod hisp. *Coché* vocamus .

## DE CUSTODIA

orationem tibi nocte surgenti, non indigestio ructum faciat, sed inanitas. Crebrius lege, disce quamplurima. Tenenti codicem somnus obrepat, & candentem faciem pagina sancta suscipiat. Sint tibi quotidiana jejunia, & refectio satietatem fugiens. Nihil prodest biduo triduoque transmisso, vacuum portare ventrem, si pariter obruatur, si compensetur saturitate jejunium. Illico mens repleta torpescit, & irrigata humus spinas libidinum germinat. Si quandum senseris exteriorem hominem florem adolescentiae suspirare, & accepto cibo cum te in lectulo compositam, dulcis libidinum pompa concusserit; arripe scutum fidei in quo ignitæ diaboli extinguuntur sagitæ. Omnes adulterantes, quasi elibanus corda eorum. At tu Christi commitata vestigiis, & sermonibus ejus intenta, dic: nonne cor nostrum ardens erat in via, cum aperiret nobis Jesus Scripturas? Et illud: igitur eloquium tuum vehementer, & servus tuus dilexit illud. Difficile est humanaam animam aliquid non amare: & necesse est, ut in quoscumque mens nostra trahatur affectus. Carnis amor, spiritus amore superatur. Desiderium, desiderio restinguatur. Quidquid inde minuitur, hinc crescit. Quin potius superingemina, & dicito super lectum tuum: In noctibus quæsivi quem dilexit anima mea. Mortificate ergo, inquit Apostolus, membra vestra, quæ sunt super terram. Unde & ipse postea confidenter ajebat: Vivo autem, jam non ego, vivo vero in me Christus. Qui mortificat membra sua, & in imagine perambulat, non timet dicere: Factus sum sicut uter in pruina. Quidquid enim in me fuit humoris libidini, excoctum est, & infirmata sunt in jejunio genua mea, & oblitus

## VIRGINITATIS.

sum manducare panem meum. A voce gemitus mei adhæsit os meum carni meæ. Esto cicada noctium. Lava per singulas noctes lectum tuum; lacrymis tuis stratum tuum riga. Vigila, & fias sicut passer in solitudine: psalle spiritu, psalle & sensu: benedic anima mea Dominum, & ne obliviscaris omnes retributiones ejus, qui propitiatur cunctis iniuriantibus tuis: qui sanat omnes infirmitates tuas, & redimit ex corruptione vitam tuam. Et quis nostrum ex corde dicere potest: quia cinerem tanquam panem manducabam, & potionem meam cum fletu miscebam? an non flendum est, non gemendum, cum me rursus serpens invitat ad illicitos cibos? Cum de paradyso virginitatis ejectum, tunicis vult vestire pelliceis, quas Helias ad paradysum rediens, projectit in terram? Quid mihi & voluptati, quæ brevi perit? Quid cum hoc dulci, & mortifero carmine Sirenarum? Nolo te illi subiacere sententiae, qua in hominem est illata damnatio: In doloribus, & in anxietatibus paries. Mulieris lex ista est, non mea. Et ad virum conversio tua. Sic conversis illius ad maritum, quæ virum non habet Christum: & ad extremum, morte morieris. Finis iste conjugii, meum propositum sine sexu est. Habeant nuptæ suum tempus, & titulum. Mihi virginitas in Maria dedicatur & Christo. Dicat aliquis: & audes nuptiis detrahere, quæ à Deo benedictæ sunt? Non est detrahere nuptiis, cum illis virginitas antefertur. Nemo malum bono comparat. Glorientur & nuptæ, cum à virginibus sint secundæ: crescite, ait, & multiplicamini, & replete terram. Crescat, & multiplicetur ille, qui impleturus est terram. Tuum agmen in cœlis est. Crescite, & multiplicamini, hoc

## DE CUSTODIA

expletur edictum post paradisum, & nuditatem, & ficus folia auspicantia pruriginem nuptiarum. Nubat, & nubatur ille, qui in sudore faciei comedat panem suum, cui terra tribulos & spinas generat, & cujus herba sentibus suffocatur. Meum semen centenaria fruge fœcundum est. Non omnes capiunt verbum Dei, sed hi, quibus datum est. Alium Eunuchum necessitas faciat, me voluntas. Tempus amplexandi, & tempus abstinenti à complexibus, tempus mittendi lapides, & tempus colligendi. Postquam de duritia nationum generati sunt filii Abrahæ, cœperunt sancti lapides volvi super terram. Pertransiunt quippe mundi istius turbines, & in curru Dei rotarum celeritate volvuntur. Consuant tunicas, qui inconsutam desursum tunicam perdiderunt, quos vagitus delectat infantium, in ipso lucis exordio fletu lugentium quod nati sunt. Eva in paradiſo virgo fuit, post pelliceas tunicas, initium sumpsit nuptiarum. Tua regio paradisus est. Serva quod nata est, & dic: Revertere anima mea in requiem tuam. Et ut scias virginitatem esse naturæ, nuptias post delictum: virgo nascitur caro de nuptiis, in fructu reddens quod in radice perdidera. Exiit virga de radice Jesse, & flos de radice ejus ascendet. Virga mater est Domini, simplex, pura, sincera, nullo extrinsecus germine cohærente, & ad similitudinem Dei unione fœcunda. Virgæ flos Christus est, dicens: Ego flos campi, & lily convallium. Qui & in alio loco lapis prædicatur abscissus de monte sine manibus, significantem Propheta, virginem nascitum esse de virgine. Manus quippe accipiuntur pro opere nuptiarum: ut ibi, sinistra ejus sub capite meo, & dextera illius amplexabitur me.

## VIRGINITATIS.

In hujus sensus congruit voluntatem etiam illud, quod animalia que in Arcam Noe bina inducuntur, immunda sunt. Impar enim numerus est mundus: & Moyses, & Jesus Nave nudis in sanctam terram pedibus jubentur incedere. Et Discipuli sine calceamentorum onere, & vinculis pellium ad prædicationem novi Evangelii destinantur. Et milites vestimentis Jesu sorte divisis caligas non habuerent, quas tollerent, nec enim poterat habere Dominus, quod prohibuerat servis. Laudo nuptias, laudo conjugium, sed qui mihi virgines generant, lego de spinis rosam, de terra aurum, de cuncha margaritam. Numquid qui arat, tota die arabit? nonne & laboris sui fruge lætabitur? Plus honorantur nuptiae, quando quod de illis nascitur plus amatur. Quid invides mater filiæ? Tuo lacte nutrita est, tuis educata visceribus, in tuo adolevit sinu, tu illam virginem sedula pietate servasti. Indignaris, quod noluit militis esse uxor, sed regis? Grande tibi beneficium præstítit. Socrus Dei esse cœpisti. De virginibus, inquit Apostolus, præceptum Domini non habeo. Cur? quia & ipse ut esset virgo, non fuit imperii, sed propriæ voluntatis. Neque enim audiendi sunt, qui eum uxorem habuisse consingunt; cum de continentia disserens, & suadens perpetuam castitatem, intulerit: volo autem omnes esse sicut me ipsum. Et infra: dico autem innuptis, & viduis: bonum est illis, si sic permaneant, sicut & ego. Et in alio loco: Numquid non habemus potestatem circumducendi mulieres, sicut & cæteri Apostoli? Quare ergo non habet Domini de virginitate præceptum? quia majoris est mercedis, quod non cogitur, & offertur: quia si fuisset Virginitas imperata

nuptiæ videbantur ablatae : & durissimum erat contra naturam cogere, Angelorumque vitam ab hominibus extorquere , & id quodammodo damnare quod conditum est. Alia fuit in veteri lege felicitas: ibi dicitur beatus , qui habet sermonem in Sion , & domesticos Jerusalem. Et : maledicta sterilis quæ non pariebat. Et Filii tui sicut novellæ olivarum in circuitu mensæ tuæ. Et, re promissio divitiarum. Et : non erit infirmus in tribubus tuis: nunc eunuchis dicitur : nec te lignum arbitreris aridum. Habes locum pro filiis & filiabus in cœlestibus sempiternum. Nunc benedicuntur pauperes , & Lazarus diviti præfertur in purpura. Nunc qui infirmus est, fortior est. Vacuus erat orbis: & ut detypicis taceam, sola erat benedictio liberorum. Propterea & Abraham jam senex Cethuræ copulatur , & Jacob mandragoris redimitur : & conclusam vulvam in Ecclesiæ figuram, Rachel conqueritur. Paulatim vero increscente segete messor immissus est. Virgo Helias, Heliseus virgo , virginis multi filii Prophetarum. Hieremiæ dicitur: Et tu ne accipias uxorem. Sanctificatus in utero , captivitate propinqua , uxorem prohibetur accipere. Aliis verbis id ipsum Apostolus loquitur. Existimo hoc bonum esse propter instantem necessitatem ; quoniam bonum est homini sic esse. Quæ est ista necessitas , quæ aufert gaudia nuptiarum? Tempus brevatum est : Reliquum est, ut & qui habent uxores, sint quasi non habeant. In proximo est Nabucodonosor. Promovit se leo de cubili suo. Quo mihi superbissimo regi servitura conjugia? quo parvulus , quos Propheta complorat, dicens: adhæsint lingua lectentis ad faucem ipsius in siti. Parvuli postulaverunt panem, & qui frange-

ret eis non erat. Inveniebatur ergo ( ut diximus ) in viris tantum hoc continentia bonum , & in doloribus jugiter Eva parturiebat. Postquam vero Virgo concepit in utero , & peperit nobis pueram , cuius principatus in humeros ejus , Deum , fortem , patrem futuri sæculi , soluta maledictio est. Mors per Evam, vita per Mariam. Ideoque & ditius virginitatis donum fluxit in foeminas , quia cœpit à foemina. Statim ut Filius Dei ingressus est super terram , novam sibi familiam instituit , ut quia ab Angelis adorabatur in cœlo , haberet Angelos & in terris. Tunc Holofernis caput Judith continens amputavit. Tunc Amân , qui interpretatur iniquitas , suo combustus est igne. Tunc Jacobus , & Joannes relicto patre, rete , navicula , sequuti sunt Salvatorem , affectum sanguinis , & vincula , sæculi , & curam domus pariter relinquentes. Tunc primum auditum est : Qui vult venire post me , abneget semetipsum , & tollat crucem suam , & sequatur me. Nemo enim miles cum uxore pergit ad præium. Discipulo ad sepulturam patris ire cupienti , non permittitur. Vulpes foveas habent , & volucres cœli nidos , ubi requiescant : Filius autem hominis non habet ubi caput suum reclinet. Ne forsitan contristeris , si angustæ manseris. Qui sine uxore est sollicitus est quæ Domini sunt , quomodo placet Domino. Qui autem cum uxore est sollicitus est quæ sunt mundi , quomodo placeat uxori. Divisa est mulier , & virgo. Quæ non est nupta , cogitat quæ sunt Domini , ut sit sancta corpore & spiritu : nam quæ nupta est cogitat quæ sunt mundi , quomodo placeat viro. Quantas molestias habeant nuptiæ , & quot sollicitudinibus vinciantur , in eo libro , quem adversus

Helvidium de Beatae Mariæ perpetua Virginitate edidimus puto breviter expressum , nunc eadem replicare perlongum est : & si cui placet , de illo posse haurire fonticulo . Verum ne penitus videar omisisse ; nunc dicam , quod cum Apostolus sine intermissione orare nos jubeat , & qui in coniugio debitum solvit , orare non possit , aut oramus semper , & virgines sumus ; aut orare desinimus , ut coniugio serviamus . Et si nupserit , inquit , virgo , non peccati tribulationem tamen carnis habebunt hujusmodi . Et in principio libelli præfatus sum , me de angustiis nuptiarum , aut nihil omnino , aut pauca dictum . Et nunc eadem admoneo , ut si tibi placet scire quod molestias virgo libera , quod uxor adstricta sit , legas Tertullianum ad amicum Philosophum scribentem , & de virginitate alios libellos , & beati Cypriani volumen egregium , & Papæ Damasi super hac re versu prosa que composita , & Ambrosii nostri , quæ nuper scripsit ad sororem , opuscula ; in quibus tanto se effudit eloquio , ut quid ad laudes virginum pertinet , exquisierit , expresserit , odinarit . Nobis diverso tramite incendendum . Virginitatem non tantum offerimus , sed servamus : nec sufficit scire quod bonum est , nisi custodiatur attentius quod electum est : quia illud judicii est , hoc laboris , & illud commune cum pluribus , hoc cum paucis . Qui perseveraverit , inquit , usque in finem , hic salvis erit . Et : multi vocati pauci autem electi . Itaque obtestor te coram Deo , & Christo Jesu , & electis Angelis ejus , ne vasa templi Domini , quæ solis Sacerdotibus videare concessum est , facile in publicum proferas , ne saerarium Dei quisquam profanus aspiciat . Oza , ar-

cam , quam non licebat tangere , attingens , subita morte prostratus est . Nec enim vas aureum , & argenteum tam carum Deo fuit , quam templum corporis virginis . Præcessit umbra , nunc veritas est . Tu quidem simpliciter loqueris , & ignotos quoque blanda non despicias : sed aliter vident impudici oculi , non norunt animæ pulchritudinem considerare , sed corporum . Ezechias thesaurum Dei monstrat Assyriis , sed Assyrii non debuerunt videre , quod cuperent . Denique frequentibus bellis Judæa convulsa , vasa primum Domini capta , atque translatâ sunt inter opulas , & concubinarum greges , quia palma virtutum est honesta polluere , Balthasar potat in phialis . Ne declines aurem tuam in verba malitia . Sæpè enim indecens aliquid loquentes tentant mentis arbitrium : si libenter audias virgo quod dicitur , si ad ridicula quæque solvaris ; quidquid dixeris , laudant , quidquid negaveris , negant ; facetam vocant , & sanctam , & in qua nullus sit dolus : ecce verè ancilla Christi , dicentes ; ecce tota simplicitas ; non ut illa horrida , turpis rusticana , terribilis , & quæ ideo forsitan maritum non habuit , quia invenire non potuit . Naturali ducimur malo . Adulatoribus nostris libenter favemus : & quamquam nos respondeamus indignus , & callidus rubor ora perfundat ; attamen ad laudem suam intrinsecus anima lætatur . Sponsa Christi arca est testamenti , intrinsecus & extrinsecus deaurata , custos legis Domini . Sicut in illa nihil aliud fuit nisi tabulæ testamenti : ita & in te nullus sit extrinsecus cogitatus . Super hoc propitiarum quasi super Cherubim sedere vult Dominus . Mittit discipulos suos , ut in te sicut in pullo asinæ sedeat . Curis te sæcularibus solvit , ut paleas &

## DE CUSTODIA

Iateres Ægypti derelinquens, Moysen sequareis in eremo, & terram reprobmissionis introeas. Nemo sit qui prohibeat, non mater, non soror, non cognata, non germanus: Dominus te necessariam habet. Quod si voluerint impedire, timeant flagella Pharaonis, qui populum Dei ad colendum eum nolens dimittere, passus est ea quæ scripta sunt. Jesus ingressus in templum, ea quæ templi non erant projectit. Deus enim zelotes est, & non vult Patris domum fieri speluncam latronum. Alioqui, ubi æra numerantur, ubi sunt cœvæ columbarum simplicitas enecatur, ubi in pectore virginali sæcularium negotiorum cura æstuat, statim velum templi scinditur; sponsus consurgit iratus, & dicit: relinquetur vobis domus vestra deserta. Lege Evangelium, & vide quomodo Maria ad pedes Domini sedens, Marthæ studio præferatur. Et certè Martha sedulo hospitalitas officio, Domino, atque Discipulis ejus convivium præparabat. Martha, inquit, Martha, sollicita est, & turbaris erga plurima: pauca autem necessaria sunt, aut unum; Maria bonam partem elegit quæ non auferetur ab ea. Esto & tu Maria, cibis præferto doctrinam. Sorores tuæ cursitent, & quærant quomodo Christum hospitem suscipiant. Tu semel sæculi onere projecto, sede ad pedes Domini, & dic: Inveni eum quem quærebat anima mea; tenebo eum, & non dimittam: & ille respondeat: Una est columba mea, perfecta mea, una est matri suæ, electa genetrici suæ, suæ celesti videlicet Jerusalem. Semper te cubiculi tui secreta custodian; semper tecum sponsus ludat intrinsecus. Oras, loqueris ad sponsum: legis, ille tibi loquitur: Et cum te somnus oppresserit, veniet post parietem, & mit-

## VIRGINITATIS.

tet manum suam per foramen, & tange ventrem tuum: & expergefacta consurgens, & dices: vulnerata charitate ego sum. Et rursus ab eo audies: hortus conclusus, soror mea sponsa, hortus conclusus, fons signatus. Cave ne domum ex eas, & velis videre filias regionis alienæ, quamvis fratres habeas Patriarchas, & Israel parente læteris. Dina egressa corrumpitur. Nolo te sponsum quærere per plateas: nolo te circumire angulos civitatis, dicas licet: surgam, & circuibo civitatem, & in foro, & in plateis quæram quem dilexit anima mea, & interroges: num, quem dilexit anima mea vidisti? Nemo tibi respondere dignabitur. Sponsus in plateis non potest inveniri. Arcta & angusta via est quæ ducit ad vitam. Denique sequitur: Quæsivi eum, & non inveni; vocavi eum, & non respondit mihi. Atque utinam non invenisse sufficiat. Vulneraberis, nudaveris, & gemibunda narrabis; Invenerunt me custodes, qui circumieunt civitatem; percusserunt me, & vulneraverunt me, tulerunt theristrum \* meum mihi. Sit autem hoc exiens patitur illa, quæ dixerat: Ego dormio, & cor meum vigilat: & fasciculus stictæ fratreli meus mihi, in medio uberum meorum commorabitur: quid de nobis fiat, quæ adhuc adolescentulæ sumus? quæ, sponsa intrante cum sponso remanemus extrinsecus? Zelotypus est Jesus, non vult ab aliis videri faciem tuam. Excuses licet, atque causeris, obducto velamine ora contexit & quæsivi te ibi, & dixi: annuntia mihi quem dilexit anima mea; ubi pascis, ubi cubas in meridie, ne quando efficiar sicut operta super greges sodalium tuorum: indignabitur, tumebit, & dicet, si non cognoveris te ipsam, o pulcra inter mulieres, egre-

\* Tenuis & linea vestis, qua æstate mulieres utuntur.

## DE CUSTODIA

dere in vestigiis gregum , & pasce hædos tuos in tabernaculis astorum. Sis licet pulchra , & inter omnes mulieres species tua diligatur à sposo ; nisi te cognoveris , & omni custodia servavéris cor tuum ; nisi oculos juvenum fugeris ; egressieris de thalamo meo , & pasces hædos , qui statuti sunt à sinistris. Itaque mihi Eustochium filia , domina , conserva , germana (aliquid enim ætatis , aliud meriti , aliud religionis , hoc est charitatis nomen ) audi Isaiam loquentem : Populus mens intra cubiculum tuum . Claudio ostium tuum , abscondere pussillum aliquantulum , donec transeat ira Domini . Foris vagentur virgines stultæ , tu intrinsecus esto cum sposo , quia si ostium clauseris , & secundum Evangelii præceptum in occulto oraveris Patrem tuum , veniet , pulsabit , & dicet : ecce ego sto ante januam , & pulso ; Si quis mihi aperuerit , introibo , & cenabo cum eo , & ipse mecum . Et tu statim sollicita respondebis : vox fratruelis mei pulsantis , & dicentis : aperi mihi soror mea , proxima mea , perfecta mea , columba mea : Necessæ est ut dicas ; Dispoliavi me tunica mea , quomodo induam illam ? lavi pedes meos , quomodo inquinab eos ? Ilicè consurge , & aperi , ne te mortante pertranseat , & postea conqueraris , & dicas : Aperui ego fratrueli meo , fratruelis meus pertransivit . Quid enim necessæ est , ut cordis tui ostia clausa sint ? Sponso aperiantur Christo , claudantur diabolo , secundum illud : si spiritus potestatem habentis ascenderit super , ne dimiseris locum tuum . Daniel in sublimi coenaculo suo (neque enim manere poterat in humili) fenestras apertas ad Jērusalem habuit : & tu habeto apertas fenestras , sed unde lumen intreat ; unde videoas civitatem Domini . Ne aperias

## VIRGINITATIS.

illas fenestras , de quibus dicitur : Intravit mors per fenestras nostras : Illud quoque tibi vitandum est cautius , ne inanis gloria ardore capiaris . Quomodo , inquit Jesus , potestis credere , gloriam ab hominibus accipientis ? Vide quale malum sit , quod qui habuerit , non potest credere . Nos vero dicamus : Quoniam gloriatio mea tu es . Et : qui gloriatur , in Domino gloriatur . Et : si adhuc hominibus placet , Christi servus non essem . Et : mihi autem absit gloriari , nisi in Cruce Domini nostri Jesu-Christi , per quem mihi mundus crucifixus est , & ego mundo . Et illud : in te laudabimus tota die ; in Domino laudabitur anima mea . Cum facis eleemosynam , Deus solus videat . Cum jejunas , læta sit facies tua . Vestis nec satis munda , nec sordida , & nulla diversitate notabilis , ne ad te oviam prætereuntium turba consistat , & digito monstreris . Frater est mortuus , sororis est corpusculum deducendum , cave ne dum hæc sæpius facis , ipsa moriaris . Nec satis religiosa vellis videri , nec plus humilis , quam necesse est ; ne gloriam fugiendo quaeras . Plures enim paupertatis misericordiae , atque jejunii arbitros declinantes , hoc ipso cupiunt placaret , quod placere contemnunt ; & mirum in modum laus , dum vitatur , appetitur . Cæteris perturbationibus , quibus hominis mens gaudet , ægreditur , sperat , & metuit , plures invenio extraneos . Hoc vitio pauci admodum sunt , qui caruerint ; & ille optimus , qui quasi in pulcro corpore rara nævorum sorde respectatur . Neque vero moneo , ne de divitiis glorieris , ne de generis nobilitate te jactes , ne te cæteris præferas , scio humilitatem tuam : scio te ex affectu dicere Domine , non est exaltatum cor meum , ne-

que elati sunt oculi mei : novi & apud te , & apud matrem tuam , superbiam , per quam diabolus cecidit , penitus locum non habere. Unde ad te super ea scribere superfluum sit. Stultissimum quippe est docere , quod noverit ille , quem doceas Sed ne hoc ipsum tibi jactantiam generet , quod sæculi jactantiam contempsisti , ne cogitatio tacita subrepat , ut quia inauratis vestibus placere desisti , placere conteris in sordidis , & si quando in conventum fratrum veneris , vel sororum , humili sedes , scabello te causeris indignam : voce ex industria quasi confectam jejuniis , non tenues : & dificients imitata gressum , humeris ne innitaris alterius. Sunt quippè non nullæ exterminantes facies suas , ut appareant hominibus jejunantes ; quæ statim ut aliquem viderint ingemiscunt , demittunt supercilium , & operta facie vix unum oculum liberant ad videndum , vestis pulla , cingulum sacceum & sordidis manibus , pedibusque ; venter solus , quia videri non potest , æstuat cibo. His quotidie psalmus ille canitur : Dominus dissipabit ossa hominum sibi placentium. Aliæ virili habitu ueste mutata , erubescunt esse quod natæ sunt , crimen amputant , & imprudenter erigunt facies eunuchias. Sunt quæ cilicis uestiuntur , & cucullis fabrefactis , ut ad infantiam redeant , imitantur noctuas & bubones. Sed ne tantum videar disputare de fœminis ; viros quoque fuge , quos videris catenatos , quibus fœminei contra Apostolum erines , hircorum barba , nigrum pallium , & nudi in patientia frigoris pedes. Hæc omnia argumenta sunt diaconi. Talem olim Antymum , talem nuper Sophronium Roma congreguit : qui postquam nobilium intropicunt domos , & deceperunt mulierculas one-

ratas peccatis , semper discentes , & nunquam ad scientiam veritatis pervenientes , tristitiam simulant , & quasi longa jejunia furtivis noctium cibis protractant. Pudet dicere reliqua , ne videar potius invehi , quam munere. Sunt alii(de mei ordinis hominibus loquor qui ideo Presbyterium , & Diaconatum ambunt ut mulieres licentins videant. Omnis his cura de vestibus , si bene oleat , si pes laxa pelle folleat. \* Crines calamistri vestigio rotantur : digiti de annulis radiant ; & ne plantas humidior via spargat , vix impriunt summa vestigia. Tales cum videris , sponsos magis existimato , quam Clericos. Quidam in hoc omne studium , vitamque posuerunt , ut matronarum nomina , domos moresque cognoscant , ex quibus unum , qui hujus artis est princeps , breviter strictimque describam , quo facilius magistro cognito , discipulos recognoscas. Cum sole festinus exurgit ; salutandi ei ordo disponitur , viarum compendia requiruntur , & pene usque ad cubicula dormientium senex importunus ingreditur , si pulvillum viderit , si mantile elegans , si aliquid domesticæ supellectilis , laudat , miratur , atrectat ; & se his indigere conquerens , non tam impetrat , quam extorquet : quia singulæ metuunt veredarium urbis offendere. Huic inimica castitas , inimica jejunia ; prandium nidoribus probat , & altili géron ó pepo vulgo pipizo nominatur. Os barbarum , & procax in convitia semper armatum. Quocumque te verteris , primus in facie est. Quidquid novum insonuerit , aut author , aut exaggerator est famæ. Equi per horarum momenta mutantur , tam nitidi , tamque feroce , ut Thrassi regis illum putas esse germanum. Variis callidus

\* *Follere dixi pro follicare: q. e. instar follium , vento inclusu moveri , quod evenit laxis calceamentis.*

que elati sunt oculi mei : novi & apud te , & apud matrem tuam , superbiam , per quam diabolus cecidit , penitus locum non habere. Unde ad te super ea scribere superfluum sit. Stultissimum quippe est docere , quod noverit ille , quem doceas Sed ne hoc ipsum tibi jactantiam generet , quod sæculi jactantiam contempsisti , ne cogitatio tacita subrepat , ut quia inauratis vestibus placere desisti , placere conteris in sordidis , & si quando in conventum fratrum veneris , vel sororum , humili sedes , scabello te causeris indignam : voce ex industria quasi confectam jejuniis , non tenues : & dificients imitata gressum , humeris ne innitaris alterius. Sunt quippè non nullæ exterminantes facies suas , ut appareant hominibus jejunantes ; quæ statim ut aliquem viderint ingemiscunt , demittunt supercilium , & operta facie vix unum oculum liberant ad videndum , vestis pulla , cingulum sacceum & sordidis manibus , pedibusque ; venter solus , quia videri non potest , æstuat cibo. His quotidie psalmus ille canitur : Dominus dissipabit ossa hominum sibi placentium. Aliæ virili habitu ueste mutata , erubescunt esse quod natæ sunt , crimen amputant , & imprudenter erigunt facies eunuchias. Sunt quæ cilicis uestiuntur , & cucullis fabrefactis , ut ad infantiam redeant , imitantur noctuas & bubones. Sed ne tantum videar disputare de fœminis ; viros quoque fuge , quos videris catenatos , quibus fœminei contra Apostolum erines , hircorum barba , nigrum pallium , & nudi in patientia frigoris pedes. Hæc omnia argumenta sunt diaconi. Talem olim Antymum , talem nuper Sophronium Roma congreguit : qui postquam nobilium intropicunt domos , & deceperunt mulierculas one-

tatas peccatis , semper discentes , & nunquam ad scientiam veritatis pervenientes , tristitiam simulant , & quasi longa jejunia furtivis noctium cibis protractant. Pudet dicere reliqua , ne videar potius invehi , quam munere. Sunt alii(de mei ordinis hominibus loquor qui ideo Presbyterium , & Diaconatum ambunt ut mulieres licentins videant. Omnis his cura de vestibus , si bene oleat , si pes laxa pelle folleat. \* Crines calamistri vestigio rotantur : digiti de annulis radiant ; & ne plantas humidior via spargat , vix impriunt summa vestigia. Tales cum videris , sponsos magis existimato , quam Clericos. Quidam in hoc omne studium , vitamque posuerunt , ut matronarum nomina , domos moresque cognoscant , ex quibus unum , qui hujus artis est princeps , breviter strictimque describam , quo facilius magistro cognito , discipulos recognoscas. Cum sole festinus exurgit ; salutandi ei ordo disponitur , viarum compendia requiruntur , & pene usque ad cubicula dormientium senex importunus ingreditur , si pulvillum viderit , si mantile elegans , si aliquid domesticæ supellectilis , laudat , miratur , atrectat ; & se his indigere conquerens , non tam impetrat , quam extorquet : quia singulæ metuunt veredarium urbis offendere. Huic inimica castitas , inimica jejunia ; prandium nidoribus probat , & altili géron ó pepo vulgo pipizo nominatur. Os barbarum , & procax in convitia semper armatum. Quocumque te verteris , primus in facie est. Quidquid novum insonuerit , aut author , aut exaggerator est famæ. Equi per horarum momenta mutantur , tam nitidi , tamque feroce , ut Thrassi regis illum putas esse germanum. Variis callidus

\* *Follere dixi pro follicare: q. e. instar follium , vento inclusu moveri , quod evenit laxis calceamentis.*

hostis pugnat insidiis. Sapientior erat coluber omnibus bestiis, quas creaverant Dominus super terram Unde & Apostolus; Non, inquit, ignoramus ejus astutias. Nec affectatae sordes, nec exquisitae munditiae convenient Christiano. Si quid ignoras, si quid de Scripturis dubitas, interroga eum quem vita commendat, excusa artas, fama non reprobatur, que possit dicere: despontavi enim vos uni viro, virginem castam exhibere Christo. Aut si non est, possit exponere, melius est aliquid nescire, securè quam cum periculo dicere. Memento quia in medio laquearum ambulas, & multæ veteranæ virgines castitatis indubitatæ, in ipso mortis limine coronam perdidere de manibus. Si quæ ancillulæ sunt comites propositi tui, ne erigaris adversus eas, ne infleris ut domina. Unum sponsum habere cœpistis, simul psallitis: Christi simul corpus accipitis, cur mensa diversa sit? Provocentur & aliæ. Honor virginum sit invitatio cæterarum. Quod si aliquam senseris infirmorem in fide, suscipe, consolare, blandire, & pudicitiam illius fac lucrum tuum. Si qua simulat, fugiens servitatem, huic aperite Apostolum lege: melius est nubere quam url. Eas autem virgines & viduas, quæ otiosæ, & curiosæ domus circumveunt matronarum; quæ rubore frontis abstractio, parasitos vincunt minorum, quasi quasdam pestes abjice. Corrumpt mores bonos confabulationes pessimæ. Nulla illis nisi ventris cura est, & quæ ventri sunt proxima. Istiusmodi hortari solent, & dicere: mi catella, rebus tuis utere, vive dum vivis: & numquid filiis tuis servas? vinosæ atque lascivæ, quidvis mali insinuant, ac ferreas quoque mentes ad delicias emolliunt. Et cum luxuriatæ fuerint in Christo, nubere volunt, habente damna-

tionem, quòd primam fidem irritam facerunt. Nec tibi diserta multum velis videre, aut lyrici festiva carminis metro ludere. Non delumbem matronarum salivam delicata secteris, quæ nunc strictis dentibus, nunc labiis dissolutis, balbutientem linguam in diuidita verba moderantur, rusticum putantes omne quod noscitur. Adeò illis adulterium etiam linguae placet. Quæ enim communicatio spei ad tenebras? qui consensus Christo cum Belial? qui facit cum psalterio Horatius? cum Evangelis Maro? cum Apostolis Cicero? Nonne scandalizatur frater si te viderit in idolio recumbentem? Et licet omnia mundia mundis, & nihil rejiciendum quod cum gratiarum actione percipitur; tamen simul bibere non debemus Calicem Christi, & calicem dæmoniorum. Referam tibi meæ infelicitatis historiam. Cum ante annos plurimos domo, parentibus, sorore, cognatis, & (quod his difficilius est) consuetudine lauatoris cibi propter cœlorum me regna castrassem, & Jerosolymam militaturus pergerem, Biblioteca, quam mihi Romæ suum studio ac labore confeceram, carere omnino, non poteram. Itaque miser ego, lecturus Tullium, jejunabam. Post noctium crebras vigilias, post lacrymas, quas mihi præteriorum recordatio peccatorum ex immis visceribus eruebat, Plautus sumebatur in manus. Si quando ad memet ipsum versus Prophetas legere cœpisset, sermo horrebat incultus: & quia lumen cæcis oculis non videbam, non oculorum putabam culpam esse, sed solis. Dum ita me antiquis serpens illuderet, in media fermè quadragesima medulis infusa febris corpus invasit exhaustum, & sine ulla requie, quod dictu quoque incredibile sit, sic infelia membra depasta est, ut ossibus vix hære-

rem. Interim parantur exequiae; & vitalis animæ calor toto frigescente jam corpore, in solo tantum te-  
pente pectusculo palpitarbat: cum subito raptus in spi-  
ritu ad tribunal judicis pertrahor: ubi tantum lumi-  
nis, & tantum erat ex circumstantium charitate ful-  
goris, ut projectus in terram, sursum aspicere non  
auderem. Interrogatus de conditione, Christianum  
me esse respondi. Et ille, qui præsidebat: Mentiris,  
ait; Ciceronianus es, non Christianus, ubi enim the-  
saurus tuus, ibi & cor tuum. Illic obmutui, & inter  
verbera ( nam cædi me jusserrat ) conscientiae magis  
igne torquebat, illum mecum versiculum reputans:  
In inferno autem quis confitebitur tibi? Clamare  
autem cœpi, & ejulans dicere: Miserere mei Domi-  
ne, miserere mei. Hæc vox inter flagella resonabat,  
Tandem ad Præsidentis genua provoluti qui astabant:  
precabantur ut veniam tribuerit adolescentiæ, & er-  
rori locum pœnitentiæ commodaret; exacturus deinde  
cruciatum, si gentilium litterarum libros aliquando  
legisset. Ego qui in tanto constrictus articulo vel-  
lum etiam majora promitere, dejerare cœpi, &  
nomen ejus obtestans, dicere: Domine si unquam ha-  
buero codices sacerulares, si legero, te negavi. In hæc  
sacramenti verba dimissus revertor ad superos, &  
mirantibus cunctis, oculos aperio, tanto lacryma-  
rum imbre perfusos, ut etiam incredulis fidem face-  
rem ex dolore. Nec verò sopor ille fuerat, aut nova  
sonnia, quibus sepè deludimur. Testis est tribunal  
illud ante quod jacui: testis judicium triste, quod ti-  
mui. Ita mihi nunquam contingat, in talem incidere  
quæstionem. Libentes fateor habuisse me scapulas,  
plangas sensisse post sonum, & tanto dehinc studio  
divina legisse, quanto non ante mortalia legeram. Ava-

titiaæ tibi quoque vitandum es malum, non ut aliena  
non appetas ( hoc enim & publicæ leges puniunt ) sed  
quod tua, quaæ tibi sunt aliena non serves. Si in alie-  
no, inquit, fideles non fuistis; quod vestrum est,  
quis dabit vobis? Alienæ nobis auri argentique sunt  
pondera, nostra possessio spiritualis est; de qua ali-  
bi dicitur: Redemptio animæ viri, propriæ divitiæ.  
Nemo enim potest duobus dominis servire: aut enim  
unum odiet, & alterum amat; aut unum patietur,  
& alterum contemnet. Non potestis Deo servire, &  
mammonæ, id est divitiis. Nam gentili Syrorum lin-  
gua Mammona, divitiæ nuncupantur. Cogitatio vic-  
tus, spinæ sunt fidei. Radix avaritiæ, cura gentilium.  
At dicas: Puella sum delicata, & quaæ manibus meis  
laborare non possum, si ad senectam venero, si ægrot-  
are cœpero, quis mei miserebitur? Audi Apostolis  
loquentem Jesum: ne cogiteris in corde vestro quid  
manducetis, neque corpori vestro, quid induamini.  
Nonne anima plus est quam esca, & corpus plus  
quam vestimentum? Respice volatilia cœli quo-  
niam non serunt, neque metunt, neque congregant in  
horrea, & Pater vester cœlestis pascit illa. Si vestis  
defuerit, lilia proponantur. Si esurieris audias, Bea-  
tos pauperes esurientes. Si aliquis te affixerit dol-  
or, legit: Propter hoc complaceo mihi in infirmi-  
tatis meis, & datum est mihi stimulus carnis meæ  
angelus satanæ, qui me colaphizet, ne extollat. Læ-  
tare in omnibus judiciis Dei. Exultaverunt enim filiæ  
Judæ in omnibus judiciis tuis Domine. Illa tibi sem-  
per in ore vox resonet. Nudus exivi de utero matris  
meæ, nudus revertar, Et: Nihil intulimus in hunc  
mundum: neque auferre quid possuimus: Ac nunc  
plerasque vides armaria stipare vestibus, tunicas mu-

## DE CUSTODIA

tare quotidie , & tamen timeas non posse superare . Quæ religiosior fuerit unum exterit vestimentum , & plenis arcis pannos trahit . Inficiuntur membranæ purpureo colore . Aurum liquescit in litteras , gemmis codices vestiuntur , & nudus ante fores earum Christus emoritur : & cum manum egenti porrexerint buccinant . Cum ad agapen vocaverint præco conducitur . Vidi nuper ( nomen taceo , ne satyram putes ) nobilissimam Romanorum mulierem in Basilica Beati Petri semiviris antecedentibus , propria manu , quo religiosior putaretur , singulos nummos dispertere pauperibus . Interea ut usu nosse perfacile est , anus quædam annis pannisque obsita , præcurrit , ut alterum nummum acciperet ; ad quam cum ordine pervenisset , pugnus porrigitur pro denario , & tanti criminis reus sanguis effunditur : Radix omnium malorum est avaritia . Ideoque ab Apostolo , idolorum servitus appellatur : Quære primum Regnum Dei , & hæc omnia apponentur tibi . Non occidet fame animam justam Dominus . Junior fui , & senui , & non vidi justum derelictum , neque semen ejus quærens panem . Helias corvis ministrantibus pascitur . Vidua Sareptana , ipsa cum filii nocte moritura , Prophetam pasci esuriens : & mirum in modum , capsace \* completo qui alendus venerat , alit . Petrus Apostolus inquit : Argentum & aurum non habeo : quod autem habeo , hoc tibi do . In nomine Domini Jesu surge & ambula . At nunc multi , licet sermone taceant , opere loquuntur : fidem & misericordiam non habeo : quod autem habeo argentum , & aurum , hoc tibi non do . Habentes autem vicuum & vestitum , his contenti simus . Audi Jacob quid sua oratione postulet : Si fuerit Deus mecum , & ser-

• Vas olearium . Hisp. *Cangilon de aceyte.*

## VIRGINITATIS.

waverit me in via hac , perquam ego iterfacio , & deridet mihi panem ad manducandum , & vestitum ad vestiendum : Tantum necessaria deprecatus est ; & post annos viginti dives dominus , & dition pater ad terram revertitur Chanaam . Infinita de Scripturis exempla suppetunt , quæ avaritiam doceant esse fugiendam . Verum quia nunc ex parte de ea dicitur , & suo , si Christus annuerit , volumini reservatur ; quid antè non plures annos Nitriæ gestum sit referemus . Quidam ex fratribus partior magis , quam avarior , & nesciens triginta argenteis Dominum venditum , centum solidos , quos lina texendo acquisierat , moriens dereliquit . Initum est inter Monachos consilium ( nam in eodem loco circiter quinque milia divisis cellulis habitabant ) quid facto opus esset . Alii pauperibus distribuendos esse dicebant , alii dandos Ecclesiæ , non nulli parentibus remittendos . Macarius vero , & Pambō , & Isidorus , & cæteri quos patres vocant , sancto in eis loquente Spiritu , decreverunt infodiendos esse cum eodem , dicentes : Pecunia tua tecum sit in perditionem . Nec hoc crudeliter quisquam putet factum ; tantum cunctos per totam Ægyptum terror invasit , ut unum solidum demisisse , sit criminis . Et quoniam Monachorum fecimus mentionem , & te scio libenter audire quæ sancta sunt , aurem paulisper accommoda . Tria sunt in Ægypto Monachorum genera . Primum Cœnobitæ quod illic Sauses gentili lingua vocant ; nos in communi viventes possumus appellare . Secundum Anachoretæ , qui soli habitant per deserta , & ab eo quod procul ab hominibus recesserint , nuncupantur . Tertius genus est , quod Remoboth dicunt ; deterrium , atque neglectum , & quod in nostra provincia aut solum aut primum est . Hi bini ,

vel terni , nec multo plures simul habitant , suo arbitratu , ac ditione viventes ; & de eo ; quod laboraverint , in medium partes conferunt ut habeant alimenta communia . Habitant autem quamplurimum in urbibus , castellis , & quasi ars sit sancta , non vita , quidquid yenderint majoris est pretii . Inter hos s<sup>e</sup>p<sup>e</sup> sunt jurgia ; quia suo viventes cibo non patiuntur se alicui esse subjectos : revera solent certare jejuniis , & rem secreti victoriae faciunt . Apud hos affectata sunt omnia , laxae manisse , caligae follicantes , vestis crassior , crebra suspiria , visitatio virginum , detrac<sup>tio</sup> Clericorum ; & , si quando dies festus venerit , saturantur ad vomitum . His igitur quasi quibusdam pestibus exterminatis , veniamus ad eos , qui plures sunt , & in commune habitant , id est quos vocari Cœnobitas diximus . Prima apud eos confederatio est , obedire majoribus , & quidquid jusserint , facere . Divisi sunt per decurias , atque centurias , ita ut novem hominibus decimus præsit ; & rursus decem præpositos sub se centessimus habeat . Manent separati , sed junctis cellulis ; usque ad horam nonam , ut institutum est , nemo pergit ad alium , exceptis his decanis , quos diximus ; ut si cogitationibus forte quis fluctuat , illius consoleatur alloquiis . Post horam nonam in commune concurritur : psalmi resonant . Scripturæ recitantur ex more , & completis orationibus , cunctisque residentibus , medius , quem patrem vocant , incipit disputare : quo loquente tantum silentium fit , ut nemo aliud respicere , nemo audeat excreare . Dicentis laus in fletu est audientium . Tacite voluntur per hora lacrymæ , & ne in singultus quidem erumpit dolor . Cum vero de regno Christi , & de futura beatitudine , & de gloria cœperit annunciare

ventura ; videas cunctos moderato suspirio , & oculis ad cœlum levatis , intra se dicere : Quis dabit mihi pennas sicut columbae , & volabo , & requiescam . Post hæc consilium solvitur , & unaquæque decuria cum suo parente pergit ad mensas , quibus per singulas hebdomadas vicissim ministrant . Nullus in cibo strepitus est ; nemo comedens loquitur ; vivitur pane leguminibus , & oleribus , quæ sale solo conduntur : vinum tantum senes accipiunt , quibus & parvulis s<sup>e</sup>p<sup>e</sup> fit prandium ; ut aliorum fessa sustentetur zetas , aliorum non frangantur incipiens . Deinde consurgunt pariter , & Hymno dicto ad præsepio redeunt , ibi usque ad vesperam cum suis unusquisque loquitur , & dicit : Vidistis illum , & illum ? quanta in ipso sit gratia ? Quantum silentium ? Quam moderatus incessus ? Si infirmum viderint consolantur ; si in Dei amore ferventem , cohortantur ad studium . Et quia nocte extra orationes publicas in suo cubili unusquisque vigilat , circumveunt cellulas singulorum , & aure apposita , quid faciant diligenter explorant . Quem tardiorem deprehenderint , non increpat ; sed dissimulato quod norunt , eum s<sup>e</sup>p<sup>e</sup>ius visitant , & prius incipientes provocant magis orare , quam cogunt . Opus dei statum est : quod decano redditum , fertur ad reconomum : qui & ipse per singulos menses patri omnium cum magno tremore reddit rationem : à quo etiam cibi cum facti fuerint prægustantur : & quia non licet dicere cuiquam : Tunicam , & sagum textaque juncis strata non habeo : ille ita universa moderatur , ut nemo quid postulet , nemo non habeat . Si quis vero cœpit ægrotare , transfertur ad exedram latiorem ; & tanto senum ministerio confovetur , ut nec delicias urbium , nec matris querat affectum . Dominicis di-

## DE CUSTODIA

bus orationi tantum , & lectionibus *vacant*; quod quidem & omni tempore , completis opusculis , faciunt. Quotidie aliquid de Scripturis dicitur. Jejuniū totius anni æquale est , excepta quadragesima , in qua sola conceditur districtus vivere. A Pascha ad Pentecosten cœnæ mutantur in prandia ; quo & traditione Ecclesiasticæ satisfiat , & ventrem cibo non onoren duplicito. Tales Philo , Platonici sermonis imitator ; tales Josephus , Græcus Livius in fœcunda Judaicæ captivitatis historia Essenos refert. Verum quia nunc , de virginibus scribens , pene superfluum de Anachoretas vocant ; qui & de cœnobitis exeuntes , excepto pane & sale , ad deserta nihil perferunt amplius. Hujus vitæ author Paullus , illustrator Antonius , & ut ad superiora concendam , princeps Joannes Baptista fuit. Talem vero virum Jeremias quoque Propheta describit dicens : Bonum est viro cum portaverit jugum ab adolescentia sua : Sedebit solitarius , & tacebit , quoniam sustulit super se jugum , & dabit percutienti se maxillam : Saturabitur opprobriis ; quia non in sempiternum abjicit Dominus. Horum laborem & conversationem in carne non carnis , alio tempore , si volueris , explicabo. Nunc ad propositum redeam , quia de avaritia disserens ad Monachos veneram. Quorum tibi exemplum proponens , non dico aurum , atque argentum , & cæteras opes , sed ipsam terram & celum despicies , & Christo copulata cantabis : Pars mea Dominus. Post hæc quamquam Apostolus orare nos semper jubeat , & sanctis etiam ipse sit somnus oratio : tamen divisas orandi horas debemus habere , ut si forte aliquo fuerimus opere detenti , ipsum nos ad officium tempus admoneat.

## VIRGINITATIS.

Horam Tertiam , Sextam , Nonam , diluculum quoque , & Vesperam , nemo est qui nesciat. Nec cibi sumantur nisi oratione præmissa , nec recedatur à mensa , nisi referatur Creatori gratia. Noctibus bis terque surgendum , resolvenda quæ de scripturis memoriter retinemus. Egradientes de hospitio armet oratio ; regredientibus de platea oratio occurrat antequam sessio : nec prius corpusculum requiescat , quæm anima pascatur. Ad omnem actum , ad omnem incessum manus pingat Crucem. Nulli detrahás , nec adversus filium matris tuæ ponas scandalum. Tu quæ es , ut alienum servum judices ? Suo domino stat , aut cadit : Stabit autem : Potens est enim Deus statuere illum : Nec , si biduo jejunaveris , putes te non jejunantibus esse meliorem. Tu jejunas , & irascaris : ille comedit , & fronte blanditur. Tu vexationem mentis , & ventris suriem rixando digeris : ille moderatus alitur , & Deo gratias agit. Unde quotidie clamat Isaias : Non tale jejunium elegi , dicit Dominus. Et iterum : In diebus juniorum vestrorum inveniuntur voluntates vestræ , & omnes qui sub vestra potestate sunt stimularis. In judiciis & litibus jejunatis , & percutitis pugnis humilem. Ut quid mihi jejunatis ? Quale illud potest esse jejunium , cuius iram non dicam nox occupat , sed luna integrum derelinquit ? Te ipsam considerans , noli in alterius ruina , sed in tuo opere gloriarí. Nec illarum tibi exempla proponas , quæ carnis curam facientes , possessionum redditus , & quotidianas domus impensas supputant. Neque enim undecim Apostoli Judæ prædicatione sunt fracti , nec Philetio , & Alexandro facientibus naufragium , \* cæteri à cursu fidei substiterunt. Nec dicas : illa , & illa suis rebus fruietur , honoratur ab hominibus , fratres ad eam conve-

\* Locus est ex Epist. ad Timotheum.

## DE CUSTODIA

nunt, & sorores. Nunquid ideo virgo esse desiit? Primum dubium est, an virgo sit talis: Non enim quomodo videt homo, videt Deus: Homo videt in facie, Deus autem videt in corde. Dehinc, etiam in corpore virgo est, an spiritu virgo sit, nescio. Apostolus autem ita virginem definivit; ut sit sancta corpora & spiritu. Ad extremum habeat sibi gloriam suam. Vincat Pauli sententiam, deliciis fruatur, & vivat. Nos meliorum exempla sectemur. Propone tibi Beatam Mariam: quæ tanta extitit puritatis, ut Mater Domini esse mereretur. Ad quam cum Angelus Gabriel in viri specie descendisset dicens: Ave gratia plena, Dominus tecum, consternata & perterrita, respondere non potuit; nunquam enim à viro fuerat salutata. Deinde nuntium discit, & loquitur. Et quæ hominem formidabat, cum Angelo fabulatur intrepida. Potes & tu esse mater Domini. Accipe tibi tomum magnum, novum, & scribe in eo stylo hominis; velociter spolia detrahe, & postquam accesseris ad Prophetam, & conceperis in utero, & pepereris Filium dic: A timore tuo, Domine, concepimus, & dolimus, & peperimus spiritum salvationis tuæ, quem fecimus super terram. Tunc & filius tuus tibi respondebit, & dicet: Ecce mater mea, & fratres mei. Et mirum in modum ille, quem in latitudine pectoris tui paulo ante descriperas, quem in novitate cordis stylo designaveras, postquam spolia ex hostibus receperit, postquam denudaverit principatus, & potestates, & affixerit eas Cruci, conceptus adolescit, & major effectus sponsam te incipit habere de matre. Grandis labor, sed grande præmium, esse quod Martyres, esse quod Apostoli, esse quod Christus est. Quæ quidem universa tunc possunt, cum in Ecclesia fiunt,

## VIRGINITATIS.

cum in una domo Pascha celebramus: si arcam ingredimur cum Noe; si pereunte Jericho Rahab meretrix justificata nos continet. Cæterum virgines quales apud diversas hæreses, & quales apud in impurissimum Manichæum esse dicuntur, scorta sunt existimandæ, non virgines. Si enim corporis earum author est diabolus, quomodo possunt honorare plasmationem hostis sui? Sed quia sciunt virginale vocabulum gloriosum, sub ovium pellibus lupos tegunt: Christum mentitur Anti-Christus, & turpitudinem vitæ falso nominis honore convestiunt. Gaude soror, gaude filia, gaude mi virgo: quia quod aliæ simulant, tu verè esse cœpisti. Hæc omnia, quæ digessimus, dura videbuntur ei, quæ non amat Christum. Qui autem omnem sæculi pomparam pro purgamento habuerit, & vana duxerit universa sub sole, ut Christum lucrifaciat qui commortuus est Domino suo, & consurrexit, & crucifixit carnem cum vitiis & concupiscentiis, libere proclamavit: Quis nos separabit à charitate Christi? an tribulatio? an augustria? an persecutio? an famæ? an nuditas? an periculum? an gladius? Et iterum: Certus sum, quia neque mors, neque vita, neque Angelus, neque Principatus, neque Potestates, neque instantia, neque futura, neque fortitudo, neque excelsum, neque profundum, neque alia creatura poterit nos separare à charitate Dei, quæ est in Christo Jesu Dominô nostro. Dei Filius pro nostra salute hominis factus est Filius. Novem mensibus in utero, ut nascatur, expectat; fastidia sustinet, cruentus egreditur, pannis involvitur, blanditiis delinitur; & ille pugillo mundum includens, præsepsis continentur angustiis. Taceo, quod usque ad triginta annos ignobilis, parentum paupertate contentus est: verberatur, & tacet; crucifi-

gitur, & pro crucifigentibus deprecatur. Quid igitur retribuam Domino pro omnibus, quæ retribuit mihi? calicem salutaris accipiam, & nomen Domini invocabo: Pretiosa est in conspectu Domini mors Sanctorum ejus. Hæc est sola digna retributio, cum sanguis sanguine compensatur, & redempti crux Christi pro Redemptore libenter occumbimus. Quis Sanctorum sine certamine coronatus est? Abel justus occiditur. Abraham uxorem periclitatur amittere. Et ne in immensum volumen extendam, quare, & invenies singulos aduersa perpessos. Solus in deliciis Salomon fuit, & forsitan ideo corruit. Quem enim diligit Dominus, corripit: castigat autem omnem filium quem recipit. Nonne melius est brevi tempore dimicare, ferre valium, arma sumere, lassercere sub lorica, & postea gaudere victore; quam impatientia unius horæ servire perpetuo? Nihil amanib[us] durum est, nullus difficultas cipiendi labor est. Respice, quanta Jacob pro Rachel pœna uxore sustinuit. Et servivit, inquit Scriptura, Jacob pro Rachel annis septem; & erant in conspectu ejus quasi dies pauci: quoniam amabat illam. Unde & ipse postea memorat. In die urebar æstu, & gelu nocte. Amemus & nos Christum, ejusque semper quæramus amplexus, & facile videbitur omne difficile; brevia purabimus universa, quæ longa sunt; &, jaculo illius vulnerati, per horarum momenta dicemus: Heu me, quia peregrinatio mea prolongata est. Non sunt enim condignæ passiones hujus temporis ad futuram gloriam, quæ revelabitur in nobis. Quia tribulatio patientiam operatur, patientia autem probationem, probatio autem spem, spes autem non confundit. Quando tibi grave videtur esse quod sustines, Pauli secundam Epistolam ad Corinthios lege: In laboribus plu-

gim, in carceribus abundantius, in plagiis supra modum, in mortibus frequenter. A Judæis quinques quadragenas una minus accepi: ter virgis cæsus sum; semel lapidatus sum; ter naufragium feci: nocte & die in profundo maris fui. In itineribus saepius, periculis fluminum, periculis latronum, periculis ex genere, periculis ex gentibus, periculis in civitate, periculis in deserto, periculis in mari, periculis in falsis fratribus; in laboribus, in miseriis, in vigiliis multis, in fame & siti, in jejuniis plurimis, in frigore & nuditate. Quis nostrum saltem minimam portionem de catalogo harum sibi potest vindicare virtutum? ob quæ ille postea confidenter ajebit: Cursum consummavi, fidem servavi; superest mihi corona justitiae, quam tribuit mihi in illa die Dominus justus Iudex. Si cibus insulsior fuerit, contristam, & putamus Deo nos aliquod præstare beneficium; cum aquatius vinum bibimus, calix frangitur, mensa subvertitur, verbera resonant, & aqua tepidor sanguine vindicatur. Regnum cœlorum vim patitur, & violenti rapiunt illud. Nisi vim feceris, cœlorum regna non capies. Nisi pulsaveris importunè, panem non accipies sacramenti. An non tibi videtur violentia, cum caro cupit esse quod Deus est, & illuc undè Angeli corrueunt, Angelus iudicatura descendit? Egresso, quæso, paulisper de carcere, & præsentis laboris ante oculos tuos tibi pingue mercedem, quam nec oculos vidit, nec auris audivit, nec in cor hominis ascendit. Qualis erit illa dies, cum tibi Maria Mater Domini choris occurret comitata virginis? Cum post rubrum mare, submerso cum suo exercitu Pharaone, tympanum tenens præcinet responsuris: Cantemus Domino, gloriose enim honorificatus est: equum & ascensem projec-

cit in mare. Tam Thecla in tuos læta volabit amplexus. Tunc & ipse Sponsus occurret & dicet : Surge, veni proxima mea, speciosa mea, columba mea, quia ecce hyemis transivit , pluvia abiit sibi. Tunc Angeli mirabuntur, & dicent: Quæ est ista prospiciens quasi diluculum , speciosa ut luna , electa ut sol ? Videbunt te filiæ , & laudabunt reginæ , & concubinæ prædicabunt. Hinc & alius castitatis chorus occurret : Sara cum nuptis veniet , filia Phanuelis Anna cum viduis: erunt in diversis gregibus carnis & spiritus matres tuæ. Lætabitur illa quod genuit, exultabit ista quod docuit. Tunc verè super asinum Dominus ascendet, & cœlestem ingredieretur Jerusalem. Tunc parvuli , de quibus in Isaia Salvator effatur: Ecce ego, & pueri mei, quos mihi dedit Deus, palmas victoriae sublevantes , consono ore cantabant: Osanna in excelsis: Benedictus qui venit in nomine Domini: Osanna in excelsis. Duxcentum quadraginta quatuor millia in conspectu throni, & seniorum tenebunt cytharas, & cantabunt canticum novum, & nemo poterit dicere canticum illud, nisi numerus definitus. Hi sunt qui cum mulieribus se non coquinaverunt , virgines enim permanserunt. Hi sunt, qui sequuntur Agnum quocumque vadit. Quotiescumque te vana sæculi delectaverit ambitio, quoties in mundo aliiquid videris gloriosum ; ad paradisum mente transgredere , esse incipe quod futura es, & audies à Sponso tuo : Pone me sicut umbraculum in corde tuo, sicut signaculum in brachio tuo: & corpore pariter ac mente munita clamabis, & dices: A quæ multa non potuerunt extinguere charitatem, & fluminæ non operient eam.

# INDEX

## EPISTOLARUM

### DIVI HIERONYMI, QUÆ IN HOC volumine continentur.

A	D	H	9
Ad Nepocianum , de vita Clericorum.		Heliodorum, de laude vitæ solitariæ.	9
Ad Rusticum monachum , de forma vivendi.		Ad Nepocianum , de vita Clericorum.	20
Ad Florentium.		Ad Rusticum monachum , de forma vivendi.	37
Ad Eundem.		Ad Florentium.	55
Ad Lætam , de institutione filiæ.		Ad Eundem.	56
Ad Gaudentium , de Pacatulæ institutione.		Ad Lætam , de institutione filiæ.	57
Ad Paulinum , de institutione monachi.		Ad Gaudentium , de Pacatulæ institutione.	72
Ad Marcellam , de laudibus Assellæ.		Ad Paulinum , de institutione monachi.	78
Ad Asselam.		Ad Marcellam , de laudibus Assellæ.	88
Ad Principiam Virginem Marcellæ epitaphium.		Ad Asselam.	91
Ad Marcellam , quam invitat ad rus.		Ad Principiam Virginem Marcellæ epitaphium.	95
Ad Eustochium , de acceptis ab ea munusculis.		Ad Marcellam , quam invitat ad rus.	107
Ad Marcellam , de acceptis munusculis.		Ad Eustochium , de acceptis ab ea munusculis.	110
Ad Paulum Concordiensem.		Ad Marcellam , de acceptis munusculis.	112
Ad Marcellam , de ægrotatione Blæsillæ.		Ad Paulum Concordiensem.	113
Ad Paulam super obitu Blæsillæ filiæ.		Ad Marcellam , de ægrotatione Blæsillæ.	115
Ad Marcellam de exitu Leæ.		Ad Paulam super obitu Blæsillæ filiæ.	119
Ad Pamphacium , consolatio super obitu uxoris.		Ad Marcellam de exitu Leæ.	131
Ad Lucinium.		Ad Pamphacium , consolatio super obitu uxoris.	134
Ad Theodoram epitaphium Lucinii Bœtici.		Ad Lucinium.	146
Ad Theophilum.		Ad Theodoram epitaphium Lucinii Bœtici.	152
		Ad Theophilum.	157

TABULA EPISTOLARUM.

Ad Abigaum.	159
Ad Castrutium.	161
Ad Julianum.	164
Ad Exuperantium hortatiora.	171
Ad Castorinam materteram.	175
Ad Julianum Diaconum.	176
Ad Theodosium.	178
Ad Virgines Hermonenses.	179
Ad Ruffinum.	181
Ad Nitiamatis	186
Ad Chromatium.	187
Ad Chrysogonum monachum.	191
Ad Antonium, de modestia.	192
Ad Damasum.	193
Ad Eundem.	197
Ad Marcellam.	199
Ad Alipium, & Augustinum.	200
Ad Augustinum.	202
Ad Eundem.	205
Ad Magnum Oratorem Romanum.	Ibi.
Ad Augustinum.	209
Ad Eundem.	211
Ad Eundem.	213
Ad Bonasum.	214
In Pentateuchum Moysi præfatio.	216
Ad Pammachiam, de optimo genere interpretandi.	216
Ad Marcellam.	235
Ad Pulinum.	237
Vita Pauli Eremitæ.	262
Divi Cæciliæ Cypriani Donato epistola.	263
Hieronymus ad Eustochium, de Virginitatis custodia.	

SENTENTIÆ UTILISSIMÆ  
selectæ ex Epistolis Divi Hieronymi.

*Ex Epistola ad Heliodorum, fol. 1.*

- 1 **N**Udus amat eremus.
- 2 **A**ffatim dives est, qui cum Christo pauper est.
- 3 **E**rras frater, erras si putas unquam Christianum persecutionem non pati.
- 4 **T**unc maximè oppugnaris, si te oppugnari nescis.
- 5 **C**ur timido animo Christianus es?
- 6 **H**æreditatem expectans sæculi, cohæres Christi esse non poteris.
- 7 **P**erfectus servus Christi nihil præter Christum habet, aut si quid præter Christum, perfectus non est.
- 8 **Q**ui dicit se in Christum credere, debet quomodo ille ambulavit, & ipse ambulare.
- 9 **U**bi minus est, Perfectum non potest dici.
- 10 **P**erfectum esse nolle, delinquere est.
- 11 **V**æ illi, qui acceptum talentum in sudario ligans, cæteris lucra facientibus id tantum quod accepérat, reservavit.
- 12 **D**um tu ignavus negotiator denarium tenes, alterius locum, qui pecuniam dupicare poterat, occupasti.
- 13 **N**on facit Ecclesiastica dignitas Christum.
- 14 **C**ui plus creditur, plus ab eo exigitur.
- 15 **P**ro Sacerdotis lapsu quis rogaturus est?
- 16 **Q**uid agis frater in sæculo, qui major es mundo?

TABULÆ

17 Delicatus es frater, si & hic gaudere cum seculo, & postea regnare cum Christo.

*Ex Epistola ad Nepotianum, fol. 20.*

- 1 Propterea Clerici vocantur, vel quia de sorte Domini sunt, vel quia ipse Dominus sors, id est: pars Clericorum est.
- 2 Qui vel ipse pars Domini est, vel Dominum partem habet, talem se exhibere debet, ut & ipse possideat Dominum, & possideatur ab eo.
- 3 Qui Dominum possidet, & cum Propheta dixit: Pars mea Dominus, nihil extra Dominum habere potest. Quod si quidpiam aliud habuerit præter Dominum, pars ejus non erit Dominus.
- 4 Ignominia omnium Sacerdotum est propriis studere divitiis.
- 5 Non confundant opera tua sermonem tuum.
- 6 Sacerdotis Christi os, manusque concordent.
- 7 Multo molius est duabus imperfectis, rusticitatem sanctam habere, quam eloquentiam peccatricem.
- 8 Cogitemas Crucem Christi, & divitias lutum putabimus.
- 9 Dum delicias sectamur, à regno colorum retrahimur.
- 10 Scito quia per cuncta, quæ de aliis loqueris, tua conscientia judicaris: & in his ipse deprehendebis, quæ in aliis arguebas.
- 11 Nemo invito auditori libenter referret.
- 12 Discat detractor dum te videt non libenter audire, non facile detrahere.
- 13 Optimus dispensator est, qui nihil sibi reservat.

SENTENTIARUM.

*Ex Epistola ad Rusticum, fol. 37.*

- 1 Non est culpa Christiani nominis, simulator religionis in vitio sit.
  - 2 Modicus, ac temperatus cibus, & carni, animæ utilis est.
  - 3 Nulli parcas, ut soli animæ parcas.
  - 4 Mihi oppidum carcer, & solitudo Paradysus est.
  - 5 Iram vince patientia.
  - 6 Ama scientiam Scripturarum, & carnis vitia non amabis.
  - 7 Facito aliquid operis ut te semper diabolus inventiat occupatum.
  - 8 Nisi oderimus malum, bonum amare non possumus.
  - 9 Sicut enim sagitta si mittatur contra duram materiam nonnumquam inmittentem revertitur, illudque completrur: *Facti sunt mibi in arcum pravum: ita detractor cum tristem faciem viderit audientis, imo ne audientis quidem, sed obturantis aures suas ne audiat judicium sanguinis, illico conticescit, pallet vultus, hærent labia, saliva siccatur.*
  - 10 Utinam quod renuntiamus sæculo, voluntas sit, non necessitas, & paupertas habeat expedita gloriam, non illata cruciatum.
  - 11 Si habes substantiam, vende, & da pauperibus. Si non habes, grandi onere liberatus est.
  - 12 Nudum Christum, nudus sequere.
- Ex Epistola ad Lætam, fol. 59.*
- 1 Numquam est sera conversio; ne scilicet quis desperet.
  - 2 Non sunt contemnenda quasi parva, sine quibus magna constare non possunt.

TABULÆ

- 3 Venena non dantur, nisi melle circunlita: & vitia non decipiunt, nisi subspecie, umbraque virtutum.
- 4 Si tanti vitrum, quare non majoris sit pretii margaritum?
- 5 Aequa gratia, aequum habet & laborem.

*Ex Epistola ad Gaudentium, fol. 72.*

- 1 Ut aqua in areola digitum sequitur præcedentem: ita ætas mollis & tenera in utramque partem flexibilis est, & quocumque duxeris.
- 2 Multitudo peccantium, peccandi licentiam subministrat.
- 3 Vivimus, quasi altera die morituri, & ædificamus quasi semper in hoc sæculo vici.
- 4 Auro parietes, auro laquearia, auro fulgent capita columnarum, & nudus, atque esuriens ante fores nostras Christus in paupere moritur.
- 5 Necum introitus, jam exitus: *Seilicet de mundo.*

*Ex Epistola ad Paulinum, fol. 78.*

- 1 Plenus venter facile de jejuniis disputat.
- 2 Non Jerosolymis fuisse, sed Jerosolymis benè vivisse laudandum est.
- 3 Singuli quique credentium non locorum diversitatibus, sed fidei merito ponderantur.
- 4 Verum Christi templum anima credentis est, illam exorna, illam vesti, illi offert donaria, in illa Christum suscipe.
- 5 Quæ utilitas est parietes fulgere gemmis, & Christum in paupere fame pericitari?
- 6 Non Christianum grande est, non videri.
- 7 Nescio quomodo plus placent mundo, qui Christo displicant.

SENTENTIARUM.

- 3 Capite quippe sano, omnes sensus vigent.

*Ex Epistola ad Principiam, fol. 95.*

- 1 Erubescit, quamvis præclara doctrina, quam propria reprehendit conscientia.
- 2 Frustra ejus lingua prædicat paupertatem, & doceat, eleemosynas, qui Croesi divitiis tumet.

*Ex Epistola ad Marcellam, fol. 107.*

- 1 Tot habemus personarum similitudines, quot peccata.
- 2 Adversarius quippe Christi est, & Anti Christus, cui præcepta displicet Christi.

*Ex Epistola ad Pammachium, fol. 134.*

- 1 Quid boni habeat sanitas, languor ostendit.
- 2 Plus sensimus quod habuimus, postquam habere desivimus.
- 3 Ingenia liberaliter educata, facilius verecundia, quam metus superat, & quos tormenta non vincunt, interdum vicit pudor.
- 4 Lucet margaritum in sordibus: & fulgor gemmæ purissimæ etiam in luto radiat.
- 5 Pars sacrilegii est, rem pauperum dare non pauperibus.
- 6 Tibi non sufficit opes contemnere, nisi Christum sequaris: Christum autem sequitur, qui peccata dimittit, & virtutum comes est.
- 7 Apostoli quantum ad divitias nihil, quantum ad voluntatem totum mundum pariter reliquerunt.
- 8 Si offeramus Christo opes cum anima nostro, libenter suscipiet. Si autem quæ foris sunt Deo, quæ intus sunt diabolo demus, non est aequa parti-

TABULÆ

tio, & dicitur nobis : nonne si recte offeras,  
& non rectè dividas, peccasti ?

*Ex Epistola ad Lucinium, fol. 146.*

- 1 Cœpisse multorum est: ad culmen pervenisse pauperum.
- 2 Aurum deponere incipientium est, non perfectorum; se ipsum offerre Deo, propriè Christianorum est, & Apostolorum.
- 3 Dominus magis querit animas credentium, quam opes.

*Ex Epistola ad Castrifum, fol. 161.*

- 1 In amicis non res quæritur, sed voluntas. Quia alterum ab inimicis sæpe præbetur; alterum sola charitas tribuit.
- 2 Magna ira est, quando peccantibus non irascitur Deus. Non erudit pater, nisi quem amat. Non corripit Magister discipulum, nisi eum, quem ardenter cernit ingenii: Medicus si cessaverit curare, desperat.

*Ex Epistola ad Julianum, fol. 176.*

- 1 Te ipsum vult Dominus hostiam vivam placentem Deo: te inquam, non tua.
- 2 Felix, & omni dignus beatitudine, quem senecus Christo occupat servientem, quem extrema dies Salvatori invenerit militantem.
- 3 Difficile, imò impossibile est, ut & præsentibus quis, & futuri fruatur bonis: ut & hic ventrem, & ibi mentem impleteat: ut de deliciis transeat ad delicias: ut in utroque sæculo primus sit: ut & in terra appareat gloriosus.
- 4 Et sancti corrunt si fuerint negligentes; & pec-

SENTENTIARUM.

- catores pristinum recipiunt gradum, sordes fletibus abluant.
- 5 Multæ hominibus viæ videntur justæ, quæ postea reperiuntur pravæ. Et in testaceis vasculis thesaurus sæpe reconditur.

*Ex Epistola ad Ruffinum, fol. 181.*

- 1 Tunc poteris claudare victoram, cum laborem prælantis agnoveris.
- 2 Charitas non potest comparari: dilectio pretium non habet.

*Ex Epistola ad Pammachium, fol. 219.*

- 2 Errasse humanum est, & confiteri errorem prudentis.
- 3 Qui in sermone imitari se dicit Apostolos, prius imitetur virtutes in vita illorum.

*Ex Epistola ad Paulinum, fol. 237.*

- 1 Vera illa necessitudo est, quam non utilitas rei familiaris, non præsentia tantum corporum, non subdola, & palpans adulatio: sed timor Dei, & divinarum Scripturarum studia conciliant.
- 2 Sancta quippe rusticitas solum sibi prodest, & quantum ædificat ex vita merito Ecclesiam Christi, tantum nocet, si destruentibus non resistat.
- 3 Nemo renuntiaturus sæculo, bene potest vendere quæ contempsit, ut venderet.
- 4 Totum Deo dedit, qui seipsum obtulit.
- 5 Facile contemnit omnia, qui se semper cogitat moritum.

*Ex Epistola ad Eustachium, fol. 276.*

- 2 Adulator quippe blandus inimicus est.

TABULÆ

- 2 Onusta incedis auro, latro tibi vitandus est.
- 3 Stadium est hæc vita mortalibus, hic contendimus, ut alibi coronemur.
- 4 Quandiu hoc fragili corpore detinemur, quandiu habemus thesaurum istum in yasis fœtilibus, & concupiscit spiritus adversus carnem, & caro adversus spiritum, nulla est certa victoria.
- 5 Dum parvus est hostis, interfice: nequitia, ne zizania crescant, elidatur in semine.
- 6 Vinum, & adolescentia duplex incendium voluptatis est.
- 7 Illico mens repleta torpescit, & irrigata humus spinas libidinum germinat.
- 8 Carnis amor spiritus amore superatur. Desiderium desiderio restringitur. Quidquid inde minuitur hinc crescit.
- 9 Tua Regio Paradysus est.
- 10 Non sufficit scire quod bonum est nisi custodiatur attentius, quod perfectum est; quia illud judicii est, hoc laboris, & illud commune cum pluribus, hoc cum paucis.
- 11 Solus in deliciis Salomon fuit, & forsitan ideo corruit.
- 12 Nihil amantibus durum est, nullus difficilis cupienti labor est.
- 13 Nisi vim feceris, celorum regna non capies. Ni-  
si pulsaveris importunè, panem non accipies Sa-  
cramenti.
- 14 An non tibi videtur violentia, cum caro cupid es-  
se quod Deus est: & illuc unde Angeli corre-  
runt, Angelos judicatura concendit.

F I N I S.



UAN

IDAD AUTÓNOMA DE NUEVO  
OCIÓN GENERAL DE BIBLIOTECAS